



2.2

8

48

6
10-f
2



iotheca
oll. Rom.
Jesu


~~22-6-52~~

22

~~6~~

48

~~6-10-f, 2~~





FRANCISCI
REMONDI
DIVIONENSIS

è SOCIETATE IESV

Panegyricæ Orationes XXX

in laudem Sanctorum

IGNATII LOYOLÆ


Soc. IESV Fundatoris,

&

FRANCISCI XAVERII

eiusdem Societatis, Indiæ &

Iaponiæ Apostoli.



ANTVERPIÆ

Ex Officina MARTINI NYTII

Anno M. DC. XXVII. †



ADMODVM R. P. IN CHRISTO

P. MVTIO VITELLESKO

SOC. IESV PRÆPOSITO

GENERALI.



*Tertius annus est, cum non
solum tui desiderij signifi-
catio mihi, Pater optime,
imperium fuit, verum et-
iam mei erga sanctissimos
viros Ignatium Loyolam,
& Franciscum Xaverium debiti ratio à me
solutionem exegit. Contuli me ad hoc quod
vides opus. Varijs occupationibus non se-
mel est intercisum. Continuata volunta-
te, nunc tandem utcumque confectum pro-
dit. Tibi offero dicoq; Ignatij nimirum
successori, eiusdemq;, ac Francisci conspi-
cui imitatori. Tua te virtus extulit in
eum quem tenes dignitatis gradum. hic
cum illa de magnitudine contendit. Nobi-
le iurgium luditur aequalitate. Gradum il-
lum in te Societas reueretur, virtutem co-
lit, amat utrumque. O amplum præconiij
compendium! Hac molesta sunt auribus
tuis. scio. Hoc uno tua virtus inimica sui*

est. noli esse mihi. Quid vis faciam? Do
locum animo meo. Tu da veniam contu-
maciae veritatis. Sunt & in me aliae priva-
tationes. Ego te quondam Romae, ado-
lescens adolescentem vidi spectauig, virgi-
neo pudore, morum innocentia, summâque
ad omnem doctrinam ingenij felicitate,
veluti Romanae principem iuuentutis. Ha-
buere omnes tuo exemplo quid discere,
quidq, agere possent. Et mihi etiam te-
cum in Societate studiorum pars exacta.
Erat tum in Romano Collegio, caelestis tuae
cum omnibus consuetudinis operosa suani-
tas, omnium amor ac pia delicia: & parti-
ceps fui. Diuina subinde dotes, prudentiae
praesertim, ac vitae integritatis, in te ad cu-
mulum aucta, magno Societatis bono. Prae-
cellentissimum Philosophiae ac Theologiae
professorem excepere grauiissima munia.
Interim tua mihi absenti praesentia haesit.
Defixa fuerat menti, non loco. At nunc er-
ga tantum virum, nostrig, Ordinis aput,
quem me esse oportet? Si consulo paruita-
tem meam, prouisum mihi est. Nihil ad ve-
nerationem re abiectâ pronius. Omnium
infimus, nemini potero in te honorando esse
infe-

*inferior. Sed ut finem ad initium refe-
ram, excipe hoc qualecumque argumentum
obseruātia erga te meā; atque in primis er-
ga beatissimum parentem nostrum, eiusq̃
primarium sanctitate filium, cultus pieta-
tisq̃ monumentum. In eo elaborando co-
natus spei meā, spes tuo desiderio adnixa
est. Impares fuere molimini vires. conatu
fractō, spes excidit. stat desiderium tuum.
consolare illud. Ex isto quippe casu surget
forsitan maior gemino heroi gloria. Id si
contingat, ambitiosa fiet in eorum laudes
desperatio mea, & in tui semper obse-
quium animosa timiditas. Vale. Mantuae,
ipso die festo S. Ignatij, qui postremus Iulij
mensis. anno 1625.*

Admodum R. P. Tuæ

obsequentissimus in Christo filius,
ac seruus

Franciscus Remondus.

A 3

AV-

AVCTOR LECTORI.



MIRABERIS forsan, amice, quisquis es, honorande, huius panegyrici operis contextum. Causam accipe.

Vbi ego illud, quamquam serò, animaduerti vno tantùm tractu excurrere longissimè, vt te ad quietem subindè sisteres, meliore consilio, in partes frègi. quibus, excepta prima, paucisque alijs, exordia non induxi. Quid enim necesse id fuit? Consule in Catilinarijs, ac Philippicis orationum initia. Quod Marco Tullio in homines perditos inuehenti fas fuit, mihi sanctissimorum virorum facta celebranti non liceat? Malè potiùs habet toti operi meo, quòd erga illos non benè. Quàm dispar (Deus bone) tot ac tantis meritis laudatio! Sed habeo pudori meo perfugium. Ab excessu olim è grammaticis, Romæ ingressum in Societatem LESV, me sesquianus discipulum Rhetoricæ habuit, annus

nus magistrum. Nihil mihi prætereâ cum illis literis, facilè ignoscant: miores appellantur. In Philosophicis, ac Theologicis doctrinis, partim studendo, partim quamplurimis annis publicè docendo, partim scribendo, reliquum vitæ spatium ad hoc usque tempus exhausti. Poëtica tamen quædam, & oratoria, tū adolescēs tum vir, interdum fudi; obiectâ fortè, ut sit, occasione, aliorū rogatu, vel iussu. Hæc postea vidēre lucē, nescio an tu corū tenebras. Quali acumque sint, diuersis in prouincijs sæpè triuēre in prælo plumbum, me ut plurimum inscio. Ut cognoui, sunt illæ, dixi, impressæ notæ pudoris mei, tametsi nigræ. ruberent, si possent, ad verecundiam conspiciuam. Vester fuit, ô typographi, in tenui labor. Spem indè facitis operi nouo. Sed væ mihi, ætate senili cum florente commissâ. Deus benè vertat mihi, vobisque. Ad te redeo, mi, non censor, obsecro, sed lector. Monitum te velim, non eâdem omninò, quâ antea, me nunc vsum scribendi formâ.

Enimuero nec in istis Panegyricis orationibus vnum tenui stylum. Id vltro animaduvertere poteris. quod quidem studiosè à me, non casu; consilio, non temerè factum. Varia sunt, cum semper, tum hoc præsertim seculo ingenia hominum. Sic & in naturâ vides dissimilia oris humani lineamenta, & colores. Est & in victu dissidium. Non vnus cuilibet stomacho cognatus cibus: neque idem cuilibet palato sapit. In mensis ipsa quoque splendet prudentia, ferculorum discrimine & condimento. suam quisque illic habet ad gustum arbitram manum. Ego quod doctorum, atque acri iudicio virorum non minori forsitan parti acceptum, aut quidem certè non improbatum iri speravi, præstare conatus sum. (quis enim tam fatuæ confidentiæ, qui se credat placere omnibus posse?) Spem hanc meam formidine languentem vis debitæ pietatis erexit animauitque. Vt vt mihi res cedat, patronā habebo conscientiam, quòd & officij mei memor, & Euangelicæ pauperis viduę ductus

ductus exemplo, quæ, Christo teste, suas in templi gazophylacium diuitias fudit, duo quoque minuta in Christianorum oratorum thesaurum inferuerim, demisso vultu, & dexterâ reuerenti. Si nihil hæc ad augmentum, profectò nec ad decrementum facient. nec aspernabitur, vt spero, spectator cum Ignatio & Xauerio ex alto Deus. Adde, quòd inter multos, & eos quidem fortasse criticos, si quis ad ætatem meam, per tertiumdecimum lustrum fugientem conuerterit oculos, inueniet sibi locū prudētiæ, & mihi veniæ. At si quando in istius libri mei lectiōne offendiculum occurret, laxa menti moram, preme ore sententiam. Turpius est in iudicio mendacium, quàm in typo mendum. In naturæ humanæ sibi relictæ miseranda conditione, nihil est stabilius casu. Verùm ad huius rei confessionem mutila esse nequit tua, mi lector, integritas. Vale.

FRANCISCI REMONDI DIVIONENSIS

Societatis I E S V

PANEGYRICA

ORATIO I.



IGNATII *profana militia, sacra prima origo.*



Vnc demùm noua & inaudita celebritate, coniurantibus in laudes Ignatij & Francisci cum cælo terris, tutiusne sit penè iam erumpentem coërcere silentio vocem, an cupiditate arbitra ad dicendum ora laxare; mihi profectò, suspenso paulisper animo, consideranti, tam periculosum videtur experiri, quàm difficile iudicare. Etenim cùm supremus Ecclesiæ Catholicæ Princeps, diuino numine afflatus, cos nuper, vtpotè in cælesti regno triumphantes, venerandos & colendos esse decreuerit, idque illis à nostra imprimis Societate peculiari ac proprio iure debeatur; cò me adduci & compelli sentio; vt mearum virium conscientiam increpante

pante officio, metus cum temeritate contendat. Si mihi silentium indixero, taciturnitas ipsa fiet minimè pij, & maximè ingrati animi prædicatione. muta facundia contra se declamabit. Miseranda conditio, reum in sui damnationem, & testem esse, & patronum. Sin ad dicendum dominæ voluntati parvero, inanes fiangam sonos, miserasque voces disperdam, ad aurium fastidium; & auræ obstrepentis ludibrium. Digna nimis confidentiæ merces, suo laborasse dedecori. An exhibebo vtriusque periculi redemptionem paucitate verborum? Ne id quidem. Iniquum est enim, officium corrumpere, compendij lucro; & hortantur ad pietatem verecundâ propensione, stultum est à tam honesto aleæ iactu nimio timore subducere manum.

Vos ô noua lumina cælo addita, quorum splendoribus percussus sol ipse lucis parens & largitor se condit in tenebras, & nocturna siderum præses ac ductrix, pudore obnubila, non iam vt fax per umbras incedit, sed aliunde mendicantem in umbris exuit lucem; Vos qui tenebrarum imperatoribus diuina virtute profligatis, è tot gentium ac nationum mentibus tererrimam noctem depulistis, flectite in me istos oculos, à nemine vnquam auersos, oculos, inquam, spei meæ iubar, spicula caritatis. Ex istis
geminis

geminis radiorum fontibus, decutite rorantes in me scintillarum imbres, vos qui cæteris profusâ largitate flammeos torrentes propinatis. Vestram opem imploro, egenti parate, concedite flagitanti, ut quandoquidem nefas est silere de vobis, & nimis arduum dicere, eam firmetis dubia in mente sententiam, quâ nec caudacter dixisse videar, nec turpiter siluisse. Enimuero & hoc me omni trepidatione sedatâ, animosum reddat oportet, quod cum hoc tempore domina gentium Ciuitas, suis penè conuulsa sedibus in laudes & gratulationes effusa sit, cum eloquentissimorum hominum præconijs templa, theatra, compita, gymnasia personent, cum urbium omnium ac prouinciarum faustis acclamationibus intremat cælum, terra dissulter, immugiat mare, aër surdescat, & conspirantes ventorum turmæ, in festiuo communi tripudio suas sibi partes obstinatâ hilaritate deposcant; non dubito, quin ista exilis ac tenuis oratio mea, ut sese primum extulerit, tam vasto sonitu, atque audio plausu repentè sorbeat. Quare non spernetur ignota; non audita, non erubescet; nec se iactabit oppressa. nisi fortè fidenter insolescat, dum sua se ruina tutatur. A te igitur, ô IGNATI, vir maxime ac sanctissime, mihi erit dicendi principium, à quo,
tan-

tanquam parente , nostra Societas duxit initium. Videre iam videor splendentia Gallorum arma , instructos exercitus , explicatas acies ; iam tubarum clangor , ac tormenti bellici fragor ad aures insanit. Agite , ruite , potentissimi Celtæ. Non est profectò , non est , ad vnus Nauarræ , Hispaniæ anguli expugnationem , sed ad totius orbis terræ prouincias , ab Ignatio præstantissimo duce , eiusque socijs , atque in primis à Francisco Xauerio Indiarum & Iaponiæ victore & gloriâ , non minùs felici , quàm diuerso , nec minùs salutari , quàm necessario bellandi genere , partim tuendas , partim Christo Optimo Maximo subigendas¹ , hic tantus vester apparatus , hæc tanta potentia , viresque conuersæ. O diuinæ arcana prouidentiae ! O rerum maximarum latentia semina ! quàm sæpè vt secundi aduersos , ita secundos aduersi casus trahunt. Hæ phalanges , hic equitatus , cælo indormientes excitat terras. Iam Cantabria Ignatij & Francisci fortunatissima parens , ad nouorum orbium partum grauidatur. Insta miles : vrge. Ignatio militas , tuus iste ardor atque impetus , illi æquè ac tibi nunc ignotis rerum euentibus famulatur. Cingitur obsidione Pompeiopolis. clarum nomen à conditore ; à defensore præclarius. Capi-

tur

tur oppidum, quia capi potuit: non deditur, quia non decuit. in altero virtus, in altero fortuna, Mars in viroque. Arx, non animus, cedit, dum tormenti bellici globo e muro violenter resiliente, propugnantis Ignatij fulminata tibia agnoscit in telo potentiam, non in hoste victoriam. sternitur propemodum exanimatum corpus; mens adsurgit animosior. Hostilis manus hosti attulit non petitam pretioso vulnere medicinam. O quanta fors incubuit in ignotæ salutis exordium! nulla unquam dextera, lethifero intenta ictui, tam bene ad immortalitatem collimauit. At claudicabit Ignatius. quid tum? Animi stabilitas, vacillante corpore, claudicare non potest. Huius stabilitatis firmamentum à flamma & luce est. Harum omen in tuo nomine, Ignati; origo diuinitus in mente; ministerium ex inflicto vulnere. Nonne vides? nonne sentis? crus concepto igne ex illa glande scintillat. Hinc cor flammam & lucem corripit. Itaque nouus & ardens mox tibi aperietur dies. Sic olim magnus ille Patriarcha cum cælesti quodam principe ac milite tota nocte luctatus, sibi percusso & succiso femoris neruo, è diuino aspectu clarissimum nomē comparauit. Huic optabilior fuit claudicatio in luce, quam reclusus in tenebris incessus. habet illa securitatem pro comite; hic casum pro duce, O quot in hoc

hoc nutante Ignatij crure firma cudentur ad
æternæ gloriæ iter vestigia! O quot in infle-
xa modicè tibia, gressus errantium dirigun-
tur! O quot pes ille, vbi conualuerit, homi-
num concursus concitabit! Iactet se gloriosus
ille Pompeius, cui è lubrico Syllanæ linguæ
lenocinio, fors Magni cognomentum proie-
cit. si Latium, inquit, semel tantum pede pe-
pulero, Italiam vniuersam militibus comple-
bo. Pepulisti profectò, & non semel, cum
properato turpiter ad fugam gradu, Italiam
copijs viduasti, cum Romanam Rempubli-
cam, teque tuosque perdidisti, cum mendica-
to præteritæ arrogantæ ad perflugium hospi-
tio, tuum illud genu, tot regum osculis adora-
tum, Ægyptio regulo puero flectere non du-
bitasses, nisi priùs tua illa mascula quondam
virtus fuisset nescio cuius castrati imperio
contruncata. Occubuisti ne procumberes.
Hoc à me habeto elogium. Si magnitudini
tuæ breue est, vrna minor est. Cornelia con-
iux collige cineres, & iudica. At verò non fa-
stioso ac tonante pedum pulsu, non opibus,
armis, honoribus, audacia, non superbo nutus
iaculo, ac fronte procellosâ, sed humili ac mu-
to gradu vagus, paupertate diues, nuditate ar-
matus, sui desipientia erectus, diffidentia se-
curus, & oris serenissimi modesto flexu syre-
neus Ignatius, vbi se, Christo imperante ac
duce

duce, ad Summi Pontificis pedes venerabundus abiecerit, excito repentè terrarum solo, innumerabiles Catholicorum hominum ceteruas cogat ad vitam, enectis virijs, meliorem capeffendam; & densissimos Orthodoxæ Religionis hostium, ac barbarorum nimbos, ad se, & ad Franciscum cerratim conuolantes, diuinâ luce atque æstu soluendos, insolitâ voluptate conspiciet. Maria omnia quâ sol surgit & labitur, multarum gentium ad eos confluentium naues, pietatè gubernatrice, & carbassis Numine spirante turgentibus intrepidas, in attonitis prona litoribus, cæteris despumatis mercibus, reuerenti tranquillitate deponent.

O R A T I O II.

Curatio vulneris medicinam IGNATII animo parat.

Magna profectò omni ex parte vis virtutis, cum vel inter atrocissima prælia efferratos hostium animos non solùm emolliat, verum etiam in mutuam admirationem, amoremque compellat. Nouum nunc rei huius, ac nobile iucundumque sese Pompeiopoli theatrum spectatoribus aperit. Expugnata enim arce, & capto IGNATIO, canitur receptui. Mars se subducit in castra. Et ecce nouus,

uus confestim prodit Imperator. Vultus amor-
 rem mentiri non potest. Amor est. Huius
 edicto inter Hispanum, & Gallos alterius,
 generis pugnae spectaculum pronuntiatur. Hi
 commiseratione decertant, ille constantiâ.
 Præsentem miratur hostis in hoste victoriam.
 Non est armorum, sed amorum generosa
 contentio. Illinc magnanimitas, hinc digla-
 diatur benignitas. Sauciantur animi, non
 corpora. O felicia vulnera, quibus nulla est
 meditanda, nec quærenda curatio! Interea
 Ignatius doloris sensum, quo caret, transmit-
 tit in hostes; quippe qui lacrymis parentare
 iam videntur, propemodum certæ (ut veren-
 tur) illius mortis: dubia sententia an se pigeat
 tela vibrasse tanti militis malo, an præstat di-
 micasse, tam insigni fortitudinis experimen-
 to. Ille, contra, morti vitam interritus libat,
 nec pudet certaminis pro gloriâ, nec tædet
 plagæ pro patria. Rei exitus est in thesauris ar-
 canorum Dei. Generosi Celtæ, ac non minùs
 innatâ humanitate, morumque suauitate,
 quàm animi magnitudine ac fortitudine in-
 signes, iam ut video dexteris cum Hispano
 præstantissimo duce ad fœdera vobis occulta
 iungitis. Iam celeberrimæ Societatis IESU na-
 scuntur auguria. An datis beneficia Ignat-
 io, an accipitis? Vestra profectò fœneratur
 humanitas. Erit, erit aliquando illud tem-

pus, cùm nunc inserta in Ignatio vestræ benevolentiae germina, ita sensim adolescent, ut in vos ipsos, ac posteros vestros, propitio cælo, maturos, & nunquam deciduos fructus, incredibili copiâ fundant. Curre, curre sanguis ex illo Ignatii vulnere, discrimina riuos, quibus non solum Galliae, verum etiam prouinciarum omnium campos ingenti omnium admiratione fœcundes. Deducitur tandem à Gallis ad suos liber Ignatius, animo nunquam captiuus. deducitur, inquam, non minùs honorificè ad dignitatem, quàm commodè ad valetudinem. Domi morbus ingrauescit. Huic artis defudat industria. Opetosi magistri, cauetè parcatis. In hoc corpore (absit verbo iactantia) terrarum orbis aliquam sibi saucius medelam præstolatur. Nolite parcere. Hæc sunt prima & postrema in Ignatio vestræ peritiæ ministeria. Non amplius horum vsum poscet à vobis, cùm inuios saltus & strata viarum, à se calcata sauciabit, saxorum tamen attritu vicissim limante plantas; cùm iuga montium animi sui celsitudini humilia proteret; cùm Pyrenæos, Alpes, Apenninos, non copijs, & Punico Carthaginensium ducis equitatu, sed ad votum voluntatis egens, ac nudis pedibus superabit; non ad euertendam Romanam rempublicam, sed ad Urbem Christiani orbis parentem ac principem, & sacrosanctæ Ecclesiæ

fiæ Catholicæ caput pro virili parte propugnandum ; non virtute Capuanis, aut alterius prouinciæ corrumpenda delicijs, sed inaudito incommodorum omnium & ærumnarum genere corroboranda. Non ampliùs vestra in eũ se se acuet officina, cùm auida tellus se pandet, ac substernet, vt reuulsis per tot itinera eius sulcanti pede cespitibus, diuino semine grauida, & imbuta liquore, proborum hominum ferax, discat se fieri non posse meliori partu parente : cùm FRANCISCVS reliquiq; comites, ac posterì, eius iussu expediti, & exemplo impulsì, suis excursionibus eluso rerum procreatarum margine, alios sibi terminos quarent: cùm vtriusque orbis terræ amplitudo in se congestis assiduo eorum labore atque industriâ rerum diuinarum thesauris, suas in summo gaudio deflebit angustias : cùm denique Oceanus mortalem mercaturam pertæsus, atque immisericordi (sylvarum excidijs) oppressus onerũ perennitate, eorum leui vecturâ exultans, non vñtatâ profectò institoribus commercij ratione, immortales animos cælo ad felicitatem nundinabitur. Euge ferrum, incide, succide, scalpe, fode, vre; molire in venas, & nervos, scrutare fibras & musculos. Aude ferrum, quid times? quid refugis? non te agitas, vt olim in Caio Mario, qui crus malè sanum, medicâ sibi manu tractari non passus, indignum

esse dixit tanto dolore remedium. Qui modò tam animosè horrificum in prælio vulnus excepit, trepidabit Ignatius ad medicamentum? qui exitialia hostium machinamenta contempsit, amicorum salutaria formidabit obsequia? qui ad intenta iugulo tela non palluit, tibiæ admota chalybis erubescet ad frustula? Constanti viro color vnus est. hoc solo timidus est Ignatius, quod timet ne timere videatur. mauult artis animosæ tentamento audacter perire, quàm in suspicionem timoris venire. Age ferrum. quæ ista tanta segnities? Lambere fortassè mallet, quàm lædere. Reuerentia non spernenda: iniuria non probanda. Vide, ne, dum mollescis ad tanti viri constantiam, mordeas dignitatem. Exerce in eum naturæ vires. Ab hac languescere non didicisti, neque ab illo vilescere. Non parum est, quòd ille explicatis adhuc & fluctuantibus aurâ bellicâ vexillis, irretitum fouentis fasciæ voluminibus pedem continere possit. Sed heu! non vnum lethi genus, neque vna ad sepulchrum via. mortalitati verò nullum tribunal, quia nulla quæstio. ipsamet à suâ lege non habet priuilegium. Ergo anniuersario Diui Petri pervigilio recurrente, constans medicorum iudicium fuit, inuictâ stante morbi pertinaciâ, Ignatio moriendum. Ille confestim Principem Apostolorum, quem semper vnice coluerat,
in

in somnis sibi præsentem, & precanti opitulantem habuit. mox valetudine reddita, certæ mortis denunciatio à secura cælesti munere vitâ, benemeritos remissa est ad medicos. Lapis lapidem vindicavit. Petræ siquidem fragmento concussa, & loco mota cruris ossa Petræ beneficio coaluerunt. Quid enim aliud Hebræis Cephass, nisi petra? hoc nouum Simoni à Christo nomen impositum. Hæc Petra, Ecclesiæ fundamentum, vnà cum firmitate corporei gressus, inconcussam animi soliditatem Ignatio dabit. At ô quantum vanitatis in rebus humanis! In recenti cicatrice, & nondum stabili poplite fabricatur elegantia. Os è genu cornescens aliquid indecorum gradienti minari videtur. Est & sua ocreæ ambitio: illa se quoque semper fauciam credet, nisi læui actereti cruri continuè & molliter inducatur. Ossis ab Ignatio decernitur sectio ad arguti cruris, & dominæ ocreæ imperium, certi cruciatus, & dubiæ mortis pretio. Nouum vitæ discrimen cum præterito discrimine, auspicio vitiosæ libidinis, in certamen committitur. Ergone tanti non erit restituta miraculo sanitas, hærente leuissimâ ægritudinis notâ? Enimverò hanc saltem, vt insignis accepti beneficij monumentum, reliquam esse oportuit. Quid facerent medici, familiares, cognati, amici? cedendum

fuit militis violentiæ. An hic plus in Ignatio constantiæ, an temeritatis? temeritas quidem certè constantiam sortita est bonam comitè, cuius virtute clypeata, suum tegit vitium. Verum tamen ad illam conuiuet, & ad hanc se dimittit diuina clementia. Itaque miles incolumis fit voti compos. At profectò hoc qualecumque factum non caret emolumento. Si quidem eximiam illius naturæ dotem spectandam exhibet, nimirum studiosissimæ, & fortitudinis & nitoris. Sed heus tu famule, quid nunc postremo ministerio ad pedis balneolū hero concham adponis? remoue. Ille vberimis paulò post lacrymis, sibi met pedem abluet, nec tergendò linteum poscet. . apage te.

O R A T I O I I I.

*Quæsito tædij leuamento IGNATIVS animi
salutem inuenit.*

Rerum maximarum euentus eo vehementiùs mortalium mentes afficiunt, quo clariùs perspectum est, eos non solùm insolenti casu, verùm etiam præter communem omnium opinionem, immò verò suspicionem contigisse. Dum hæc igitur circa Ignatium geruntur, & adhuc proroganda quies decumbenti, vt pes firmus insistat, morantes tædium
in-

incusat horas. Huic leuando incommodo aduocantur libri otio militari familiares. Horum exposita supellex, quærentium eripitur oculis, inopinato fortunæ casu, meditato diuinæ prouidentia furto. Non hostium, sed ægritudinis violentiâ exutus armis, in armorum historijs arma reposcis Ignati? Vulnere vulnerum commemoratione non curantur. Plerumque ad animi tranquillitatem, bellorum fraudulenta narratio est. Non sunt hæc castra, sed domus; non nuda humus, sed culcitra; non locus ad excubias, sed lectus ad soporem. Etiâne istis ex parietibus præliorum tibi theatra conficies? Etiâne hîc oculos, ac mentem vmbratili hostium cæde irritabis? Etiâne in cubili solus, inermis, æger, pugnabis Ignati? Iuuenis Macedo Persici euerfor imperij, sibi sapere videbatur, quod Iliade maritata cum pugione, pugione dexteram, animum armaret Iliade. Sit ipse suæ arbiter sapientia. Sed quod hæc capiti ad quietem subijceret, illum equidem desipuisse iudicauerim. Deus immortalis! quàm turbulentum puluinar! O sortem infelicem! militibus alto silentio per castra ad somnum compositis, in Regio tabernaculo vigili mente, curas imperatorias tumultuari! Quietem seruis concessam, sibi domino eripere; prius sibi, quàm aduersario bellum indicere; acrius secum, quàm

cum illo conflagrare; molestijs ac timore incum iniecto, seipsum conficere; ad hostis sudorem nauscare, eius sitire sanguinem; vel potius malè sæpenumero ductis rationibus, illius sudorem suo cruore mercari. At verò si quando, insidiante naturâ, furtivè sese somnus infuderit, circumcursare animo campos, volitare per agmina, rapi in confertos dimicantiũ cuneos, animare suos, terrere contrarios, bacchari, furere, tuere, cædere. Vah! quidni Alexander vigil in acie, strauisset exercitus, qui dormiens in stertente tentorio, spiritu legiones difflabat? quidni, auspice Iupâ, indignante cælo, in Regiam Persarum arreptâ face flammam intulisset, qui à cæna mero somnoque sepultus, Prouinciarum cruciabat incendia? quidni sessoris violentiam æmulante Bucephalo, in mediâ barbarorum strage, obiectâ superstitione, se tanquam dubio patre iactaret; qui, accumbentis vinolentiam affectantibus Græcis, se ab illis Deum, & credi & adorari, non minùs ridiculâ, quàm intolerandâ impietate iuberet accogeret. Heus tu Philippice, Iouis postume, pupule, tam tu Deus, quàm Iupiter Deus. Tibi quærendum fuit à Iouis Ammonis oraculo, quis vestrũ, an tu, an ille, an eius sacerdos, delirus senex, ac vaffer adulator, esset amentior. Hominum opinio non generat Deos; neque cultus enutrit; neque

neque vis confirmat, ac stabilit. Si hæc Iliade
magistrâ non didicisti, docebit te Polyper-
chon, quem tu de thoro, in conuiuio sobrium
& tuæ superbix obluētantem impudentissimè
deturbasti. Sed istum mittamus. Olympias
mater nati sepulchro, si quod vnquam extitit,
has incide notas: *Audacia antesignano, & fortu-
natyranno.* reliqua eius vitia, cineribus conse-
pulta, ne attigeris, ne viatorem fœtore ar-
ceant. Procul igitur ab hoc Ignatij domici-
lio, istiusmodi (ad imitandum quidem certè)
veterum annalium codices. Procul hinc,
multò magis, si quæ fortè sunt singularium in-
fana pro laude certaminum, insipienter edita
ad animum relaxandum volumina, quibus
nonnulli poëtæ ac scriptores, (euocatis tan-
quam è sepulchro nescio quorum nobilium
quondam equitum fabulosis amoribus) sua
ipsimet ingenia, clariore digna monumento
fœdissimè tumularunt. Procul, inquam, istæ
bellæ nugæ, dulce malum, blandula pestis,
melleum fel, lentæ præstigiæ, interitus tempo-
ris, otij vita, alimentum impudicitix, corru-
ptela iuuetutis. Tibi verò Ignati longè diuersi
ad exemplum aduocandi Principes; alia in-
tuenda vestigia; alius bellandi modus vten-
dus. Prodeunt tandem alij duo libelli, non
vocati quidem ad salutem præcones, sed se-
cretâ Dei emissi manu. Vnius materia

Christus est ; alterius Sanctissimorum viro-
rum præclara facinora. O sola rerum gesta-
rum digna commemoratio, quæ nomén histo-
riæ nobilitet ! opus ipsum scriptori fructus in-
gens est. non aliam quærat mercedem. Suo
labore saginetur. Non est quòd incrustet nar-
rationem coloribus ; quòd inspergat stellulis
dictionum ; quòd secet verborum agmina, in-
teriectis oratorijs gemmis. Habet illa simpli-
citatem pro decore , pro ornamentis nudita-
tem, veritatem pro commendatione , pro æta-
te æternitatem , legentium salutem pro fine.
Ergo, quod felix faustumque sit, hæc ab Igna-
tio sumuntur non admodum trita opuscula.
Aliorum voluminum antè nō illiberalis, nunc
fit ô quàm prodigè auara fortuna ! sumuntur,
inquam, leguntur, releguntur. (Obuia quæli-
bet aqua siti cnecto ambrosia est.) & ecce illi
cietur è cordis fundo tempestas. Antea ætæ vi-
tæ nocti sèse mœroris adglomerant nubes.
Ventorum cohors, querimoniarum partus,
oppresso angoribus pectore abit in suspiria.
imbrium torrentes deuoluunt oculos, ac se-
cum penè rapiunt , vt moræ impatientibus
strata innatent pauimentis. mens cælestibus
verberata fulgetris æstuat diuinæ terrore iusti-
tiæ. Nouus bellator procellarum insolens,
seipso doctior, pietate furente, in seipsum in-
dignationum turbinibus ruit. Rugiunt ac tu-
mescunt

mescunt infatiabilia plangentibus palmis, pe-
 ctora. Luctuosæ mutilantur singultibus vo-
 ces. Effractis intimorum sensuum repagulis,
 coguntur, & ipsæ quoque medullæ, curarum
 agitatione, & concussa per ossa fluctuare. iu-
 ventutis iacturam memoriâ refricante, acer-
 bissimi doloris, ac gemituum pelagus, suppli-
 cij æterni horrore hiat, subsidit, & in cognata-
 inferis voragines recumbit. mox contrâ, res
 troactis sursum viribus adsurgens, sese im-
 plet, & flagellatis vndarum illis, obmurm-
 rantibus scopulis, in cælum euadens, prona ad
 pacem sidera, languentibus illico ac resupina-
 ris fluctibus supplex adorat, & veniam poscit;
 ut tranquillatus tandem animus, & sapientis
 vitæ rationem initurus, ea, quam æquor, suo
 mendax nomine, præbere non potest, æqua-
 bilitate & constantiâ roboretur. O quot om-
 ni ex parte conflictus! spes metû, spê metus oc-
 cupat: fluctus fluctû impellit, & reuocat. Igna-
 tius adhuc cõsilio nutans auersatur præterita;
 præsentia non sustinet; futura reformidat. di-
 uersa vtrimq; sese obiectat rerum facies. Hinc
 humanæ colluiei gurgites vitiorum mon-
 stra natantia vomunt, ac resorbent ad aspectû
 intolerando ingestu: illinc cælum, tametsi ca-
 ligine adhuc infuscatum, niôtante aliqua ad
 fauorem luce, subinde internitet, speciosissi-
 masque virtutum omnium formas amori con-
 ciliando

ciliando inde trahendas & exprimendas esse denuntiat. Heu! quid agat, quò se vertat Ignatius? Recursant menti deriuatus è nobilissimis fontibus sanguis, antiquissimæ familiæ soles, legionaria honorum ac dignitatum pompa, gloria militari parata virtute, ac diuitiarum acerui. Sollicitâ dæmonum arte, panditur eius animo explicata series voluptatum, quibus frui abundè potest: ad regias mensas exquisitissimorum pompa ferculorum; dispositæ inter conuiuas nectareæ patellarum cohortes, laborante ad seruitium naturæ penu; iugulata in cellis reconditis languentis falerni dolia; latrante caniculâ fractus æstiuâ glacie in gemmâ concauâ ambrosiæ liquor; ad gelidos aquilones, & aggeres niuium calente cubili, moliores accubitus, lambente capillos brumali rosâ; in mensarum exordijs primitiæ laudes hyberno peponi, vernantibus per abacum hyacinthis. Lasciuientes in auribus, fidium vocularumque coniugio varij concentus; in ædibus magnificentissimis Sabæorum atque Arabum nube fumantia laquearia; lecti eburnei, atque aurei; culcitæ cuniculis molliores; stragulæ, acu, in erraticas excurrente figuras, vermiculatæ; amicorum suauissimæ consuetudines; tempora frequentibus lacerta colloquijs; euocati in noctem dies, cælumque

ue retrogradum imperante alcâ; mox, vbi
 requietæ voluptatis tædium noctem abege-
 t, cæteris mortalibus in suas operas & pensâ
 ispersis atque sudantibus, nobilitatem in
 omni quærere, eundemque vilescere, nisi ef-
 fuso in roseos puluillos domino, cælum paten-
 ti luce delicatè claudatur; luxuriante interea
 estu cum aurâ frigidâ. Cæterùm, vt est na-
 tura plurimorum hominum, præsertim Re-
 gum, procerum, ac nobilium, fastidiosissima,
 horum omnium plerumque aliquâ subeunte
 nausæâ, dominos ipsos ad suorum agricolarû
 tribunal nemine in ius vocante se sistere; cau-
 sam rusticis, venaticos illos deliciarum labores
 demirantibus, ac stomachantibus adiudica-
 re; inter natia hortorum peristromata inam-
 bulare; illuso sole noctem nemorum ramuscu-
 lis texere; ætate furente, sese in exesæ rupis hye-
 mem abdere, ridentibus nymphis; inuiolatum
 prati viridantis decorem strato humi corpore,
 violare; è gramineâ crepidine, fontem, suis
 ebrium liquoribus, trepidantem, & se in va-
 rios obliquantem riuos, placidissimo aspectu
 haurire; lymphis angusto aluicolo immurm-
 rantibus, & lenocinanti auicularum cantu, Ze-
 phyrique flabello soporem oculis aspergere.
 Hæc sunt oppidò, hæc sunt, inquam, grauissi-
 ma irritamenta sensuum, hæc terrificæ machine;
 hæc validissimæ obsidiones, & formidolosissima
 præ-

prælia. Proh Deum immortalem ! istane igitur ab Ignatio omnia vno contrucidanda sunt ictu ? Sic est. Id iam ille didicit , priore illo, quem perlegit, magistro libello. Non veni pacem mittere, sed gladium, inquit salutis nostræ auctor ac princeps.

ORATIO IV.

IGNATII *perfecta vitæ, morum, sedisq₃ mutatio.*

CVM ea est hominibus, nescio quomodo, ingenita conditio, ut certaminum spectaculis mirificè delectentur, tum in primis iucunda sunt & grata, quæ nulla prorsus atrocitate illorum animos vulnerare, nec cædibus per tela bacchantibus cruentare oculos possunt. Adeste quotquot cupido gloriæ ad præclara facinora rapit. Discite quo pugnæ genere, quibus armis, contra quos sic tandem dimicare vos oporteat, ut magno, maximo, omniumque supremo triumpho vestra virtus nominis immortalitatem, &, quod caput est, veram vitam, animique salutem consequatur. Etenim huc usque contra alios, nunc Ignatio contra se pugnandum est. nullum excogitari bellum atrocius potest; utroque præsertim hoste fortissimo. O non minus iucundum, quam graue spectaculum ! Ille idem, & vnus est, & geminus hostis. Vter vincet?

vincer? ille ne, an ille? at ille ille est. victum igitur illum esse oportebit si contrigerit esse victorem. at victorem esse necesse est, quia non alium habet contra se dimicantem. O nulli obnoxiam invidiæ, & contentioni triumphii gloriam, quod à nemine nisi à seipso superari possit. Animi sensus vocem habet pro simulachro; sed illud ad viuum nemo potest, nisi qui sentit, exprimere. Audire tamen mihi videor quædam interpuncta gemitibus Ignatii verba, secum loquentis. Iaces, inquit, Ignati, corporéne magis, an animo? Illius te cicatrix penè iam obducta sollicitum tenet, ad cruenta verò huius vulnera stupes? In pedem breui stabilem futurum, oculos identidem defigis, impendentem capiti ruinam non aspicias? quæ tanta, & tam lethalis indolentia? In infima corporis parte nescio quid illepidi mussans exhorruisti, in animo verò, suprema hominis sede, fæditatem toleras? Tòtne vni tuberculo emungendo machinamenta; nulla in euellendis vitiorum radicibus cura? O durior non osse illo, sed silice. Iam medicorum erant lassatæ manus; iam retusa, & detrita ferramenta; iam ministrorum, tui sanguinis mulctâ, sudor exhaustus: quid opus erat superbâ mucronati poplitis impatientiâ, præteritam arte arte noua trudere, & sollicitare pericula? non te pudet fieri liberi pedis capitale mancipium? tenè
cæno-

cœnosum ac lutulentum, longo catenarum tractu, in stygias fauces importabis, te, inquam, fœcundum perpetuæ illius voracitatis pabulum futurum? Tuis iamdiu debentur tormenta illa criminibus. Te non agnoscis? non resipiscis? quid abrumpendæ temporis moræ consuis moras? an expectas, vt Dei præpotentis ira iamdiu micans, furibundum vertatur in fulmen? Quid? quòd horrenda quidem apud inferos pœnarum facies; sed multo atrocior culparum est. Nulla quippe in igne turpitudine, sed cruciatus. tanta verò est peccatorum vis, vt sit omni tormento potentior. frustra in flagitijs absumendis tota occupatur æternitas. lethalis noxa, nisi seipsam torqueat, imparem habet ultorem. At ne ipsa quidem sui est vltrix. Vt enim nunquam mortua, quia semper mortifera, ita neque vltà, quia semper vltura. O nunquam satis deplorandum flagitiosi hominis in illâ carnificinâ Tartareâ statum! quòd ne hoc quidem sibi relicto solatio, vt nimirum in seipsum crudelissimè desæuiat, possit vnquam pro efferata voluntate, & rabido cupiditatis impetu frui. O sacræ paginæ, salutis meæ Consules, vtinam iamdiu huiusmodi cogitationes in mentis meæ Senatū (si quis vnquam fuit) ac templum vestra conuocasset auctoritas! illas profectò neque armorum strepitus dispulisset, neque deliciarū blan-

blandimenta flexissent. Miserum me! quò me
me perduxit improbitas? dum me ipse circum
spicio, toto corpore atq; animo contremisco.
non ego Senatus virtutis, non templum san
ctimonix, sed tumultuarium nequitix forum,
atque hara sordium. Sed inania sint, nulla
sint, nusquam sint, quæ modò mente volutavi;
sit omnis omnium criminum impunitas, ego
nequam, mihi nequam fuerim; heu quâ fron
te caput erigere ausim, quibus oculis cælum
aspicere? hoc hoc mihi nunc pectus lancinat;
cor fodicat, perimit sensus, quòd te, te inquam,
ô Pater rerum conditor, ô Nate nostræ vindex
salutis, ô Spiritus fons alme incendiorum,
vnam ac supremam Deitatis maiestatem ego
vilissimus homuncionum omnium homulus
grauissimè læsi; ego tua iura violavi; ego in te
corporis animique vires, à te acceptas, petu
lanter intorsi. Hi oculi, manus, pedes, & ceteræ
partes constructæ ad studium tibi debiti fa
mulitij, factæ sunt instrumenta flagitij. Ego ti
bi potentissimo, sapientissimo, amantissimo,
infinito, opulētissimo, pulcherrimo, suauissi
mo (prosequere tu, te solus effari potes) tibi,
inquam, alia omnia (quo illa nomine vocē?)
nihili vmbra prætuli. hanc ego, Christe,
dexteram, quâ me ipsum toties funestavi,
etiã in te ipsum armaui. ego in tuam eadem,
tibi iam olim immaniter, meâ causâ, illatam,

nouâ cæde molitus sum. quasi verò parum fuerit tibi vitam semel eripere, nisi tua mors instauro semper interitu fieret immortalis. Proh dolor! etiam ne humana impietas in Dei mortem crudelis est? Ah quoties ex illo latere, in mei gratiam tot retro sæculis effosso, novos cruoris fontes eieci! quasi verò non sat fuerit, (ô rem inauditam!) ad serui ægrotâtis valetudinem, incisâs fuisse venas, non seruo, sed domino. Ah quoties corpus istud tuo iam purpuratû sanguine, cruentaui, tormenta congeminaui, plagis plagas imposui, & tulisti! an ut doceres, bone princeps, posse quidê tua vulnera, sed non patientiam vulnerari? Discrucior; anime quid cessas? nec adhuc parricidali erûpis è carcere? Ite ite vos saltem ex istis oculis vicariæ lacrymæ: nouus è vobis surgat, & exundet oceanus. & quia hucusque in vobis natâre non didici, me precor obruite. hic me naufragum malo, quàm natatorem. Sed heu! quid ex hoc sperem naufragio? Immensâ vndarum moles potest illa quidem (grauioribus tamen dignum pœnis) opprimere peccatorem, peccatum verò ipsum eluere minimè potest. O me amplissimè perditum, qui bono meo perire non possum! O me cumulatè miserum, cui miserum esse non licet cum lucro! Proh Deum immortalem! quantum in humanâ labe fœditatis, cui delendæ, mactato Deo, in nouum

nouum balnearum genus, sanguinis ductus è
 cælo necessariò deuocandus. O quanta in ho-
 minis crimine in Deum iniuria, cui pro meri-
 tis vlciscendæ, ne Dei quidem furentis armata
 vis sufficere quodammodo potest! Te per ego
 pietatem Christe tuam, quâ me nunc excitas,
 & vitali luce perfundis; per tuam te potetiam,
 quâ fulmina in me toties penè ruentia, incre-
 pata frænasti ac fregisti, precor atque obtestor,
 da veniam, & affer opem. tua pietas sanguinei
 stillulam roris meis inspergat maculis, & eua-
 nescent. sit tua mihi potentia munimento, vt
 cùm mea crimina tuo beneficio minora sint,
 & quolibet supplicio maiora, viuam, & valeâ,
 vltore beneficio, deficiente supplicio. Me
 posthac, te fauente, vt antea peccantem, nec
 cælum spectabit, neque terra sustinebit. Stat
 hæc altè defixa in corde sententia. Salue vitæ
 dies, ô meæ primum ver renascentis ætatis! ô
 disculsâ tandem mentis caligine, conspicua
 nouissima sidera! ô deterisâ vanissimis imagini-
 bus memoriâ, iaculatrices cælestium pulchri-
 tudinum amicales insidiæ! ô meliorum ar-
 dorum beatæ Vulcaniæ, languor amabilis! ô
 castissimi amores, animorum robusta deli-
 quia, obscœnis cupidinibus iugulatis, de me iâ
 libero dominatu triumphantes! Ah! quò me
 nunc rapit insolens impetus, ambigua feliciter
 non minùs morte, quàm vitâ! hæccine, ô salu-

tarium plagarum imperator, fauciati abs te
 cordis fœdera? Ah, quæso, ne me ancipitem pa-
 tere. fac me tibi semper vinctum & subactum,
 ad te trahant mors & vita iugales. in altera, si-
 ne altera ad hoc iugum nulla vis. Sed quid
 nunc, inuiso temporis interuallo, tamdiu su-
 spirat fœcundus ad amoris partum dolor? nec-
 dum amor impulsu mentis; & hâc verborum
 tubâ ciente, se se accingit ad decreta molimina?
 eia verò, en me proripio ex hac sentinâ. Valete
 palatia, aureorum mœcipiorum vastissimi car-
 ceres. Valete ædium laxitates, subfannante se-
 renissimi cæli immensitate nebulosa gurgu-
 stia. Valete acerbissimarum gymnasia volupta-
 tum. Valete Tantalea triclinia. Valete cate-
 nata libertates. Valete quisquiliarum thesau-
 ri, mundissimum cœnum, odoratissimi puto-
 res, amœnissima senticera. Valete nugarum, fa-
 bularum, simulationum, fraudium nundinæ.
 immò verò, ô Vale, tu quoque vale. Ipsi etiam
 Vale, vt video, vale dicendum est. Miseriarum
 quippe talium nomenclatura, huius felicitis Va-
 le numerum deuorat. In illis recensendis &
 exponendis, mentitur veritas, & sterilescit elo-
 quentia. Tibi verò nouitatis meæ sapientissime
 gubernator, ac præpotens architecte, gratias a-
 go quantas maximas eo ipso possum, quia nō
 possum, quòd post tot curarum fluctuationes,
 colluctationes ventorum, procellarum frēmi-
 tus,

tus, & turbulentissimas tempestates, quę per te in meam incolumitatem redundarūt, in tranquillo & securo portu, ē mei corporis restauratā ruinā, animo domicilium salutis erexeris. Hęc, & alia huiusmodi mente voluenti, & secum differenti, benignissima Dei parens, natū gestans vlnis, sese clarā in luce videndā offert Ignatio. solatur Ignatium, Ignatio iam hostem factum, & nato amicum. Animi & corporis integra est constitutio diuinitus ab illo recuperata. Atulit animo corpus, corpori animus mutuo & non ingrato ministerio sanitatem. Quin etiam Virgo, virginum satrix & custos, in hoc præstantissimo viro tam viuudum, ferax, ac nobile semen castitatis iniecit, vt firmissimis radicibus actis, pudicissimæ liliorū niues nullo vnquam, vel tenui halitu maculoso suffundi potuerint. Adhuc tamen aliquod sibi spatium temporis indulget, tum perficiendo, ad salutare peregrinationes, & institutū sanctē viuēdi genus valetudinis negotio, tum recenti ad pietatem fœtui, vtriusque illius libri vbere lactando. Sed quis, nisi cæcus, fugatā nocte, diem nō videat? domestici oculos habēt: consanguinei acutiores. VIRTUS hoc solo infensa est sibi, quòd sese dum occulit, prodit. frater natu maior, minor sapientiā, rem veritus, Ignatium, fratrum minimum, animo maximum, aggreditur: eius mentem explorare nititur, ac de sen-

tentia deijcere. opere monet maximo, & vehementer obtestatur, viderit quid agat; meminerit de se, QVIS, VNDE, & QVO. Ille, quamquam cæcus ad generis splendorem, surdus, ad maiorum præconia; scopulus ad preces, pumex ad lacrymas, cadauer ad promissa, ventus ad minas, tamen non minùs prudenti quàm ancipiti dato responso, discessum officio prætexit: visendum sibi, Nauarreti, amicum Naiadæ Ducem. Cedit domo, funestâ illâ quidem, quia seipsum mortuum effert. nulla hîc præfica (hoc scilicet deerat humano generi ad insaniam, mentiri mortuis) nulla, inquã, præfica, iã sensum ingruëtibus toti familiæ suspensæ & vaticinâti, dolorû nubibus, ad nō extortum imbrem simulatæ lacrymæ. Tum Nauarreti relicto comitatu, solus, ne consilij sui vestigiûm faciat, Barcinonem rectâ rēdit, indē Hierosolymam soluturus. Proficiscere felix Ignati: sed priùs ex itinere, ad novos & saniores tuos amores, ad sacram scilicet beatissimæ Virginis, tuæ patronæ ac dominæ, celeberrimam ædem à Monte Serrato. Interea caue tibi, non timido, sed irato: obuium habes canem, Maurum, perfidum; impiûm, Cerberum, inquam, Deiparæ virginitati oblatrantem, illam scilicet à partu libaram fuisse, rabidē vlulantem: tempera iustissimæ iræ: coërce machæram: minare pugioni. non hæc esse debent

bent nouæ militiæ tirocinia : ad longè dissimile bellum destinaris. non tibi galea posthac, non lorica, non clypeo, non ferro pugnandum. Hoc à te Mater non admittit obsequium, cuius filius olim districti à Petro gladij reiecit officium. Ignatius, non minùs animo, quàm itinere biuius, hæret, secum agitans, an tam atrocem blasphemiam inultam patiatur. tamen visum melius, ad bifidum ttramitem equum sistere, ardente sessore, generosum efflantem spiritum, toto micantem corpore, & iam Mauro sepulchrum vngula fodientem; mox laxatis habenis, equinæ aleæ, quæ fors illum flexerit, blasphemi vitam subijcere. Sed diuina prouidentia iumento rem deliberandam committit. illud pedibus it in contrariam alteri iumento sententiam. suâ cuique semita libera mansit. iudicium sua sponte peractum est. Mauro cædes adempta; cædis cura Ignatio. in hoc Dei sapientia, in illo benignitas fulsit. Hic primum, & non obscurum tui, vir fortissime, in cæli terræque Reginam studij trophæum perpetuò stabit. In eo pendebit effigies ensis, nō Mauri sanguine imbuti, sed tuâ pietate corusci. Ensis non exertus ad vindictâ, se prodet ad gloriam. In hoc biuij capite discer ex te viator, quæ tenenda sit ad cælum via.

O R A T I O V.

*Memoratu digna de IGNATIO in Monte
Serrato.*

ET si nihil verâ probitate stabilius, nihil sapientiâ pacatius; tamen probo viro ac sapienti nullus quodammodo locus, nulla quies, nisi eâ tandem in regione consistat, quâ nec eius merita imminui, neque vllum capere incrementum possunt. Illa, illa sola sedes est, in quam, exutus mortalitate, liber ita euolat, ut mensura perpetuæ gloriæ illi repenti à Deo immortalī cumulatissimè compleatur. Comitemur Ignatium. Ventum est ad montem Serratum. Novus hospes ad templi vestibulum venerabundus ac pronus aduoluitur. Dubio ingressu, reuerentiam stimulus debiti cultus intrò intulit. Nisi cor illius ante aduentum face diuinâ emollitum fuisset, in mediâ illâ rupe templo imminente, & à puero IESU (cælesti quodam, ut memorant, ostento) dissectâ, diffractum ac dissiliens, inter montis salebras sese pro loci sanctitate sparsisset peregrinorum pedibus proculcandum. Et vos, ô filices, ad tot è dolore & amore suspiria, gemitus, obsecrationes duritiem obstinauistis? At mouere ille potuit animum Virginis, & ad sua vota flectere. Nati etiam rigor elan-

elanguit: sagittæ cecidêre de manibus; ijs tantum retentis, quas ad vitales plagas ab illius humero nunquam dissociabilis pharetra condit, & amica exercet dextera. Hic oculorum ostia iterum recluduntur ad riuos. Cætera Montis Serrati adamantina saxa scindite sinus: fatiscite rupes. & quidem si vos natura fecit aquarum infœcundas, hoc lacrymarum fonte in vestra viscera deducto, discite parere. Hic illum vidisses Hispanico nobilium quondam militiæ tironum more, totâ nocte peruiilem, & sibi ipsi agentem excubias, & multò quidem tutiores; licet aduersus hostem non minùs astu, quàm potentiâ, odio & immanitate formidabilem. Hoc habent Dei amatores & cultores eximij, vt res profanas in diuinos transferant vsus, & curas inanes ad solida studia. felix commutatio, minori labore, maiore lucro. dulcis negotiatio & quieta, non vetito fœnore, sed copioso vtrimque prouentu. Hic ad templi parietem suspendit anathema, ens, & pugionem; alteri iam adscriptus meliori militiæ. Memini apud Poëtarum principem, Teucrorum ducis, ad montē Leucæ, postibus aduersis fani Apollinei, hostilem clypeum atque arma figentis, hoc inscripto carmine,

Aeneas hac de Danaïs victoribus arma.

Iste suum dedecus in alienâ erigit laude, nisi

fortè cytharædo Apollini ; cincinnato , ac molli Phrygiæ tutelari , malè defensam exprobrat Troiam. At verò tuo huic donario , miles fortissimè , aliena manus , (tuam vetante modestiâ) contrarium prætendat versiculum ,

Hæc de se, & mundo victis, Ignatius arma.

Hic expiatis sacrâ Confessione totius vitæ peccatis , & diuino corporis Christi epulo partus , munda , & saginata victima , sese ad aram precibus oneratam immolat ; voto perpetuæ castitatis virginum Imperatrici nuncupato. Ab eo tempore , nullus illi ampliùs totâ vitâ corporis sensus ad inhonestam cupidinem. pars præmij præcurrit tempus ; dum exutus quodammodo corpore animus degit in terris. Cælum ne te iacta. Incolæ cæli , si quæ in vestram felicitatem cadit inuidia , hanc habetote. Hic denique postremum quoddam Ignatij factum memorabile. Cæteri victores opima de hostibus victis spolia capiunt : ille de hostibus triumphatis exuuias abijcit. detractis siquidem sibi sumptuosis vestibus , mendicum quemdam a clacerum , ibi fortè adstantem induit. amplis pauperem , victoriæ minimè participè , spolijs ditat , posito habitu honoratior , quàm pauper accepto. Hic victus , qui rem auidè arripuit : ille victor , qui contempsit. alter miser , quia se diuitem vellet ; alter felix , quia se pauperem

perem mauult ; mendicitate magno pretio
emptâ, in gratiam illius, qui cùm diues esset, se
nostrâ causâ vltro mendicum fecit. Insani, qui
qui estis hominûm, vobisne inglorium videtur
mendicare cum Deo ? Immo id solûm nunc
dolet Ignatio, quod nequeat, quia non decet,
nudus incedere. At potest tamen, quia cupit
posse. diuinus amor cum rationis officio col-
ludit ; dum id quod re fieri nequit, voluntate
peragitur. stat meritum facti, obstante facto.
Ergo iumento reliquisque impedimētis clām
à se prorsus abactis, induit se sacco, fune præ-
cingit, baculo insignit. Bonus peregrinus, ô
quâm expeditus ! nisi fortè zonam illam gra-
uat aquæ cucurbita. Strenuus quoque Chri-
sti miles, quâm bene instructus ! Habet saccû
pro lorica, funem pro cingulo militari, bacu-
lum pro telo, cucurbitam pro commēatu. Pro-
cede Ignati ad bellum. non tibi cum vnus
tantûm Philistæi giganteâ mole certandum.
conuerte oculos ad Aquilonem, respice, hoc
ipso prorsus tempore, non prodeuntes ex Æt-
neò monte gigantas, sed ex Orci cauernis sur-
gentia horrida monstra, Lutheros, Caluinos,
Zuinglios, Oecolampadios, Illyricos, Buce-
ros, Melächthonas, Mûsteros, Kemnitios (no-
mina aurium tonitrua.) Hæc tibi, tuisque po-
steris profliganda portentâ. Procede, inquâ,
tū primus, tū antesignanus, tu dux, tuorumque
impe-

imperator inuictus; congregare imprimis cum Tartareo humani generis hoste, atque omnis perfidiæ capite; non primi Hebræorum regis sepultus in armis, sed aëreo pastoris adolescentuli tripudiantis velatus amictu; euerte illam superbix molem. erit tibi funis iste profundâ, & P E T R U S pro lapide. Iam verò, vt ad maiora postmodum mea tecum progrediat, oratio, nunc prius Minorem vulgò Manresam properemus. Sed ecce nescio quis auctoritate magistratus, sollicitè consequutus Ignatium, sciscitatur, nunquid suas vestes cuiquam donauerit. fatetur Ignatius. supplicium imminens mendicus euasit. O successum è, penè dicam, infelici caritate, non minùs miserandum, quàm ridiculum! Illi, reo furti facto, idem fuit deprehendi & comprehendendi. Quid faceret? pretiosa vestis pannosum accusabat. solam habebat pro patrono innocentiam. Sed hæc in iudicio frustra loquitur, quia sine teste non auditur. à culpa, non à pœna immunis est. Si damnatus fuisset, præ incredibile stupore, & doloris atrocitate, præuiâ morte patibulum fefellisset. Hoc igitur utcumque perfunctus periculo, & reuocato, quem penè liquerat, spiritu, quidpiam tale apud se cornicari visus est; Hau! quantæ turbellæ in pauperem repentè opulentum. Sed necdum metu omni exemptus sum. Omnia mea mala mecum

cum porto. Hæc indumenta æstum curarum augent, & formidinis algorem non minuunt. Magnificè perij. Hæreo in luto gnauiter, ô me bardum & bucconem, quem in has tricas conieci! fungus sum, vt video, momento natus è spreto & calcato à viro sapiente pingui cespitate. Quid agam? si has vestes reliquero, nudus sum; si retinuero, fur sum; si distraxero, fur sum. Tribunal suspiciones hominum non strangulat, neque iudicis sententia maleuolorum iudicia amputat. quantum ad hæc, restis & securis feriantur, & carnifex oscitat. Hei mihi! pessumdedi mea, & non possideo aliena. Cæterorum egenorum oculi me deuorant. furum manus pruriunt. &, quod omnium grauissimum est, fame pereor. pompæ vestiariæ fumo non pascor: nec est qui dare velit splendido stipem. quis enim credat mendicum in serico? Pereant istæ vestes. præstat in panno viuere, quàm in auro mori; setis pungi, quàm gemmis tundi; dormire in palea, quàm vigilare in rosâ. malo me frustulentæ leuitatis meæ, quàm regij ponderis baiulum. Abeant iterum in maximam malam rem ista indumenta. Ah! ignosce; quisquis es: non enim alium te, nisi sanctum ac nobilem virum existimo. Ignosce, inquam. Si mea me stultitia anxium tenet, tua pietas non dimittet ingratum. Si fors
inopiæ

inopiæ meæ semper amica, nunc me tanquam
aulicum quempiam nitentem non agnoscit;
vehementiùs angor, quòd Christi amore, &
tui odio inopem sponte factum, mihi quæ be-
neficum, te non nouerim. si nossem, profectò
non solùm ad abeuntem festinus accurrerem,
verùm etiam tuo essem lateri semper affixus.
At enim uero in hoc meo infortunio fors mei
non planè oblita, inusitatam, & nunquam an-
teà mihi præbitam largitur eleëmofynam:
quòd nimirum tuo magisterio discere incipio,
quàm vera sint malorum semina, in mentita
bonorum specie: quantæ calamitates in sege-
tem frustrà sperati fructus fallacem augurem:
quàm stabiles curæ in gaudio labili: quanta
molestiarum congeries in nihilo. Sapis heros
egregie. Ego nunc in tuâ veste tanquam in
carcere habito: tu exultas vagus in meâ, tuæ
mihi chirothecæ sunt manicæ; periscelides,
vincula; calceoli, compedes. tu solutus, tu li-
ber, tu nudo pede quâ, & quò diuinus te spiri-
tus agit, excurris. ego nobili ornatu fures ac-
cerso; tu vili sacco fugas. me pavor comita-
tur, te securitas. Egestate prætereunte, latro-
nes in syluis otiantur: at verò ad argenteas
sarcinas certatim conuolant: vectorem exo-
nerant misericordes, ne fortè succumbat. Væ
matrumpiis auro gravidis. O quot obstetrices
ad partum! Sed quid tamdiu blatero? sum
ni-

nimiùm loquax. Hoc innatum hominibus, vt improuiso oppressi casu mutescant; emerfi, largiter garriant. Vir sancte, maiori me dono posthac afficies, si Deum oraueris, vt meâ forte contentus, corporis necessitati, quantum oportet, indulgeam, & animæ salutis quantum possum, studeam.

O R A T I O VI.

Minoressa admiranda Ignatij vite ratio.

PLerumque sermonis diuturna series auditorum animis gratior accidit, si quâ fortè commoda digressionem frangatur. Verùm morosa illa quidem, ac levis est, nisi leporem breuitas, grauitatis ac prudentiæ nutu succidat, cursuque orationis reuincto, ad institutum ac propositum finem reuocet ac reducat oratorem. Quamobrem ne diutiùs homo minimè malus nos detineat, cœptum prosequamur iter. Paulò post igitur Minoressam ingressum Ignatium Barcinonensis pestilentia, non sine Numinis consilio, remoratur; longiori tempore, quàm ille credidisset, breuiori quàm oppidani voluissent. In hoc oppido integer ferè annus exactus est. Barcino, suo ipsa malo, facta est vrbium omnium locorumque medicatrix. Animorum quippe lues, corporeâ peste plures habet funerum vastitates. nihil facilius vulgatu; nihil curatu difficilius. Quapropter

propter interea Minoreſſæ diſquirenda fuere
 Ignatio & comparanda remedia corruptis
 hominum moribus ſummâ virium conten-
 tione ſanandis. Illic ſpatium temporis oppor-
 tunum & commodum diuinitus datum. At-
 tamen vacandum ſibi primùm eſt; tum cæteris
 prouidendum. Nihil mundius, nihil incon-
 taminatius eſſe oportet eo, qui aliorum marci-
 dæ mentis vlcera, & inueteratæ conſuetudinis
 oſſa purulentè limoſa cædere & auerruncare
 aggreditur: ne illum quoque cum alijs, feralis
 gladius ſtultè ſibi accito interitu inuoluat.
 Contagio triumphat in vitijs. in hæc, ab ipſis
 mundi incunabulis, eius primum, & ſum-
 mum imperium. Cælum perrupit & infecit.
 mox in noſtrum orbem incubuit: compen-
 dium amœnitatis ac deliciarum, primis pa-
 rentibus ſepoſitum, è terrarum ſolo expunxit.
 inde ſcœdiſſima eius proluuius in omnes gen-
 tes propagata. De animi tæbe loquimur. hæc
 percuffis viatoribus non patet aditus ad arcem
 intactæ ſanctitatis operoſè munitam: vigili
 cuftrade ad portas, & ad mœnia ſpeculatore fi-
 deli. Adiacentibus tamen ægrotis, iuge foris
 & ſedulum exhibetur obſequium, ſed vitatur
 periculum. Nam quod attinet ad corporum
 virulentas affectiones, ſicut illæ menti non
 communicantur, ita neque propugnaculo
 mentis arcetur. immò verò vndatè præcelſa è
 turri

turri vexillo, signum datur euocandis vndique tabidorum, & quolibet morbo laborantium gregibus. Nihil his clausum, nihil non paratum. Officiosissima caritas impatientes aperit sinus, & iactat vbera. Hoc semper tum hic, tum in alijs vrbibus, non minus quotidianum, quàm solemne fuit Ignatio. Sed suorum quæque deinceps percurrenda sunt loco. Ergo Minoressæ, illius, quàm modò dicebam, arce fundamenta ponit, tam firma, ut neque vllis vnquam dolosis hostium cuniculis subrui, neque apertis labefactari machinis possint; tam ardua, ut vbi in plurimis spectatæ probitatis viris fastigium virtutis constitit, ibi huius ædificij surgat exordium. O titocinij rudimenta, veterani laboris perfecta sapientia! In hac igitur sede, ad animi sui, & florentissimam vitam, & constantissimam valetudinem, studium omne, operam ac diligentiam contulit. Pharmaca verò, & instrumenta solerter exco-gitauit, & ad manum habuit, quibus hominum salutem posset aut partam tueri, aut recuperare amissam. Quis enim est qui nesciat, quæ ab hoc præcellentissimo viro in hac Minoressanâ exercitatione, penè supra hominû fidem patrata sunt? factorû memoria tam recens est, quàm vetera facta. Lux mentis prima virtutû origo est. Hæc Loiolaæ paterna in domo, iâ è diuino fonte hausta, Minoressæ maiorem in modum aucta est,

D

victo

victo vi precum cælo ferreo: Regnum cælo-
 rum vim patitur, & violenti rapiunt illud. cum
 rapiatur, quidni victo? cum violenter, quidni
 ferreo? Et quidem mirum dictu, quod soli
 amici raptores sunt. Ergone hostibus vltro ca-
 dent mœnia, valentarijs amicorum vix prona
 balistis? At tu cæli Domine, maxime tibi, & o
 nobis optime, quandoquidem tu ipse quibus
 artibus tua expugnari Regia possit ostendis.
 Spontè aperis, & pulsari iubes; thesauros pro-
 digis, & quæris emptorem; dona dispergis, &
 exigis merita. Quid igitur cōmemorem totos
 dies noctesque impacto aëre, sua Ignatiū in-
 spirantem ac respirantem suspiria? quid sinuatā
 nudis genibus humum? quid templa pro do-
 mo, promensis altaria, Ecclesiæ Sacramenta
 pro cibis? quid identidem reuolutis & reman-
 sis pijs precationibus ora hiantia atq; suspēsa?
 Sunt hæc quidem fortia tela; sed non diutur-
 no hebetantur tempore; nisi subinde acuat-
 tur ad corēmi quæ cotes alia; quàm Ignatij
 propemodūm incredibilis in victu, potu, som-
 no, amictu, ac ceteris in rebus asperitas? Testa-
 re Minoressa absorptas ab illo, nullā prorsus re
 in stomachum immissa; aut instillata rotas
 hebdomadas. Proh Deum immortalem!
 etiam in tempore viuatur? O ieiunium Ange-
 lorum, solā eternitate, Ignatio tunc nondum
 con-

non cessâ, mutilatum? nisi fortè ieiunium aut
 pascit, aut diuinorum penu ciborum est. Te-
 stare cætera in eius fastis quotidiana, solo ari-
 di panis frustulo, & quidem ostiatim mendi-
 cato, & vulgaris aquæ pugillis, celebrata ieiu-
 nia, lacrymis tantum additis ad condimen-
 tum. testare nudam humum, aut scrupea pau-
 menta, delicato & exangui subiecta corpuscu-
 lo: noctes assiduis illius delassatas & sopiras
 vigilijs. O quoties aurora erubuit, illo insom-
 ni percusso! noctem non puduit, quia cæca
 est. Testare, non dico cæcos intortis ac nodo-
 sis funibus humeros, sed ter quotidie furen-
 tibus terga laniata catenis, ad sonitum crepi-
 rumque plagarum toto tremefacto & miserâ-
 te tugurio. O noster imperator, in te ipsum fa-
 cte, & lanista, & pugnator, quale tibi de te, in
 & cælesti amphitheatro spectaculum exhibest
 Inuident huic arenæ sidera. beatissimi ciues
 accurrunt. pro se quisque contra seseipsum in
 tale certamen committit. sola manus operi,
 non animus deest; neutrum Ignatio. illi sub-
 mittunt, & offerunt palmas: hic erigit, ac reti-
 net flagellum pro palma. hoc nouum trium-
 phantis insigne est, sceptrumque regnantis. Suo
 quisque bono fruatur. O in te crudeliter pie,
 cui ipsius hostis hostium omnium acerrime!
 nuper summam ex hoste Franco humanita-
 tem collegisti, tuâ te misericordiam ablegas?

tūne semper ad tamdiu iam exercitam carnificinam, fatigata supplicia reuocabis? etiāne, consumptā carne, seminiuum cadauer exossabis? quid frustra ad nouas plagas locum scrutaris in plagis? nisi fortè insaturabile vulneribus corpus, noua semper deuorat & absumit vulnera: aut, quandoquidem nulla ferè in eo amplius species & figura corporis, totum ipsum, quantum est, vna plaga est, quæ pascitur plagis. harum sibi nullum indixit ieiunium. faginat, quia macrescit; robustæ illius vires, quia infirmæ; vegeta vis, quia confecta; in sui cruciatu neruosum, quia languet in curâ. Ah! Ignati. nullæne induciæ? nec te mouent, nec tangunt abeūtia iugiter è tui hostis Ignatij disrupto, hiulco, & cruento corpore sanguinis flumina? nullus illis alueus, nulli margines; inundantur omnia. & quidem à Loiolæo discessu continuè hæc increuere certamina. tantæne sitis tui sanguinis? at illum non bibis. bibes tu terra. pande anhelans gremium; nec erubescere; nisi te cogit iste infusus color. hauri; pitissa; iterum sorbe; suge; iterum pota. ebria non vacillabis; stabilises. O quàm vberes & eximios sæcundis inspersa hisce roribus, & pluuijs sceneratricibus imbuta, spondes fructus, creditori nunquam mentitura. Iam subsultant ac pullulant inimica moræ germina, amico patiente cælo, & arridente. Ah! mihi sit
fas

fastam pretiosi liquoris vel guttulam lingere. O artifex peritissime, sat magna etiam illius copia, quo inter litis saxi, fundamenta illa abs te iacta perenni firmitate consistant: O parens euiscerate, sat vasta profusio, infinitæ tuæ generandæ proli. Sed ut ad alia spectanda certamina sese cōuertat oratio, quis non existimasset hominum ægrum, ac sese vix sustinentem, cum è publicis vagantium pauperum ac peregrinorum diuersorijis in nosocomia secederet, eò sui curandi causa itare? scilicet quasi verò caritas, quæ vel in ipso Ignatij nomine scintillet, extincta esset in corde. Caritati nunquam malè est, nisi alieno malo. quo tamen eius vires non deficiunt, quia tantò magis intialescit ad opem. Itaque ille infirmus infirmis, saucius vulneratis, lugens mœrentibus famulatur; solo sibi liberæ seruitutis relicto solatio: neque loci sordes ac fœtor illi nauseam; sed misericordiam mouent. Quid? quòd extremæ paupertatis principatum vicatim ambiens, obuijs quibusque pauperibus suam mactat & largitur inopiam? de qua tamen si quid minutulum sibi necessarium, ab illis vicissim in manum effluit, osculatur beneficium. A mendicis mendicat à se mendicata. Sūmus egestatis amator viuit de bis medicato; ne de sua egestate possit ambigere. seipso mendicior est; ut in sua thesauraria inanitate toties exinanitā plenissimā

pace conquiescat. O voluntariam paupertatem, vel hoc solo nomine beatam, quod adeo nobilis ac tranquilli pauperum generis & parens sit & regina, inter omnes orbis terre principes ac reges sola serenissima ! in hoc igitur magnifico sui rerumque speciosè fugientium contemptu eximia Ignatij virtus enituit.

O R A T I O VII.

Minoreſſa atrociffima Daemonum bella contra Ignatium, pugnaq; ſucceſſus.

Quemadmodum non vnum præliorum genus, ita neque victoriarum. Illis multiplicatis, aggerantur præmia. bellum pulcherrimas generat coronas. hoc vno titulo, dignum nomine suo est. cæteroquin ſeſe terrificum formoſâ obtegit vocabuli larvâ. Ergo ecce nunc è tartareis regionibus inſtructiſſimi Cacodæmonum exercitus. innumerabiliū ac potentiffimorum hoſtium furor ac rabies in Chriſti militem concordī, ac diuerſo impetu fertur. aucto recenter odio tota iam excita erumpit, & armatur crudelitas. Proh ſuperi ! totne Hercules contra vnum ? at quem petunt veſtri mucrones, inſani ? in ſui hoſtem inſenſiſſimum, hoſtes impij adhuc deſæuitis ? quæ iſta barbaries ? ille omni cruciatu ſe propemodum

pemodum confecit: in pœnis sibi non pepercit: in dies auxit. quid adhuc vestra machinatur immanitas? holte misero, afflicto, & iacente confpecto vel ex ipsis hostium manibus arma labuntur: illa ferociùs rapiuntur à vobis. Sed videlicet rem tenemus. consilia sunt ytrimque conspicua. illius in seipsum odium impensè odistis. pellicitis ad amorem. at dum se odit, amat. sed neque hic amor vobis, neque odium placet. Heus tu, de quondam Lucifero, nunc in tenebris laternarie, quid hîc igitur cum tuis vespillonibus ages? aptiora tela quærite. cudite dolos, retia tendite. hortatu non egent, vim acuit imminentium sibi damnorum pauor. perspicacissimi coniectores futura prælagiunt. suspectam habent, non dico cæli machinam, poëticis nescio cuius Atlantis sustentatam humeris, sed terrarum molem, sicut aliorum sanctitate & doctrinâ insignium virorum, sic etiam Ignatij ac Francisci, posterorumque laertis Deo iuvante, in immensa cæli receptacula euehendam. Isti fumigantes inferorum cunei hoc solo cogitationis ictu, ac mētis verberare concidunt, & eriguntur; trepidant, & confirmantur; mordent suspensi frænum, & impotenter excurrunt. animum facit improbitas; spes desperationem obiurgat; fiducia liuore roboratur. Verumtamen oculate militū ductor, ô quàm iniquum tibi ad pugnâ locum

delegisti? quis te neget tenebrarū principem? tu Ignatium, & quidem iam exercitatissimum palæstritam, in pauperum & ægrotorum ergastulis, in cœno, in sordibus, ieiunijs, vigilijs, fame, siti, seruitijs penè dicam enectum adoriris? nec meministi summi illius patientiæ Patriarchæ, quem domo eiectum subdio in lutum proiecisti? vel ipsâ draconum ac struthionum feritate, illis in saltibus innocentem reuērente, tuamque truculētissimam impietatem detestante? Quid tum postea? tu, tu, à te implexis & contextis illius corpori sanguinolento intricatus, & confusus vlceribus, victus atque infamis recessisti. tu stercoree gladiator, (pudet dicere, non te pudet audire?) tu, inquam, eo ipso stercore, quod tuo aduersario, à te fortunis omnibus ac domibus spoliato pro statione commodasti, ignominiosè lapidatus, ac tandem fœdissimè tergoratus au fugisti. O eximias tuas illas vires, cum à mulierculâ eius vxore auxilium implorauisti. Quid? an obliterasti ab animo tuo duellum illud Dei hominis, sapremi nostri principis, non in aliquo circo maximo, aut vrbico foro, sed in desertâ solitudine, & arenosis plagis non virium refectu, sed quadragenarij ieiunij apparatu à Spiritu Sancto pronunciatum: cum tu impudentissime domini tui aggressor modestissimo eius responso ter percussus auolasti? Alij tibi
pe-

petendi sunt ad aciē cāpi, vbi exultes, vbi triū-
phes, vbi tua se ia&et audācia? Contra te olim
primi generis humani parētes in muscolis hor-
tulis, & molli violā interfluēte crystallo, dimi-
carūt, & vicisti. At delicatā, penē dicā puellam,
modò in pulcherrimo productā luco, te primū
visō exterritā emori oportuit. exterritā emori?
enimuerō se nondū mortuā reuiuiscere credi-
dit; sed heu! nesciā se statim moriturā. O glo-
riosum facinus in nemore ad pugnā decreto!
Quid vnquā vsquam gentiū tale? pomū ē co-
lubri ore? & illo vesci? Quid si fraudiū ille opi-
fex, & per futes ludēs imagines, crispuli, bar-
batuli, venustuli Paridis, de Phrygio postmodū
gynęceo abortiui, specie malū prębuisset, quod
illa draconis rictu oblatū osculatur? tantāne in
feminā, etiā sapiēte, stultitia? (Ignoscite Diui,
suis communē hostem detectis & arreptis ver-
bero dolis, impēdio maximi nostri mali.) At il-
le tamē parū vrbane officiosus fuit, cū viperi-
no dēte escā prius momordit, deinde blandiē-
ti ore porrexit. nō potuit manu; quia illa care-
re voluit, dū caput extulit; vt apertē illiceret, &
occultē perimeret. qualiacumque tamen blā-
dimenta illa fuerint, fuēre serpentis: pernicies
verò dominorum vniuersę terrę. O non mi-
nūs miserum quā antē felix par coniugum:
quantū in illa vernanti ac floridā sede, vos iste
murmillo despexit! trucidati estis, nō gladio, sed

pomo, faucibus non laqueo fractis, sed escâ
 præclusis, animam expulistis. cecidistis; maio-
 réne ludibrio, an exitio? At tibi, bone vir, tua
 quoque vxor bellum mouit muliebre. te de-
 mulsit, & conuiuij execrabilis sodalem fecit.
 An ignorabas illam non è tuo cerebro, non è
 corde, sed è latere prodijisse? tuum igitur tibi
 cerebrum habere debuisti, cor Deo, coniugi-
 latus. Euulso ex te osse, tu mollior, illa nihilo
 fortior fuit. nisi quòd (proh pudor!) quæ ex te
 dormiente fabricata est, te vigilantem oppres-
 sit. Expectorasti te, vte o, quod in pomum co-
 luber iaculatus est toxico, per te transfuso, to-
 tam progeniem infandâ contagione corrup-
 peres. O in scenâ illâ gratissimis inumbratâ
 frondibus, ac theatro sertis vndique redimito
 ætæ tragædiæ deploranda catastrophe! Quâ-
 obrem non sunt idonea hominum castris
 ponendis huiusmodi loca. Id probè didice-
 rat egregius pugil & luctator Ignatius ex ijs,
 quos suprà commemorauimus, libellis. Attamen
 hostes ab incepto non desistunt. ardentiores
 insistent operi, agitur de summa rerum. Primò
 quidem obijciunt florentem ætatem, & bea-
 tos, si velit, dies. exploduntur. Deinde cuius a-
 nimus præsentis vitæ, bonis omnibus circum-
 fluentis, iucundissimâ recordatione flectere
 nequeunt, à constanti futuræ rigidissimæ at-
 que asperissimæ proposito deijcere connitun-
 tur.

tur. nihil proficiunt. Tum denique cuius cōscientiam nouis peccatis sauciare non possunt, prætorum stimulis pungunt, ac propè confodiunt. Hæc viro timenri Deum, pœnarum omnium grauissima. Quid multa? istarum legionum Imperator Ignatio maiorem quàm credi possit curarum ac molestiarum molem vix sustinenti, suadet vt se ex editâ cubiculi fenestrâ præcipitem agat. ô ingeniosum, & efficacem de militum duce oratorem! è præcipitio in præcipitium vocas? Dic sodes, vis videri sapere, an insanire? perpetuæ ruinæ stipendio temporariam suades? perniciem, vt video, fœneraris. hanc breuissimam vitam etiam corripi iubes, morti nunquam morituræ immolandam? hoc profecto non est clauum clauo tradere, sed mordaciter sistere, & firmitus stabilire, interminato labore. Sed Christus suo non defuit militi. vocanti ac precanti astitit. vires auxit. cum certante certauit. victorem effecit. Reconde rostrum ô, de plagiario, facte curculio. tuus Ignatio penetratus est astus: tuarum, ô versipellis, rimatus ille est insidiarum latebras. ex eo tempore ita dæmonem contemptui habuisse fertur Ignatius, vt illum familiari baculo, cum os importunum inferret, abigeret. Quidni scipio, canum Attila, canem fugaret? caue lumbrice pedem. fuge vespa muscarium. Iam verò quanta lux noctem illam,

illam, quanta tempestatem subsecuta sit tranquillitas; nec meæ mentis est spectando perspicere, nec facultatis dicendo enarrare. liberalis, & suorum non immemor Deus, qui mensus est pugillo aquas, & cælos palmo ponderavit, (ut Vatis maximi utar vocibus) Ignatium turbulentis molestiarum discussum undis, & angore pressum in tantam, ereptum ac solutum, cælestis voluptatis, & optatæ quietis amplitudinem laxavit, ut in eo, iam debellatis hostibus pacatissimo, inter præteritum dolorem præsentemque lætitiā, noua de magnitudine sit orta contentio. Iudicium huius causæ non postulandum, sed emolumentum percipiendum fuit. Nam quid dicam de frequenti eius in Deum excessu, quo non pauca quæ solius fidei Catholicæ dogmatis continentur, clarissimè vidit? Sed illud imprimis memorabile, quòd, nulli mortalium intellectu euidenter peruium, Sacrosanctum atque adorandum Trinitatis mysterium, diuino planè, ac naturæ terminis eminentiore modo, per quasdam velut imagines ac similitudines, ita patefactum est, ut etiamsi contigisset, ut nihil prius de illo unquam inaudiret, tamen in propugnanda tam illustri ac firmâ veritate, cruciatus omnes, ad extremum usque spiritum, constantissimè pertulisset. Mitto, sacerdote sacris operante, ab illo Christum Domi-

num

num in hostiâ venerabili apertè conspectum. Mitto alia quàm plurima, ingentis erga illum amoris à Christo, & beatissimâ Virgine, quorum manifestissimâ & iacundissimâ præsentia per sepe recreabatur, profusa testimonia. Quid, quòd ita in altissimam rerum cælestium contemplationem, quodam in templo raptus est, ut non secus, ac si corporeis vinculis solutus esset, plurimi, qui tum spectatores subindè aduentabant, octidui continuato spatio immortum iacuisse testati sint? & illum quidem miserati boni viri, quem mortuum certò credebant, sine dubio sepeliissent, nisi diligenter exploratus, cordis attactu, pulsus repulisset pietatis officium. Corpus tumulo nondum maturum, sepulturam euasit: vita verò mortua, viuo est in corpore tumulata. Miratur quispiam hoc dictum? at Doctorem Gentium audiat loquentem; Mortui estis, inquit, & vita vestra abscondita est cum Christo, in Deo. Nò minùs profectò ignotum est, quàm salutare hoc vitæ, & sociæ mortis genus. Est qui mori cupiat, quòd sibi vita incommoda sit: est qui viuere expetat, quòd mors displiceat: incertæ autem sunt rerum vicissitudines, & nos mutamur in horas: sola inconstantia in rebus humanis constans est. O igitur felix & tuta conditio, quâ quis, quidquid accidat, secto, vno ictu, inter vitam & mortem electionis nodo,

seim-

semper simul, & viuit, & moritur. Ad se tandem reuersus Ignatius, & reducto placidè spiritu, intellexit, sibi ad Dei gloriam diuturniori morte viuendum. Surgit, ac tum demum homines illi circumfusi agnouère nihil euenisse, quod aut re ipsâ timendum sibi esset, aut illi dolendum. Cæterùm se dignos veniâ, qui mortuum putassent, qui se viuum ignorabat: quem si fortè, quod absit, terræ mandassent, fortunato euentu, vigilem illum soporem beatorum prægustantem delicias, altius clatum & claro numinis expletum intuitu, futurum, fuisse perpetuum. Ex his omnibus, quæ tum Loyolæ, tum in Mōte Serrato, tum maximè, & præcipuè Minorellæ acciderunt Ignatio, quæque ille expertus est, quæ in memoria defixit, quæ intellexit, quæ secum ipse diu multumque contulit, incomparabilis ille partus exitit libelli quem vulgò Exercitationum spiritualium nominamus. Exiguum opus arctè colligit vires, ad salutem hominum potentiùs exercendas. vim suam seminis exilitate dissimulat; fructuū copiâ fundit. breuissimo sinu condit æternitatis beatificæ germen. atque, ut gemino verbo omnia comprehendam, illud est ad virtutes panspermia, & contra hostiles Dæmonum impugnationes armamentarium. Cùm igitur tot actanta beneficia sibi à Deo, non suo tantum, verum etiam aliorum bono col-

col-

collata esse probè intelligeret, ita in illorum
ciuium adiumentum, quâ sollicitis ad Sacra-
mentorum Ecclesiæ frequentem perceptio-
nem hortationibus, quâ vitiorum turpitudine
amoliendâ, virtutumque ingerendâ pulcritu-
dine incubuit, vt in eo studio atque operâ ma-
ximam diei partem noctisque consumeret.
Minoreſſa maiorem ſe repente circumſpexit.
Verùm Chriſtus opt. max. cariffimi ſibi famuli
erga ſe amorem nouo rurfus experimento ten-
tandum cenſuit. Amor habet pro menſurâ
pœnas. Caritas in vndis haurit incédia. Equi-
leus amori currus triumphalis eſt. Ergo illa, de
quâ antè diſſerebam animi afflicto ita mox
in corpus Ignatii translata eſt, vt in apertum vi-
tæ diſcrimen redacto, luctuoſis totum oppi-
dum vocibus circumſonarét. Non vt priùs
ſacrâ in æde proſtratum, trépido in ambigüâ
morte argumento circumſedebant, ſed in hi-
ſpido grabatò, velut animum agentem, certâ
propemodum ſententia vitâ functum arbitra-
bantur. Mors à vitâ in templo eluſa, nunc
ſeſe vlcisci velle videbatur. Parùm abſuit quin
tumulus verè mortuum inuolueret, quem vi-
uum deprehenſum paulò antè repudiauerat.
Sed quoniam corporis vexatio, de qua nihil
remiſerat, nec non indefeſſi labores in homi-
num moribus ad pietatem Chriſtianam in-
formandis, tantam ægritudinem pepererant,
medica

medica Dei præsentis dextera ita illum morbo leuauit, vt ad votiuum iter Hierosolymitanum se vtcumque idoneum paratumque sentiret. Et ecce lugubris oppidanorum lamentatio, & miseranda collacrymatio. Dixisses Paulum à Mileto decedentem. Ergóne, vir sancte, modò è mortiferâ feбри diuinitùs nobis reddite, nunc, repentè, sanus eriperis? Ergóne quem aliquot antè mensibus, vt hospitem venientem excepimus, nunc vt parentem abeuntem excedere patiemur? ô annum momento breuiorem! Ah! ne nubes à te, ô lux nostra, disiectæ recurrant. Tu hîc animorum luem oppressisti. ah! ne Barcinonensis, quæ te hîc detinuit pestilentia, nunc extincta, in nos conuersa, alias excitet flammæ. Angustiæ nostræ, scilicet, te tantum virum non capiunt. nec mirum: quandoquidem (quidni lubeat augurari?) nec te, nec quostibi Deus adiunget socios, totus terrarum orbis suâ poterit immensitate coercere. quamquàm hoc nobis solatium aliquod est. cùm enim nostrum hoc oppidum intra terræ ambitum contineatur, à ruis, ac posterorum beneficijs excludi non poterit. Abeas igitur prosperè, quoniam ita placitum superis. Ad hæc Ignarius collaudato illius regionis erga se studio, & gratijs de more actis, beneque precatus, propositi tenax, Maioressâ discedit (Minoressam dicere volui;

sæpè

sæpè hîc erro, quia mentiri pudet.) Barcinonem peruenit, inde reiecto omni subsidio, & obfirmatè recusato vrgentium amicorum viatico, incomitatus in Italiam trajicit, speduces, & comite inopiâ. Utinam pari cum illo ardore per immensa locorum spatia, excurrere posset oratio mea. Quis enim crederet difficillimis temporibus clauso mari, impeditiissimis itineribus, cum tota Italia, imò Europa atque Asia, bellorum flagraret incendio; cum sumina hyeme viæ omnes ac semitæ, quæ niuibus, quæ inundationibus corruptæ atque deleræ, insuperabiles essent; cum pestis vbique grassaretur, & ciuitates hauriret; cum ad vrbium portas vigilantissimi custodes essent affixi, quis, inquam, crederet homini peregrino, pannofo, lurido, macilento, ac seipsum trahenti, cuius ne aspectum quidem, non iniustus eâ tempestate hominum timor ferre posset, quem incolumitatis publicæ cura, non iam, ut simulacrum mortis, sed ut mortem ipsam horreret, tam duros, tam obstinatos atque inexorabiles aditus patere potuisse? Hæc sunt videlicet diuinæ prouidentiae erga spectatam suorum virtutem testimonia memoranda. Desperatio sui, proiecta in Deum, cum illo commercium exercet: potentiam submouet: exigit vires, & contrahit. fiducia reuerenter generosa, misericordiae sponsonem stipulata,

E

gratui-

gratuitam tutelam in ius vocare quodammo-
do potest, hortante Deo, & vindicatam possi-
dere, dictante iudicio. O facilis permutatio!
O iucundus infinitæ bonitatis cum homine
lusus! immemorem sui, curis vacuum, & in sui
nihili recumbentem paluillo, rapere thesau-
ros è gremio vigilantis Dei. At hæc etiam pars
quædam mercedis, quòd cum per ea tempora,
nobilium, diuitum, ac principum virorum plu-
rimi, passim arcerentur ab urbibus, magnani-
mus heros, quem vilissimum hominem stoli-
ditas vulgi apud se reputabat, ita usquequaq;
discurreret, vt qui domum paternam Christi
causâ reliquisset, terrarum amplitudini domi-
nari videretur. Magno tamen hæc illi consti-
tère. nam tametsi, vt modò dicebam, omnibus
tunc esset incognitus; fieri tamen non potuit,
quin nubem, qua se induerat, violentus virtu-
tis fulgor scinderet. tanto si quidem labore iter
sibi aperuit, ita illum (sicuti etiam, aliæ postea
necessariæ excursionēs) Hierosolymitana pro-
fectio exercuit, vt singularis eius animi demis-
sio, incensus Dei amor, caritas erga omnes, pa-
tientia, forritudo, & constantia dubium reli-
querint, an plus alijs boni contulerit, an plus
ipse mali pertulerit.

ORATIO VIII.

Venetias contendit IGNATIVS, inde in Palestinam; tum in Hispaniam reuertitur.

HOc habet inter cætera bellorum vis, ut eorum magnitudo sese fortissimorum militum parentem, multitudo altricem profiteatur. In patenti campo certaminis, strato commilitonum corpore, non virtute, sese animosior effert generosus miles, & aut ex ipsis cadaveribus, cum usus poscit, sibi aggerem interritus struit, aut calcatis ruenti furore obicibus euadit in hostes, atque increpito Marte ex illis funera congerit; ne, si non vicisse cum gloriâ, certè quidem non cessisse cum dedecore iudicetur. At ubi nulla virget iusti belli causa, ludicræ identidem exercitationes nunquam non fœcundæ ad aliquos fructus esse solent: cessatio verò, militaris nouerca virtutis est. Ignatius igitur victis in acie Minoressanâ, profligatisque Tartareis immanissimorum hostium legionibus, haud sese reficiendis viribus in castra recipit; sed sui ipsius iam factus imitator, secum ipse certat, ac seipso valentior, ad grandiora anhelans virtutum omnium facinora, cum durissima, ut suprâ memorauimus, aggressus esset itinera, nec non incredibiles viarum difficultates pertinaci constantiâ superauisset,

uisset, Caietam delatus, & Romæ, in transitu, ijs quæ ad exquisitum illius sanctissimæ Urbis cultum excogitari possunt, pro ratione sui status, ritè peractis, Venetias contendit. Alius tibi nunc, Ignati, ad cælestis patrocini celebrationem idoneus orator deberetur. In hanc igitur ciuitatem cum penè iam clauso die ap- pulsus esset Ignatius, rudis locorum tam vastæ urbis, & xenodochiorum ignarus, neque, utpote despiciatissimus, ductorem vllum nactus in celeberrimâ D. Marci plateâ, lassitudine, frigore, fame ac siti consumptus, sese ad angulum officinæ abijcit. Et ecce nocte concubiâ, diuina vox ad aures Marci Antonij Triuifani, non minùs re, quàm titulo clarissimi Senatoris insonat: Tenè igitur in delicata culcitra laxè quiescere, peregrino mihi carissimo, non procul hinc à tuo palatio, semianimi iacente sub dio? Vir pius, ad Dei monitum, etiam in sopore, vigil, & surdâ nocte auritus, corripit è lectulo corpus, homini sine cunctatione quærendo. Luna tunc aut præ commiseratione languidâ luce pallebat, aut præ verecundiâ se in nubem abdiderat. famulus prælucente face subibat nocturni sideris vicem; misericordiâ dominum stipulante, & nullo pudore prohibente. Erigit Senator afflictum ad humum pauperem: domum benignissimè ad-

adducit, recreat, reficit, fouetque. Egestate hospite opulentiùs euasit hospitium. fortunatus Triuifanus, tanto beneficio collato, Ignatius nunquam ingratus futurus, accepto. Vtriusque rationes diuersis nominibus in thesauros Dei relatæ sunt, imperante & æconomica caritate. Hospes hospiti debitor: hic mendicando; ille largiendo: mendicus ut uiuat, diues ne moriatur. Stat sua utrique secura & copiosa remuneratio; Dei fide propignore, & Deo pro præmio. Ambite diuites tale cum paupertate coniugium. Sed Ignatium è portu soluentem in Palæstinos, & hospitij tam boni sui que voti memorem, prope-re abeuntem prosequamur. Prospera nauigario. Vehitur cum Ignatio in ventos imperium. Mare Creticum, Cyprium, Syriacum erga commissum sibi ab Hadriatico pignus consociauerit fidem. Exponitur tandem in continente non cognita barbaris merx. O vos felices, Solymi, si quantum apud vos hausit voluptatis & gaudij, tantum in eisdem emolumenti redundasset! Nemo penetrales cordis sui erga Deum affectus ullâ potest arte adumbrare. quis alius queat dictionis penicillo luculenter exprimere? Narret suos ipse, si potest, Ignatius: referemus auditos. O quot ijs in locis, quorum incola, mundi conditor esse dignatus est, Ignatij gressus

acregressus: potissimum verò ad præsepis mæ-
palia, ad vrbis Sionis partes, ad montes Calua-
riæ, & Oliuarum! Huc modò, modò illuc it-
que reditque, iteratque easdem vias, Christi e-
brius amore, & faucius iaculo. Nunquam ex-
plentur oculi earum intuitu rerum; neque ex-
ultantis peregrini lassescunt membra discursu.
O quot ardenti vultu, pando ore, labris tena-
cibus, Seruatoris nostri vestigijs impressit oscu-
la! Accipite hanc animam, aiebat, meque hîc
mortalibus vinclis exoluite. ô tellus, quæ flu-
ctuasti quondam in cruore diuino, vtinam
posses, si purus essem, imbui meo! Maduisti o-
lim largiter. ah! hæsisset vtinam illius stillula
succi, quam nunc linguâ mihi fas esset elicere.
Verùm totus ille sanguis in suû refusus est al-
ueum. recuperandus erat ab eo qui fudit, vt-
pote illi pretiosus quòd fuderit, & nobis salu-
taris quòd fusus sit. perfundere istis lacrymis,
quandoquidem tibi sanguine litare non pos-
sum. Suggere nunc cælum nouos meis ocu-
lis fontes. Cresce Iordanis hoc flumine. &
vos aquæ Siloë, quæ itis cum silentio, ad
meos gemitus edite voces. murmurare aqua-
rum est. Rumpite consonas meis lamentis
querimonias. Verùm quæ in medijs terræ
faxorumque fragoribus mutæ quondam fui-
stis, vestro intereunte & ingenti clamore spi-
rante principe, quis vos speret vocales hoc
tem-

tempore ? Magna durities indigenarum, quorum vel fluij lapidescunt. Inauditum est sili-ces fluere. Vos quoque circumiecti colles, omni Echo conclusâ, contractuum iura viola-tis; non redditis datas mutuò voces. Ex ada-mantinis Arabiæ rupibus olim Israelitarum re-percussus clamor multiplicauit sonum. Ma-gnus ille vester legislator ex iisdem virga tor-rentes expulit. nulla nunc à vobis potest ex-torqueri vocula, neque exorari lacrymula. Au-feram à vobis cor lapideum, & dabo carneum, inquit Deus vestræ nationi. satius fuit lapideū relinqui. carneum lapide durius est. Cor con-gruit vestræ ceruici, popule duræ ceruicis. quàm appositè hæc à Deo appellatio ! om-nium quippe gentium vos premunt iuga. Eia generosi baiuli, quâ pater orbis terræ ampli-tudo lunate tibias, varicando discurrite. quæ Deo opt. max. subdere renquistis, Dæmonum victimæ, colla maçtantur. Hæc aut alia non absimilia, inani quidem illis rebus studio, sibi verò commiseratione non inutili iactabat Ignatius. Attamen inter eas vtbes & pagos, maceriam sibi aliquam seligere decreuerat; vnde sacratissima vitæ, & mortis Christi mo-numenta obiret; vnde errantibus illis genti-bus ad veritatis statum vocandis excurreret; vbi denique, quod caput est, se ipse colli-geret, perfectissimæ sanctitati, diuinarum

commentationum magisterio, comparanda. Inhibitus est, tum virorum prudentium auctoritate, tum prouido Numinis consilio. Non mirum quòd Iudæa veros Dei cultores non ferat, quæ sustulit Deum. Remigrandum eò est Ignatio, vnde profectus est. Sic & olim Apostoli, excusso pedum puluere, quo Iudæi excæarentur; Christum in alienas terras importarunt, quò cæci lumen intuerentur. Luna meridiano siderum omnium genitoris occasu vestrum, Hebræi Deicidæ, execrata scelus, mutilatum aliquot horis diem mundo extinxit: at vobis integrè obstructum continuit, nunquam aperiendum, nisi postremis temporibus, rerum omnium catastrophes futuræ prænuncijs. Secula palpatis, ô cæci; stringite laruas. Ille, ille promissus ab exordio mundi, iam missus est. iniuriam facitis promittenti. beneficium spem non fefellit, quod expectationem anteuertit. quid petiris datum? quid præsentem quæritis? Enimuerò, si Deo placet, perfidia vestra Mahumetanæ cognata insanæ maluit Turcas in regionem vestram, (fallor. nusquam quidquam vestrum est, præter pertinaciam) istuc, dico, vbi seruitutem seruitis, accire. Congeminastis Lunas, ô nebulones. Auerſi à Romano sole, Lunam Turcicam colitis. Istic solo æquatis magnificis quondam
ædi.

ædibus , in fastigijs gurgustiorum, non magis aurâ,quàm fumo , Lunaria ventilantur vestræ & Turcicæ gentis insignia. Concurrите cornibus Lunæ; non ad dissipandam certamine, sed ad conglomerandam pace caliginem. Hoc videlicet vobis à Deo debebatur supplicium. interempto Domino seruos expulistis. Lucem mundi suos Christus appellauit Apostolos. Quid non in vestris mentibus suâ luce præstitissent, qui primo Ecclesiæ ortu, ægra corpora vel solâ corporis vmbra sanauerunt? Reuertatur igitur peregrinus Ignatius; colligat sarcinas. at nullam habet. sed tamen Cyprum (vicinam insulam) cum promiscuâ peregrinorum turbâ, nullâ exactâ mercede transuectus est. Cypri non eadem fortuna. Vrget tempus; venti fauent; mare sollicitat; nautæ inelamant; concurritur. Stabant ad littus naues capacissimæ & validissimæ, ac propterea onerariæ, & honorariæ. hoc utroque nomine, angulus pauperi & despecto à nauarchis, etiam in portu, & cum cauillis, importunissimè insultantibus negatur Ignatio. Heu quid hîc ager? Ergone solus in ignota vir sancte iacebis arena? supererat altera quædam naucula, compagibus penè luxatis, infirma. hanc Ignatij nihil habentis gratis oneravit inanitas. Quidni gratis? nihili pro nihilo iusta solutio est. Ah! quod mihi exci-

E s dit

dit verbum? Nullum profectò nauigium, hoc toto mari, quidquam grauius aut opulentius tulit. Non est quòd pro hac vecturâ naulum exigatur. nullum vtrique sufficiens erit. solus Ignatius pro seipso condigna est merces. non quærat alia. Sed quid tum postea? Nimirum ecce tibi repente excitatâ tempestate saeuissimâ, priores illæ naues partim conuolutæ, & raptæ imis gurgitibus, nullo superstitæ, partim infami laceratæ naufragio, cum suis mercibus ac mercede perierunt. Dignum impietate stipendium. Nautæ, qui hausti pelago cum tot opibus fluctuatis, explicate sagenas isti nouo piscium generi: tendite retia. piscari vobis, si nunc potestis, licet. Mitiùs, & quidem meritò, actum olim in fabulis cum Vlyssis comitibus. Illi quæsitâ in vtre pecuniâ, inclusum ab Aeolo rege ventum obnoxium, solique rei conscio Vlyssi datum, illicò inde ruentem, in deplorandos classis periclitantis errores, ridiculo stupore senserunt. Hoc tamen non crudelitatis crimen fuit, sed auaritiæ culpa. At verò posterior illa naus, suis angustijs ampla, debilitate robusta, tametsi cum maximis procellis diu multumque luctata, salua tandem atque incolumis, opratissimum in Hadria litus arripuit. Hoc fuit pauperis Ignatij naulum. Cùm Venetijs iterum paulisper substitisset, quamquam tam diuturno labore,

& corporis ægritudine prostratis viribus; tamen per Aemiliam, & Galliam Cisalpinam, quantâ potuit celeritate, Genuam contendit, Barcinonem inde, maritimâ viâ, nouorum studiorum causâ, repetiturus. Cùm enim vehementissimâ salutis alienæ siti arderet, quam probè intelligeret expleri sine doctrinarum adeptione non posse; in ea ciuitate ad hanc rem prima iacere fundamenta decreuit. Sed nunc venit in mentem quoddam illius factû, non minùs proficuum exemplo, quàm auditu iucundum. Ferrariæ fuit. illud præterire non debeo. gradum itaque reuoco. In æde igitur sacra, illius vrbis primaria, mendicus Ignatium, vt solebat, religiosissimè Deum orantem conspiciatus, nec minùs crumenis deuotus, quàm ille Deo, ratus petitioni suæ à viro tam pio repulsam non timendam, illius precibus suas admiscet, ad diuersum tamen dominum. feliciter audax petendi necessitas, spem obtinendi animat, nutritq; vaga mendici licentia. Ignatius ex ijs paucis nummis quos Venetijs, à ciue Cantabro, extremæ tunc necessitati suæ subuenturos, admittere coactus fuerat, vnum mendico, mendicior ipse promptissimè donat. Paupertati nihil deperit; illi dies instaurat diē. Illico pauper exultat in nummo. Ad tripudium collegæ aduolant. obsidetur Ignatius. Quid multa? Sacculum exenterat pecunia, & infer-

infercit lætitia. Mendicorum turba tam liberalem ac munificum virum paulò post per urbem sibi panis frustula mendicantem incredibili admiratione conspectum repente Sanctum vnanimi & faustâ voce conclamant. Hic fuit paupertatis triumphus ; nisi quòd Ignatio , Christianâ humilitate ditissimo , lugubris fuit. Quid ? an omittam aliud alterius generis , patientiæ videlicet ac fortitudinis , à viro præcellentissimo datum in Gallia Cisalpina documentum ? id neque illius meriti , neque officij mei ratio patitur. Eo tempore , quælibet illi morula , ætas videbatur. contigit tamen vt tunc plus perciperet gaudij pro animi fructu oblato , quàm pro parte temporis erepta , mœstitiæ. mora currenti delinijt , quem pupugit pedem. Ergo cùm in eâ prouincia , inter potentissimos reges bellum atrocissimum gereretur , fortè in Hispanos milites Ignatius incidit. Exploratores creditum confestim sistunt duci. Dux nullo alio sibi ad interrogata dato responso , quàm Herodià Christo , Ignatium omnino amentem arbitratus , irâ ipsemet ferè amens ac stomachabundus , indignationem in milites euomit : hi vindictam in Ignatium. Assuetis alio armorum genere , tunc placuit pugnos , calces , bacilla , verbera , contumelias , & maledicta in summam viri innocentiam exercere :
quem

quem etiam, ne cruciatibus deesset ignominia, paulò antè per castra ad risum effusa, nudatum circumduxerant. Ignatius cogitatione defixus in eum, qui tot pœnas, qui ludibria, qui nuditatem, qui necem crudelissimam hominum causâ pertulerat, sibi delicijs videbatur delibutus. Id solum habuit tantæ dulcedini admixtum amari, quòd ex illorum manibus à morte immunis abscederet. Nimirum parenti nostro non sterili, à Deo retenta est vita generandæ Christo Domino proli, quæ seculorum decursu, patiendi pro Catholicâ fide ardorem sanguinis profusione restingueret. Iam parentis optimi voluntatem filiorum plurimi varijs in locis suâ ipsi morte testatam, & perpetuâ cruoris notâ obsignatam relinquunt. Tuo Ignati, quem Deo Optimo Maximo per te ipse libare minimè potuisti, traducto in posteros sanguine, terras ad cæli hæreditatem vsquequaque fœcundas. Tu vnus, in Christi gratiam, semel occumbere paratus, nunc sæpè trucidaris in multis. Operæ pretium fuit tunc non mori, vt perpetuò interires, ac viueres. Deum largiter exorasti: plus concessum, quàm peteres. venerare vota tua. At heu! quò progredieris Ignati? Rectum quidem iter tenes, pro fiduciâ in Deum: sed pro tui contemptu, negligis pericula. Tu ab Hispanis transis ad Gallos? è scopulis
ad

ad syrtes? fortuna, opinor, nescit quò te trudet.
ipsa quoque peregrinatur. Tam ferociter
acceptus à tuis, humaniter tractaberis ab a-
lienis? Illi exploratorem te esse putauerunt:
hi te sibi fauentem delatorem iudicabunt?
immaniter illi vexarunt; vide ne hi te crude-
liter necent. Sed profectò longè aliter acci-
dit. Obscra Hispanis innocentia, Gallis
illustris fuit; vel ipso silentium protrahen-
te Ignatio. Non solùm enim eorum dux,
verùm etiam totus exercitus seminecem mi-
serati, benignissimè tractatum, ac recrea-
tum dimiserunt. Sic tragœdia in tragicomœ-
diam translata. Et hoc quoque à Dei fideli-
tate præmium: vt quicquid causâ Loyolam,
maiorum sedem, & paternam domum &
amicos reliquit; apud exteras gentes, in ho-
stium statione foueatur vt ciuis, vagetur vt li-
ber. In Hispaniâ illum Pompeiopoli Gal-
li honorarunt; contemnent in Italiâ? Di-
uina consilia contexunt, & parant miros re-
rum eventus. Galliam colet; sed aliquan-
do futurum est vt triumphet cultus in Gal-
liâ.

O R A T I O IX.

IGNATIVS dat operam literis in Hispania: vbi
eius innocentia miris modis exercita, fit
illustris.

INter celeberrima rerum ab Ignatio gesta-
rum monumenta, illud, meâ quidem
sententiâ, non vulgari admiratione dignum
censeo, quodd, cum eximiâ doctrinarum ade-
ptione, nihil laboriosius esse, nihil quod ani-
mum liberiores, nihil quod corporis affe-
ctionem meliorem desideret, videatur; tamen
in Hispania, tum deinde in Galliâ inter fi-
de maiores, atque inter se contextas ærumna-
rum cateruas Ignatius à 33. vitæ anno, ac pau-
cis consequentibus, sublimem potuit multi-
plicis sciëntiæ gradum, doctissimorum virorum
approbatione, conscendere. Itaque Barcino-
nem recurramus. Illic igitur, vt suprâ attigi, ele-
menta Grammaticæ deuorauit Ignatius auidè,
vt par erat, citiùs quàm oportebat, postmo-
dum proinde necessariò remandenda. Huius
laudandæ famis impatientia, si humanus ca-
ptus admisisset, non differendâ satietate di-
gnissima, vt in magnum auidæ voluntatis me-
ritum, sic in non exiguum nutritionis detri-
mentum cessit. sed successit merito præmium,
& detrimento remedium. Matura illum ætas
ad tantam celeritatem stimulauerat: sed
per-

perspectum postea damnum impetu represso, ad metam volantem ita reuocauit ad carceres, vt prior illa præpropæ festinatio studiorum cursum tardiozem effecerit. Natura homini pedes, non alas dedit. Itaque Barcinone de militiæ magistro, factus Grammaticæ discipulus, castra conuertit in scholas, arma in libros, clypeum in cartas, gladium in calamos, sanguinem in atramentum, patentes ad aciem campos in puluerem literarium, commilitones in pueros, tubas in tintinnabula, imperandi officium in parendi mancipatum. Ille in florenti ætate, rudi, quâ dignissimus erat, puerilia Grammaticæ rudimenta prætulit. Ille sibi ad cælum gradus erexit, nominum ac verborum declinatione sublimes. Verùm in hac literariâ exercitatione, fuit illi grauissimus omnium subeundus labor. Deus cum Deo commissus in prælium est. Ignatius Dei amore flagrabat, & Dei causâ salutem sitiebat hominum. hæc trahebat ad capeßenda bonarum artium studia; ille ad diuina contemplanda rapiebat. Quò se verteret? Perstat ijsdem horis ac momentis, hinc sitis in homines, illinc raptus in Deum. hic totum sibi, & illa sibi totum vendicat tempus & animum. A toto vtriq; parti satisfieri non potest. Amore potentiore discendi conatus elanguit: studia refrixere, crescente incendio. Sed non multò post noster ele-

elementarius tiro, spirituali prudentiâ & ex-
 perientiâ prouectus Doctor, latentes in illo
 specioso certamine demonis deprehendit in-
 sidias, ad salutare, & Spiritus sancti, alioquin
 minimè perturbatrices cordis motiones, im-
 portunam, & alieno tempore, sacrarum scri-
 pturarum notitiam, & arcana penitus sensa,
 rerumque cælestium obiectas imagines coa-
 ceruantis: vt aut sementis litterariæ iactum a-
 uerteret, aut se in ipsis doctrinarum incunabu-
 lis opprimeret. O versutiæ, ô fraudes! Implacabilis videlicet ille hostis ante nouum hoc
 præliandi genus, vix speratâ de Ignatio, pro
 Dei gloriâ pugnante, victoriâ, animum illius
 vertebat in pugnæ campum. in hoc campo
 bellum Deo inferebat, vocato ad opem Deo.
 Deum Deo debellare moliebatur. Ars suum
 elusit auctorem, calliditas nimis efforbuit: ad-
 ussit cusorem doli. Machinamenti scopus
 ac finis fuit, vt sapientissimo viro non solum
 instrumenta inuandorum hominum excin-
 deret, verùm etiam vt Societatem nostram,
 quam ex illo nascenturam fortasse subuereba-
 tur, ante conceptum præfocaret. Accede-
 bat ad eius iram, quod inlignem tanti viri
 spontè repuerascens animi demissionem fer-
 re non poterat. Sed & hoc persentiscens Igna-
 tius, & in suscepto studiorû labore diligentissi-
 mè insistens, ad pedes Ardebali ludimagistri
 F ad-

aduolutus, ac supplex, enixè precatus est, vt nullâ ætatis aut personæ habitâ ratione, in se tanquam in alium quemlibet infimæ plebis puerum, virgis seuerè animaduerneret, si quando imperatum sibi pensum non peregisset. Quo factum est, vt constantissimus Christi famulus, euerfis inimicorum artibus, duobus illis studijs, Deo scilicet, hominibusque vacandi, singulatim alternum tempus, prudentiâ moderatrice, partiretur. Stant suæ quibuscumque rebus in naturâ vices. Hyemem ver excipit, æstatem autumnus. quotidie nobis sol idem, & alius oritur. Continuis imbris non assurgunt, sed putrescunt segetes: intercisis adolescunt, & maturantur. Putandæ vites, ne luxuriante moriantur vitâ. Collige fructus arbore incuruescente pendulos, vt sursum reuectâ, cedant nascituris locum. In artibus discrimina operas: secerne singula, ne confundas omnia. In officinis turbarum nihil necesse: sat strepitus in illis. Distribue officij partes in moribus, ne officias toti: & caue ne requisita incubans operi mōra, compendio irritata, abortum effundat. Inter hæc, cum Ignatius, distinctis ac decretis studiorum, non diligentiae interuallis, in singula totus incumberet, viri nonnulli, aliâs, & graues, & amici, rati, id quod reapse non erat, satis illum in Grammaticis profecisse, magnopere auctores fuerunt, vt

Com-

Complurum profectus ad altiores doctrinas gradum faceret; ut non exemplo tantum; sed etiam scientiâ, homines à prauis moribus, & vagâ licentiâ abstractos, ad rectum & Christiano dignum hominem statum vitamque traderet. Ille, tamen conscientiam exiguum hactenus fructum mordente nutaret, nihilominus maluit, pro suâ modestiâ, iudicio aliorum cedere, quàm pro veritate, nondum planè sibi certâ, pertinax ullo modo videri. Ecce illum igitur, Barcinone lugente, Compluri; & aliquanto post Salmanticæ: secutis quatuor socijs, qui iam illi Barcinone, desiderio imitandæ tam arduæ virtutis, adhæserant. Iam verò cum in re, quæ communi sermone percrebuit, nihil ignotum mea proferre possit oratio, dicam solum & generatim, ea ipsa quæ tū Complui, tum Salmanticæ sanctissimo ac fortissimo viro contigerunt, nonnihil fortasse tunc ad eius res incommodi, postea verò plurimum utilitatis attulisse. Nouum igitur spectaculum ijs in oppidis videbatur, hominem pauperri-
mum, totius oris & corporis habitu vilem, hyeme rigidissimâ, nudis incedentem pedibus; ieiunijs, vigilijs, alijsque id genus vexationibus sese assiduè macerantem, nullis præterea bonis artibus cultum, ac proinde gymnasia discendi studio terere incipientem, ad populum verba facere; de rebus diuinis, & salutis no-

stræ mysterijs vbique miscere colloquia; de vitijs ac virtutibus, earumque natura summâ animi contentione differere; insuper quamplurimos ad eiusdem vitæ consortium, mirâ felicitate pertrahere. Res ad Sanctæ Inquisitionis præsides defertur. Eâ tempestate ex infando & execrabili hæresis Lutheranæ disrupto ulcere, pestilentissimum in totam Germaniam virus eruperat. Viligandum erat utique sapientissimis viris, & ex altâ quadam speculâ providendum, vnâ quidem ex parte; ne homo, qui nullum adhuc in philosophicis ac theologicis facultatibus firmum vestigium fecisset, in periculum aliquod erroris incurreret, tractis in eundem lapsum incautis affectis. ex alia verò, ne fortè pietatis species ita fucum faceret subiectæ nequitiae, vt fraus macilento personata vultu, sanctitatem prætenderet, plebis simplicitati pelliciendæ aptissimam. hominum naturam, præsertim vulgi, ad res novas procliuem esse. religione iniectâ nihil esse potentius. vim veneni adulterinis medicati saporibus, mollissimè diffundi animo: conceptam verò harere altissimè, & superstitiosâ salubritatis opinione obstinatissimè retineri. Ergo à sacris fidei Quæstoribus accersitur Ignatius: ab alijs itur in alios; vt quoniam Ignatio innocente deerat causa iudicibus, eò plures essent, ijdemque integerrimi, & testes in-

innocentiæ, & iudices causæ. crescunt consultationes, deficiente materiâ. innocentiam quiescente tribunalia fatigantur. Vitâ & moribus modesto silentio vocalibus, non est quòd vlla suggestum manus patrona contundat. Euulgata doctrina testis est sui: nec censorem refugit, quem sibi peroptat esse præsentem. Itaque à sollicitis Catholicorum dogmatum tutoribus, nouus noster Ecclesiastes varijs quæstionibus agitatur. Eius doctrina, conciones, viuendi norma, & alia huiusmodi, seuerissimo subiiciuntur examini. de socijs & necessitudine cum hominibus diuersæ conditionis, ceteroquin probis, interrogatur. Exercitiorum, vt vocant, liber, accuratè perlegitur, eiusdemque materia, dicta, sententiæ, atque ordo discutitur. plurima illi rerum capita diluenda proponuntur. elicitæ denique responsa singulatim censoriâ lance trutinantur. Verùm cum integerrimis, & erga fidem Catholicam fidelissimis iudicibus, non tam extorquendo per confessionem, quod nullum apparebat, delicto, quàm magis ac magis explorandæ, quæ iam ipsis subluere incipiebat, innocentiam, hæc quæ dixi nondum sufficere viderentur; honestissimi ac præclarissimi facinoris reus, in sordidissimum & tenebricosissimum carcerem conijcitur. Tantùmne? imò verò, & horrida catena,

stipiti superiori affixa, tam arctè utroq; astringitur pede, vt vix mouere se loco posset. At quorsum ista vincula? quis eorum vsus? Vos appello carceris custodes ac ministri, vos inquam, qui vestro muneri fideles non fuistis, estote veritati. nōne per id tempus factum est, vt vincti, fractis, arte naturali, & catenis, & ianuis euolarent, solo Ignatio in suo perstante ergastulo? Ille, ille sui custos fuit: ille sibi exubias egit. nullo innexus crimine, trepidâ impavidus regnavit in compede. Non vos, ô fugitiui, sed Ignatius elusit vincula. Obstupere. suâ sponte collapsa essent, ni cohibuisset. vincula vinxit. abscede lictor. dormite custodes. Onusta ferro innocentia catenas honorat, catenarum dominâ libertate. Vitæ integritas sese constantiâ tutatur, non fugâ. neque animi securitas subducto vultu, sed porrectâ fronte perlegitur. Non est, non est quod violentas vobis manus inferatis, vt quondam præfectus custodiæ, quâ Doctor Gentium detinebatur, seu potius, quam derinebat, elapsis fontibus fecisset, nisi Paulus sese immotum adesse protinùs exclamasset. Tanti principis vita mortem præfecto eripuit, sibi aliquando, at, ô quàm diuersâ pro causâ, destinaram. sic effectum est, vt tale ac tantum depositum à semetipso seruatum, minimè fuerit alieno sanguine redimendum, quâniquam si se, quod

poterat, subtraxisset, nullis vnquam, ô barbari, vestrorum Imperatorum regumque thesauris, aut vitâ, aut morte refarciri potuisset. atque ad eò miser ille, ac præ timore propemodum exanimatus carceris custos, non indignus spiritu iudicandus, quòd vnus Pauli corpus sibi creditum, tam multorum fugientium cateruæ, desperatione teste prætulerit. Mutatâ historiæ materiâ, imitatore Diui Pauli celeberrimus Ignatium. Sed nec immemores nos esse oportet, Apostolorum principem ab Herode, Hierosolymis, reorum specu inclusum, ac vinctum, nunquam è tam caro excessurum fuisse thalamo, neque tam dulci catenæ coniugis complexu se auelli passurum, nisi cuidam cælestis militiæ principi imperanti, ac, penè dicam, per vim extrahenti, non potuisset obistere. Et tamen opus etiam fuit somni, noctis, & manus angelicæ ministerio. Vigil, ægrè cessisset. dies excitasset: & sine tali ductu, quò palabundus iuisset? solent alij, custodibus sopore mersis, cùm possunt, euadere: hic vigilante multo milite, somno correptus abit. alij callent apprimè diuerticula & ambiguos cuniculorum mæandros; hic nec fugere vult, nec vllas didicit ad effugium vias. alij catè & astu meditato, exeundi modum enucleant: hic improuidus, & ignarus facti, somniare se credit. O quanta in vno spectanda miraculo!

culo! ô Dei erga suos amorem & curam singularem! quorum somnus concipit, & somnium generat veritates! quid vigiles ac studiosi non patrabunt, qui talia dormiendo ac somniando perficiunt? Sic igitur etiam Ignatius carceris imperator; nunquam è sua illa Regia pedem exulisset, nisi Christus, qui Petrum ad fundandam ac stabiliendam Ecclesiam vinculis exemit, illum quoque ad eandem tuendam ac propagandam abduxisset. Si debita, Petre, magnitudini tuæ, ac pontificiæ maiestati reuerentia patitur, ut & hoc meis dictis adnectam, ô beata, dicam, Ignatii vincula, si tuis Hierosolymitanis ac Romanis coaluissent! Sed cum id nec esse posset, nec vlla subesset causa, cur esset, ille se suosque tibi, ac Romanis Pontificibus, successoribus tuis, peculiari cuiusdam voti catenâ multò arctiore deuinxit, promptè scilicet, ac sine vilo viatico parendi, quotiescumque illis ad quaslibet gentes, aut Catholicâ fide imbuendas, aut ab erroribus reuocandas, aut ad salutis æternæ consecutionem promouendas cursum imperarint. Prodigiosa catena, quâ vincti volant. Infaniebas cum tuis, Icare, cereis alis. Ferreas habemus, expeditas ad celeritatem, & non liquabiles ad solis ardorem. At quid ago? quis neget in huiusmodi manicis & compedibus vim salutis-

lucissimam, cum inter eas mea tam longè procurrat oratio? Ad suprà igitur commemorata claustra vt me recipiam, aio Compluti ab Inquisitoribus Ignatium expertum fuisse custodiam, quàm Salmanticæ, mitiorem. licet in illâ duos supra quadraginta, in hac septemdecim tantùm dies viderit: grauitate pœnæ temporis breuitatem vlciscente, innocentiae tempora & pœnas superantis impendio. Viderit? at quem videre poterat in tenebris diem? noctes dicere volui, si nox videri posset. at videri potuit, sibi ipsi lucente Ignatio. ipse sibi fax & sidus fuit. Vt vt sit, in illo ergastulo nullum aspexit præter se solem. Non numerauit tamen, nec discreuit partes in tempore. In alterutro, vel vtroque illo carcere secula deuorasset: sed suis in fastis non digessisset; quippe quæ in vnum congesta temporis punctum, inexplibilis patienti confudisset auiditas. Verùm, proh superi! quod genus hoc disceptionis, quo certant cum reo iudices concordi dissidio? quo pietas cum pietate, veritas cum veritate contendit? Illi Catholicam doctrinam sartam tectam conseruiant; hic triumphantem colit. illi verum ad salutem iter com monstrant; hic in hoc ipsum homines inducit. illi virtutis pulchritudinem definiunt; hic ad amplectendam hortatur. Vnus atq; idem vtrorumque scopus

ac finis. Res anceps ac suspensa redditur, pro quâ pugnatur, ignara quid impugnetur. speciem prælij spectat, & nullum hostem videt. contentio, secum ipsa contendit. si lis sibi ipsi litem intendit, iudicem quærat seipsum iudicantem. Vos ô præstantissimi, ac laboriosissimi Ecclesiæ sanctæ ministri, in eadem cum Ignatio sudatis incude. Vos pro fide orthodoxâ vitam proijcere parati estis; ille nihil concupiscit ardentius. hic illum in Palæstinam impetustulit. recens inde reuersio, morte durior, quia vitâ superstitit. Vis eius incaluit in barbaria, tepestet in patria? Sed quò tandem recidère omnia? O rerum vniuersitas, vnum esto theatrum, in quo huius præcellentissimi Herois inconcussa in fide Catholica firmitas, veritas in doctrinâ, constantia in dictis, in responsis modestia, sanctitas in moribus, asperitas in omni vitâ, acrimonia in concionibus, fax ad virtutes, fulmen in vitia, amor in Deum, in homines caritas, omnia denique ornamenta, decora, & meritorum magnitudo ab omnibus gentibus ac populis spectetur, intelligatur, & æternitate vrgente celebretur. Ita tunc ab illis integerrimis sacrosanctæ fidei Quæsitorebus, Præsidibus, tutelariis, statutum est, pronunciatâ sententiâ, & decreto rato, firmo ac sempiterno. Ad fœdus, non ad pugnam manus cum Ignatio

Ignatio conseruistis, ô Iudices. vnica vtrimque victoria fuit. iungite dexteras. plaudite, patefacta, & illustratâ dispositionum scenâ. ite in amplexus. si nexum quæritis animorum, in promptu est. ista ista, modò soluta & explicata, quæ captiuitatis fuere, vertentur in vincula caritatis. Mirabitur vëstra officiosa seueritas inuictam Ignatij constantiam: reuerabitur fugax vanæ criminationis vmbra, conspicuam stabilis innocentiae lucem. Agendæ sunt vobis maximæ gratiæ. iste carcer Ignatio terrarum immensitatem, catenæ verò exultantem in ea peragrandâ libertatem deberi profitentur. O tu quisquis es, magnæ quidem certè eo tempore apud Cæsarem auctoritatis, adesdum, apud omnes homines à te prolatus grauiissimus testis elogij. Quàm benè, quàm verè, quàm luculenter, conspecto, quem in custodiâ inuiseras, Ignatio, paulò pòst in nobili confessu exclamasti: Vidi Paulum in vinculis. Illa tibi vincula soluere linguam, & vinxere animam. nunquam totâ vitâ melius perorasti. vise frequentius, & euades de Doctore recondito, disertus orator; & de celebri eius virtutum præcone, nunquam dissociabilis imitator. Herculem Galli antiquissimis temporibus, suam quoque, sicut & alias, prouinciam peruagatum, inter mentita numina summo in honore ac veneratione habuerunt.

non

qui cùm se ab illo (ea est natura gentis) non minaci ac terrificâ domitos clauâ, sed eloquentissimæ linguæ lenocinio adductos agnoscerent, insignem illi statuam erexerunt, è cuius ore prodiens & effusa catena, non minùs molli, quàm tenaci volumine, hominum cætus attraheret, eundemque Herculem Gallicum appellauerunt. Nec mirum sanè quòd sic Gallos detineret, qui suum ipse simulacrû stabilire non poterat, nisi hoc inciso in basi dicto, *linguâ non clauâ*. O non fabulose ac profane, sed vere ac sacer heros Ignati, nònne vides? En te Gallia præstolarur. Tibi sese pandit gemmifera Parisiorum Lutetia. Illuc tibi tum animorum salutis, tum literarum studijs commodiùs operam daturò, Salmanticâ transeundum. Illic non humanæ, sed diuinæ facundiæ catenâ, flexibiles animos, Hercules Gallice, il- ligabis; è quâ pullulantes aliæ deinceps tuorum catenulæ, victorum identidem Christo Domino populorum nodos facundâ propa- gine perennabunt. Vidère te dudum in His- paniâ Galli veluti clauâ pugnantem; nunc in Galliâ te sentient linguâ vincentem.

O R A T I O X.

IGNATII *Parisiensia studia, laborumq; fructus.*

N Vllâ maiore cōstantiâ opus esse arbitror,
quâ vbi laboris alicuius & cruciatus finis,
cōtinuò initiū alterius parit. Deus immortalis!
quâ dura propago! hæc tamē Ignatio diuino a-
more flagrâri deliciarū fæcūditas est. Parisiēsē
igitur profectiōnē maturo cōsilio perpensam,
& Deo aspirâte decretam, tamen si grauib; tū
viarū difficultate, tū armotū incurſu, tū maxi-
mâ rerum inopiâ, periculis exequitur animosus
Ignatius. Parisiorum Lutetiam contendit, ac
tandem sospes ingreditur. O non minùs eximij
oratores, quam oratoriæ facultatis professores
eruditi, qui tunc in illâ celeberrimâ, & tot se-
culis aliarū omniū parente academiâ floruiſtis,
vtinâ ad hanc qualēcumq; laudationē dicendi
vim, ornatū & copiâ vestrâ nō imparē afferre
poſſē. Dicā tamē hoc in primis memorabile;
cū videlicet duæ sint vires præter cæteras, sine
dubio spectabiles atq; admirandæ, altera caput
ac domina gentiū Roma, sedes sūmi Ecclesiæ
Catholicæ Hierarchæ, & Christi Vicarij, pro-
pugnaculum orthodoxæ fidei, domiciliū san-
ctitatis; altera verò totius Christiani orbis ma-
xima, Parisiorum Lutetia, regis nobilissimi re-
gia, fons bonarum artium, Musarumq; Olym-
pus; in hac Societatem Iesu inchoatam, & iun-
ctam; in illâ verò fundatam, atque à Romano
Pon-

Pontifice approbatam & confirmatam fuisse. & eam quidem diuersarum non minùs moribus semper, quàm eo tempore armis pugnantium inter se nationum hominibus conflata & constituta. Hæc non alia potuit quàm illius supremi ducis, cuius nomine insignita est, potentia existere: neque vlllo meliore consilio, quàm è duobus illis primarijs locis in alias omnes prouincias ac regna dispergi. Facessat hinc procul equus ille Troianus, è quo, vt ait oratorum rex, meri principes extiterunt. Machinæ lignæ vterus Græcorum fraude grauidus, proditoriâ votiux religionis imagine, Iliacum interitum peperit. At huius innitæ Societatis phalanges è literarijs Parisiensibus castris, & Romanis inconcussæ veritatis arcibus, ad alias quascumque ciuitates, verâ & sincerâ pietate restaurandas aut muniendas, coniuratâ concordia prodierunt. Age verò, non mihi tantum sumo, vt quæ Lutetiæ Ignatius egit ac pertulit, describere me posse confidam. Labores eius mihi sudorem, curæ sollicitudinem, & pænæ dolorem indicunt. Plus ego in dicendo difficultatis experior, quàm ille in agendo ac patiando molestiæ. Barcino- ne, tertio supra trigessimum vitæ anno, non erubuerat inter Grammatici tirocinij, penè dictam crepundia, in Christi gratiam repuerasce- re. mox, adhuc in incunabulis, Compluti, alio-

aliorum suāsu, ad altiores disciplinas manus pusillas erexerat. & ecce Parisijs faciliè persensit hæcenus sibi suspectum imminaturum Barcinonensis studij fœtum. Quapropter iterum repuerascere spontè coactus est. O præcelle Ignati, quantum te deprimis! Libera & cara humilitas tua, cum necessariâ, & inuisâ tibi sublimitate contendit. Vtra vincat, incertum est. Semel puerum esse, naturæ est: bis, insignis patientiæ: ter, inauditæ virtutis. Vita procurrat ab infantia in senectam. reuocari nunquam potest. at amor diuinus, licet constantissimus, habet alas versatiles; reciprocatur cum opus est. Verùm quandoquidem non puduit Deum, hominem factum, in cunis vagire, pudeatne hominem in puerorum grege balbutire? Iam profectò nec erit quòd mea puerilis contemni possit oratio; nisi quòd infantium more se ipsam non luget. in hoc, digna risu est: in reliquis, veniâ. quamquam quid est quòd lugeat, cum non sit facundiæ in se demortuæ nania, sed semper victuræ laudis alienæ quaecumque præconium? & verò etiam quis eloquentiam in me, iam sene, desideret, quæ nunquam fuit in iuvene? quis in Theologiæ tot annis magistro, quæ non quòdam in Rhetoricæ breui discipulo? Discam nunc tecum, Ignati, loqui, si poterò. nunc mea tecum repuerascet oratio. Prosequere. tamen si fræno,

frano, non stimulo eges. Probè nimirum intelligis, turpius esse virum nihil scire, quàm puerum nihil discere. Præstat serò sapere, quàm semper desipere. Quid, quòd tuo nos exēplo doces; litterarum studijs vacare ad bonum commune, solâ sibi propositâ Dci gloriâ, non esse discriminis temporum argumentum, sed piæ voluntatis obsequium? Sapientiæ desiderium iuuenilis quidem ætatis est; acquisitio, virilis; fruitio, senescentis. attamen quodlibet tempus, honesto studio, tempus est; & potest præteriti iactura temporis, sollicito præsentis raptu compensari. Horæ prodigæ sunt fui; nos illis avari sumus. Vir doctrinæ cupiditate flagrans, annum in diem contrahit, & vitam in annum. Segnities protendit secula. Tempus actionum nostrarum mensura est. metire tu potiùs illud actione tuâ, eiusque durationem operoso mendacio corripe. Sic temporis quantitas, non adæquans operis magnitudinem, augebit operantis gloriam. Dies laret in die; & se tamen furandum exhibet. & quàmquam fugituum, sisti se patitur. O quàm proficua ex hac Ignarij sapientissimâ virili pueritiâ, vitæ documenta decerpimus! In hac igitur Parisiensi Academiâ, erutis ac disiectis prioribus illis quæ Barcinone, piâ festinatione, iecerat debilibus fundamentis, noua, eademque firmissima posuit, ad erigendam ac
per-

perficiendam Philosophiæ ac Theologiæ tur-
 rissimam arcem. erexit ille feliciter, tandemque
 perfecit. sed ijs curis & incommodis, quæ ipso-
 rummet magistrorum domicilia labefactare
 potuissent. Hoc enim verissimè dicam, ea quæ
 toto illo studiorum tempore perpessus est;
 eiusmodi esse, vt nō minùs certissimam histo-
 riæ fidem, quā disertissimi Oratoris eloquentiā
 superēt. Quis tunc illi curator: desertor. Vnde
 stips? sortitò à prætereuntibus. quis cibus? ari-
 dus panis, volam eludens. quis potus? Latex de
 triuio. quæ vestis? Lacerna, defricando, non fo-
 uendo corpori. quod pedū vacillantiū muni-
 mentū? nuditas. quæ soleæ? omnino benè im-
 pactæ & hæretes; ipsæ videlicet plantæ, duratæ
 & callosæ. nisi fortè illas timidè misericors lu-
 tum emolliret; aut gelu, è dissectis corruptum
 sanguinem, viuido puriorem, tristi voluptate
 mulgeret. quæ domus? publicum D. Iacobi ho-
 spitium. quod stratum? proiecti humum asse-
 res. quæ ad scholas via: longissima. ita vt illius
 viæ quotidianâ quaternâ iteratione infelix hu-
 ius strenui discipuli diligentiam non minùs tem-
 pus, quàm iter tereret; nec minorem fatigaræ
 tot excursionibus diei molestiam coacta mo-
 uere, quàm valentissimo cuique, nedum debi-
 li & claudo pediti lassitudinem afferre pos-
 set. Sed nunquam nisi in sui curâ claudica-
 re videbatur Ignatius, neq; nisi in valetudine

tuendâ languere. O vitæ ratio scientiæ ad-
piscendæ commodè & bellè instructa! scili-
cet. Quid, quod in illâ, vt vocant, Vniuersi-
tate, ante diluculum parent gymnasia? Illic sa-
pientia clauso adhuc cælo suas aperit opes.
tunc nocturnæ faces surgenti moras imprope-
rant soli. Illic doctrinarum conquisitio non
discriminat lucem. vna illi ab ingenio lux est,
quæ in vigili mente iam altè processit, oriente
verecundo sole. Illic aurora non magis ru-
bescit solis subsequenteris radio picta, quàm suf-
fusa pudore, conspecto sollicito labore disci-
puli præcurrentis. Ad vesperam verò schola-
sticæ itidem lampades ac luminaria, non præ-
stolantur solis occasum, sed abigunt solem. Il-
lic se non intendunt animo tenebræ, subdu-
cunt corporeâ luce. Gymnasticum cælum ibi
non clauditur alijs scintillat sideribus, alio ful-
get sole, qui & ipsos lustrare possit antipodas.
Ibis, ibis istinc Xaueri Francisce, & aliquando
extimum illum alium dimidium orbem im-
mensis splendoribus vsquequaque perfun-
des. Tuis autem, Ignari, iam calent ignibus
quæcumque te oppida audiuerint loquentem;
iam tuis clarescunt radijs quæcumque te loca
videre præsentem, & paulò post totus hic no-
ster citimus orbis tuæ caritatis incendio con-
flagrabit. Sed ad Diui Iacobi xenodochium
iterum me conuerto. Cùm loci decretis, sol
oriens

oriens eius ostia recluderet, occidēs obsecraret, (papæ! quàm nobilis ac fidelis pauperum ianitor) fiebat, vt Ignatius qui non posset integras prælectiones excipere, multoquæ minùs scholasticis exercitationibus interesse, ingenti ac necessario laborum fructu priuari, & non tam exercere ingenium, quàm pedes; neque tam cum libris, quàm cum viribus suis habere cōmercia cogeretur. Quid ageret? quò se verteret? quid consilij caperet? O diuine amor, ingeniorum ingenium, artium artifex, atque oppositorum moliminū dirutor, quid obscurum, quid inuium, quid arduum tibi? Etenim Ignatius cuiusdam illius Academiæ magistro se in famulum locare, hac tantum mercede constituit, vt diuisis sui ministerij partibus, iisdemquæ expletis, si quid, insidiator non cauendus, intercipere temporis posset, totum id in aliquo sibi ex illius aut alterius doctoris eruditissimâ possessione vellicando fructu consumeret. atque adeò prudens herus, quod ex horis necessarium non esset domesticæ rei, vltro surripiendum obijceret industriæ famuli. vt sic fouere pretiosum furem, & fidelem famulum alere posset. Summi quòdam Patriarchæ erga sponsam, non minùs mente, quàm vultu decoram, patienter impatiens amor, longa annorum spatia, mendaci veri seruitij breuitate mensus est. Ignatius tam amplæ, tam

præclaræ Societatis, & Sacræ militiæ futurus imperator, ad ineundum cum cælesti sapientiâ coniugium, iugo liberæ seruitutis, venerabili ambitione, colla non subderet? neque tu illi mensuram temporis porrigas. aspice vinculi nuptialis imaginem; annulus est; circulus est; termino caret. Verùm ne id quidem, quod modò dicebam, in illis Parisiensibus Gymnasijs, vllâ peruestigatione, aut amicorum procuratione consequi potuit. Onouum & inauditum ærumnæ genus! nobilissimo & paucis antè annis opulentissimo domino, non licere pauperrimum vernam & vilissimum esse mancipium. Seruitus extremum ferè malorū est. at hæc, ingentis boni loco expetita, denegatur Ignatio. Sed quidquid accidat, illi semper prouidet Deus. non inuenta seruitus, maiorem ad eius rei libertatem obtulit. incommodum non concessum, in vtilius commodum cessit. quandoquidem in Germaniâ inferiore, & Britanniâ Hispani quidam negotiatores, viri boni, cognito statu hominis, certam quandam quotannis illi pecuniæ summam Parisijs, elemosynæ nomine statuerunt. Quamobrem in aliud opportunius diuersoriū, mutato hospitio. & ab illâ violentâ studiorum ratione liber effectus, absumpto in grammaticis & mitioribus literis scsq̃uanno, Philosophiæ se tradit. Corporis vires, præcipue verò stomachi, labā-

tes

tes fulcire, quamquam seriùs quàm oporteret, nititur. ac propterea intédédís animi nervis in propositù scientiæ scopum, sibi prudētiæ monitu, quantum par esset, de nimia seueritate vitæ remittit. At nunquàmne certaminum finis? Pugna pugnæ, victoria victoriæ fit semen. Hactenus patiendi desiderio ardens, multiplici pœnarum cohorte cōtra se militauit Ignatius: nunc, licet eâdem cupiditate crescente, cogitur in pœnas ipsas arma conuertere. Antea in asperandis operosus fuit: nunc illi sudandum in mitigandis. Dura conditio, ambiguo certamine, an in bonum aggressoris, an damnum. Minuendus labor, laboris augmentum denunciat. Mirum est tormenta sui dissolutione torquere; leuitatemque dolori sociaram, grauidari ad abortiuum maioris doloris egestum. Pondus in statera, detractis opposito ponderi aliquot momentis, depressam recumbit in lancem. Est igitur Ignatio cum præteritâ sui vexatione conflictus. Ille obsidet, vt partes aliquas amoliatur: illa obsistit, ne paulisper semota, maiorem inducat. Verendum est ne ille, & se, & suos quoque cruciatus excruciet. attamen in sententia perstat. Priùs se domuerat; nunc sui domitoris fit domitor. Nullam hîc ampliùs triumphî materiam video: nisi fortè victor, qui se sui victorem vicit, seipsum quoque trophæum statuât sibi.

At multò copiosior deinceps triumphorum se-
ges efflorescet. adeò vt subortâ æmulatione,
illi se sint ad pugnam prouocaturi. Dimicabūt.
Vnus verò cæteros omnes vincat oportet.
Quamobrem triumphus non solùm de tot ac
tantis triumphis, verum etiam seipso magnitu-
dine suâ oppresso superior, de se quoque tan-
dem aliquando triumphabit. Euge igitur, ac-
currite iam ad hoc nouum spectaculum, Pari-
sienses. Ignatius cùm aliquid de corporis affli-
ctatione, sed nihil nec de sui, nec de aliorū ani-
mi curâ remitteret, cælestis regni publicanus
ac procurator, à studijs bonarum artium tribu-
ta pietati exigit; scholas Deo vectigales facit.
Dies nimirū diuino cultui dicatos, sibi suisq;,
quos salutaribus colloquijs & commentatio-
nibus ad meliorem frugem perduxerat, reli-
giosissimos esse vult. His clientibus Sacramen-
torum Ecclesiæ vsum, non minùs fructuosum
ac reuerendum, quàm sapidum ac familiarem
reddit. Habeant, hortatur, festis diebus ante-
meridiano quidem certè tempore, templa pro
scholis, suggestus pro cathedris, cōcionatores
pro magistris, preces horarias pro ceteris libris,
culparum confessionem pro lauacro, Sacro-
sanctum corporis Christi ferculum pro nutri-
mento. Et ecce vniuersam républicam literariā
reclamātem, & in Ignatium tāquam gymnasij
leges infringentem, vehemētissimè concitatā.

O R A -

O R A T I O XI.

Virgarum supplicium Ignatij virtuti paratum.

AGGREDIOR ad nusquam, neque vllò vnquam tempore, quod sciam, auditum Ignatij factum. Erat Parisiensis Academiae consuetudo, vt, cùm in alijs multarum vrbiũ Collegijs, vulgare illud dictum solemne haberetur, (diebus festis vacatur à scholis) literulam, à reiplà expungeret. ita vt dies, studio essent dies; neque festi, aut nefasti, aut profesti agnoscerent cognomina, sed pensà requirerent. Sol cum Luna, lucernis & facibus, lucis dissidio conspirabant in idem opus. At profectò, posthabito Christiani hominis officio, noctes iniquæ mentis, tenebrarum concordia, operam atque hominem perdunt. Deo reddenda quæ Dei sunt. Ille vnicus atque vltimus studiorum ac rerum omnium finis. Peruersum est mediâ fini præponere, & insipientis sapientiæ, quæ ad salutem æternam directâ esse debent, detorquere aliò, mox ad ruinam futura procliuiâ. Neque id sanè primi quondam illius Academiae Præsides ac Rectores, nò minùs probitate, quàm doctrinâ spectabiles ignorabant; sed cùm viderent in tanto Collegiorum numero, quæ, scilicet, tertiam Lutetia Parisiorum partem re & nomine fecerunt ab alijs, nec non in tantâ scholasticorũ,

ex omnibus terrarum partibus confluentium
 multitudine, complures esse, qui eò iuuenili li-
 centiâ prolaberentur, vt sui erga Deum & erga
 se debiti, parû memores festos dies ludis, cho-
 reis, comotationibus, iocis ac turpi otio cele-
 brarent; illi pro suâ prudentiâ, gymnasiorum
 munia continuari quotidie, ad solitum studij
 fructum, quàm ad maius salutis animi detri-
 mentum interrumpi, præstabilius esse iudica-
 runt. Enimuerò minus malum videri debere,
 tempora peculiari rerum omnium conditoris
 ac Sanctorum venerationi constituta, Miner-
 uæ potius quàm Veneri; Apollini; quàm Bac-
 cho; Mercurio, quàm Vulcano; musis, quàm
 nymphis; scholæ, quàm cauponæ; libris, quàm
 alæ; modestis conceitationibus, quàm petulân-
 tibus rixis concedere. fateor. benè habet. Sed
 heu! ita ne cum Deo agitur? ergone temporum
 domino, si quando ille venit in mentem, mo-
 mentaneæ morulæ fragmentû pro censu proj-
 citur? hocceine Deus lapideis olim suo ipsemet
 digito scripsit in paginis? Arma furore dexte-
 ram, Moyse, veneranda regis supremi legisera
 saxa confringe. Non iam vitulus gratijs Numi-
 ni agendis, sed ipsimet vitulo saltatione adora-
 to, tantorum beneficiorum memoriâ, Deo
 frustra è vertice montis Sinai fulminâre, ma-
 ctatur. Festiuæ lasciuæ mollieties vicinâ rupe fit
 durior: in illa supremi legislatoris decreta inci-
 di

cidi non possunt. Quantò igitur melius, quãtò
 facilius fuisset, sacris, Ecclesiæ præcepto, die-
 bus, adolescentes vitali doctrinæ Christianæ
 vbere lactare; pijs tum concionibus, tum vo-
 luminibus educare; Ecclesiasticis deniq; cor-
 roborare Sacramentis? Tunc verò, tunc scho-
 lastici, statis illis temporibus, suâ se spontè in
 templa fudissent. Ibi, non exiguâ diei parte
 consumptâ, edocti officia diuina cum huma-
 nis, & literas cum integritate morum coniûge-
 re; tempus reliquum domi forisq; partim ho-
 nestâ relaxatione animi, partim prælectionum
 recognitione, aut scriptione transegissent.
 Tunc denique decursis studiorû spatijs, Col-
 legia illos virtute & scientia commendabiles,
 in patriam ad parentes, cõsanguineos, amicos,
 tanquam pignora sibi creditâ fideliter remis-
 sent. Sed vt ad consilia quæ in Ignatium à præ-
 ceptoribus, & gymnasij rectoribus secretò
 conferuntur, aures admoueam; dies dicitur in
 tenebris pietati: religio tacitè vocatur ad tri-
 bunal: causa non cognita conscientiam obnu-
 bilat. Ignatio innocenti aula occultè decerni-
 tur, ne fortè sibi fugâ maturè consulat. Aula
 inibi genus est supplicij, ab aulâ Collegij ma-
 xima, quâ exercetur, sic vocitarum; & illud qui-
 dem non minùs ignominiosum, quàm acer-
 bum. Ad hoc armatur magistrorum ac disci-
 pulorum exercitus: singuli, ad inuidiam, in rei-

nudati tergum definito ictuum numero formidabili alacritate moliuntur. nisi quòd discipuli multò sunt magistris hac in re doctiores. Tali specie lictorum, honorificè vapular reus, ad maiorem infamiam, & tantà lacertorum varietate ad cruciatum atrociorum. O quot in vnam incudem mallei! quot in subiectos humeros aratra! quot in vnum scopum sagittæ! Summa criminationis in Ignatium, ex ijs quæ suprà narraui promptè colligi potest. Ille igitur totâ re sibi nihil suspicanti ab amico delatâ, hæret primò, agitante erga suos curâ, constantiâ non fluctuante. Mox, ô felix, inquit, hora mearum pars aliqua voluptatum! ô munus, cupidini quidem meæ perexiguum, sed meo merito maius. Ite, ite pedes, hæc mihi vobisquæ noua, & à Gymnasio non vetita festa celebritas. Cur non iam tam amplo exultatis in aulæ conuentu? Instructum est ibi lautissimum conuiuium. Iam audire videor symphoniam, humerorum percussione conuitorum concentum dirigente, gratissimam! reuulsæ ab humeris dissectæque fibræ deducuntur infides, ad suauem citharæ sonum, feriente flagelli pleetro, mihi Apollineo iucundiore. Vobis autem, ô amici cantores ac citharædi aulici, ludentibus in meum tergum, mihi quæ de honore tergi enixè gratulanti, si fortè labor sitim (quamquam longè diuersam) excitarit,

vti-

vinam in copiosam meus sanguis vertatur
ambrosiam! Oppidò largiùs potabo; arden-
tiùs æstuo. Si verò fames sitim comitabitur,
sint vestra placita, & contumeliæ in me con-
coctæ pro nectare. Currite animosi pedes; e-
ripite censoribus vestræ fugæ timorem, & quæ-
rendi laborem. Estote vos quoque manus se-
duli erga me lictores, non iniiciendis, sed exi-
mendis, quæ me nunc diutiùs quàm vellem,
detinent, vinculis: truncate quas trahunt mo-
ras. Collegij, non supplicij moderatores con-
tra me consilia & decreta in tenebris condi-
derunt. Euulgabo primus. occupabo qui me
inopinatò irretire gestiunt. sentient plus inesse
in innocentia fiduciæ, quàm in istâ criminâ-
tione veritatis. statuam egomet me aulâ in me-
diâ conspicuum; & tum demùm tempestas
tota subcatur. At heu! miserum me. quis erit
meorum sensus alumnorum? Ah! ne non tam
in me, quàm in eos procella ista defœuiat! Ah
ne dedecus ac tormenta, mihi honoribus ac
delicijs cariora, illos à me, tanquam ab impro-
bo, alienatos, in graue alicuius mali discrimen
adducant! Ergone hoc deerat puniendis vitæ
meæ præteritæ culpis, vt sine aliorum damno
mihi utilis esse non possem? Non tam me,
quàm vos, ô animæ meæ, iam prurientia flagel-
la discerpent. Mite mihi fuisset mei solius
supplicium: at nunc, ô crudele (ignosce amor;
sic

sic loqui me cogis) crudele, inquam, quia ge-
 minum; meo scilicet, ac vestro simul excru-
 cior. meo tamen quia vestro: cæteroquin
 meo mihi proficuo. sed si vos amo, vestræ ra-
 tiones meis sunt commodis anteponendæ.
 Vincat igitur vestra causa, non mea. Dum à
 nostris præsidibus, ac magistris Senatuscon-
 sultum fit contra me in abdito loco, satius est
 ut & ego in aliquas secedam latebras, donec
 Deus, sedatâ tempestate, suâ luce detergat ab
 eorum oculis nubem. Sed hem! quid cogito?
 quid aio? non me pudet sic mecum loqui?
 nonne ille ego idem sum qui fui? ubi, ubi mea
 illa penè dicam impatiens fames ac sitis sor-
 bendi carnificinas, exhaustiendi admixta san-
 guine opprobria? Ergone tam vberem cupi-
 ditatis explendæ materiam nunc mihi obla-
 tam excidere patiar? Ergone virgas, quas
 mundi effector regumque dominator Deus
 ut vile mancipium ultro excepit, ego abie-
 ctissimus hominum recusabo? Auertat hanc
 à me Deus non pœnam, sed culpam. Verùm,
 hei mihi! rursus ab vno in aliud reuoluor; ite-
 rumque iterumque angor. nimirum ut valdè
 dispar vtriusque ratio, sic oppositus mihi est
 exitus pertimescendus. Christi tormenta igno-
 minia, atque acerbissima mors pretium fuere
 humano generi redimendo. hæc verò quæ
 perpeti paratus sum, cui bono, præterquam
 mihi?

mihi? Maximè vereor, ne pusillo gregi, quem Christo cœlestibus pabulis enutrio, graui exitio sint futura. Hîc anceps animi ac nutans Ignatius, Dei causam Deo ipsi committere statuit: Goueanum Collegij Rectorem, vt diuinæ voluntatis interpretem, eligere: illum adire: quidquid responderit, id se instar oraculi habiturum. Dictum factum. in Collegium aduolat: Goueanum nondum in aulam progressum, non minùs pacato animo, quàm sereno vultu sic paucis affatur: Goueane, vir optime, huius qualiscumque studij laborisq; mei finis, salus hominum est, ad Dei solius gloriam. Ego non euerto vestri statuta Gymnasij, dum me diuinis legibus subijcio: neque detrecto instans mihi supplicium, cui me spontè offero, vt vides. quippè qui vestrum in me decretum iam antè cognoui; & tamen in Collegium, vt soleo, veni. Cur enim conscientia id refugeret, quò se non intulit culpa? Horrore verò pœnæ non riget, qui ardet Christi causâ necis amore. Hoc vnum igitur me malè habet, ac valdè sollicitum tenet; ad quod, pro tuâ eximîâ in Deum pietate, remedium afferre potes, & pro perfectâ in gubernando singulari prudentiâ, consilium dare. Ego recentes ac teneros in Christo fœtus lacto & educo. magnopere cauendum mihi est, ne fortè ex istâ tã infami animaduersione, seductore me,

quod

O R A T I O XII.

*Inauditum Ignatij factum auocando ab obscænis
amoribus homini.*

TAndem igitur sui & aliorum victor Ignatius, liber redit ad instituta pietatis officia, captiuâ tamen remanente in eius corde flammâ, quam vehemens atrocis illius ac probrosæ lanienæ desiderium accenderat; quippe cui, non fulcato virgis corpore, negata fuit euadendi via, Esto Ignati bono animo: si non erupit, feliciter coërcita est. Tene nimum depascitur? ne dubita. si sanguine non potuit, vndis fortassè temperabitur. En stagnum tibi se nunc aperit; non æstiuâ anhelante caniculâ ad voluptatem refrigerij, sed rigidissimâ hyeme, & suimet frigoris impatiente, necessaria caloris fomenta inclamante. Nunc te à Collegio Montis acuti, gelu acutius profundum ingurgitem vndarum vocat. En taurus libidine furens, iuuenis ille dico lasciuus, à te frustroroties vehementer increpitus, ad amicam, ad suos amores non longè ab vrbe de nocte festinat; turpitudinem nocturnis umbris conatus obtegere. aspice. ignis tuus, qui mox in vndis feruescet, nunc lucet in tenebris. præi, præcurre, præuola, venator castissime: oppone insidias, prædare alienæ pudicitie prædatorem. sed quanâ arte? quibus cassibus? quo venabulo?

lo? quibus iaculis? O caritatem, & salutare ingenium seculis omnibus, literis, monumētis consignandum! Ignatius stagnum glacie armatum, nudato perrumpit corpore: sese collo tenus immergit; oculis atq; ore ad meditatū officium sibi relicto. tum amatorem obscœnum, eo quo transeundum illi erat, ponte sublimem, sic tonante ac terrificâ voce compellat: Quò, quò perditē? tūne tuo scelere toties tam grauem iniuriam Deo? Quamdiu tandem insānies? non vides, non sentis, non horrescis cœlestis iræ in te imminens fulmen? Vide quid agas. Ego verò hīc perstabo: hīc me tamdiu frigore vram, quoad aut te à tanto flagitio auertam, aut Deum à vindicta. Iuuenis hoc igneo vocis iaculo gelidâ ex vndâ, tanquam fulmine frigidis è nubibus erumpente percitus, ac præ stupore, impos, imò verò compos nunc primū sui, gradum cum voluntate reuocat. Mirum est quòd se quoque in illam paludem repentē non immiserit. Erubuit. verēcundus esse incipiebat. timuit ne lutulentus pollueret aquas, Ignatij complexu, electo puriores. O beatum nouum castimoniz amatorem, si fortè illi tunc in eo Ignatij cum vndis coniugio paranympum esse contigisset! eius pectoris gelu in flammis Ignatij honestissimis solutum esset, nimiumque diū grassata turpis flamma prorsus extincta. imò
verò

verò illic non solùm calor cum frigore, sed etiam ignis cum igne pugnasset; purus videlicet cum fœdo; totumque ille animum occupasset, nullo huius relicto vestigio. O velut altera Probatrica piscina, ab Ignatio, nouo quodam angelo, Dei præpotentis virtute commota! quam non ab illo iuvene, in te demerso, ægritudinem absterfisses, quæ extrà posito, & eminens stanti sanitatem contulisti? quas non illi delicias peperisses, qui plus in te inesse sensit, quàm in suo præterito cœno voluptatis? quas in te sensisset umbras, qui hanc fortunatissimam noctem vidit serenissimo die clariorem? At tu ô nocturna sidereorum ordinum ductrix, quàm libentiùs, morata cursum, & versis deorsum quadrigis, in hoc crySTALLINO cælo, Ignatio, alteri soli vicina fulsisses! Te fuit imago tua his nitentibus vndis, tanquam speculo, reddita, multò felicior, aliqua te, opinor, inuidia pupugit. te tunc Lunæ imaginem, quàm Lunam maluisses. Si cui fortè in posterum ad clandestinum, cum vitiosâ formâ commerciũ, noctu istac transeunti vsui fueris, hæc tui vultus effigies illum quidem illicò raptum sistet, aliq; conuertet: te verò iter docebit, quo demetatos cæco cupidine homines, lucidæ mentis restitutos, ad mundissimum, & per se amabile veri boni consortium dirigas. Sic tuæ imaginis imago fies. Te, mutato nomine, Dianam

venatricem fabulosa finxit antiquitas. disce ab Ignatio, salutifero venatore, quas oporteat persequi & capere prædas. qui sic edoctam hîc eluserint, te non effugient Hecatē apud inferos imperantem. Ne me tamen, suggilles, quòd enarrans vera, fabulosas de te umbras tuæ luci obiter aspergam. agnosce potiùs quanta sit potentia veritatis, cui, quamquam non indigenti, vel ipsæmet fabulæ adeò famulantur, ut illæ ad se aliquid trahant veri, dum seruiunt vero. Quàm nobile præmium seruitutis! At tu astrorum princeps pulcherrime, qui vespertinus, ac lassus in immensum cadis oceanum, ô si fieri potuisset, quàm cupidè, curru deflexo elapsus, in hoc Ignatij, quamquam angusto, cubili recubuisses. Plures aliquando in cælo soles apparuere. hîc verò, in hac, inquam, vnda cæli æmulâ, ô prodigium non antè visum! geminos quoque in tenebris fulgentes nox illa vidisset. Quid novætem dixi? quid in tenebris? pugnantia loquor, aut inauditum miraculum. Duo siquidem simul iuncti soles congeminant diem. Itaque nox & tenebræ fugatæ, in meam, ut video, sese orationem recipiunt. Magna profectò in Ignatio, è duobus nobiliore utriusque sole, fulgoris vehementia, quandoquidem hebetatâ intuentis ingenij acie, caliginem in sermonem differentis offundit. Tu verò sol

alter

alter quamquam luminum largitor, maius ab illo, quàm abs te Luna, eo tunc in loco mendicasses. Sed hîc non est opus te vnus sufficit. Esto spectator è cælo, non comes in yndis. Ex hoc igitur suorum in lacunam concursu & conflictu radiorum ardebat Ignatius. Sursum sese incendium extulit. inuoluit imminentem ex alto iuuenem; sic vim sensit ardoris, ambiguus de reditu, an de morâ. Hæsisset diu ad tale ac tantum spectaculum, nisi se impium & crudelem alienâ pietate ac beneficio veritus esset. Horruit sui sceleris vindictam ac pœnam in incontaminato corpore innocentis exercitam. Intumuiscent eius lacrymis subiecti gurgites. esset opinor eius suspirijs in hoc breui æquore coorta tempestas. Sed credibile est paulò pòst in domestico portu ac secessu, reclusas ab illo fuisse dōlori ac fletibus vias, quas tam graui alterius dispendio, hyeme, noctu, sub dio, in glaciali sepulchro vigilantis, ne ipsa quidem immanitas ausa vnquam esset aperire. Diuus Augustinus, vir sanctitate admirabili, anteaetæ vitæ suæ miserandam conditionem & fatetur, & deflet; quòd adolescens pumiceis erga se, stagnantibus erga Didonem oculis, infelici huius amoris malediceret, vt crudeli domino, dum nihilo mitiori seruiret suo. O iuuenis si quid tibi etiam è nugis poëticiis, quibus te fortassè plerumque

oblectasti, recurrit in memoriam, erue aliquod è tuis præteritis sordibus emolumentum. Veterum vatum figmenta sunt? quid tum? Patere fabulosam nequitiam cum tuâ verâ improbitate conferri. Cogita igitur longè aliter tecum actum esse, quàm cum Hellepontiaco quondam amatore, noctu Bosphorum ex Abydo in Sestum trajiciente. Illic irato æquore funestâ impudici amoris ardens siti, haustis abundè aquis, vitam miser euomuit; solo teste ac hærede relicto suæ erga nescio quam fidei, nunquam, ut credebat, perituræ, infido, ac bonorum helluone pelago. O digna meliori amore constantia! At verò, ne tacto quidem hoc breui freto Ignatij, sed ex edito pontis margine, solùm prospecto, fecêre tua vitia, nō vita naufragium. Itaque te felix exitus illi dissimilem reddidit, cui miseranda libido fecerat antè persimilem. Quo fit ut te palustre illud gelu sit multo pertinacius. tu siquidem ad aspectum Ignatij molescis, illud durescit ad contactum. tua glacies ignescit ad auram procul spirantis Ignatij. hoc verò gelu in igne gelascit. Vir, non minore patientiâ, quàm caritate, acre tam sæui frigoris ultro in se admittit aculeos; frigus verò ignea illius repellit spicula. O stagnum adamantino algore obfirmatum! non sentis Ignatium sese in te macerantem? Si te ignis in undas non resoluit,

com-

commiseratio soluat in lacrymas. Ignatius alienam duritiem hîc deplorat; tu non defles tuam? Si potest ignis plorare, cur vnda flere nequeat? si soluta nequit, nunc concreta fleat. stagna gelu vineta mediocri calore laxantur: tu adeò ingenti non diffuis? O possis repente ariete posthac æreum fieri, quod nunc (licet hyeme) Leone in te flagrante non liquefcis. Mirum est primo eius halitu te non continuò esse consumptum. Sed profectò non tuæ id culpæ, sed fortissimi viri voluntati tribuendum puto, qui illius amasij pectus gelu vallatum penetrauit; vt diuino aperiret amorì locum: tuas verò sustinet & confirmat vires, vt à seipso excludat algoris mitigari solatium. Et hoc quoque alterum virtutis prodigium est. O Ignati miracula miraculis aggeras. Vno eodemque tempore, & ardore, tuæ potentiaë arbiter, glaciem frangis & stabilis. stupeo: obruor hoc amne, licet magnitudini tuæ angusto, quam ne ipsa quidem oceani capere posset immensitas. Ignosce ô noster parens, præconijs omnibus maior, si quid ultra vires tento, cû de te loquor. Addes hoc eximia pietati tuæ. Si me tamē nimia confidentiaë pœnâ opprimi cōtingat, ô ultio omni gratificatione optabilior! hæc mihi lacuna frigore facta marmorea, perpetuū erit mei erga te amoris, officij atque obseruatiaë monumentū.

At si me naufragum respuat, sat mihi erit vt vitam, quam abs te hausi, pater, tibi ipsi tum in tuis laudibus persequendis, tum in tuorum erga omnes meritorum recolendâ memoriâ reddiderim. At aude anime. qui alios ab interitu reuocat, te his in vndis interire minimè patietur. nata securus. Si oratio mea leuis est; vnda fert leuia: mergi non poterit. si verò sicca; hic amnis fons eloquentiæ est: ora proluam, ne prorsus arecant. Quid, quòd cælestis hic medicus salubritatem quoque huic, in quo nullam inuenit, attulit fonti? Te igitur debilitatum reficiet roborabitque. Huc huc tendite Parisienses: ad hoc balneum. Franci, & exteræ nationes, eò promptius, posthabitis vestris balneis, quo excellentior est corpore animus, concurrite. balneum, inquam, calori simul ac frigori vno eodemque tempore generando, ab Ignatio recenter effectum. Illud cupiditates tartareo spiritu inflammatas extinguet: illud pectora Boreali glacie munita succendet. idem fiet flammarum peremptor ac genitor. Talem esse memorant in insula Dodonea fontem. eò immissa fax accensa extinguitur: extincta rursus accenditur. illa tutissimè potest cum fonte colludere. vitam amissam mortis iactu recuperat. moritur suo magno commodo; ne diu viua sese absumat: & iterum viuit. Sic fontis beneficio sibi vitam

tam propagat, alternâ morte. Non absimile igitur hoc balneum : nisi quòd in eo nulla mortis ac vitæ vicissitudo. Vos verò quicumque, insaniâ stimulante, huc illuc in obscœnas voluptates impotenter ruitis, retorquete imperum. ad hunc pontem cursum conuertite. sistite in eo gradum. deflectite deorsum oculos. huius tam salutaris historiæ memoria castimoniam corpori persuadebit, & menti restituet sanitatem. Hic deuictus, & eiectus suis leuior alis puer, viduatâ pharetrâ sagittas confringet; illa que infamis, & è virulentis agitati pelagi spumis genita Cypria protretur. Hic erit terminus vestræ tam diu à vobis adoratæ seruitutis. Hic de vestro isto tyrannico amore victoriam reportabit Ignatius; eidem que huius pontis arcus erit perpetuò triumphalis. Cedant Septimio ac Vespasiano, cæterisque id genus Imperatoribus, erecti quondam fornices. Plus habent illi superbiæ; plus hic habet dignitatis. Strauisse hostium corpora marte & fortunâ, magnificum quidpiam est, & aliquot seculis utique memoratu non indignum : at animos solâ virtute domuisse, incomparabilis gloriæ trophæum est, atque immortalitati consecrandum. Hic pons suâ paruitate maior est, vilitate pretiosior, conditione nobilior. Cedite pontes quotquot Sequanam non minùs arte spe-

Stabili ornatis, quàm molis magnitudine premitis, hominis illic è vestigio, Ignatij virtute subsistentis personante famâ. neminem videlicet per vos vltro citroque commeantem, ita villo vnquam tempore fortunauistis. Huic verò stagno, Ignatij breui Regiæ, inuidere Sequana iure optimo potes. nullum vnquam talem ac tantum hospitem tuo gremio collegisti. Tu, quæ Parisiorum Lutetiam Galliarum compendium interfluis, regisque potentissimi Regiam alluis, dum à tuo excessu ab vrbe, per felicissimos vbertate campos, Mæandricis flexibus oberras, deriua de te tantisper aliquem sinum, qui hanc præterlapsus paludem, & vel vnica tantùm Ignatij scintilla percussus, ad te mox refluat. conuehes flammæ cum tuis vndis in Oceanum Gallicum, quo te honoribus atque opibus tumida exoneras. Soluent tributa mari non minùs flammæ, quàm vndæ. Incalcescet repentè Oceanus, & in extremas terrarum oras continuis ardoribus æstuabit. Tua, Xauei Franciscæ, tua, inquam, paulò post incendia hauriemus.

O R A T I O XIII.

*Lutetiae Parisiorum Societatis Iesu primordia : inde
Ignatij in patriam primò, tum Romam
ad Summum Pontificem cum so-
cijijs profectio.*

QUò me transfers Ignati? è stagno in Oce-
anum, & in cæli cardines rapis? Iam sese re-
cum in continentem mea reducat oportet
oratio. Itaque Parisiorum Lutetiam reuerta-
mur. Colenda ibi tellus. sat aquis modò per-
fusus es, quibus illam irriges: neque tepuit ar-
dor ille tuus, quo foueas. Ergo vir, sui semper
memor & immemor, rerumque maximarum
molitor, dum in studia Theologica diligenter
incumbit, nouem è condiscipulis, indole at-
que ingenio præstâtes, maturos ætate, doctri-
nâ florentes, Christo Domino deligit. Hos
pijs documentis erudit, à rerum caducarum a-
more auellit, cælestibus instruit disciplinis,
diuinis commentationibus excolit, ieiunijs,
precibus, & cæteris corporis afflictationibus
assiduè secum exercet, frequentissimo de-
nique Sacramentorum Ecclesiæ vsu mirifi-
cè perficit. Sic idem fit & discipulus, & ma-
gister. Discit, vt alios docere possit; & si-
mul docet. instrumenta comparat, promo-
uendæ alienæ saluti; & promouet. nullis la-
boribus parcat, vt se idoneum reddat ferendæ

virtuti ; & simul ferit, ferit, & natam videt. O noue agricola, agellum colis, an culto frueris, qui seminas, & simul metis? præcurris menses. O noster parens, elusor temporum, & non minùs vbertatis, quàm sementis fœnerator, dic quæso, effare sodes, an semina iactas, an fructus? fœcunditatem ad tribunal tuæ caritatis vocas. dies, te iudice, anni vicissitudines sibi arrogare iussus, anno diem dicit. partus conceptum ferè cogitur anteire, ne dicam excludere. O beata noualia, non antè ferro subacta, quàm segete triumphantia! vbi non distinguas vomerem à rastro, aratrum à falce, sationem à messe, sulcum à solo, vbi seges segetem trudit, sollicito flore maturitatem morosam fallente. Cùm igitur Dei gloriæ, salutique animorum nouem illos alumnos genuisset, sibi què vt ficios ac socios adiunxisset Ignatius, ab illis de certo vitæ genere in eundo ac statuendo, numinis afflatu consultissimis, actum est. Re tandem omnium suffragijs, summo què consensu decretâ, ipso die assumptæ in cælum Deiparæ Virgini sollemniter sacro (hæc maxima Societatis filij sui patrona est ac tutelarior) in montem Martyrum conscendunt. Locus est Lutetiæ non longè adiacens, paulò editior, ac miti ascensu. In huius templo, inter Missæ sacrificium, Deo optimo maximo singuli simul voto perpetuè pau-

per-

pertatis sese obstringunt; rerumque humanarum curis omnibus à se prorsus abiectis, soli Deo salutique hominum vacandi; Hierosolymam quoque proficiscendi, ut aut cæcitatem à barbarorum oculis prætereuntis fidei luce depellant; aut sibi ipsis clarissimum æternæ ac stabilis gloriæ splendorem martyrio comparent. Quod si fortè illud iter aliquo aduerso euentu non succedat, vouent, se, reuoluto integro anno, Romæ summi Pontificis arbitrio commissuros in ijs ministerijs, quæ ad spiritualia hominum quorumcumque adiumenta pertineant: idque nullâ prorsus re, stipendij aut viatici specie, nedum nomine, ab illo petitâ. Tum sacrosancto corporis Christi epulo resecti ac recreati, peractisque mysterijs, incredibili animi voluptate, Deo immortalis, & beatissimæ Virgini gratias maximas agunt, mixtoque lacrymis gaudio sese mutuò complectuntur. Hæc sunt Societatis IESV primordia. O quàm sublime diuinæ sapientiæ ac potentiae opus, cuius prima iacta sunt in monte fundamenta! O felicibus auspicijs sacrata in eo veterum Martyrum monte pectora! O quot videre iam videor erumpentes ex eo sanguineos fontes ac flumina! his, his, inquam, non multò post tempore, purpurascet oceanus; non ut Erythræum mare, littorum, terræ naturâ rubescentium, percussu. his natabunt vici-

vicinæ & remotæ insulæ. his hæreticorum atque aliorum Ecclesiæ hostium campi antè steriles mox fœcundati, pinguescent ad vitæ germina & fœtus beatorum cœtui aggregandos. O me fortunatissimum, si torrentes hi meo, licet indigno (fortissimi Christi milites) vestro tamen fraterno sanguine dudum crescere potuissent: aut etiam nunc quidem certè, si meus cum eo, quem copiosè per varias orbis terræ prouincias funditis, pretiosissimo liquore conflueret? Sed Lutetiam redeundum: vbi cum iam Ignatius, exactis magnâ cū laude Philosophicis studijs, solemni ritu laureâ, ceterisq; doctrinæ insignibus decoratus esset, Theologicum studium feliciter quoque cum socijs ad metam vsque decurrit. Iam verò quoniâ hisce Decemuiris virtute & doctrinâ instructissimis, Christo duce & auspice properandum eò est, quo singulari Dei prouidentia vocantur; multa alia, eaque præclara Lutetiæ ab illis patrata facinora consultò prætereo, ne diutiùs eos quam par est, mea remoretur oratio. Tibi autem magnam, Lutetia, gratiam habent, maximâ quamprimum relaturi. Ex his nimirum tanquam nouæ familiæ capitibus, primo parente ac principe Ignatio, existent innumerabiles viri, vitæ sanctitate, & omni scientiæ ac disciplinarum genere præcellentissimi, qui perpetuò tibi summo studio seruiant; qui tuos alumnos boni s

nis artibus, & quod caput est, Christianis moribus imbuant; qui denique tuorum civium familijs, parentibus, ac liberis, nullo alio quæstus facto, nisi animorum salute; omnibus officijs famulentur. Iam fidem facit exitus rerum. Si hunc perspicuum reddere conetur, luci nubem præcedat oratio. testes vos ipsi Parisienses. Oculatissimo ac sapientissimo testi alicuius facti veritatem probare velle, cæci est ac stolidi oratoris. Hos igitur Proceres nostros urget vòtiua in Palæstinam profectio. stimulat amor ad præclara suscepta facinora. eius vehementia corpori robur eripit, quod largitur animo. Ignatij enim vires, è tot ærumnis laboribusque Christi causâ obitis, concidunt. Gemit corpus, quod Ignatio inuictò stante, succumbat: & ut se beatum existimat tam magnanimo domino, ita se miserum censeret tam pusillo seruitio. Grauior illi pœna est quòd Domino pœnis inflictis nunc iterum ad res magis arduas uti volenti obsequi vix possit, cui hætenus paruit infligenti. Stomachi tormenta recrudescunt: huius augetur languor, quòd langueat in viro forti. ægritudo ipsa ægra est; dolentque dolor, quòd Ignatij alacritatem æmulari nequeat. Perdifficilis curatio geminato malo. Tuû est Ignati, quantû res exigit, excludere à te morbû, què tibi ipse assiduo corporis cruciatu intulisti. Aliorû miserte, medere tibi.

Si

Si tibi dulce est pati, patere eo te priuari quod pateris. sic plus patiere, & maiori cum laude. Non renuit Ignatius : curationem admittit; non de sua, sed de aliorum incolumitate sollicitus. Sociorum antesignanus ac ductor, anteit; & non magis solerti medicorum præscripto, quàm diuinæ voluntatis impulsu, in narium Cantabriæ solum, instaurandæ valetudini, transgreditur. Et eccè tibi repentè domesticum bellum. Vera virtus vbique virtus est, ac sibi similis; nisi quòd crescit exercita. Ignatius in dies fit seipso maior. quocumque se transferat; semper idem, & alter est. Ergo Loiolæ suos inter consanguineos, in conspectu familiæ, in oculis fratrum, publicum & commune pauperum hospitium vltro sibi deligit, posthabita paternâ domo. Nullus vnquam tam hospes fuit in alienâ sede, quàm ille peregrinus in suâ. fremit indignatione nobilis atque opulenta cognatio. hanc mendicitatem sibi probro ducit; honorisq; contemptum, dedecori. Ad domestica commoda inuitat; instat, obsecrat, si rebus omnibus nuncium remisit, subeat quidem certè. vt ege-
ni diuerforium, quam recusat vt auitam domum. Laudabilis sanè, sed irritus officij labor. eâ tamen prudentiâ & moderatione Ignatij, quæ grâuitatem eius & consuetam modestiam deceret. Itaque antea eminus, nûc
cominus

cominus pugnat Ignatius. In istiusmodi certaminis genere, hoste præsentē, (cū in eum iustā occasione fortē incurritur) insignis quidem victoria est, sed pugna periculosa. aliās verò absente, hæc tutior. hic hostis amicus est. ô bellator, quisquis es; corā fortassē parceres ictui. tunc enim ad fœdus, quā ad certamen proclivior dextera, hostis dexteram, non ferrum stringeret. amicē, ac dulciter perires. amoue te. illa verò multò illustrior, quod in Dei gratiam, malis suaviissimā tuorum consuetudine & aspectu, ac bonis hæreditarijs, à te ipso sponte ablegatus, carere, nullo iubente, quā præsens frui, nullo verante. In utroque tamen prælio superior Ignatius æquē triumphat. ad alterum penē coactē, & ad breue tempus adductus; in altero liber, ac semper exultans. Recuperatis in patriā utcūque corporis, præfertim stomachi, viribus, ac perfunctus iisdem, quibus alibi; ad Dei gloriam, solebat, in hominum salutari adiumento ministerijs; rursus in Italiam rectā contendit Ignatius, socios Venerijs præstolaturus ad Syriacam expeditionem. Quæ verò, qualia & quanta in transcensu Alpium atque Apennini, totoque illo itinere, horridissimā hyeme, ardente Italiā bellis, egeno, macilento, squalido, irriso ab omnibus & expulso contigerint, illa perferre, virtum eius fuit, non mearum enarra-

enarrare. Subsistenti Venetijs, diuerso itinere, sed eodem labore subsecuti se socij iungunt; meriti consortes, ut arumnæ, solatij, ut mœroris. Ignem desiderij mutuae præsentia, vix eo tempore diutius tolerare potuissent. Vota non solum perficiendo vouentis animo, verum etiam nauandæ gentibus operæ nuncupatæ, magnam habent declarationem cum apud Deum promeriti, tum apud homines commendationis, si à supremo Ecclesiæ Catholicæ curatore, ac Principe Christi Vicario comprobata & rata firmentur. Hoc consilio se Romam cum Ignatio conferunt Patres. Paulo III. Pontifici optimo, maximo ac sapientissimo, post pedum oscula, mentem venerabundi ac supplices exponunt suam. Ille petitioni humanissimè fauet. Quidni tam præclaris ac salutariibus postulatis summus in terris animorum pastor annueret? Non honoris Romanâ in curiâ affectati, sed in patriâ contempti patrociniū quærunt, non opum, quibus se vltro spoliare, sed inopiæ ac nuditaris tutelam efflagitant. Haud difficile est hominibus, quos quidem fors, non ratio pauperes fecerit, hereditatis vacuæ defensores ac tutores inuenire. his dormientibus census augetur, è vacuo trahitur ad nihilum. Secura est talis egestas, auspice incuriâ. aquarum diffluentium procurator ac promus, nullus aptior cribro. neque in

in istiusmodi tutorem quem elegit, vlla est hæredi actio, cui nulli redditus annui debentur, sed exitus. At verò quos cælum ad peculiarem Dei gloriam educat, exactissimo pretio sponte quæsitæ, & ingenti studio collectæ paupertatis, illi præfectos & custodes adhibeāt oportet, ne quid in thesaurum inanem quoquomodo rimetur ingressum. Ne ipse quidem pauper, inanitatis suæ avarus possessor, sibi soli fidit. in summâ rerum omnium inopiâ, hoc vno se inopem sentit. Inter hæc placuit Pontifici maximo, quemadmodum consueuerat dum cibum caperet, viros probitate & doctrinâ insignes, ita hos quoque de rebus Philosophicis ac Theologicis differentes audire. Demiratus eximiam illorum modestiam cum pari eruditione certantem, coram omnibus collaudatos placido vultu, & magnâ benignitate dimisit. Huiuscemodi mensæ dignæ sunt sapientibus conuiuiis; dignæ frugalibus ferculis. Hæc sunt non minùs animorum, quàm corporum triclinia. Peruersum est fulciri corpus, labente animo. Os vnum diductum escæ, geminas aures sapientiæ pabulo non obstruit. & quidem continua est animi fames; corporis per interualla; tametsi illius cibus nunquam, huius semper absumitur. Quantâ verò Ignatium eiusque socios cælestium epularum copiâ refectos iugiter & expletos fuisse dicemus, quorum Romæ

per eos ipsos dies, nulla domus, nullæ mensæ, nulli ad alimoniam apparatus, cum è publico peregrinorum ac pauperum diuersorio inuiolatâ decretæ vitæ ratione, victum per urbem vicatim emendicarent? Vix credibile est quàm insolitâ illi admiratione affecti sint, à quibus visi & auditi fuerant coram illo præstantissimo Pontifice de rebus arduis, non minùs perspicuâ, quàm reconditâ scientiâ, colloquentes. Liberam illam necessitatem porrectæ tam vocalis, quàm mutæ ad stipem dexteræ, manantibus paulò antè supremi Hierarchæ imperio aureis eorum sapientiæ fluminibus prætulêre. Omnino hæc erat tantorum virorum Philosophiæ ac Theologiæ præcipua pars; hæc Thesium capita; hæc laborum atque omnis industriæ summa; his videlicet institutis, hac arte, his adminiculis Deo viuere, sibi mori, hominibus opitulari.

O R A T I O XIV.

In Palestinam traiecturus cum socijs Ignatius Venetias repetit. Eorum illic, ac totâ ditione acta: clausoq^{ue}, in Syriam aditu, Romana reuersio, Societatisq^{ue} Iesu institutio.

HActenus Ignatium tum ab eius è celeberrimâ Parisiensi Academiâ, tum è natalis

talis Cantabriæ soli discessu Romam cōsecuti
sumus. Illi Venetiæ repetendæ fuere, Patribus
in Solymos opportuno tempore traiecturis. O
fortunatam tali hospitum peregrinorumque
genere ciuitatem! Non hac illis transitus, ædiū
magnificentiam spectaturis, atque alia incom-
parabilia ornamenta; sed animi pulcherrimi,
cæterarumque virtutum, præsertim admiran-
dæ pudicitæ spectaculum exhibituris. quan-
doquidem in te, coram te, ad pedes legati sum-
mi Pontificis, vota perpetuæ castimonie ac
paupertatis emittunt. hinc vnico ad vitalem in-
teritum ictu bonorum mortalium rem, spem
ac voluntatem excidere. Itaque, vt dicebam,
Venerijs nostri primi duces, in sacros militan-
tis Ecclesiæ ordines adscripti sunt, pugnaturi
pro gloriâ triumphantis: & quidem tantâ in ani-
mi Deum sitientis ardore cælestis voluptatis
affluentia, vt cum ab illis capi non posset, in
ipsum Episcopum Arbensem, Antistitem
optimum; (sicut ipse sæpè testatus est) & tunc
in illis cerimonijs Christi ministrum, copiosè
redunderet. Diuino amoris suæ sunt voces ab
vno in aliud cor: hoc exultante ad illius mo-
tum tripudiantis. Cithara percussæ laterali
citharæ consonat. Inde primitijs Sacerdotij
Deo libandis, per varias illius prouinciæ partes
alius aliò digressi, remotis procul arbitris, tan-
quam in secessu quodam ieiunij, vigilijs, pre-
cibus,

cibus, lacrymis, & diuersâ corporis afflictatione, sese quantâ maximâ fieri potuit diligentiam comparauit. Deus ubique est, & sibi & nobis; nos quâuis in solitudine, ne nobis quidē. Magnus ille quondâ legislator, suæ gentis negotia cum quondâ cælestis curiæ principe Dei legato tractaturus, in altissimi môtis culmine, & quidē, ne quisquâ accedere auderet, vsque quaque terrifico, se nube obscurâ inuoluit. Vates vetò, non minùs zonâ pelliceâ decorus, quàm igneo curru reuerēdus, sine comite, solus sibi ac Deo vacās, in montē Deo sacrū die noctuq; perrexit. quadraginta tantum dierū spatio sibi concessio, vterq; temporis auaritiā incusauit. Huic nostrorū Patrū suâ paruitate maiori familię segregatæ, fuit idē dierum numerus, sed grauior causa. Sacrificio Missæ nullum maius in terris opus. apparatū non minorem esse oporteret. si par esse nullus potest, humana vis dū succūbit, habet (timidè lætanti dolore) pro summo patrocinio eā ipsam, quā immolat, diuinę victime maiestati. Tandē igitur noui Sacerdotes primò faciunt, vno excepto Ignatio, qui cū nō minùs vitæ sanctimoniâ, quàm auctoritate inter alios emereret, pro humili tamen sui ipsius æstimatione, lōgioris temporis subsidiū sibi necessarium esse iudicauit, suamq; inopiā, minutulæ, vt credebat, expēsæ diuturnitate, aliquā saltem ex parte, redimēdam. hoc iudicium pars princeps

ceps apparatus fuit. faciunt, inquam. O feliciter nata, ô bellè, verè, prudenter, atque appositè huc conclusa dictio latina, quam non alteri iūctam, sed absolutè, prolatam solum sacrificium sibi suo iure vsurpat, naturæ atque hominum operibus omnibus tanquam hoc vocabulo minimè dignis. illud tamen mutuantur: sed non nisi addito suo proprio nomine, ad honoris mutuo accepti fidem. O quanta vnico in verbo operis moles! non tanti sit mundi totius effectio; nisi fortè suo se conditori præferendum putat: quandoquidem in hoc augustissimo sacrificio, Sacerdos eam ipsam quam offert, efficit hostiam. nunquam vsquam talis victima. O felix gemina illa materia è qua in hoc sacrosancto mysterio fit corpus & sanguis Christi: atque idè deletâ totius panis. ac vini substantiâ, sub vtroque & altero, & alterutro earum spolio, totus est atque integer, à quo factæ sunt, Christus. Hoc igitur, hoc, inquam, facere est. Res alias fieri, nisi nominentur, ignotum est: at sacrificij tacitum nomen, hoc vnico solitario verbo publicatur. Quapropter illud & probè superbit, & penè dicam consumitur; cū videatur vix dignari se cæteris rebus vtendum præbere, & nihil maius ab illo confici possit. His ritè perfectis, dum Patres nauigandi tempus expectant, quid ego eorum cū Venetijs, tum in totâ illâ ditione erga omnes

hominum ordines operâ ac studia in Dei obsequium collata recenseam? Aded hæc illis fuere vsitata & quotidiana ministeria, vt, si distribuantur in pensa præconiorum, oratorum omnium facundiam exerceant; si congerantur in vnius dicentis officium, vim totam ingenij & eloquentiæ opprimant. Testes extitere non pauci, ijdemque primarij Serenissimæ illius Reipublicæ viri, pijs commentationibus, ad ampliorem & illustriorem beatorum in cælo senatorû sedē instructi: testes tot populi doctrinæ Christianæ præceptionibus imbuti: tot hominum cœtus sacris concionibus amore rerum diuinarum accensi: tot ciues atque indigenæ varijs in vrbibus ac pagis è lubrico vitiorum cœno, in statione virtutis constituti: testes denique pauperum hospitales domus, atque in primis publica ægrotorum valetudinaria, in quibus continuo eodemque vilissimo famulatu tot ac talia virtutum documenta dedere, vt si ad ea singillatim spectanda, se cōuertat oratio, profectò illis ipsis infirmis languidior, quauis ex parte deficiat. Hic hinc Franciscæ Xaueri rerum abs te gestarum sese extulere admiranda primordia. Verùm nunc aliò mihi festinandum, vt me citiùs huc ad te reuocem. De te siquidem postea dicturus sum. sed cum nullo modo pro meritis, vtinam aliquo pro voluntate. Vlciscere fugientem hanc vocem,

cem, innexâ in futuro sermone morâ. Hactenus in hoc senilium, seu, si mauis, iuuenilium Orationum eninuero sanè (eugè anime, ne deficias) nondum confecto cursu, te quasi per transennam tantummodo respexi; semel aut iterum geminæ solùm mihi de te voces, me ipsum violenter cohibenti excidère. Utinam posthac pauca illa verba quasi iacta semina, incalescente conceptu tibi debiti cultus & amoris, in immensam surgant laudum segetē, quas possim tuæ magnitudini pro virili parte persolvere. Sic sic, alme sol Orientis, nouo mutui genere erga me fœnerator, deprompto in istius ingenij mei sterilem agellum, fœcundissimæ lucis tuæ radio, non te meo labore clariorem, sed me facies de paupere oratore locupletem. Et tamen soluendo non ero. At hoc mirum profectò; quia nihilominus mihi per te fructus accrescet, nihilque tibi de communicatâ luce minuetur. Da mutuum mutuò; fœnerare fœnora; trucida me vsuris. asseruo syngraphas; noli conturbare rationes, ut me semper habeas, siue diues, siue pauper euasero, tuæ virtuti, tuo merito, tuæque gloriæ adeò debitorem, ut me omnes videant celeberrimè decoxisse. Sed ut ad parentem fratresque comites redeam, dum, inter hæc, statò anni tēpore, ac secundo vento, sese mari commissuri essent, aliunde coortâ horribili procellâ, spe re-

pentè deiecti sunt. Solymanus Turcarum rex, alieni tyrannus imperij, noctu sub suâ orientali mutilâ Lunâ somni impatiens ac per-
 uigil, curas in Occidentem cum ingentibus copijs naualibus transfert; ut illic sui sideris orbem, si fieri possit, compleat, & primò quidem in Venetos irruptionem molitur. Nostri, (ut cæteris peregrinis) mare Superum, Ægeum ac Syriacum clauditur: Erat videlicet reliquum mare, totusque aperiendus Oceanus. O diuinæ sapientiæ manifestum consilium! ingratissimæ atque infamis, vnius nationis, Palæstinæ facis, frustra tentatum damni remedium, cessit in omnium gentium rûc à nostris non quaesitum emolumentum. Agè igitur, memoriæ si mitas votorum Parisiensium stabilitatem astringit, vnum ex vtraque fundamentum. Reuoluto itaque integro à Parisiensi discessu anni circulo, Patres, ut inter se, adstrictâ Deo votiua fide, cōuenerant, Romam ad summum Pontificem reuertuntur; non quidem omnes; (id enim tunc minimè necessarium videbatur) sed tantum cum duobus è socijs princeps Ignatius, ad destinatam auspicato suam suorumque operam summo Pontifici offerendam, ac proponenda decreta, quibus statuerāt, in curandis hominū animis, se illius voluntati potestatiq̃ committere: missis interim per aliquot celebriores Italiæ vrbes ceteris Patri-
 bus,

bus, quorum omnium tam copiosus paucorū
 inensum spatio fructus exitit, vt illæ gentes
 quid prius, quid potius, reū nne nouitatem,
 an magnitudinem mirarentur, ambigerēt. quo
 factum est, vt tam insignium operum multitu-
 do stabili posterorum memoriæ tradita, bre-
 uitati temporis fugientis illuderet. Iam no-
 uæ & sacre militiæ generosa phalanx à supre-
 mo Ecclesiæ Principe nondum imperata
 pensa præripit. iam signo nondum dato ex-
 currit in acie. iam efficit, quæ dux eius I-
 gnatius facienda meditatur. periculum nō est,
 ne desit officio, quæ mandata exequitur. an-
 tequàm dentur. Exigui propterea temporis in-
 tervallo septem socij à tribus ita sunt auulsi, vt
 alij Romam, alij ciuitates varias præclarā do-
 ctrinæ & sanctimonix contentione com-
 mouerint: omnes verò non solū vniuersam
 Italiam, verū etiam exterarū ac remotas pro-
 uincias incredibili famæ celeritate peruase-
 rint. Sub id tempus Romæ Ignatius in augu-
 stissimo beatæ Mariæ ad niues, ac celeberrimo
 templo ad ipsum præsepe, vbi Christus, iam in
 lucem editus, se primū obtulit Deo Patri, sa-
 crificandi facit initium. & quid meo amoris
 æstu, atque intimorum sensuum dulcedine,
 vt nesciam grauiorine me sentiam onere pre-
 mi, quòd dicere aliquid debeam, an ma-
 iore curâ leuari, quòd nequeam. posteriori

beneficio utar; sic tamen, ut sponforem debiti erga te mei constituam quemlibet, Ignati, qui de te dixerit, oratorem. Videbaris illic cum pastoribus ac regibus Magis reuerentiâ & amore contendere. Intimus quidem animi recessus nullum, præter Deum, iudicem habet. verumtamen cum illi tunc sua munera singuli obtulerint, si ad hoc sacrificium, id quod rei quam offers magnitudo ac dignitas de tuo exigit, contulisti, tua fuit in tam laudabili officiorum æmulatione victoria. Sed orationi meæ, ut video, cum Patribus vltro citroque commeandum. utinam pari cum illorum alacritate facundiæ cursu. Reuocantur itaque ab Ignatio. Romæ se sistunt. parentis nutus illis imperium est. Causa reditus, consultatio: & illa quidem inter eos omnium quæ fuissent, quæque futuræ essent, grauissima. Illa caput ad propositum ardui moliminis, illa negotiorum summa coniecturalis. In hoc decemviralī Senatusconsulto, de texendo Societatis perenni vinculo, in hoc de ponendis nouæ religiosæ familiæ fundamentis rogandæ ac ferendæ sententiæ: an videlicet præteritis paupertatis & castimoniæ votis, adnectendum esset tertium obedientiæ perpetuæ. (Hæc tria sunt omnibus religiosis Ordinibus vota communia.) Præterea nunquid quartum quoque sibi peculiare (solemne tamen, sicut & alia) esset adijci-

ijciendum, parendi summo Pontifici, ijs in rebus, quæ, vt superioribus locis commemoravi, ad tuendam ac propagandam fidem Catholicam, hominesque ad salutis æternæ consecutionem iuuandos pertinerent. Ad harum rerum deliberationem, assiduis precibus, & lacrymis dies noctesque fatigatæ. hîc seueriora indicta ieiunia, hîc sudati labores; & quorum prima & præcipua vis, oblata Deo præpotenti, ac luminum principi sacrificia quamplurima. Habent illi quod fiduciam ingerat. causa Dei est. patronus est sui: quo aspirante meditatam & conceptam Societatem quatuor illis vinc&am solennibus votis tandem aliquando communis Patrum consensus edidit mundo. Æmula concordia lætitia extitit fortunati partus augurium. Societatis IESV impositum illi est ab Ignatio nomen; summæ sui despicientiæ singulari prorsus exemplo, quo Christum totius operis effectorem aperte prædicaret; se autem, reticentiâ verecundâ, nominis non negaret auctorem. Quidnitaamen asserere malim, hoc nomen ab illo memorabili ostento præcipuè inditum, quo Ignatius, cum non longè ab Vrbe, in obuium quoddam sacellum, exitinere, numini orando ingressus, per speciem à Deo Patre, Christo Filio crucem humeris gestanti, se suosque commendari vidisset, has audiit à Christo, benigno vultu conuerso,

uerso, voces ad spem nostram fœcundas? Ego, inquit, *Roma vobis propitius ero.* Christe optime maxime, huius qualiscumque militiæ supreme imperator, à capite membra, tanquam à fonte. Quamobrem si Romanâ in vrbe gentium omnium parente, nobis, vt hætenus fuisti, propitius semper futurus es, quocumque locorum excurramus, quacumque in statione commoremur, hac tuâ pollicitatione animo, si ac tuti, testabimur plus inesse in nostro protectore erga te fiduciæ, quàm in nostris viribus infirmitatis: honorificæ tamen Crucis abs te nobis communicato iugali pignore, ad tui promissi fidem. His ita constitutis, quàm strenuos fatendum est nostrorum labores Romæ fuisse, quàm ingentes operum fructus, cum paulò antè, per varias Italiæ partes diffusa vis, nunc collecta in vnus cultum vrbis incumberet? Atque illi quidem pauci docuère, quantum differat virtus à numero. Tam insolita verò, ac tam fausta fuit Romanorum commurmuratio, vt amor & admiratio, ad inuidiam, in hunc exiguum cœtum oculos animosque conuerterent.

ORATIO XV.

FRANCISCI XAVERII (*rege Lusitania aliquot è socijs Ignatij petente*) in Indiam destinati
 laudum initium. Eiusdem in suo corpore cruciando portentosum
 inuentum.



ET si nihil mihi optabilius, nihil iucundius, nihil ad officij rationem paratius fuisse sentio, quàm de Ignatij præcellentissimi herois parentis nostri laudibus, pro eâ quam mihi non tam ingenij vis, quàm amoris cōcessit, qualicumque facultate differere; tamen cùm me non impar dicendi cupiditas ad Francisci Xaverij tanti parentis partum incomparabilem transferat, vix huius dilationis patientiam continere hæcenus potui, quin incubantem priori debito moram subinde vellicare quodammodo videretur. Ab hoc igitur, in quo nunc quasi vestibulo pedem pono, mox in Francisci Xaverij laudes nostra procedet & exultabit oratio. Quamobrem dum inter hæc, quæ dicebam, hic religiosus Ordo, & acta in consilio Patrum, Pontifici maximo ab Ignatio parente nostro ac duce proponerentur, iamque Societatem vix natam, rerum nostris benè gestarum, vbique nuncij, numine stimulante præcurrerent; ecce tibi Ioannem huius nominis tertium, Lusitaniæ regē, nulli
 ma-

maiorum suorum pietate secundum, protinus
incredibili voluptate perfusum: fama laudum
Societatis præcone, Mascarenæ quoque literis,
sapientissimi eius apud Pontificem Romæ
oratoris, ornata. Iam indè aliquot antè annis,
quàm è Gadium claustro, tanquam ex arcâ
magni quondam Deo quæ carissimi Patriarchæ,
Columbus explorator emissus, si fortè in
illâ interminatâ (vt credebatur) Oceani ad
Occidentem vastitate, atque infinitâ mole aquarum,
non quidem diræ eluuiionis, sed naturæ partu,
in continentem, vbi pedem ponere posset,
incurreret, atque inde, viridantis oliuæ
ramusculo fortunatissimi cursus nuncio, in
Hispaniam reuolaret, Lusitani instructissimâ
classe, & militum firmissimo robore, ad Meridiem
atque Orientem, in immensos maris tractus
reflexi, barbaros reges ac feras nationes,
quæ Africæ, Asiæ, & extremæ Indiæ oras ac littora,
insulasque quamplurimas obtinent, incomparabili
gloriâ domitas, in suam ditionem imperiumque
compulerant. Ergo cùm Lusitaniæ Rex, altâ mente
præditus, apud se identidem reputaret, vnum
esse supremum regum omnium Regem, cuius
homines subijcerentur imperio, principes verò
terrarum orbis ita esse ab illo rerum mortalitati
concessos, vt nihil eorum, quæ ad publicum
regimen ac ciuilem gubernationem pertinent,
in eius iniuriâ,
nihil

nihil in Ecclesiæ detrimentum verteret, quæcumque sub aspectum cadunt, tandem aliquando interitura: nascente mundo cœptum construi ad nouissimum diem mortuo rogû; inde resumptis exuuijs, ex hoc diuersorio immortales animos in destinatas cœlestis patriæ sedes euolatuuros; in hunc à suo effectore omnia esse intenta scopum; quæcumque in naturâ sunt, quæcumque in rebus humanis, quæcumque in quolibet dominatu, in hunc vltimum finem dirigi; si soluto tam aptè coherente ac debito rerum humanarum cum diuinis ordine, improbi ca, quæ dixi, aliò detorqueant; si ad sua commoda & rationes, atque amplificandam potentiam, suis consilijs, studijs, industriâ, laboribus, alium ordinem ac feriem, prudentiâ delirante, contexant; illis, non dico breuem de mortuis rogum, sed coæuum semper victuris incendium diuinâ vltione cōstitutum. cùm has, inquam, curas, magno imprimis imperio dignas, rex optimus animo die noctuque concoqueret, perlectis legati literis, iam sibi voti suffragio potiri visus, dat illi mandata, & magnoperè imperat, vt ex illis decem socijs diligentissimè curet, sex summi Pōtificis auctoritate conscribi, quos in Lusitaniam quantâ maximâ fieri possit celeritate transmittat. Inferenda in prouincias alias huius ac similis militiæ gloriosa vexilla. Illic statuen-

tuendum Crucistrophæum, cuius virtute (vt primus ille quondam Christianus Romanorum Imperator) maiori quàm vix sperare auderet, felicitate vicisset. Turpissimum videri, tot gentes, tam diuersas, tam longè positas, à se, iam sibi, nondum Christo, subactas esse: suo terri scepro, non Dei: &, quod primò & maximè intolerandum est, vel ipsius Dei sanguine ac morte in libertatem assertas, teterri-
mâ Dæmonum seruitutē torqueri. Princeps optime, qui sic imperas, vt te parentem, quàm regem dici malle videaris, profectò non malè, vt video, prouides tuis. Sex è nostris hominibus postulasti. numerum diuidis, an rapis? vide, pro tuâ sapientiâ, ne ferias istâ partitione iustitiam. Quid? nōne tu ex illâ tuâ vltimâ Europæ prouinciâ, nouum, vt vocant, orbem prospicis in Occidente surgentem? an patiēre, vt nullo altore, vix natus intereat? In hoc autem nostro consenscunt operæ. suam quippe habent ætatem, non agri, sed coloni. alij alijs suffiendi, ad culturæ perennitatem, vertenda cum anno tellus, ne siluescat. Vide, ne pacatâ anxij animi caritate, geminos orbes in prælium pietatis exsuscites; horum militum conterritō manipulo ad inuisum fulgorem existimationis de se genitæ, quâ tu aliorum principum desideria & decreta occupauisti. Larga petitio tua, quæ totum ferè numerum euerrit,
eorum

eorum quidem modestiæ patrocinator, qui se singulos intueri vix ausi, animantur sociorum virtute, non suâ. Verum cum abs te, illorum omnium æstimatore, inter non paucos Europæ viros, moribus & eruditione florentes, non ad copiam, sed ex copîâ delecti sint, tam eximiæ sunt, tuomet iudicio, singulorum vires, ut pro se quisque possit, & æquitati non officere, & tuæ satisfacere voluntati. Ceteris igitur socijs ab Ignatio, Pontificis iussu, in varias regiones dimissis, duo regi, si non pro eius voto, dantur pro merito. Tu verò, legatè fidelissime, quid statim expostulas? si amicæ querimoniæ tuæ nubeculâ, sterili nunc quidem certè, paulisper ab oculis semotâ, totum numerum spectes, hæc tibi videbitur ampla largitio. quem si fortè audivitas è memoriâ deleuit, ne consulè tabellas: aperi vtramque manum. summam habes in digitis si contrahis omnes, actum est de totâ: si partem iusto maiorem, caue alienæ manus arietem. Singulas unitates ad varia loca secretas, & ab inuicem auulsas esse oporteret. tibi numerus conceditur: an etiam inter binarium & reliquos denarij numeros creabis in summâ Patrum concordiam litem? Patres sola suæ imbecillitatis confessione audaces, vestrarum prouinciarum seruitio vix senos idoneos esse censent; omnium verò aliarum orbis terræ

partium oneri subeundo, quaternos credent
 satis esse robustos: Acquiescit orator. huma-
 nissimum regem, ac non minùs prudentiâ,
 quàm pietate clarum, de totâ re monet. cui
 denique factum probanti, duo, vt dicebam,
 destinantur è socijs. Hi fuêre Simon Roderi-
 cus & Nicolaus Bobadilla; cui fortè per eos
 dies ægritudine non pœnitendâ correpto, di-
 uino consilio Franciscus Xauerus subrogatur.
 Nunc ô nunc Francisce, prodigiorum memo-
 rande patrator, Heros maxime ac sanctissime,
 iamdiu desiderio tui contabescens, ac nisi de-
 bitum communi nostro parenti officium ob-
 staret, rea diurnæ atque inuisæ moræ, tan-
 dem aliquando mea sese ad te conuertit, te re-
 spicit & in laudes prona, tuam opem implorat
 oratio. Tu qui tot mortuos pactis te oblide,
 cum naturâ, alium rursus eorum interitum re-
 petiturâ, inducijs, ad vitam reuocauisti; excita,
 si quâ vnquam fuit, iam sepultam in me sene
 dicendi facultatem: vel potius tu qui tot con-
 iuges quibus in luctu sterilitatis sola esset do-
 lorum vbertas pro solatio relicta, tuis apud
 Deum precibus, optatâ prole, & non tam pa-
 rentum, quàm tuorum beneficiorum hærede
 fortunauisti; educ ex isto, hætenus infœcundo
 ingenio meo, conceptum aliquem tuâ operâ
 eloquentiæ fortum. informem illum quidem
 futurum non dubito; sed hoc erit vitium im-
 maturæ

maturæ virtutis, non initæ apud te gratiæ. O quot quondam oculis capri, cepere maximum orbitatis fructum, sequere vel hoc solo nomine feliciter cæcos fuisse senserunt, quod tu, tu, inquam, ille esses; quem ante alia omnia viderent; quem, ut solem suum, tunc primò sibi orientem intuerentur! Sua sunt naturæ vitia in animos, sicut in corpora. plerumque diuidit vtrinque tenebras; nunquam tamen nouerca; quia non studiosè; sed palabundæ ubiq; fortunæ improbo lapsu; à quâ, semper cæcâ, quis lumen speret? spargat igitur in me tua, Francisce, liberalitas manus; plura debentur egeni subsidia, quàm opulento. iacta copiosa in meam mentem lumina; ut quò præstantior est lux animi corporeis oculis, quos tu cæcis aperuisti; eò etiam tua beneficentia & caritas fiat illustrior. O quot hominibus, surditate ministra, loquendi usu mutilatis, impotens animi in tuorum meritorum præconia ruentis imperus linguæ vinculum diffregit, ad pretiosam naturæ, in eorum ortu peccantis, multatam, ut illi nullâ postea in re essent, nisi tuâ in laude facundi; exceptâ solum inuehendi potestate in insidiantem vtero materio sortem, quòd præcurrentibus aliorum hominum faustis acclamationibus, tamdiù muti, tam serò loquerentur. Me verò, Francisce, nec mutum origo fecit, nec voluntas. Abs te proinde

non commune officium linguæ, quod mihi natura concessit, sed id quod virium mearum conscientia negavit, peto, ut quantum propriè & ornatè dicendi facultas distat à vulgari & inculto sermone, tantum mihi, non dico dignitatis oratoriæ, quam spei meæ non tribuo, sed necessariæ ad trepidationem firmitatis, quam non despero, largiaris. Quare ut mutis liberum vsum, sic mihi securum animum ad loquendum dabis. Age igitur, vir potentissime, si quid ego, te adiutore, appositè dixerò, erit non minimum tuorum in hoc à me, tuâ causâ, suscepto qualicumque labore prodigium. Sed in tanto rerum abs te gestarum concursu, quænam prima in me debitorem refugientem manus inijciet? quænam initium orationis meæ, prius exitum, quàm ingressum meditantis rapiet? Tene dicam Parilijs numero quidem postremum, excellentiâ primū Ignarij partum? & eum quidem memorant laboriosum quoque fuisse. Officiosa nimirum temporis tarditas, & viscerum grata conuulsio necessario incubuere laxandæ aluo patientissimi genitoris ad fœtus magnitudinem ac novitatē naturæ prorsus ignotam. O inauditum portentum! sol Orientis generatur, & quidem in Occidente. At quem alium habere poteras parentem? Quis nesciat existere splendorem è flammâ? Quàm immensum igitur ignem o-

por-

portuit esse Ignatium, vnde tu sol enasci posses? Iam verò quorsum istæ fasciæ & funiculi quibus tibi modò prodeunt, non tamen infanti, neque in cunis vagienti, tam violenter femora lacertosque constringis? Nondum te in cælum obstetrix diuinæ potentæ dextera extulit: nondum cælestis motus raptu cieris. (quamquam illic vincula nulli sunt vsui) te tui motorem esse oportet. Sui sunt pedes soli adhuc mortali. tibi terrâ marique gradiendum; vt tuâ propiore præsentia maiorem lucem ardoremque concipiant. tibi amor sibi adgenitas inferet vbique alas. tu itinerum longitudes, sollicitis viatoribus, ac de ancipiti distantia sciscitantibus efficies incredibili tuâ celeritate mendaces. de te viarum mensores conquerentur. tu cæli adeò concitum ac diuturnum cursum, vel ipso Ladâ perniciosior, momento præternolabis. te sol ille alter, è cælo spectator, mirabitur solem terrestrem, dum tã properè, & nunquam intermissâ solitudine regiones populosque lustrabis, nullos secantem motus, nulla temporibus statuentem discrimina; ita vt naturam præ pudore dubiam reddas, an præstiterit familiæ suæ officia in pensâ fluentia non diuidere, quàm tuâ velocitate superari. nec erit opus, vt ille, quemadmodum olim fortissimi Hebræorum iudicis contra Gabaonitas pugnantis, ita nunc tuo aduersus

Dei hostes dimicantis imperio sese ad occasum præcipitantem, morandæ luci, frænet ac sistat: cum videlicet quâ & quò te festinus agas, tuam ipsemet ac tibi propriam circumferas lucem. Et tibi vincula pedibus inijs? neque id solùm, verùm etiã tenaci funiũ morſu discerpis lacertorum carnes? Ah! quid peccauêre pedes, quibus nullæ adhuc tritæ sunt viæ? Ah! quid lacerti, quos nunquam lunasti, nisi luctando cum vitijs? Tũne Ignatio parenti animo persimilis, hoc etiam incommodũ corporis, ac præteritæ illius militiæ cruciatum æmularis, vt Pompeiopoli fortiter ab eo excepta aduerso poplite vulnera, nunc tibi ipsi, contra te factus acerrimus hostis, infligas? vt toties lacerata & penè luxata, reptando per inaccesſos rupium ascensus & acutos saxorum mucrones, illius brachia tibi tuorum vim actoros, exprobrare arbitreris? Quorsum igitur, inquã, hæ fasciæ, funiculi, vittæ ac vincula? Hoccine est festinare velle? hiscine à te stimulis exoras imperum? hoccine magisterio exeres hæcenus indociles ad itinera pedes? hoccine oleo, cum Christi hostibus luctaturus inungeris? tu pressis cursum habenis incitas: tu fræno contracto, tarditatem increpas: tu sistis, quem vr̄ges gradum: tu expeditas ad pugnam manus, victorum mancipiorum voluminibus implicas & coërces. Quas, quæſo te, leges præscribis

viribus, nunquam ad agonem exertis? Caue diuine cursor lampadophore, ne prius quàm metam attingas, nondum extinctam lampadē alteri tradas. Caue ne alijs superatis, dum tecum tuæ fortitudini experiundæ luctaris, te ipse deiicias. Conuerte aliò vires; te ipso potentior es. Verùm rem sanè tandem aliquando tenemus. causam tui consilij factique cognoscimus. His tormentis in te, vel nolens, quæstionem habes. hæc erunt veritatem: hæc occultam ingeniosæ tuæ virtutis artem proferrunt. memineras, dum in hac rerum humanarum speciosâ inanitate, iamdudum omnium in oculis esses, te concinnitatis, elegantiae & egregiæ corporis formæ aptissimè cohærentis indumenti mirificè studiosum fuisse. hoc abiecto ac perpetuò ablegato, supplicium à corpore potissimū repetis: & id quidem antè tuū Lutetiâ excessum. Attamen & officiosum te cultui præbes. eius aliquantulum indulges desiderio. Laxam quippe & vndantem vestem recusabat, breue & angustum concedis amiculum, sed paulo quàm cuperet arctius. Luis, Francisce, grauiores merito pœnas fuit, si quod fuisse censes, delictum affine virtuti. nitor nitorē traxit. Illibati ac virginei tui corporis flos, nondū circumfuso spinarū munimento, mundissimi habitus consortium admisit. errauit in naturâ præsidij, non in curâ castitatis. Nunc

verò inito cum votiua virginitate coniugio
nouum tibi thalamum sternis, aculeatam atq;
horridam tunicam, natiua carnis mollitudi-
nem subterente multiplici nodo, quem te a-
mortexere docuit. O dura connubij vincula!
& vos discissâ lasciuitis in carne? Crudeles de-
licia in intimo illo atque amabili corporis vir-
ginei sinu, etiâ ne in venas, neruos, muscu-
los, fibras vestra fames anhelat? Tuâ pa-
tientia prodigus es, Francisce, carnificinam ex-
hibes tui tormentis epulum præbes. tu primus
auidè pascaris, postremus à ferculo; & victor es
in hoc certamine voluptatis. Quàm difficile
est mederi malo, nō minùs patienti grato, quā
iucundo inferenti! siquidem non solum cum
cæteris suauissimis Patribus, verum etiam cum
tuis hisce amicis tortoribus dissimulato cru-
ciatu te longissimo in Italiam committis itine-
ri. O nimis diuturna membrorum penè dicam
confectio! Quorsum verò isti tam altè impres-
si in carne sulci? an ferendis ac gignendis funi-
culis, quibus innumerabiles postea iuuenes
tui allecti amore, & exemplo adducti, sese ca-
stimonia voto deuinciant? Portentosus hic
partus est. mortem non dubiam denunciat. af-
feret; nisi rerum omnium genitor, cuius secre-
tione afflatu conceptus est fœtus, tulerit opem.
Concidis in via, Francisce, neque vltra progre-
di potes. malum inuitus prodis. tam graue est,

vt medici ne tentare quidē remediū audeāt.
Ars in te perit : tuum præcedit interitum, ne te
superstitem, coram se morientem, intolerando
dolore aspicere, & multò acerbius mori cogatur.
funes isti nō sūt profectò quales illi quondam,
quibus fortissimum Philistinorū domi-
torem, aliàs vel in somno terrificū, sed in gre-
mio perfidæ coniugis amore lenocinantem ol-
liter fustum ac sopitum, hostiles cateruæ viu-
xere, quas cum illis retibus, velut aranearum
operas difflauit spiritu. Stolidi proditores;
leonum profligatori, vt mûscæ insidias tendi-
tis? laqueo cū, vt vile iumentum, frænari posse
creditis, qui decies centena commilitonū ve-
strorum capita, eius indigna ferro; a selli man-
dibulâ, ludentis dexteræ rotatu contriuit? esse
poterant vsui funes huiusmodi ligandis vul-
pium manipulis, ad celeriores, virgente flam-
mâ, segetum latè fluctuantium messes. aut
quandoquidē ad restim vobis res redijt, his vt
potestis. Ille in vestri contemptum, aquam de
asini maxillari poculo victoriæ propinauit. ho-
noratiùs ac dulciùs de mellitis à se dilacerati
leonis faucibus paulò antè se pauit, quia singu-
lari certamine cū regio fortissimoq; hoste pu-
gnauerat. Ergo, Heros magnanime, vt aliquot
ante annos Ignatio cōmuni nostro parenti ac
principi, desperata cruris curatione, sic nō aliud
tibi superest, nisi ad Deū perfugiū. Ita cōtigit.

tu noctis vnius interuallo, naturâ obstupeſce-
te, priſtinam valetudinem tuis precibus rece-
piſti. Abſtruſi nexus prodire: inextricabilis, il-
la implicatio, carnibus exeſis & penè nudatis
oſſibus, tandem per ſe lenteſcit; collabitur;
ſeſe fundit. & exſoluit, ad texenda, è tuis iſtis
lacertorum pedumque vittis capiti tuo diade-
mata, triumphis, ac tuæ gloriæ debita. Vin-
ces, vir maxime, vinces in poſterum hoc feli-
ci augurio. Tu ampliffimi velut alter domi-
nus eris imperij; non humano; ſed diuino
proſus oraculo. Alexander ille, meâ quidem
ſententiâ, ſuo cognomento, æquè ac tuâ virtu-
te ac fortitudine minor, cùm illi aliquando
Gordij, Phrygiæ vrbe, celeberrimum illum no-
dum ciues oſtenderent, quem qui ſolueret,
totius Aſiæ imperio potiturum, è neſcio cuius
fabuloſi Iouis cortinâ memorabant; aſtu Græ-
co, ne mentem ac vires, hoc ipſo nodo intrica-
tiores famæ periculo redderet, diſtriſto gladio,
fraudentæ inſcitæ vicario, Labyrintheam
nodi æternitatem ambicioſo vnius iſtus com-
pendio eluſit. O magnum imperatorem!
Quin etiam hitoriæ veteres, quarum pleræ-
que nihil habent veri præter mendacium, il-
lum quoque, ſi Deo placet, orbis terræ victo-
rem fecêre. tam terræ orbem deuicit, quàm
nodum Gordianum extricauit. Ad te Franci-
ſce ſeſe conuertit hoc omen; non vno, ſed tot
nodis,

nodis, diuinâ potentiâ tuæ voluntati annuente, diffractis. Tibi iam Indi tendunt manus; tibi Iapones colla supponunt; cupidi his ipsis vinculis, quibus nunc eximeris, ad currû Christi triumphantis adstringi. Surge liber: solate socios: solue lætitiâ tributum Domino, tuâ causâ, dolori: reuiuiscant, tuâ vitâ periclitante, demortui. cœptam insiste viam; accinge te rursus ad iter, sed zonâ laxiore. Illam istis eductis ex te funibus confice. Nondum in cælum euectus es; quod candidâ zonâ decorè ambitur. præcinge te de tuo cruore purpureâ. Alteram altera pulchritudine laceffet. Ingruere forsitan non iniucunda posset inter te ac cælum de formositate contentio, nisi præpotens pulchritudinum opifex ac moderator vos his ipsis zonis tanquam vinculis coërceret. Speciosior tamen, Franciscè, tua, quæ non modò te, verùm etiam Deum ipsum immensum, tot laboribus ac pœnis in eius gratiâ susceptis, reuerenti magnanimitate deuinciet. Et quidem eo maiore dignus honore es, quod vltro, ac spontè tam ferociter in te ipse desæuis. Necessitas aliquid semper detrahit de laude virtutis. Crediderim tamen zonam illam cælestem se viam lacteam appellari malle. Tu vero defluente modò tuis ex vlceribus liquore, Tyrio pretiosiore, humi sanguineam sternere velle videbaris. at comprime nunc ardorem,

in

in te Parisijs ab Ignatio excitatum; vt in vastum
 postea erumpat incendium. Obstrue fontes
 cruori: claudere iuis ostia, ne copiam exha-
 rias. Gallia atque Italiae amœna præta, vernan-
 tesque semitæ, non sunt alvei decursuro tui
 sanguinis flumini. Nondum abste in clamati
 venere anni. Erit, erit, ac non multò post erit il-
 lud tempus, cum inter immanissimarum gen-
 tium saltus, & inuios desertarum insularum
 anfractus, nudis & laceris pedibus tuis vepres
 inuictæ patientiæ notas inscribent; cum iti-
 nera horrida, impenetrabiles siluæ, atque
 Oceani littora, è tui sanguinis vestigijs, noua
 & ambitiosa sibi nomina rapient. Hæc, hæc
 erit oppidò, via, Franciscæ, sanguinea: nisi la-
 ctea quoque nominanda videbitur, quòd illo
 videlicet lacte quo recenter Christo genitos
 nutries, omnino signanda sit. Confirma quo-
 que lacertos. acue vires. contende nervos.
 corrobora corpus. Tibi Mauri, Parauæ, Mala-
 censæ, Molucensæ, Iapones, aliæque quam-
 plurimæ ignotæ ac barbaræ gentes, vectandæ
 humeris. Tibi nouo Atlanti, non cælum (hoc
 scilicet decrat vestrarum, poëtiæ, fabularum le-
 uitati, vt cælum graue faceretis) non cælum, in-
 quàm, sed grauissima terræ moles. sustinenda.
 Sortieris mox non quæsitum in somnio ad fi-
 dem varicinium. Tibi dormienti videre In-
 do tam pōderoso non semel onustus, vt nifus
 vche-

vehementiâ gemitum, tuis solis in Christum amoribus familiarem, ad se subinde aduocet. Hæc erit solum ponderis imago, Francisce, hæc solum vmbra nocturna. si te imago ponderis adeò premit, quanto magis verum onus impositum? si sudas in vmbra, in sole quid facies? si te deficiunt iacentem in strato, integræ stabunt vires in luctâ? si dormiens prope modum exanimaris, quem spiritum vigil trahes? si contubernalem amicum non nisi suspirijs excitare pòtes, Dei hostes poteris animosâ voce concutere? si vnus Indi sarcinæ penè succumbis, quam non ruinam tot gentes ac nationes, in tuam congestæ atque iugatæ cervicē minabuntur? Compara te tibi. noli meriri animi fortitudine corporis vires. angusta est orbis terræ amplitudo tuæ mentis magnitudini. Quàm valentes humeri, quàm torosi lacerti, quàm firma latera, quàm solidæ bases tibi cuedendæ! & quidem ad maiores Herculeis terrâ marique labores. Indigni pudet exēpli. Quidni potius dicere quodammodo liceat, te illum esse, quem perspicacissima quondam aquila in Pathmo insulâ vidit diuaticatum, altero terram, simulque altero pede mare prementem? Te portendit hoc visum cæleste. aspice. nisi modestiâ verecundos, nunquam tamen degeneres oculos coram aquila flectit. Tibi iâ se pandit Oceanus: tibi iam se terra subtendit.

Et

Ertu modò corporis partes tibi mer nitebaris, vitæ pretio, coniuratâ cum pœnis arte subruere? Viue igitur, viue, & vale. & qui futurus es omnibus omnia, curam omnium in te vno, quantum te pia necessitas docet, habeto. Procede; propera; vola Venetias ad Ignarium, te sociosque pari desiderio præstolantem. Te mea comitatur, tibi famulatur, tecum exultat oratio.

O R A T I O XVI.

FRANCISCVS XAVERIVS, *in valetudinario Veneto prodigiosâ caritate homini fœdissimâ lue corrupto famulatur.*

QUO te tandem eâ in vrbe confers? quem captas locum? Tu ille vir es, cui non domus ad secessum; non penus ad victum; non sedes ad quietem. Te in obuium ac patens pauperum diuersorium, imò verò in publicum valetudinarium abijcis; vbi de via languens, non tui, sed ægrotorum curæ te mancipas. Sed quæ mensa exesum fame, siti que confectum reficit? Prô Deum immortalem! huc confluite Veneti ciues; modò ne quisquâ vestrum, si fieri potest, vultum auertat. Ignobilis est oculi miraculum horrere virtutis. In thea-

theatris non spectantium lumina, sed pu-
 gnantium corpora sauciantur. Et verò etiam
 humana mens nescit ipsamet quo naturæ se-
 creto atrox atque insolens spectaculum dul-
 cescat miseranti. An inuida est suæ laudis hæc
 pietas, quæ nequit sine improbitate misereri?
 Itaque iam nouum palæstræ genus aperitur.
 triclinium deligitur insoliti belli sedes. Vir-
 tus vel in patinis dimicat. etiam in coquinis
 feruet bellandi materia. Franciscus certami-
 num propagator, modò tam duri victor itine-
 ris, nunc accumbendo præliatur. Illius est hu-
 ius præfectura conuiuij. ab illo bibendi le-
 ges. ille secum ipse decertat, quòd nullum si-
 bi parem habeat hostem. se laceffit: sibi pro-
 pinat: stomachi segnitiam obiurgat: eius in
 vili etiam tabernaculo probatum atque ob-
 signatum inaudito fortitudinis exemplo mo-
 nitum; nulla vsquam esse loca incommoda aut
 importuna victorijs. etiam intra castra milita-
 ri posse. rei benè gerendæ cupiditatem inter
 debiles vegetam esse, valentem inter ægrotos,
 in statione quantumuis angustâ, æquè ac in
 spatioſo can. po. explicari aciem posse. virum
 fortem non t. ali. forte, sed sese consulto infer-
 re in quamlibet prælij sedem hinc, hoste supe-
 rato, inter collaudantium voces silere fortu-
 nam. ubique feri victorias, nasci triumphos,
 gloriam meti: dummodò egregius, ac sui non
 im-

immemor animus incumbat occasione, nunquam
 vincendi finem factururus, nisi fecerit cupiditati
 certandi. Ergo in Veneto quodam nosocomio,
 inter alios morbosos ac tabidos, vnus erat venerea lue,
 ab orbe nouo, vt vocant, in nostrum aduectâ, (mala merx, eadem-
 que suimet vectigal pendendum Veneri) vnus, inquam,
 erat infectus adeò atque corruptus, vt naturam puderet
 hominis, medicos tæderet artis, famulos pigeret officij.
 Vidisses exangue, supremaque confectum mar-
 cie corpus: oculos suas contrusos in cauernas:
 os cloacæ spiraculum: faciem acri atque igneo
 serpente humore corrosam ac popularam: expilatum
 fœdissimè caput. Vidisses diffluentem vndique
 saniem: dehiscentes in frustra marcidâs carnes,
 eiecto vermium grege. Quid memorem tessellatam
 pustulis cutem? quid formicantem scabiem vngui
 operoso heram importunam, crustasque immanes
 tabo vermicularas? quid ossa suis exuta cæ-
 mentis? quid torpentibus membris truncum
 immobilem? quid euolutas è iacentis sordibus
 albicantes animalculorum legiones, nec non exhalatos
 odoris grauissimi nimbos, ad leuandum (scilicet)
 ignoto Sabæis thure fastidium? Illum dixisses
 peccati piaculum: illum pœnatum sedem: illum,
 non hominem, sed humanæ figuræ vestigium:
 aberat corpus.

corpore : dixisses denique non cadauer, sed sepulchrum. O labem imaginem turpissimæ voluptatis ; nisi quòd hæc multò fœdior, quæ in Veneris mancipio ne suis quidem notis exprimi potest. O fructus in corpore , malè quidem pro culpâ , sed pro pœnâ benè arato, maturos ; simul tamen florentes, ad nouos, perenni propagine, cruciatus ; donec obstinatâ imploratæ mortis morâ tandem vinculum animæ fugam molientis abrumpar. Et verò vltio, quòd eo scelere minor sit, indignata, etiânum in illius auctorem efferatior fieret, nisi in tuæ, Xaueri, gloriæ ministram conuersa manus, iucundiore vsu, tibi texendæ magnificentissimæ coronæ occuparet. Cuius enim oculus tot miseriarum cohortes non fugarent ? Cuius stomachum tot balistæ non euerterent ? Velsola cogitatio quassare Xauerium posset, nisi infirma eius corporis affectio, virtutis robore fulta, consisteret. Seculorum serie traducta nobilitas mollem quidem in plurimis fingere solet constitutionis corporeæ formam ; sed generosus ille sanguis ita imbuit animum, vt in eo vim pariat, cui non inuenit in corpore locum. O quantæ in istâ pestilenti colluie ad tanti viri labefactandam valetudinem iactationes ! vel solo aspectu nauseam natura faceret ad sui naufragium, nisi inuicta fortitudo motum omnē præcordiorû

L libera

liberâ violentiâ cohiberet. Quis non iure optimo veritus esset, ne Franciscus aut ab illâ summo studio, totoque conatu susceptâ miserrimi ulcerosi curâ, desisteret, aut in eiusdem, cui cibum ingereret, quem contrectaret, lecto versaret, purgaretque, complexu exanimis collaberetur? Non enim eo fuit, stupore sensus, præsertim qui nobilissimam Regum Nauarræ familiam sanguine attingens, naturâ & usu delicatus esset, quin tam graui ministerio commoueretur. Ad istam lutulentam harâ ac limosè purulentam sentinam tumescere cor ac palpitare, stomachum minari discordias, viscera tumultuari, reniti vires, vacillare oculos, insistenti decretum periclitari. Quid hîc ageret vir, aliàs ad præclara facinora non imparatus, in tanto vel virtutis, vel vitæ discrimine? Diuine amor sententias non rogas in curiâ: animi consulta non pensas: iacis aleam, non tentatâ, sed impulsâ potentiâ, præcurrit pugnam victoria: dextera fallitur, quâ antè rapitur palma, quàm ferrum. decutitur lauro vixdum surgens è cono crista; & stupet generosum caput se antè propemodum onerari coronâ, quàm galeâ. Poëtæ nescio quem olim fabulosum amorem dixêre cæcum. si te quoque cæcum vis haberi, fortunata orbitas tua, cuius Regiam circumstantia lumina, vel solo nutu oculorum quibus cares, ad arma, ad certa-

certamen, ad omnia discrimina sese clarissimâ laude cæcitatibus effundunt. Ergo magnanimus heros non minùs increpitâ naturæ obmurmurantis imbecillitate, quàm contempto Dæmonis astu, hæc secum; Huccine calamitosissimum hominem impudici amoris impotētia, in istam potuit deplorandam carnificinam proijcere; me verò tot beneficijs à Deo affectū, diuinæ caritatis & Christi suo sanguine vlcera nostra eluentis exemplum in tam pto famulatu detinere non possit? Hospitalis domus verbas pacta dominæ necessitatis imperio vilissimam merces, huius cui asto, & aliorum ægrotorum iugi seruitio hilares ac sedulos die noctuque agitat, me cum Dei imprimis honore, tum cælesti proposito præmio, me, inquam, non pudeat idem opus ad eò auersari, ut vis horro-
ris meas sibi habeat manus, in hac mihi à Deo concessâ pretiosâ libertate captiuas? Ergo ne hic æger, viuæ mortis pabulum, ene ctis iam viribus, adhuc tantarum pœnarum molem sustinere æquo animo possit; me sanum, stantem, diuino excitum motu, tultum auxilio, illius vmbra terreat, deiiciat præsentia, aspectus interimat? mēne non meus, sed alterius languor exanimet? egone non in eā, sed alienæ obiecto tantum infirmitatis onere concidam? Vix ea, cum decorum ac virgineum vultum in illum sordidum ac cœnosum gurgitem mergit, pla-

quod mihi reliquum est vitæ seruauerit, ademptâ tuâ, me protinus acerbissimo dolore trucidabit. Ruinam casus trahet. Vita, quam tua pietas in me molitur, fiet vtriusque interitus rea. Cederem in hac causâ in eo iuri, tamdiu iam à me inuocato altero commodiore sepulchro, nisi tantâ tui iacturâ, mortem mihi adeò caram, redderet exosâ vi tâgrauio-rem. Eripe te hinc obsecro; aut decede paululùm de vestigio. quid hircum mulges extrahēdæ putredini, & quidem ore, non manu? Miserum me! ergo ne mihi dilatum est ad hoc tempus supplicium omnium grauissimum, ut concisæ meæ vires te ab istâ cruentâ illuue amouere non possent? Execrater has impias manus, quæ tuas non arcent, facem die noctuque pastinantes, nisi cogerentur esse in te, sine culpâ, crudeles. Apage te, inquam. Ah! quid loquor? etiâ me sua inest ægritudo linguæ? hîc hæreo. necte velle, nec nolle possum. nunc primùm sapienter nutat amentia mea. tua siquidem absentia me perimet: præsentiam verò cruciati sustinere non possum. Heu quid agam? Egone (pudet dicere) præteritum libidinis gymnasium, nunc pœnarum lasciuia, me patiar in tuam perniciem esse fecundum? At nec tua caritas, multiplici partu nunquam effœta, poterit in tam pingui campo meritorum sterile scire. De dispari vbertate

contendimus. O insatiabilem meorum criminum vindictam, cum mihi; ne per te quidem, ad extremum sine meo infortunio contingat esse felicem! Sed quem te memorem vir magne? non enim te huc necessitas compulit, sed voluntas. stipendij famulitij præco, ad tui ministerij genus ac modum neminem ciet. non armantur ad hæc officia ære nummario manus. Crediderim te aut cælestem ciuem demissum in terras, aut stirpis regię germen. Te fecisset aut inopia virtutis, aut ignobilitas auita degencrem. Si te igitur diuitiarum impedimentis diuinus nudauit amor, quid huius ciuitatis profusa in egenos opulencia manifestæ paupertati tuæ nihil quærenti clauscrit? Si notis tibi amoribus tua sitis exæstuat, pronæ sunt Hadriæ, quas vides, lacunæ. præstat eas sorbere, quantumuis falsas, quàm ista teterimâ fanie, rosea labella tingere. Illæ tuo in pectore lactescunt; vnde mox rumente papillâ caritatis tuæ, saluberrimum, animi corporisque alimentum traham. Hoc, hoc est esse lactentem. Quamquam, ô hirudo mea, dum corruptum sanguinem exugis, purum instillas. vtinam, vt certo meo bono, sic nullo, tuóne dicam, an aliorum periculo? Etenim, quod ad me attinet, quemadmodum vita mea nemini est vsui, ita neque mors damno. At tibi, beneficentissime aduena, si qua
in

in me, velut extincto, tuæ luce præsentiae adhuc fauilla viuit, vt vt rudis rerumque ignarus sim, præsentio, non hoc, sed totum terrarum omnium hominum animis corporibusque curandis vnum futurum hospitium. Vox me deficit. occisa est tot cruciatibus lingua. vt plura dicam, frustra laboro. & hæc pauca tuæ vis humanitatis extraxit. Tibi essent agenda gratiæ. nullas possum. si quæ supersunt verba eruere nequeo. mihi sum tumulus: sunt in me consepulta. nec opus est istius monumenti fronti inscribantur. non decet inter alias meas adeò fœdas incidi notas. Hi muti parietes, hæ pictæ, quæ te viuam spectant, sacrae imagines, hæc domus, hæc tota ciuitas tam insignem animi tui magnitudinem, constantiam, pietatem, caritatemque prædicabunt. Ego verò bonis omnibus, te excepto, vacuus dulcibus tibi litarem amoris lacrymis, nisi & has quoque amara culparum mearum pœnitentia consumpsisset. litarem sanguine, nisi tu illum, ô meorum tormentorum raptor, abligurisses. vtinam non putridum, ac virulentum. Solus mihi relictus est spiritus. tuis in manibus depono. Amoris atque obseruantiae testem habere maiorem nullum potes. Te per eam sollicitudinem, quâ salutem animi corporeæ curationis specie aucuparis; (O pretio-

sum laboris stipendium!) per istam inuidiam dexteram, quâ te ipsum pro hac nuper deuotâ Dæmoni victimâ tam abiecto, tam duro, ac penè lethali seruitio Deo immolari sponte immolas, oro atque obtestor, ne hinc me viuo discedas, qui huc propemodum mortuo aduenisti. Vita mihi utcumque, te ut viderem, hucusque seruata est. Vidi. quid illam ultra moraris? tuo conde in gremio. Nihil hactenus tibi præter vlcera, saniem, virus, pestem, fœtoremque, quamquam inuitus, obtuli. & hæc iam auidissimè vsurpaueras. O quàm melior est & carior animus! Illum in sordibus meis, tanquam gemmam scrutatus es. reperisti tandem. accipe. Ad hæc, Francisci, eo quo nubilas ædes illas serenabat vultu, miserumne dicam, an felicem intuentis, profusæ & stagnantes lacrymæ, officium postremæ vocis ac Vale, transferunt in eiusdem ægroti balneum. Innatans amor ducit, abluendo, manus. ministerium quod de mortuo nequit, exhibet semiuivo. O tu quondam florentissime quidem, sed leprâ, Syriacæ militiæ princeps, cui graue & indignum visum est septies in Iordane diuini vatis monitu mergi, vel vnâ tantum fuisses huius Xauerianæ vndæ aspersione omni ex parte deterfus. Demum ægroti Franciscus benè precatus, osculorum turbam perpetuæ

petuæ memoriæ obsidem in eius pectore atque ore confundit, ac Numine aliò vocante, cedit hospitio. Hoc fuit illud quod suprâ significauî conuiuium. hoc inter epulas Francisci cum Xauerio singulare certamen, quo, sensu reluctante, ita se fregit, vt optabile dissidium fuerit, quod ferendo victoris imperio naturæ vires erigeret, quæ aliquamdiu detrectando corruissent. Surgite principes eloquentiæ ac reges fori. In hoc penè incredibilis atque inauditi Francisci Xauerij celebrando facti miraculo, ingeniorum ac virium facilis vsus. Sunt hæc vulnera facundiæ fontes, hæc plagæ ad dicendi copiam ostia. hæc stillantes cruentæ guttæ confluent euoluendo eloquentiæ torrenti. ex his vlceribus melle dulcior fluet oratio. erunt hæc verrucæ, stellulæ dictionum: hæc lentigines, verborum flosculi: hæc denique tenebræ, orationis lumina. Vos verò quem mihi Bœotium Hellicona Poëtæ cantatis, vbi saxum Pegaseâ vulneratum vngulâ fontem aperuit? Huc migrate. hoc recenti fonte ora proluite, vestrâ illâ Caballinâ lymphâ salubriore. Xauerius monocerote virginum amatore, virgo ipse, valentior, non cornu (nullum habet) ferire nouit; sed amabilibus labijs immisis, quidquid noxium est eduxit. Ad primum oris purissimi attactum inclusa pestis

expauit. euauisset confestim, nisi ille cohibitam ebibisset. quamquam id necesse non erat. nam vel solus eius halitus veneno venenum fuisset, & vndis vita. bibite & vos, post eum securi. Verùm ô facundi concionum imperatores, animorumq; arbitri, & ô musarum alumni, collium nemorumque deliciae, non est vestrae (date veniam) sed Xauerianae patientiae diu in huius loci angustijs consedisse. Iam vos in patêtes Oceani campos, vos in Africae, Asiae, Indorumque immensos tractus, vos in ignotas Iaponiorum insulas, atque inaccessa Sinarum regna ardor insolitus rapit. Iam suggestus, compita, fora, templa, sedes omnes ac prouincias nondum vocati, non minùs iucundâ, quàm inuidendâ ambitione occupatis. Quàm certa tua, Francisce, gloria, cuius egregijs atque admirandis facinoribus, nondum illic patratris, tot, tam varia, ac tam praeclara ornamenta laudum, ac praekoniam comparantur.

O R A T I O XVII.

XAVERIVS in Lusitaniam proficiscitur (magno regni bono) illic se ad iter Indicum paraturus: ac tandem Goam nauigantis iter describitur.

VENIO nunc ad praeclarissima patrata facinora, quæ Francisco Xauerio apud Indos

dos, Iapones, aliasque Orientis nationes Apostoli nomen gemino, lustro incredibili meritorum genere compararunt. Euge igitur, agedū, Francisce. rebus Romæ iam antè compositis, tibi cursus est per Lusitaniam transituro, in Orientem futurus. Si me nouum haruspicem creas, ego extis illius inquinatæ, ac morbi sæuitiâ toto pectore hiantis victimæ, quam tu modò in valetudinario purgasti ac fouisti, diligenter inspectis, prædico ac denuncio, tuorū laborum curarumque multitudini ac magnitudini benè omnia, feliciter, faustè fortunateque cessura. Sed enim uerò cū Paulus tertius Pontifex prudentissimus intelligeret, Xaüerio ad eam expeditionem Indicam ampliori opus esse auctoritate; illum diplomate Pontificio, legatum Apostolicum in remotissimis illis ac vastissimis regionibus constituit. Diploma dat Mascarenæ in Lusitaniam reuertenti, postea regi tradendum. Cautè dilatum tantæ potestatis onus, ne fortè quo alij complures erigi se sentiant, Francisci repentè coram summo Pontifice, nihil vnquam tale suspicata opprimeretur humilitas. Ne mihi dictionem hanc tua carpat censura Grammaticæ. Quàm sublimis est apud Deum ima sui demissio, cū vox, humilitas, Latinis auctoribus vilis & abiecta, in Christianâ nomenclaturâ inter maximarum virtutum nomina audiatur. quàm singularis hæc

hæc virtus, cui hætenus nullum simplex nomen impositum. illa verborum ambitum difficit, quia sese aperit nuda. Mirum est cæteras virtutes vnicum ac proprium nomen esse sortitas, hanc verò nullum. an quia sui contemptrix, se putat indignam nomine? an quia cùm se in nihilum redigat, notio nominis in nihilo perit? & tamen ex hac inanitate primò surgit ac ducitur mensura celsitatis. summum ab imo pendet. Sed omissis nominibus, ad res redeo, Xauerium vrbe abeuntem prosequuturus. Verùm quæ toto illo in Lusitaniam itinere, in Mascarenæ comitatū gesserit; quæ virtutum, præsertim caritatis, & summæ sui despicientiæ documenta dederit; quàm salutarî & iucundâ consuetudine omnes Christo inprimis sibi quæ deuinxerit; & si ea eximia sunt, & commemoratione dignissima, tamen quia ad maiora festinat oratio, prætermittam. Nam vt primùm Lusitaniam attigit, fama quæ de illo antè percrebuerat, erubuit minor vero. In huiusmodi mendacium prona est venia. eius culpa modesta est. gloriam prænuntiata virtutis auget; & meretur pretium raritate. Adit regem Xauerius. submissè salutat. peramanter excipitur. præterita vtriusque cupido beatur præsentî voluptate. Nihil cunctati, de rebus Indicis inter se communicant, de quæ accelerandâ ad salutem illarum gentium ope. Inter hæc

hæc, rex oculatissimus ingenium viri, vultum, verba, modestiam, alacritatem, grauitatē, studiosè conspiciatus, memor epistolæ à Mascarenâ legato suo, de laudibus illius exitinere ad se conscriptæ, fidei prætulit experimentū. Iam verò noua me cura incessit, vtrum nauim nunc conscendam, cū Xauerio in Indiam vela facturū, an tantisper subsistam, dū quæ ille in Lusitaniâ, intra sesquiannum fermè, in omnibus omnium hominū ordinibus iuuandis præstitit, memoriâ repeto. Illud re nihil moratus, hoc alterum verbo exequar. Adcò namque summâ sui despicientiâ, liberâ paupertate, repudiatis quæ ad vitæ subsidiū offerebantur cōmodis, continuâ corporis afflictatione, incredibili amore in Deum, indefessâ in moribus ad pietatē formandis curâ Olyssiponensiū animos permouit, sibiq; demeruit, vt rex de illo, quē Indiæ destinauerat, retinendo cogitaret. Consiliū facto pressit. Res per litteras Romæ Ignatio, ab hoc summo Pontifici, à Pontifice regis prudentiæ tota cōmittitur. Regi adiecit Ignatius, si sententiâ iubeat dicere, videri sibi Franciscū Indis dandū, Rodericum Lusitanis. Hoc responsum regi fuit tanquā diuinū de filijs parentis oraculū. Incomparabilis sanè potestas virtutis. Lusitani prouinciā suā Christianā cultā ac florentem religione, tanquam rudem ac sterilem Indiam haberi malebant, quā

quàm Francisci Xauerij diuinâ quadam necessitudine omnibus coniunctissimi, communifque salutis studiosissimi, sibi virâ cariore præsentia viduari. Sedem humanitatis non puduit inuidere barbariæ, vnius viri magisterio fruituræ. Rapiissent alijs, si fieri potuisset, quem cedere iubentur; & raptum amore imperante vinxissent, ne aliò posset euadere. Quis iam miretur, quòd virtus captiuos reddat homines, cum illi ne tam salutaribus exuantur vinculis, ipsam quoque captiuam tenere conentur? Pœnitentia pollicitationi plerumq; molitur insidias, si excellentia muneris serius perspecta promittenti eius incipiat animum percutere. Modò sese obijcit proprij iactura commodi: modò data fides menti recurfat. promissi reus in Euripo est, reciprocatur ab alieno in suum bonum. Sic regi, toti que regno in causâ præstantissimi huius herois videtur cōtigisse. At nolite, ô viri, despondere animos; breui quippe futurum est, vt non solum Lusitaniâ, verum etiam toto vestro imperio illius socijs atque imitatoribus vsquequaque completo, vos ipsos, mixto admiratione gaudio, pœnituisse pœniteat. Sed quid hîc tempus traduco? cur tamdiu moror? vestra mihi, opinor, Lusitani vncum impegit humanitas. Soluite me. Classis mouet in Indiam. Iam Xauerio placidi maris festinæ gestiunt vndæ. iam plenis venti luxu-

luxuriant velis. iam sidera statos ad officia sibi indicunt dies. illius hæc omnia nutum intuentur. Quos tu mihi Neptunos, quos Æolos, delira fingis antiquitas? ille ille, præpotentis Dei singulari munere, maris rector, ac ventorum arbiter. eius inter sidera consulatus. Neque verò hæc in fluctibus gloriosa iactatio. Vos vos appello barbaræ gentes, quæ non multò post, etiam priusquam vobis in densissimâ caligine lux veræ religionis illucesceret, non magis vulgatâ à Christianis, quàm à vobis compertâ prodigiorum vi, Xauerium Deum maris nuncupauistis. Agite igitur nautæ; incumbite remis. Nullæ vobis syrtes, nulli scopuli, nullæ procellæ pertimescendæ. Non Cæsaris fortunam; sed certam totius Orientis spem vehitis. O felix fortunatumque nauigium, tam leui onustum grauitate thesauri. Iam verò Sosa regie ad Indos prætor, vir optime, lubeat te quoque à me paulisper compellari. Vir sapiens ubiq; sui vector est & exactor; ditandæ menti naulum, portoria, vectigalia, & tributa sibimet ipse philosophando persoluit. Te talem esse non dubito. Quis igitur sensus tibi erat, cùm partim iam ex hoc portu, partim postea prospiceres, quâ Oceani patet immensitas, quâ tanta terrarum amplitudo? Veniebat in mentem, opinor, in quam angustâ humanæ commorationis parte sese olim potentia Romana iactarit; quàm

quàm egenâ gloriæ portione triumpharit. Quis miretur sudatam mortalitatem? torque-
tur in arcto. In ipso verò cursu nauarchi, tui-
que affecclæ, dum stellas nautarum præsidēs ca-
ptant, assuescant cælestium magnitudinem or-
bium contemplari. Hæc inferior moles simu-
lacrum nihili est. Rerum domini oculos habean-
t manus. Quodcunque tamen istius inanitatis
spatium sit, iuncta vobis Lusitani, pietas non
patietur, ut vestra ditio longiùs quàm Christi
regum Regis imperium proferatur. Sed quorsum
hæc suggero, quæ iam tenetis, monente cælo,
docente Xaucerio? Agite itaque animosi remiges,
altum tenete. in ipso excessu, irrisis Gadibus,
plausum date. Vbi vbi tuæ illæ Hercules geminæ
columnæ posita clauâ, reiecto leonis spolio,
excusso ab humeris cælo, onera te illis, & aliò
si potes transfer. At non est id profectò, non
est tuæ, sed Lusitanorum virtutis, eas non nisi
cæli regionibus posituræ. Ex hoc tui postre-
mi laboris obruto Gaditanis in vndis monu-
mento, iam dudum surrexit prima (extra quidem
certè Europæ limites) & maxima inuictæ fortitudi-
nis & nominis Lusitani gloriâ, cum princeps
Henricus, Ioannis primi filius, vir immortalitate
dignissimus, Mathematicis eruditus insigniter,
longissimum hoc ab Oceano Atlantico, ac
difficillimum in Indiam iter, atque

atque omnibus retrò seculis ignotum, tandem
deprehensum animosè primus aperuit. Vt au-
tem oratio mea venti suas fortiti vices sollicità
ambitione prouehatur, quid memorem Xa-
uerij viri fortissimi & ad omnia facti, inter
mille capita classis amplissimæ, cōtinuos labo-
res, vigilias, operamque profusam, quā conci-
liandis Deo animis, quā quotidianā in cōcio-
nando contentione, quā discordijs cōponen-
dis, ægrisque curandis, quā denique inter hæc,
quod primum est, nunquam intermisso Deum
orandi, sibi que vacandi studio? Videres sum-
mi Pontificis legatum vilissimis sese seruitijs
spontè mancipantem; videres virum nobilita-
te spectabilem, sapientiā clarum, præcelsum
mente, virtutibus omnibus atq; doctrinis ab-
solutum, dum se alijs inferiorem facit, seipso,
cui nullus par esset, superiorem. Periculum hîc
est ne victoria triumphando gemat, eò quod
nihil sibi superesse videatur quod vincat. At-
tamen tibi aliam atq; aliā subinde materiam
Franciscæ disquisis. copiosam grauidæ prouin-
ciæ mox te tonante parient; vt cui iam parum
est vincere, hoc tuæ potentix magnitudinem
metiamur, quod possis semper aliquid pro-
creare quod vincas. Tui, tanti Herois, ve-
cturæ breuem se sentit Oceanus. Ferendo non
esset, nisi tuæ caritatis excitatus ardoribus,
inciperet inaudito æstus genere tumescere.

M

Stupet,

Stupet, ac virtutem veneratur, ambiguo cultu,
nū se malit vndosum esse, obsecuturus abeū-
ti; an in syrtes abire, detento potiturus. O amo-
tis portenta! O admirandæ argumenta fan-
ctitatis! Fleret elementum, nisi vndas crederet
suas esse lacrymas: quibus tamen identidem
immurmurat, quòd in ijs liquido cum naui
fugiente vestigio, & lituris scribentis remi se-
quacibus, nullam prætereuntis retinere notam
possit. Se silicem mallet, rupibus ac scopulis
invidet, quos larè diuerberat. Verùm honori-
ficentissimum sibi monumentum ducit, sub te
constantissimo viro fluctuasce. Mare omni ære
perennius est. suâ hoc sensim exeditur duri-
tie; illud suis liquoribus alitur. Stat fluidum
marmor æmulâ seculorum æternitate, non ad
cuiuspiam demortui labētem memoriā, sed
ad vitam salutemque Gentium, perpetuā bo-
norum communicatione, mutuoque com-
mercio tuendā ac propagandā. Sed quis
non miretur non solū nullum remissum à
Xanerio, verū etiam & hoc quidem tempo-
re, aucta omnia in suum corpus iamdiu domi-
tum, imò verò, illibato virgineo flore, beatis
cognatum mentibus, cruciamenta? quando-
quidem cū ne suos quidem esset, neq; quid-
quam sibi præter virtutem reliqui fecisset, in
victu, vestitu, ceterisque huiusmodi rebus, si
quid dirissimæ mendicitati suæ porrigeretur,
modò

modò spiritum duceret, quo alijs seruariet aut redderet, cetera omnia, non cognitis rationibus suis aliorum bonis, dominâ caritate, seu rus paupertatis cenfor adscriberet. Iam verò quid enumerem tot ac tam varios portus diuinis ab illo mercimonijs opibusque ditatos? Ignota oppidò institoribus negotiatio, quæ in aliorum tantum lucrum cedit, nullâ inde speratâ mercede, præter laborem. nisi quòd adeò accepta est supremo rerum omnium Domino, ut tantum afferat laboranti voluptatis, quantum ijs, quibus opera nauatur, emolumenti. Adhuc à se nunquam visas, neque auditas iam habebat descriptas animo regiones. Illæ præferant opem, antequàm viderent aduentum. Nunciata virtus allicit, spectata capit, probata dominatur. Duo millia leucarum, seu sexies mille passuum millia emensæ prætorix naui, promontorium aperitur manifestis infame periculis. Africa quippe immenso procursu cuneatur eâ ex parte in oppositam Australem terram, algore & glacie rigentem. Interiecti verò gemini maris, ab ortu in occasum vesano furore concurrentis, tantus est conflictus, ut vel maximè expertos gubernatores suspensos reddat ac terreat. Media pernicies: nec declinatio vtrauis ex parte in tuto: hinc allisu ad scopulos minitante, inde horrendo frigore arcente. Promōtorio

caput Bonæ spei nomen est; quòd spes, accitâ penè audaciâ, & excusso timore, aleam ita iacere debeat, vt qui mucronem illum dorſi Africæ, naufragia molientem, breui flexu superauerint, non solùm reliquam Africæ oram, totiuſque Aliæ littora legere, sed etiam in Iaponiam atque vltima Orientis regna, per varios Oceani anfractus interrito impulsu traicere se posse confidant. Intende Franciscæ oculos, quorum vsum adeò lux mentis auertit, vt comitibus ad honestum itineris tam duri solatium, locorum situs, ac diuersa naturæ miracula circumspicientibus, dubium sit an videas quod videre te credis; an minimè credas te videre quod vides. Hoc, hoc, inquam, tibi iam non dicam bonæ, sed spei non dubiæ caput; cùm vel inuidia nunc attollat suum. Duo siquidem illa maria te primùm viso, vt suas in partes rapiant, mutatâ veteri discordiæ causâ, acriùs feruentes amoris impotentia fluctus in prælium contraria vtrinq; formidabili fronte committunt. Naturæ dissidium vertere in propriæ cupiditatis obsequium. Prò quanta pulchritudo virtutis, quæ pacata serenaque, vel in elemento adeò hîc turbulento ipsas etiam exaggerat sui amore tempestates! Ignoscite nauarchi. æmulæ beneuolentiæ iurgium est. Vos ipsos ego testor, in quorum animis, hæc inter agitatissimas Oceani partes, amore erga
Fran-

Franciscum æstuante, sua quoque inest procella non minor, fluctuante sententiâ, vtrum præstet alijs nationibus tantum boni cedere, an à vobis iam possessum, in vestra emolumenta retinere. Vestri cum marinis certant amores, ne in molli vndâ durescere pudeat, & ardenti frigescere. O quàm opulenta merx, cui prædandæ tot inter dimicantium manus, præbet ipsa se pietas ducem! Existimet se victorem qui volet. fauebit sua cuique fides ac votum. verendum enim minimè est, ne Xauerus, qui vbique litès ac bella componit, aut vos deseruisse, aut illis vnquam defuisse videatur. Aio iterum; aspice Xaueri, conuersâ in Orientem prorâ: vt qui huc veluti triumphator appulsus es, te simul venisse, vidisse, vicisse prædicemus. Tibi iam insulæ, tibi se continentis regna subijciunt. tua sunt omnia; à te tamen summo studio, curis ingentibus, incredibili labore, grauissimis ærumnis, coniuratâ pœnarum legione, inauditis terrâ marique periculis, crudeles inter beluas & hostes feris immaniores, solâ Dei ope munito, tuaque virtute militante subigenda. Non enim tibi dormienti, vt olim de nescio quo Atheniensium duce fabulabantur, vrbes auicularum more conclusas reti ad pedes fortuna deponet, sed consilio, & patientiâ, innumerales populos arctissimis Dæmonû vinculis ereptos, à teterrimâ seruitute, in Christianâ

libertatem vindicabis: Verùm præpotēs Deus tantum in te virium donorumque cælestium contulit, vt hoc arduum ac difficile opus; non tam inchoatum, quàm ad exitum iam perductum præiudicetur. Quod maius fortitudinis argumentumne dicam, an priuilegium, quàm quod nondum ceperis, iam tenere; quod nondum feceris, peregrisse? Sed ne fortè mea non minùs tenuis, quàm imperita, locorumque insolens oratio, in hoc promontorio diutius morata naufragium faciat, Goam transmittam, Mozambicum præterlapsus; vbi tamen Xaue-rio, tum eius probandæ patientiæ, tum prauis moribus insulæ corrigendis, incommoda cæli tempestas, spatium temporis in semestre protraxit. Goa Indicarum fermè princeps urbium, quæ ab insulâ nomen accepit, aut insulæ dedit, tandem conspecta pudorem mihi maximum iniicit, quod ab illo bonæ spei capite, ad hanc vsque ciuitatem bis ac decies mille passuum millia, tam diuturno ac difficili tempore, tam periculosâ febris tibi recenter subortâ, tam sedulo in comites non paucos pestilenti morbo languentes caritatis officio, abs te Franciscæ confectâ, momento transuolauerim. Quàm leui meâ impensâ, quod tibi tam caro constitit! Amplissimam tuarum laudum materiam sæpè hætenus puncto dictionis pressi. Maximum tamen operæ pretium oratori est, quòd

quòd liberâ suæ inopiæ confessione, affert compendio maiorem rei laudatæ gloriam, & promptius suo labori leuamentum. Gratulêrne paruitati meæ, Franciscæ Xaueri, an tuæ magnitudini, an vtrique? Verùm si præterito cursu correpto deliqui, multam mihi mox nouis itineribus irrogabo.

ORATIO XVIII.

FRANCISCI XAVERII *itineræ omnia.*

SI quis fortè miratur, me 'qui adhuc tot orationibus, istius qualiscumque ingenij tenuitatem magnâ ex parte detriuerim, eandem nunc, inter infinita Francisci Xauerij terrâ marique itinerâ, videri velle, conficere; is si mecum inuictam viri, quamquam incredibili negotiorum mole penè oppressi, in illis peragrandis celeritatem, paratumque erga omnes ad se confugientes auxilium paulò attentius reputauerit, intelliget neque me à debito tantis meritis officio desistere oportere, neque illum mihi, in eius gratiam supra vires laboranti, defuturum. Etenim in tot ac tam varias regiones Christi nomen inuexit, in tot imperijs Dæmonum aras euerit, cultumque deleuit, in tam multis Christianorum oppidis inolita vitia extirpauit, tot terras & maria ex-

M 4

hausit,

hausit, ut orbis terrarum aut se iam minorem seipso credat, aut illum humanâ conditione maiorem; seculum verò, quod tantæ rerum multitudini ac magnitudini breue esset, ab illo in duo lustra compulsus, fateri non vereatur, tempus sapientis arbitrio currere, & licet æternum sit, & rerum edax, operosâ mortalitate consumi. Ergo Parisijs, ut suprâ memorabam, Xauerus sanctissimum vitæ genus, Ignatij parentis institutione & exemplo, aggressus, Venetias, hinc Romam, Româ in Lusitaniam profectus est. Inde Atlantico commissus Oceano, propter duo Africæ litora in extremum illum ad australem plagam cuneum lentè coëuntia, Mozambicum, Melindam, Socotoram tenuit, ac tandem Goam tertio decimo nauigationis mense peruenit. Quis non arbitraretur vices mille passuum millibus iam suo illo consueto viuendi more modoque decursis, aliquas hîc inducias curando corpori, animoque curis laxando daturum fuisse? At hæc in Christi castris, solâ Dei gloriâ imperatrice non agitantur consilia. non habent in hac militari acie induciæ locû; quippe quæ hostium vires instaurant & augment audaciam. Alijs verò tunc lentescunt nerui, & ardor relanguescit. Ista ex angui facultati meæ, iam diu per tuas Francisce laudes sese trahenti cessatio deberetur. Nisi sua me dextera erigat,
& re-

& refectum vtrumque sustentet, non video quomodo tecum longiùs progredi possim. Me dicentem ingenium ac verba deficiunt. Tibi crescit eundo animus. tu lassitudine recentior surgis, & languore valentior. tibi noua subindè ad vim vegetiorem nascentia germina, ne fortè arescant, continuis sudoribus rigas. tu, dum te vbique agitas, fodis itando ad socium robur in tuâ imbecillitate fundamenta. tu tellurem æquoreamque planiciè iugiter verris, aras, sulcas; vt vires penè iam solutæ, ad novos labores indurescant. tu cursu cursum incitas. alterum altero tarditatis incusante, postremus omnes increpat. Tua, Xa- ueri, caritas solam nouit simulare segnitiam. Qui volatus mente pernicios? quæ penna leuior voce? tu ille es, Heros maxime, quem eloquentiæ principum in tuæ gloriæ præconia conspirantium, per tot vrbes, prouincias ac regna vagantem, neque mens, neque lingua consequi potest. Sentiunt hoc populi omnes à te lustrati, trepidâ laude celeritatis; dum verentur ne tu, alme sol, qui diem defers, noctem fugièdo trahas. Goam venisti? festos dies agit te. Goâ eripis? in luctu est. in promontorium Comorinum euadis? exultat, seipso altius. in oram Piscariam te transfers! hæc, illo ruente, tripudiat. in regnum Trauancoridis migras? triumphat. tristis verò regio Piscaria

vnionum fœcunda genitrix, te vno viduata, suas auersatur diuitias, sterilem se mallet. mœrorem tamen solatur, quòd credat vniones in lacrymas ex te labentes esse conuersos. Vndæ siquidem tuis crispatę suspîrijs, te vbertim flentem conspiciunt, quòd mortalium libido, ignotâ aut contemptâ piscatione animorum, maris purgamenta in imis penetralibus scrutetur, solâ ambitione raritatis. Natura verecundior, quæ illa coërcet aluo, nec foras egerit, hominum indigna cupidine. Humana infania non habet modum. etiam excrementis pretium facit. Plerique tamen sibi videntur plusculum sapere, quòd ventrem in auro exonerant, ne corporis humani egestiones marinis ignobiliores habeantur: aut vt eo exceptas honore ac sumptu, stercoreus animus, deo vètri adoleat. Eò processit fastus, vt ad opum ostentationem, aurum cui tantopere inhiat, sordium ministerio ableget. In aurum, in quo cibum capit, eijcit faciem. Heu nos miseros! metalla pauperum alimentis coëmendis necessaria, purgando superbi diuitis saginato abdomini deseruiunt. Denique sic se res habent, alij mortem in fame, alij opes in pelago, alij gloriam piscantur in stercore. Non dubito quin hæc & alia eiusmodi per ea littora, magno animi sensu Franciscæ defleueris. Progrediamur. Tibi se namque Ceilani, Negapatani, tibi

tibi Coromandelli, Meliaporenses (sepulcro S. Thomæ Apostoli nobilitati) tibi denique Malacenses obuiam fundunt, maximo gaudio venientem excipiunt: non minore tristitia prosequuntur abeuntem. Idem animorum motus quocumque te confers. Aduentus ubiq; tuus, præeunte lætitiâ, pedisequum dolorem habet. hîc illam propemodum occupat. sese confundunt; dubiâ gente utrum fortunam beet, an deploret suam. Causam habet ab incredibili fructu. Eundem insulæ Molucæ, Amboinum, Maurica regio, atque alia loca tulere casum. Nulla tamen abs te deferuntur. Magnitudo prouentus in hac cælesti culturâ, spatia temporum fallit. hîc anni vicissitudines nullo modo sationem à messe discriminant. Solaris abunde omnes, Franciscæ Xaueri: sed copia voluptatis semper habet cum tempore iurgium. E Mauricâ regione Amboinum reuisis: Ternatem Molucarum insulam principem reuolas: Malacam ingenti labore ac studio repetis. Stas & stare loco nescis. huc aut illuc nondum aduectus raperis aliò. Ubique moraris; morâ culpante moram. nulla tamen in ijs damna, sed querelæ. Se vicissim lacerant; non tamen opere mutilato. Hæccine ab animantium genere didicisti? minimè verò. naturæ opus diuini quidem vestigium est. sed aliundè tua caritas; quia non eadem genitura. Aliæ igitur tabescunt.

scunt. vel hoc solo se parentes produnt assidue. quin etiam plerumque vitam cum pullis excludunt. Aliæ circumuolant nidis, amoris vertigine; & dum macrescunt, erraticis usquequaque gyris conquirunt proli alimoniam. pascuntur interim obliuione sui. Animal est in agro Peruano supernè canem, ponè simiam referens. amplam ventri subiectam tunicam habet, quam laxat & colligit, poscente usu. hâc editos receter catellos condit, & lactat introrsum. subindè quoque humi ponit liberæ luci ac pabulo, quod si quid infestum occurrat, illico sinuoso illo volumine recipit, secumque defert incolumes. Sunt hæc & alia eiusmodi, parens optime, quædam simulacra tui. Palle-
scis, & ardes in cura tuorum. tibi somnus excubix, & inedia nutrimentum. Vbicumque sis, tutela præsens incertam reddit absentiam. imò verò plerique te vno eodemque tempore, diuersis in locis visum fuisse, atque imminenti-
bus periculis promptum auxilium attulisse testati sunt. Caritas te congeminabat: hâc vnâ re, te indice, illiberalis, quod non posses vitæ tuæ pretio alienam redimere. O quoties sensi-
sti cor tibi dolore perfodi, quod ferro non posset! O quoties corpus, quod sanguine nō maderet, lacrymis ac sudore macerasti! quasi verò noxam expiares, quod nullis antè tormentis videretur pro tui animi cupiditate mactatum.

Sic

Sic à pœnis pœnas repetisti. neque tamen, nisi cruore imbuta, destitit ultio. Testor insulam Mauricam, arcem latrociniorum, regiam immanitatis, venenorum lasciuiam, parentē crudelitatis, vbi barbarorum truculentia atq; armis à Deo frequenter ereptus, inter horridæ sterilitatis vepres, & rupium tela, teipsū fame, siti, æstu, ærumnisq; confectū cruentasti. At, ne sic quidem extincto patiendi ardore, si quādo te nox errantem in aliquam solitudinē tui miserta iecisset, ac menti obuolaret solitariae ausis imago, seipsam rostro confodientis, vitāq; sibi exhaulto pectore ademptā, pullos denuò munerantis, hanc, dicebas, fecēre natura & pietas bis parentē. mēne adhuc ne semel quidem vitę impendio tam præclari nominis honorem genitis Christo liberis potuisse promereri? Atquī profectò, vir fortissime, cū tu ita viueres, vt, æmulator Apostoli, quoridie morereris, mortem tibi viuendo propagabas. Neque verò vnus generandi, aut intereundi modus. te cælestis fœcunditas infinitæ prolis continuum parentem faciebat, & partus intolerandi dolores exhibebant assiduē mortuum. Sed cū in hac insulā cæterisq; regionibus edita passim abs te illustria facinora spectaturi postea simus, quorsum non modò resilit, verum etiam tam sæpè in eodem vestigio heret oratio? Immensa superest ac sollicitat via. Verū

ingenua innoxiae culpae confessio maius habet
latidis, quam veniae meritum. Sentio, videlicet,
quàm commodum sit ac fructuosum, ô cæle-
stis negotiator, quæstorque animorum, nun-
quam à tuo latere discedere. quippe cui, etiam
properanti, aliquæ semper excidunt opes. ijs
colligendis mea se paulisper sistit oratio. quo
fit, ut tuis impar viribus, & fatigatione anhe-
lans, spiritum subinde interfecto cursu reci-
piat. habet in hoc astu geminum lucrum. Ni-
hil est tecum inutile. Prò Deum immortalem!
quantà ex te bonorum congeries, quando
summi Pontificis legatus pro ratione magi-
stratus, iuri diuino dicundo omnibus insists
atque insides locis, quando in officio digni-
tate tuendâ Ecclesiæ Catholici sacrosanctis
legibus instruis regisque prouincias, cum in
tam properatis vltro citroque itineribus, in tam
rapido per tot maria cursu, adeò copiosa spar-
gas emolumenta, ut antè abs te lustrata cre-
dantur, quàm visæ prouinciæ. Sed me rursus
Malacæ cum Francisco esse non obliuiscor. In
hâc igitur vrbe percelebri, iamdiu vehemen-
ter ab illo expetita in Iaponiam penetrandi
occasio sese fortè per eos dies obtulit. Anger
Iaponius, domi non ignobilis, nec levis aucto-
ritatis, summo inprimis ingenio ac perspicu-
cissimo iudicio, bis è Iaponiâ Malacam viro
sanctissimo ac doctissimo conquiendo pro-
fectus

fectus est. Causa tam longæ repetitæ viæ, acerrimi conscientiæ stimuli, qui hominem nusquam consistere paterentur, quòd in cæcâ Iaponiorum religione absurdissimis introspectis erroribus, salutem sibi aliundè perendam efflentiret. Digna homine cura studiumque, Xauerus ab eo gentis naturam, mores, superstitionem, amplum Euangelij disseminandi campum, spemque fructus vberissimi, aliaque id genus permulta cognoscit. Decretâ profectiōe Iaponicâ, abducto secum Angero, Goam reuertitur, stabiliendis rebus à se ad diuinum cultum pietatemque Christianam institutis. Hîc in æde Collegij nostri Diuo Paulo sacrâ, Angerum catechesim Christianam edoctum, & sacro fonte ablutum, Paulum à Sanctâ fide nominauit: quo cum fidei comite atque interprete, in Iaponiam septies mille passuum millia inde distantem trajicit. In hac insulâ, seu potiùs insulis ac regnis biennium integrum versatus, & quæ sunt suo loco narranda perfectis, tametsi tres reges atque innumerabilem hominum multitudinem ad Christi castra vertisset, nihilominus vsu ipso comperit, non posse inibi Dæmonis impetium deleri, nisi arce illius euersâ. Iaponicum vulgus mouetur nobilium ductu; nobiles, Sinarum exemplo. ab his vt superstitionis origo, ita cōtinuatio. quamobrem in vastissimum ac poten-

rentissimum Sinarum regnum religionem Christianam inferendam. Stat fixa sententia. Sed interclusus obstinatè aditus. Capitalis est peregrinæ genti accessus, nisi Principum legatus. curandam à Prorege Indiæ Noronia legationem ad regem Sinarum. se comitem futurum legati. Deliberatio factò præuertitur. Frāciscus Iaponiorum Apostolus, relicto illis Ecclesiaste Paulo à Sanctâ fide, remensus (incredibile dictu) illud idem vel longum narratu iter, Goam reuisit: nostræ quoque Societatis homines, suosque clientes vniuersos, oppidaque & pagos nouis identidem cælestibus beneficijs cumulaturus. Goæ confestim cum Prorege negotium legationis transigit. adornantur omnia. Abit cum legato Pereria, viro summâ pietate ac fortitudine. Vbi vêtum Malacam, peruicaci illius arcis præfecti inuidiâ, atque inauditâ impietate memorabilis hæc ac tam necessaria legatio tota dissoluitur. Decreto atque apparatu dæmonis arte deiecto, erecta alia omnia atque ingesta impedimenta, Xauerij cōstantia inuieta perrupit. Pergit in Sinas; Pereriæ legati à præfecto Malacensi violenter retenti solâ voluntate prosequente, ac tandem in eorum fines penetrat; vbi comitum timor maior fide nihil tale suspicantem deserit. Attamen dum inopinato euentu nihil commotus, eo in portu aditum ad alienam
illam

illam gentem suo sibi sanguine molitur, cupiditati martyrij patria cælestis aperitur, quâ maximis sanctissimæ vitæ meritis, atque ingentibus victorijs clarus ac triumphator excipitur. Hæ sunt peregrinationes Francisci Xaverij. Metiatur qui volet viarum longitudes locorumque distantias: vocet ad calculos toties in Iaponiâ, Indiâ, cæterisque Africæ atque Asiæ oris & insulis repetita itinera: in numerum digerat per tot flexus ac Mæandros sæpè obitas regiones: abeant in summam hæc omnia: Xaverius decennio, intercisis tamen per commorationum interualla temporibus, centies mille passuum millia deuorauit. Totidem aut plures expeditiones in vastissimo Sinarum regno atque alijs orbis terrarum regionibus iniuro, cursum quies, ejus desiderio præpropèra, rupit.

ORATIO XIX.

De iisdem itineribus XAVERII. potissimum verò de transitu lineæ æquinoctialis.

Maximè vereor ne quæ hæc de Frâncisci Xaverij Romani Pôtificis legati tot ac tã varijs lustrationibus recē sui, pro reiû amplitudinè pauca, pro dignitate inornata fuisse iudicentur. Cuius enim vnquâ, quod sciâ, mortaliû gloriæ huiuscemodi peregrinatio data, ijs præsertim curis quarum magnitudine fides,

N

multi-

multitudine memoria laboret? Hæ sunt, vir indefesse, quæ te nunquam deseruere comites: adeò vt si lubeat laborem itinerum cum animi agitatione conferre, tam grauem contentionem iudicium omne refugiat. Huc accedit constans ille dominatus in tuum corpus; cum tibi minimè pius viderere, nisi illud inexorabili seueritate mulceres. quasi verò periculum esset, ne fortè iam enectum reuiuisceret, nisi mortem redderes nouâ subinde morte securam. O cæli victima, in te secures, in te funera, in te geminas rogos; vt cum vnum virtuti tuæ angustum sit, tot surgant monumēta quot merita. Hæc à me sæpenumerò dicta. si tamen egregij operis instaurata frequenter commemoratio videtur onerosa, multo grauior illius est nunquam intermissa effectio. Siue auditorem tedium subeat, siue oratorem dicentem, illud tam laudabilis pertinaciæ veneratio est. Sed vt ad tuas expeditiones, Francisce, me referam, quis non miretur, te istâ corporis constitutione, istis viribus, negotijs, angore, & summis plerūq; temporū difficultatibus, viatūq; impedimentis, tot prouincias ac regna peruadere, lustrare, diuinis institutis colere ac perficere potuisse? Tu quòd tibi occideret Oriēs, quòd terræ moles esset exigua, quòd te procurrentem spatia deficerent, easdem cogebaris retexere vias; & quidem eâ pernicitate, quâ non

non tam impressa viderentur, quàm currendo suspensa vestigia. Prius tua te præsentia conspicium reddebat, quàm fama vulgaret. Quàm sæpè, te diuagante, ac festinatis vno eodemque tempore auxilijs, locorum spatia fluctuant! adeò vt non antè fierent de tuo aduentu certa, quàm lata de fructu. Stupuerè cæli cardines mortalem, qui agrè se sustineret, tot gestantem prouincias; neque instar cælestis machinæ rotatum, sed nullo motore, nullo fulcro, nullis adminiculis, aut adiumentis sese agentem: neque vno tantum recto impetu, sed etiam quaquaversum atque obliquè ruentem: neque in alteram solum, verumetiā in vtramque simul terræ partem iisdemque momentis spargentem radios, ac lumina inexhausta fundentem; cum tuæ Xaueri lationes nusquam diem à nocte diuiderent. Tantū non sterere signa cælestia, attonita quòd nulla vis esset, quæ tuæ fortitudini posset obistere. Tene illa fortasse terruissent? In tuūne animum Vrsæ, Tauri, Sagittarij, Scorpij, Cete, Canes, Hydræ, Lupi, Centauri, Dracones incurrislent? Scilicet. tu cælo fixa poëtarum inuento monstrorum simulacra curasses, quæ toties in teristu ipse lusisti. Quos non enim in Africâ atque Asiâ leones, tigres, elephâtos, rinocerotès, aliasque immanes belluas vidisti? eas à te blando vultu ac serenis oculis erectas adeò

tui amor allexit, vt tacitè insinuarent, naturam sibi nouercam fuisse traditâ feritate, quam te suauissimo parente deponerent. Fuissent libenter in tuo magistratu ministræ; ne homines puderet ea iussa capessere, quibus se animantia bruta subijcerent. Quid? tûne forsitan (absit nefaria comparatio) tûne, inquam, nescio quo inferior Orpheo, fabulæ sunt, ac meræ gerræ quæ de illo circumferuntur. Te, te nec dubia fides crudeles bestię, diuino imperio, exultâ immanitatē, reueritæ. cultum tamen subrepens mœror penè lugubrem fecit tuo aspectu postea carituris. solatio fuit, quòd te in Regiam Beatorum euecto, sui effigies, signa illa (dico) cælestia illic haberent tanquam vicaria perenni honoris tributo tibi soluendo. Solam immortalitatem picturis inuiderunt. At tu Venusine lyrice, quid ais? Illi robur, & æstriplex circa pectus erat. reliquæ cantent in scholis adolescentes. Tum illud, Qui siccis oculis monstra natantia. Væ tibi. Longè aliter Oceano tranato lyram concinnasses. Et tamen illa monstra Xauerij stetere nutu, fluxere dicto, paruere præceptis, applausere currenti. Testis est cancer ille, Christi vexillifer, quem inter Francisci prodigia, postmodum mea non immemor in conspectum dabit oratio. Rem verbo tangam: quæ naturæ vires excedunt, fabulosa dixere vates;

vates; diuinâ autem vi Sanctorum virtus, ac merita vera fecêre. A belluis in cælum remigro. O quoties astra nocturna in hemisphærio tibi Franciscæ opposito suæ puduit lucis, quòd te siderum sidus spectare non possent! O quoties sol tui quamprimùm visendi gratiâ in ortu concitator, vbi tecum velut in stadio, incredibili alacritate, cursu diurno exultasset, flexus in vesperam tristis occidit, suasque cōdidit æquoreo funere voluptates. Cohorruit tamen aliquando, cùm te videlicet Olyssiponensi è portu Goam traijcente, ac lineâ, quam æquinoctialem vocant, subterlabente, tuo se vertici rectâ imminentem vidit. Ille tunc turbatis cæli ordinibus, transuerso impetu, alia sibi spatia inuasisset, nisi zonâ, quâ decurrit, coërcito, liberè vagandi potestas esset erepta. Quis enim est qui molem incommodorum, quam tibi caritas per id tempus imposuit, æquare dicendo valeat, cùm vel sola cogitatio illi obiectæ succumbat, cui sustinendæ tua fortitudo non cessit? Quæ tibi mens, qui sensus, quæ cura Xaui, cùm in illo maris tractu, cælique plagâ, paulò post solstitium arderet omnia, cùm æstu intolerando nautica turba vectoresque languerent, cùm grauissimæ febres congererent funera, cùm lues contagione vulgarâ etiam valentissimos quosque prosterneret, cùm corruptis ac putridis rebus omnibus ad

esum ac potum necessarijs refici corpora semiuiua non possent, cum tam multi hoc vno solatio exhalarent animas in tuo sinu, quod nullo possent, parens optime, digniore tumulto condi. Ah! quæ non flumina, in tantâ hominum strage, oculis euoluisti! Natabat inter lacrymas ac subiectum æquor miseranda nauis; nullum tamen pacato tunc mari, nisi è tuo fletu ac suspiriorum procellis formidatura naufragium; cuius enim uerò nullum periculum suberat, quando quidem commiseratio non affert, quod auerit, si potest, malum. Dabant tua illa gemina sidera, quos cælum negabat imbres. poterant hi soli tuam tuorumque sitim restinguere. Hic tuæ caritatis maior flamma non sensit solis, quos oppressit ardores. Hic palam omnibus fecit, debilitatis iniuriâ temporum locorumque corporibus, non minùs in te, quàm in singulis grassari vim mali; sed plus, quàm in omnibus, vigere virtutis. Quotum enim quemque, nullâ tui habitâ ratione, non summo studio fouisti? cui non omni ope, quâ animo, quâ corpori curando succurristi? quem non tuâ illâ comitate, ac benigno vultu recreasti? quæ Christianæ pietatis officia, & quidem assiduè non exercuisti? adeò ut sub illâ lineâ æquinoctiali, nulla esset in tuos usus & commoda, diei ac noctis ad æqualitatem sectio, cum operosissimè omnibus, quæ pos-

ses,

scs, ministranti perpetuus esset quodam modo dies, eorumque calamitatem acerbissimè deploranti continuam vis doloris noctem ingereret. Et quidem cùm è natura loci ac temporis res eo in statu esset, vt positis ventis, ac tranquillo mari, oneraria, quæ vela facere non posset, immota sistere cogeretur; inualecente radiorum percussu vesano feruore, illa quies agitatione violentâ multo grauior, & malacia immani tempestate atrocior extitit. Neque verò hîc tantùm tua Franciscæ, semper inuicta magnanimitas cum elementis cæloque certauit: sed cùm multò maxima pars cursus tui zone torridæ oram vtramque non excesserit, & linea æquinoctialis flexuosis alibi aliàs itineribus intersecanda fuerit, non absimiles plerumque incidere, quæ tibi essent tolerandæ calamitates. quas cum fortitudini tuæ leues duxeris, meæ sunt in dicendo imbecillitati grauiissimæ. Tantum in te est, Heros admirande, roboris, qui ea pertuleris, quæ ne simplici quidem possint narratione deduci. Quapropter iterum me in portum Sinarum recipiam, vnde quietem tibi nusquam antè concessam, primò auspicatus, tandem in æternâ felicitate cepisti. Hoc, inquam, in portu, te fauente, vires penè collapsas erigam ac reficiam, dum studeo aliquam rerum abs te toto decennio præclarè gestarum partē quoquomodo repræsentare: ne te

tantum innumcrabiles gentes, ac regna peragrantes, verum etiam ubique admiranda præstantem intueamur. Solummodo quippe peruiolare in omnes terras, totumque Oceanum verrere, non est laus egregio principi debita, sed commendatio digna cursore. Quod autem attinet ad profanas ac veteres Græcorum Romanorumque imperatorum excursionses, quas antiquitatis adulatrices historiæ faustis clamoribus prosecutæ sunt, id solum dicam, non ad comparationem tuæ virtutis; sed gloriæ incrementum, illas fuisse non longissimæ viæ, minimi fructus, & maximæ vanitatis.

O R A T I O XX.

X A V E R I I *acta in India.*

CVM multa me à dicendi officio plerumque deterrent, tum illud imprimis quod communi sermone ita percrebuit, ut nihil possit afferri, quod non iam omnium aures animosque compleuerit. Etenim cum nihil tum de sidere-
tur in oratore præter ornatum, nisi eloquentiæ dignitas nouitatis rerum vicaria sit, perstabit factorum gloria penes auctorem, & orationis nuditas exponet dicentis ignominiam. Hoc illud est, quod me in hac potissimum, & reliquis quæ me vocant orationibus adeò perturbat, ut nec stare in vestigio sine crimine, nec mouere gradum sine periculo possit. Nā quò se flectat, quid spectet,
quò

quò tēdat oratio; cū nihil nouū, nihil nō auditiū, nihil ignotū de te, Francisce, quo se vsquam exercere possit, occurrat? Iā non tuū te nomen, sed facta discrimināt. otioso præcone res gestæ loquuntur. Iā contrectatā vbiq; præcurrentiū insignium operū magnitudine, micātes omniū gentium ad plausum manus subsequētē famā suo quoq; pondere lassam exonerant. Poëtæ alas dedēre famæ. induisse pœniteat, occurrēte sibi quod nūciat factō. feliciter tamē antevertitur; quia animosā virtute, nō culpā segnitiae. Vt ad solis præsentīā auroræ radius expungitur, ita nunciij narratio, re subiectā oculis exploditur. Et hoc inter alia tua, Francisce, prodigia, quòd officia vocis actorū clamoribus opprimuntur. Cū igitur facundiæ atq; in dicendo elegantiae, quod vnū mihi reliquū subsidiū esse poterat, spē omnē vsus longè diuersus, vel etiā natura præciderit, hoc solum extrahit à me. in tuā laudē pretiū operæ, nimirum quòd omnes intelligent tantā esse vim claritatis tuæ, vt tenebras affatim meo isto labore cōgestas. possit euincere. O fortunati pro te conatus! vt vt cedant, vertūtur in tuā gloriam. Sed ne diutiùs cœpti sermonis cursum sustineā, ea est hominum multitudo quos Xauerus ad Christum primò adduxit, aut quos Christo reconciliauit, vt testium, scriptorum, oratorumque dispergat memoriam & conturbet: ita tamen, vt recor-

datione semper mutilâ, necesse sit numeri minoris mendacio, maioris fidem astruere. Atque ut sepositis fructibus ex animorum culturâ in Europâ collectis, Orientalium manipulorum aceruos reuoluamus, quid referam Melindam, Socotoram, Trauancoram, ex harâ Mahumetanâ lutulentas, à Francisco Xauerio Christianæ sementi faciundæ ita purgatas, ut tellus ad vitalem animorum alimoniam antè putruisse videretur! Quid dicam tum de his regionibus aliquâ ex parte, tum omnino de alijs deorum futilium dæmonumque populatione incultis atque horridis, in quas tantam industriam laboremque contulit, ut excissæ veprium sylvæ in lauros florumque corollas abirent, ex eius sociorumque sequentium rigatâ sudoribus fronte, aridas minimè vnquam futuras? Vestra Moluæ, Mauricæ, Iaponicæ, Ceilanæ, atque aliæ insulæ angusta sunt horrea; tua littus Comorinum, tua Piscarium, ac Trauancoris, claustra dehiscunt, ad tam ingentes bonorum cumulos: neque laxari ad caput diruta possunt. sternantur sola terrarum in areas, sustinendis quas generant frugibus. arctis rerû venialium plateis, agrorû aluus amplissima sese per anni vices alternet in forû, exponendo quo leuatur parrus oneri: neque vnquam annona metuat, ne Francisco curatore villâ temporum aut hominû macrescat iniuriâ.

Mitto

Mitto Goanorum ac Malacensium campos, Christianos illos quidem, sed partim segnii aut senescente culturâ imbecillos, partim Ethnicorum Saracenorumque tanquam lolij admixtâ peste fermè corruptos, instauratis operis apprime vegetos, vberes, summaque pietate florentes. Prætereo Amboinenses ac Macazarios, in quibus cum solius nominis Christiani umbrâ superstitè reliqua omnia Christianos ritus ac mores mentirentur, viri semper infessi diligentiam effectum est, ut conspicua veritas veteres incolas fateri cogeret, nihil iam à pristinâ professione dissentire, præter nouum Christo debiti cultus ac pietatis incrementum. Sed quid ego camporum ac frugum similitudinem speciemque prætendo? non hæc de quibus agimus agriculturæ sunt opera: non pensa colonorum: non terræ prouentus. Paret quippe naturæ officium operosæ necessitati: non claudit tellus agricolis sinum: profcissa non rebellat: non lapidescit ad aratrum: non obstinatur ad vomerem. non respuunt semen: remulsi cæspites; non retrudunt rastrum. non cruore putatis sudatur arboribus, neque plorant vites dolore resectæ luxuriæ. Sux sunt rebus ratione non dotatis ingenitæ leges. nihil in his habent fisorum manus. nihil hîc lenocinatur licitorum securibus, aut virgas emollit. nulla denique hîc contexta testibus torques

lon-

longiore superbit in collo. Cum hominibus igitur laboriosa, ardua, perdifficilisque congressio. neceam dico, quâ tubarum clangoribus animatæ manus rapiuntur in ferrum, quâ fulgurant in acie gladij, tormenta ærea fulminant, iaculorum nimbi, telorum procelle, pulvereæ nubes, clamores in conditi militum noctem, lucem, luctum, mortes, horroremque vastâ confusione commiscent; quâ conciduntur agmina, lacerantur legiones, & captiuorum greges vinculoꝝ penuriâ ferri pretium augent. Non hæc, inquam, ad Francisci Xaverij honorem certamina, non bella iactamus. Nam quanta tandem ista gloria? Et venabulo induuntur apris: hauriunt hastæ leonum latera: immania cete missilium tempestate confossa, deficiente animâ, medio in mari officiosè lubrico, semitas cruoris trahunt, ut in litore, vitæ termino & mortis hospitio, iam graui corporis mole positâ recumbant: iuueni coguntur ad iugum: sagittis configuntur grues, & intra casses auiculæ nouâ natiâ fruguntur escario in funere libertatis. Quod igitur ratiocinationis huius caput? nimirum de animo adoriendo, superandoque differimus. Humanum arbitrium iuris est sui. Non ferro, non flammâ, non feris, neque ullâ potentiâ inferri voluntati vis potest. Alij conscribendi milites: alia armorum tractanda genera: aliæ bellandi

di artes legesque cudenda. Petitur hæc ex alto scientia, facultas ac vires, quarum ministerio animus cælestis radij spiculo ictus, monita salutis admittat: quarum delinimento ad frænum diuini timoris adhinniat, velocior futurus adducto: quàm remisso. quarum denique victoriâ Deo subactus, mentitam adorati à suis dominatus libertatem, in solâ Christianæ conditionis nobilissimâ seruitute certissimam sortiatur. Quantum cedit lutū gemmæ, homini pecus, mancipium domino, mortale semper victuro, tantum corpori animus antecellit. Quamobrem multò impensioris est operæ, laborisque humanâ machinatione maioris, vel vnius tantum hominis flexisse mentem, voluisse arbitrium, fregisse sententiam, quàm populos omnes solâ vi armorum in parendi necessitatem cōpulisse. Quo fit vt nouus hic tot prouinciarum Apostolus, inermis, vagus, rerum omniū inopiâ instructissimus, plenus Deo, sui comes, amore præcone, pugnante doctrinâ, veritate victrice, ampliorem de Ecclesiæ aut virtutum hostibus gloriam adeptus sit, quàm Græcorum Romanorumque duces propagandis bellicâ fortitudine imperijs compararint. Non ducuntur in pompâ vincti catenis, neque oris habitu perduto, aut stupore Iugurthinæ amentię coniuge, sed eodem triumphali curru cum Xauerio victore vehuntur Indi,

Iapo-

Iaponij, atque alij reges, populorumque dynastæ, ignorâ tam multis principibus captiuitate liberi, fausto plausu circumsonante subsilientes, nouam diuinitus induti mentem; & dum Christo rerum Domino parent, edocti hoc vno glorioso mancipatu regnare & viuere. Illis est Christi iugum diadema, virga sceptrum, iussa fauores, seruitium dominatio, & nutus anima: cumque edictum omne cæleste, esurienti obedientiæ segne videatur, eorum amor suppremi regum Regis desiderium occupat, & manus anteuertit imperium. Quid dicam de cæteris hominum ordinibus, locorumque indigenis à Xauerio partim charactere Christiano insignitis, partim è magna morum deformitate pristino decori redditis? Deus immortalis! quantam patior è copiâ difficultatem! Impeditur intantâ turbâ delectus. Me iterum Goana, iterumque Malacensis diuio vocat, vbi egregius ille Pontificius legatus id effecit virtute & linguâ, quod nulla vnquam Lusitanorum arma potuissent. Occurrunt Ternatenses, alijque quamplurimi Molucarum insularum incolæ, quos è vitâ profligatissimâ, non vi & minis, sed opinione sanctitatis & patientiâ eò reuocauit, vt ne semper perirent, aliquando feliciter petiisse viderentur. Arridet gemmifera ora piscaria, è cuius non minùs amplo, quàm pretioso piscatu animorum, beatissima cæli do-

Domicilia collucet: cùm innumerabilem
 Ethnicorum multitudinem Christo adiunxe-
 rit; cùm ante discessum quadraginta summo
 Numini templa erexerit; cùm itidem mille in-
 fantes suâ ipse manu aquâ lustrali asperfos si-
 deribus inferuerit. Fortunatæ animulæ, quæ
 vos antè sensistis felices esse, quàm viuere: quæ
 confestim euolastis Christi genitoris in gre-
 mium, ne fortè hîc suggeretis è nutricis papillâ
 venenum. Date osculum non obstetricis dex-
 teræ, sed Francisci. Effert caput, meque respi-
 cit Trauancoridis regnum, vbi propè infinitis
 idolorum cultoribus ac Mahumetanis Xau-
 erij signa secutis, Tartareorum hostium tan-
 dem euersum imperium est. Hos non magis
 puduit cessisse victori, quàm temporis breuita-
 ti. Ea fuit celeritas, quâ rerum gestarum ma-
 gnitudo vestigia moræ corrumpit. Rara laus est
 certo vrgente malo, naturam temporis du-
 biam reddidisse. Ostentant eminùs coronas
 duo Macazarij reges, quibus à Xauerio salu-
 tari præfixâ cruce, margaritarum lucem hebe-
 tante, vilescunt, quæ illas premunt, Indicæ
 merces. Onus omnino graue, nisi torpet sen-
 sus. plerisque tamen principum capitibus for-
 rasse interdum ad fastum leue. nulli ne scru-
 pulum quidem ad sanitatis trutinam: omni-
 bus verò, si non tam gestent, quàm patiantur,
 ad salutaris conspicuum apicem dignitaris.

Eam-

Eandem religionem suadente Xauario, mouente Deo amplexi populares, adhærent dominis, ac dæmones arcent; intolerandum rati geminâ seruitute mactari. Surgit noua Mauricentium ac rursus Molucensium facies, meq; loquentem interpellat, testata nullam tantam esse feritatem, quæ non possit vel vnius tantum humani hominis vsu & comitate mitescere. Illa illa truculenta barbaries, cui summa esset rerum omnium pro lege licentiâ, vbi sola dominatrix impunitas pretium sceleri faceret, vbi nulla nisi probitati supplicia, nullum nisi flagitio præmium; illa, inquam, cessit vni violentiæ caritatis. Mirum dictu, hoc armorum genere domari barbaros, quo vti ad pugnam recusant. Gratis insaniunt. Enerui humano robore, atque omni conatu languido, earum insularum indignata natura, impietatis vindictam in se recipit. Rerum ferè omnium infœcunda, solas generat, simulque fert vtero ruinas. Ipso partu grauidatur; ne vltionis penuria flagitiorum copiam augeat. Quis vel oculi iactum immanissimæ gentis sustineat? Quis contrâ, portentosa regione furente non contremiscat? In Ternate Moluci insulâ montes flammarum globos, cinerumque torrentes eruētans, omniaque latè subiecta vasto inuolunt interitu, & in sacrilegos valentiùs armatæ rupes ignea saxa iaculantur. In insula verò Mau-

Maurica terra perpetuis quassata motibus, penetrales sui partes, ac mistas visceribus vndas vomit, atque interdum vicissim resorbet. nescias utro perniciosior. Quis ventorū vndique luſtantium rabiem describat? Trepidā manu vacillant litteræ. prona dextra dissoluitur. cælum supinam vocat. littora illa irrequietis Oceani arietantur fluctibus, si fortè, superfuso æquore, inquinatissimæ sedes, & campi elui possint. Scilicet id curæ est barbaris, ad metus & securitatis parem contemptum natis. lusus illis est malum domesticum. pinguescunt consortio calamitatis. Traxêre generosa germina è terrâ genitrice feritatem. illis est consanguineus furor. sunt parentis imago; non terrentur eius aspectu. Est tamen & sua elementis commiseratio. si quando igitur illæ intentæ pœnæ lentescunt, nunquam remissa gētis atrocitas, vltima sollicitat supplicia. incūbit operi vicario; non minùs suis quàm aduenis propinata amoris veneno conditi hospitali paterâ, vt ex alijs in alios celerius amplificetur crudelitatis ambitio. At ex istâ protasi, & è tâtâ epitali quæ tandem catastrophe? nimirum modestiæ auctoritas in hoc Mauricæ ac Molucensis Reipublicæ moderatore cælesti, atque animorum dictatore tantum potuit, vt rerū omnium repentinâ factâ mutatione, momentum Xauerianî temporis seculorum comitijs adoraretur.

raretur. O insigne documentum prudentiæ! ne incolarum ferociam magis asperaret iusta correctio, concionum acrimoniam blandissimo semper leniuit obsequio: neque tam præceptis virtutum formas in rudibus animis induxit, quàm sanctissimæ vitæ quotidianis expressit exemplis. Hoc vincere est, ac regere. Quamobrem indigenarum alij, Euangelij hostes, Ecclesiæ sacramentis expiati, in Christi militiam adscripti sunt. alij religionis desertores in castra reducti. alij stabiles illi quidem Christiani, sed moribus magnificâ hortante infantiâ impensè perditis, pristinâ reuincti disciplinâ, recuperauêre cum mente probitatem. Res denique diuina tandem pro animi voto composita. At in eo misero situ regionum eadem nihilominus tormentorum, quæ commemoravi, pertinacia. Sic est, fateor. sed videlicet, vt vnâ ex parte pestes illæ quæ videbantur criminum vlttrices, in honorem Mauricæ ac Molucensis fidei ac virtutis, in tantâ naturæ perturbatione constantis, verterêtur: ex alterâ vero, vt illius cæli, terrarum, pelagiq; vesani tumultus perpetua essent Xauerianæ potentiae præconia; cuius præsentia solo penè dicam nutu barbarorum contumaciam fregisset, quam coniuratæ seuero naturæ imperio tot malorû cohortes nunquâ flectere potuissent. Hoc nimirum deerat fortissimo heroi, vt debellatis ho-

hominibus, naturam quoq; vinceret. Sic geminū retulit ex vno bello triumphum. Valet infulæ. Pæana canite. Me Arabum, me Persidis, me Indiæ regiones rapiunt, vbi quondam Alexander ille magnus, inter proiec̃tas à fortunâ præcunte victorias, velut momentaneū fulgur euauit, folis cognomenti relictis vestigijs, in paruorū regū nunquam consociatam multitudinem repentē discerptis. Breue imperium ad dilaceratum longas atque integras fudit ruinas, immolandis tot nationum gregibus Semiperfæ Macedoni, Iouis Ammonis, dæmonis dicere volui, filio. Sui cultum mendicauit in hostium clade, quam denique venerationi surdā, & ætatis florī merendo non pigram ab amicis accepit: vt ipse cuius ambitio in sanguine miserorū victrix enataffet, Babylonē inter patellarū phalanges, in rosā lāguis, exitiali poculo mergeretur. Non hominū stragē, non agrorū populationes, non vrbiū vastitatē Xauerius cælestis imperator intulit: sed vitam, sed salutem, sed diuinas opes, bonorumque perennem copiam: pluribus tandem in regiam Beatorum transmissis, quàm quos gloriosus ille semigræculus iuuenis mactatos in æternū exiliū eiecit. Hæc non fugitiua Francisci gloria: hæc stabiles victoriæ: hæc suauissimæ consuetudinis emolumenta: hæc trophæa sapientiæ, hæc monumēta caritatis. Quæ

omnia cùm vbique per se admirabilia sunt, tum præsertim in Iaponiâ ita eminent, vt aliorum excellentium virorum toto terrarum orbe diffusæ res præclarè gestæ, illic in vnus honorem tanti herôis assurgant. quo fit, vt me deijci cum dedecore sentiam, dum ad eius laudes adnitor tametsi cum timore. Interea inclamat illa tam longè posita insula, & suo iure expostulat; donec labores inibi à Xauerio exantlati, quibus est impar mortalitas, partem huius mei qualiscumque conatus exerceant, totus ad irritum cadat, dum præstet officium.

O R A T I O XXI.

XAVERII *acta in Iaponia.*

M Agnoperè vellem, Deus immortalis fecisset, vt quemadmodum rerum à Francisco Xauerio in Iaponiâ gestarum magnitudo cum multitudine, ita oratorum excellentia in illis celebrandis cum copiâ posset de laude contendere. Quamquam ego sanè, quem cùm aliàs semper studium longè diuersum, tum nunc maximè & ætas, & vitæ ratio ab illo vtriusque partis dissidio procul haberet, non viderem quem exitum tam præclari certaminis mihi esse pertimescendum putarem. Sed quoniam conditio quæ me periculo liberat, ab officio

officio non facit immunem, illud ita exequar, vt nec obesse queam oratorum numero, è quo exclusus sum, nec eloquentiæ dignitati, quæ id à me non potest exigere, quod non dedit. Huc accedit quòd quæ vir vnde cumque clarissimus in illâ vltima Oriëtis prouinciâ patrauit, tot ac talia sunt, vt cùm ab ijs qui summam in dicendo vbertatem profitentur, comprehendi non possint, nihil debeat ex hoc meo alterius ordinis munere, nisi breuissimâ summâ euocari. Quare mea mihi leuis erit, quæ alios onerabit infirmitas. Plerumque sua cuique diues inopia est. commendationis suffragium referam, vnde poteram culpæ timere iudicium. Ne quicquam fortasse in Francisci Xauerij actionum pulcherrimarum amplitudinem sese pandet aliorum plena facundia. ego me non frustra cum totâ meâ sarcinulâ colligam. Viderit illa ne si latius quàm par est vrgeat vires, temeritatem dispersâ inanitate propaget. hæc contracta in angustum confidentiâ, nullum relinquet timoris periculo aditum. spem prædæ succidet exploratori censuræ. Plura proloqui non necesse. Si ad correptas narrationes exordia laxauero, in me ipse fatuitatem perorabo. Ego met erectam mihi pro defensione arcem compendij prodam. Agedum igitur, quis dæmonum legiones recenscat, quas dux ille fortissimus è

Iaponū ædibus, delubris, vibibus fugauit pro-
fligauitq;? Didicêre superbi animorum prædo-
nes, secula tyrānicæ potestatis, breuissimi tem-
poris reuoluta circulo, posse vnus viri virtute
ac robore in suo tandē recuperato vero prin-
cipe conuiuiscere. Sed quid de Bonzijs, ho-
minum, vel potius pecudum, genere contami-
natissimo referam? Quid in suis illis cœnobijs,
vel potius ganeis commune habent præter for-
des, quid singulare præter nequitiam? De hac
inter se dimicant. Nullo alterius victore, de se
quisque triumphat, seipso semper nequior. Il-
lis præpostera omnia, quâ in re principatum
tenet libido. & tamen eorum disciplinæ ac fi-
dei creduntur nobiliū liberi, ne infandis igni-
bus pabulū desit. hos postquam nihil docue-
runt præter ignorantiam, & corruptelam, di-
midio deteriores quàm acceperint, parentibus
reddunt. Nihil in Iaponiâ Bonzijs inquinatius.
Nihil apud illos pensi, præter rem argentatiâ,
popinam, venerem, & arrogantiam. Verū quid
altiùs herens, quid religione potentius, vbi pri-
mū hominum mentes inuaserit? Isti sacro-
rum custodes ac præfides egregij, superstitioso
Deorum cultu adeò principes viros plebemq;
dementant, adeò omnes simulatâ in victu par-
simoniâ, supercilio, fronte, totoq; corporis ha-
bitu fascinant, vt improbitatis cum superstitio-
ne connubium, non minùs sibi, quàm dijs suis
con-

cōciliatâ veneratione fœcudent. Dijs ligneis
 vafri stipites nundinâtur, imperatâ oppidò ad-
 oratione ex Epicuri stabulo liquatâ rudis po-
 puli manu faginato, dū illis honorē spargūt, &
 sibi lucra cōuertunt. Nō abſimiles dixerim ſa-
 crificulis idoli Baal: qui cū olim, corâ ſanctiſ-
 ſimo vate Theſbite licitante, facturi boue, to-
 tū diem flagellato inſanis vlulatibus cælo, ne
 ſcintillâ quidē ignis exoraſſent, quorū ſacrile-
 gæ impietati flammarū globi debebâtur, tandē
 ipſimet quadringētī boues, vnus vicarij, à cir-
 cūfuſâ multitudine, prompto ad liberalius ſa-
 crificium ferro maſtati, lautiffimū ſuo illi hel-
 luoni deo epulū præbuerūt. Par Bonziorū ſce-
 lus non mitiore aliàs exitu dignū. Sed nō ſunt
 hæc Chriſtianæ religionis in Ethnicos aduchē-
 dæ initia: neq; ſemina grauidandæ telluri, quæ
 nunquam de Chriſti fontibus biberit, commit-
 tenda. Aliæ à ſapientiſſimo Iaponiorū Apoſto-
 lo initæ viæ: longè diuerſæ cū iſtis religioſiſ-
 ſimis vitiorū tabernarijs, pijsq; latronibus, ac re-
 cōditæ inſcitæ oraculis inſtitutæ agendi ratio-
 nes. tamenſi nullus difficilior, quàm cū tali ho-
 ſte cōgreſſus. In diſputatione, nihil afferūt præ-
 ter ſurditatē; in cōtentione, præter clamores; in
 cōcluſione, præter cōuicia. Quæ tamē omnia,
 Dei beneficio, Franciſci eruditio, patientia ac
 modestia ita fregit, vt eorum conſcientiam ad
 bonum ſtimulantem ſola peccandi licentia
 cōhiberet. Nonnulli tamen non ſolū

veritati cessere, verumetiam paruere victori. Populares ad audiendum proniores. Paruere cum auribus oculi. Dederunt cateruatim Xaverio manus. Iaponiam primi gloriosissimo nomine Christiano consecrarunt. Nobilium animus plerumque robustior. huic edomando, quæ non Francisci molimina? oppositus clypeus, Sinarum exemplū. indignum cognitu, quod illis ignotum, recipi non debere, quidquid excluderent. hoc est, se probè desipere, quod Sinæ splendide insanirent. Egregia verò defensio, alienā ruinā stabilire suam. In eadem cum illis plebeij iacuerent. summa eorum defensionis, procerum mores. Tantum instar in principibus viris vbique gentium. Nec defunt, qui modò adorentur à suis, quid ipsi colant, incertum. nisi fortè sibi sunt numen: cui dum plerique blandiuntur gratiofo in spē plenā accessu, aulicorum inuidiam colligunt veneratione personatam; quā subindè liberali benigni vultus mendacio repensant. Sic nihil inter illos sinceri præter fraudem. Ad Franciscum redeo. constantissimum inter tam arduas difficultates eius studium adeò in opus à se decretum incubuit, vt aliquot regum atque optimatum peruicaciam fortitudine, superbiam moderatione, astum sagacitate, morum inquinamenta vitæ sanctitate peruicerit. His addita graui Christianæ rei momento de-

Bonzio-

Bonziorum summæ inter illos existimatio-
 nis antistite insperatâ victoriâ. Hominem pel-
 lexerat Xaverij urbanitas. Superavit doctri-
 na, virtus obstrinxit. factus est de magistro di-
 scipulus. Optabile genus versuræ, alterius par-
 tis honore, & alterius lucro. Doctore deiecto
 quæ stabilitas auditorum? Eius alumnorum
 nullus steterisset, nisi suæ quemque priuatæ ra-
 tiones nutantem fulcire potuissent. magnum
 malum, cui, quidquid portendatur, cuiuslibet
 exitus par pretium est. Contrâ verò innume-
 rabiles insularium familiæ, dominorum qui-
 dem exemplo excitæ, sed, ut sunt Iapones acer-
 rimæ mentis, perspectâ suæ religionis vanitate,
 ingentibus Xaverij curis ad Christum addu-
 ctæ. Cetera persequi non mihi animus, quia
 facultas nulla. hæc meæ nunc in dicendo vo-
 luntatis auriga. malo me hominem indifertæ
 prudentiæ, quàm stultæ loquacitatis. Surgant
 atque opes exponant, quorum votis eloquē-
 tia fauit, aut silentio condantur quotidiana il-
 lis in regnis Xaverij acta. Honoris edicto ora-
 ieiuna mutescant. Insultent loquentis auda-
 ciæ tumultuarij præ multitudine factorum
 memorabilium concursus. Antè somnum au-
 ditoribus spargat, omni stertente subsellio,
 immaturæ facundiæ garritus, quàm illustran-
 dis continuis noctibus à Francisco toto illo
 biennio Iaponensi, ut olim à Doctore gērium

Ephesino triennio vigilatis, pro debito meritorum præconio, misera disperdat eloquia. Quantò eloquentior Malacēsium accidit auribus, alto noctis silentio, æris exigui pulsus, excitandis viciatim ab illo salutari Christi præcone vrbiū ciuibus, ad animos corpore solutos, è piacularibus pœnis prece non consopitâ eruēdos! Eius pieras Hebræorum iudicis capillo valentior, non portas Gazenses mediâ nocte, cardinibus reuulsas, humeris asportabat; sed suâ suorumque manu supplicibus votis animosa, percussas alias fores, ostiariâ Dei misericordiâ annuente, pandebat. Id in Iaponiâ quoque ab illo factitarum non vtique dubitarim. Madeant vtiq; declamatorum sudoribus, obsessi captique laudis ambitu suggestus, dū noui huius Apostoli in Christianis legibus publicandis grauitatem, peritiâ in explicandis, in permouendis animis efficacitatem, felicitatē in expugnandis, in tñendis fortitudinem celebrare pro dignitate conantur. profectò exiles, ac fermè sicci eloquentissimorū hominum fontes, in istorum temeritatem opportunè copiosi, non sine malè prouiso existimationis naufragio redundabunt. Ecquis est qui audeat aut memoriæ credere, aut stylo committere vibes, oppida, nulloque discrimine rusticorum pagos, pauperum casas, atque alias sedes, in quas ille, non tam salutatione præmissâ, quàm

quàm allatâ salute Christianam religionem
nouam hospitam deduxit, heram postmodum
bonis omnibus circumfluentem, animorum-
que imperatricem futuram? Illa tam longè la-
teque protensæ insulæ, atque aliarum adiacē-
tium loca, quæ se toties præbuere Francisci cal-
canda vestigijs, nulli se vnquam recordationi,
neque linguæ subijcient. Narrantis minor est
fides, & inferior excellentia laudatoris. Illius
soccatis nuditate pedibus attrita terrarum
spatia, disperso itinere, viatorem hæcētem ob-
liquarunt. Illius animus quâquâ se agit, præ-
ter rerum amplitudinem nihil aduertit angu-
stum. quocumque assurgat, nihil humanum
sublime videt, nisi quod iaceat Christo sup-
positum. Itaque amplissima quæque regio suis
gratulatur angustijs, & superbi hostium fasces
tandem Christo submissi, attolluntur quàm
antè sublimiùs, seseque porrigunt, non minùs
Francisci victoria læti, quàm ad eius trium-
phantis currum honoratiore lauro decori.
Prouinciarum immensitas, illi compendiū viæ
est. deiiciendi & erigendi quæ oporteat, par
negotiū. totius verò operis consummatio, rot
gentium partâ salute, diuinæ gloriæ augmen-
tum, ac tyrannici dæmonum principatus ex-
cidium. Magna sunt hæc. sed non paucis,
meâ quidem sententiâ, pauca colliget, qui
ieiunus in dicendo, qualem me esse agnosco,
tan-

tantummodò asseret, facere & pati fortia semper fuisse tenacem huius herois præstantissimi comitatum; eius animi tranquillitatem in maximarum rerum continuâ molitione consedis; cupiditatem nunquam in effectione constituisse; spem sperari ægrè potuisse; maiores expectatione mentitos euentus; acta illulisse temporibus; tali denique vitâ ambiguum se sensisse mortalitatem. Attamen ego me graui scelere obstrictum esse minimè dubitarem, si quem sibi Xauerius in illâ Iaponicâ horridâ vastitate, & labyrinthicis anfractibus viarum prorsus ignaro ducem itineris elegit, quæque inibi locato cum seruitute pedestri cursu perpessus est, nunc sine causâ silentio premerem. Verùm cum id eius virtutes in aliam peculiarem sibi sedem vendicent, libero desiderio, & cohibita voce, immune ab iniuriâ officium, commodè postea in earum obsequium cederet; neque voluntati querelam suggereret dilatio, quæ faciet iure imperatam debito moram. Non tamen narraturo quot se mortibus Franciscus obiecerit, producta vita sufficeret. O quantum animorum bonum, ad cuius adaptionem omnia Xauerij membra quassata sunt. Collisis olim ac diffractis Dei iussu ab exercitu Hebræorum testaceis vasis, in quibus mediæ lampades arderent, Madianitæ insolenti fragore amentes, conuerso in suorum proximum

mum quemque hostili ferro à seipsis cognato
 furore concisi. Reconde gladium vaginâ, for-
 tissime Gedeon, obuiio barbaro pugnae labo-
 rem tibi supplente. Nunquam maius extitit
 hostis erga hostem officium. O dirum fauoris
 miraculum! O feliciter stulta humanitas! Quis
 neget istos cæco Marte pugnas. At verò non
 in mutuam barbarorum internecionem con-
 tritaë Xauerij corporeæ vires, sed ad promen-
 dum ex illo vase fictili, (vt loquar cum Apo-
 stolo) animi thesaurum; ad efferendam illam
 conspicuam facem, vnde illi easdem perspice-
 rent in se abstrusas esse diuitias. Monstri simi-
 le est, vix quæ credibile, nisi veritas cogeret fi-
 dem, in tantam mortalium plurimos demen-
 tiam ferri, vt gratiosi apud omnes imbecillita-
 tis humanæ patroni, causam illi, subrutâ verbi
 boni firmitate, adiudicent. Quidquid delin-
 quitur, natura fit rea. accisis viribus, corrobo-
 ratur improbitas; & malo, cui sola virtus me-
 deri posset, committitur, vitio curationis, offi-
 cium. Debilitatem prætendimus, & malitia
 non flaccescit. In nobis nunquam ægrotat
 nequitia. quàm miserè versuti sumus! peri-
 mus vtrimque. Ad hæc aduoca deorum exe-
 crandum cultum. illicò desperatio triumphabit.
 In hoc Dæmonum castra Iaponica: in hoc
 aggeres atque arces munitissimæ; nō quas, vt
 quondam Iosue Hiericuntina mœnia, tuba-
 rum

rum tonitru euertit; sed Dei vnus ac trini obiecta naturæ infinitæ potentia, sed Christi erga genus humanum amor denunciatus, sed virtutibus ac vitijs æterna proposita merces, Xauerio fortissimo duce, ad pacem caduceatore, ad veritatem astruendam admiranda prodigia patrante deleuit. Hinc, vt verè cundâ rerum summâ Orientem cum Iaponiâ sui extremâ parte complectar, adorata tot gentibus veri numinis, Christi quæ maiestas: hinc tot ab illo debellatæ cælo nationes, atque tam multis antè seculis indomita regna. O fortunatæ victoriæ, quibus honore confociato victores ac victi triumphant; quæ non hauriunt alienas opes, sed profundunt suas; quæ non adimunt, sed largiuntur imperia. Quodnam hoc genus armorum, Deus immortalis! quod præliatur hostis deuicti victoriæ, extincti vitæ, mœrentis solatio, capti hospitio, redimendi pretio? Ignoratis contra quos pugnatis, ô barbari; amicus est, non hostis aggressor. Non hæc illa quondam Christianorum legio fulminatrix, attonitis vexillaribus aquilis, Romanorum hostium terror, dum gladios acueret votis, dum lacrymis sudorem misceret, dñi sacris precibus clamorem militarem animaret ad impetum, ac cælesti armata fiduciâ confertos rumpens cuneos immensas ederet strages: sed supremi exercitus imperatoris, qui

auct.

auertendo à vestris capitibus fulmini, obijcit sua: qui non vestro, sed suo imbuenda sanguine in prælia ruit. Vos, præter ceteras, testor, vos appello, beatissimæ Iaponiorum Christi militum animæ, Xauerij clara posteritas, magni parentis incrementum, eius laborum fructus, atque ex his nostris Occiduis, in illas prouincias vestras, quâ lucis exordium est, transuecta sementis, vnde noua subinde pululant generosa germina. quæ non illic, cum aliquot iam ante annos, tum hac potissimum tempestate, tormenta pertulistis? quas non custodias maritauistis, infamiâ pro dote, carnificinâ pro epulo, pro symphonîâ conuicijs, pro lectis equuleo? quos non gladios vestræ ceruices hebetarunt? qui non mucrones vestris immergi iugulis sensere iamdiu fauces, martyrij cupiditate diductas? Caluere carnificum manus in vestra conditæ viscera, non tam sanguinis æstu, quàm ardore caritatis. Iam in illius magnæ insulæ multis partibus, vester circumfluus cruor nouas describit insulas. Iam ad crucis excisæ identidem syluæ vertuntur in saltus. Iam flammis passim in corpora vestra senescentibus, materiâ vndecumque raptâ, recentes subinde adulescunt ignes ad rogam, poscente pyrâ, ne busta sterilecant. illi illi, nimirum cineres fecundissima sunt nouorum Christi militum semina. non vna quippe vos
Phœ.

Phœnix. nascetur constantia de exemplo, de dedecore gloria, vita de morte. O quoties inter immanes cruciatus oculi vestri nondum totâ morte clausi, alia atque alia pœnarum inuenta videre; ne hoc illis postremum deesset à luce beneficium. O qualia veterum quondam Martyrum spectacula, cùm iretur à virgis ad bacillos; ab his ad rotas; à rotis ad bestias; hinc ad pectines ferreos; mox ad plumbeas glandes: hîc curretur ad saxa; illic ad lampades; modò raperentur scorpiones, & modò mallei; fernerent sartagines; acueretur pelli nouacula; fallax viuis effoderetur terra, dimidiâ sui parte morituris; integris negaretur quies. etiâ in sepulcris impietas? ossa & crura contracta inuitarentur ad incessum à testulis; stagnorum gelu citaretur ad prunas; vstulata membra securis expectaret; cruces æmularentur laquei, & gladios rogi; pœna pœnam vocaret; supplicium diuideretur; non vno pleno interitu pelleretur vita; vt quo productior, eo fieret mors illorum crudelior. & ne ab illis gratiâ Deo agerentur, ac tortoribus oraretur venia, euellebatur lingua radicitus, dentesque comminuebantur. quasi verò Deus non alias audiret voces. At vos, ô nouæ Iaponum Deo mactatæ victimæ, aut his similia, aut non inferiora tormenta pertulistis. O prodigiosæ fortitudinis admiranda spectacula! O

im-

immortalia Iaponicæ monumenta virtutis! Illi circumfusus insulæ iam vestro cruore rubescit Oceanus. & quamquam tam insigni colore superbit, attamen tyrannorum rabida sitis, quæ adhuc vestro sanguine non potuit, vlttricibus rapta gurgitibus extingueretur, nisi elementum iras poneret, vestræ patientiæ documento. Surgite conchylia, tam pretioso grauidanda succo : tumescat hoc epoto aluus, gignendis ad coronas fortissimorum athletarum margaritis. At verò non est quòd illis Getuli pisces, aut Tyrij iugulètur. funde murex, funde purpura tuo è gutture liquores in regum vestiaria. Christi generosi milites nullos sibi ornatus in belluarum faucibus quærunt, suomet sanguine, succis omnibus ditiores, purpurascunt. hos sibi proprios amictus vendicant : hæc magnificè fluctuantia paludamenta. quæ non enim in eorum corporibus absumpta supplicia? quas non lassauere carnificum manus? Hæc sol vides, cursumque non sistis, propiore fruturus aspectu? Confer Oriens recentes sacræ militiæ cohortes cum illis, quatum te olim ad Occasum vergentem, Neronem, Caligulam, Domitiani, Decij, Diocletiani, atque alia eiusmodi monstra, in cæli contemptum, spectatorem esse voluerunt. tu nullâ percussus inuidiâ, fatebere, nihil in toto huius vniuersitatis theatro videri pulchrius posse. Agnoscite igitur ac

veneramini, ô Iaponum rex, ac toparchi novum hoc bellatorum genus, qui (vt anrè dicebam) vitæ vestræ partu interimunt suam: quibus, stabiliendæ communi salutis, tot subeundæ ruinæ: quorum in vos arma, nuditas; tela, amor; contentio, beneficia; victoria, vester honos; spolia, sui exuviæ corporis; laborum denique terminus, Iaponici semper agitati quies imperij. Iam verò vt rursus vniversè ad Orientem mea, quæ ad finem prona est, se flectat oratio, nihil est quod animum meum magis afficiat, quàm tot, tantas, tam varias atque arduas res gemino lustro ab hoc præcellentissimo legato Pontificio confici potuisse. Cæsar dum Gallias eodem temporis intervallo subigeret, hostium decies centena millia suâ clementiâ trucidavit. Tôtne superbo imperatori ad Romanam rempublicam euertendam victimæ? neque id satis, nisi flagellatis Gallicâ pecuniâ arcis, sanio rem Romanorum partem corrumpere? Urbem aduolat. non erubescit vigil patriam matre potio rem violare, qui ad Rubiconem materno in somnis fædè illusus attactu horruerat. Cùm autem sui conditoris, eiusque fratris memor, vna duos Roma dominos non caperet, stagnantes indignantibus aquilis cognato sanguine Pharsaliæ campi de summâ rerum arbitri, litem imperij, alterius profugi cæde diremerunt. Pompeius primo
fermè

fermè militiæ tirocinio magnus, demùm veteranus imperator, Phario puero minor, suū ipse caput detulit, primitias ne impetratæ quidem pro summo beneficio seruitutis. Sic placitum cælo. Fortunæ rota non nisi fuitiles querimonias voluit. Extinctis bellorum ciuiliū reliquijs, turbulento quinquennio vix ad quietem exeunte, quæ tandem Romæ tentata victori Cæsari merces? Infamis ille consul Antonius, & non minùs vitiorum, quàm corporis nuditate lupercus, sedenti pro rostris iugalibus domino diadema lauro intextum offert, obmurmurante populi nubiloso silentio. hic reijcit, communis plausus claro suffragio. Explorabatur spectatorum animus. Nullius artis inopiâ laborat ambitio. Grauis Dictator per forū præceps, lupercus insanius, non quidem corpus sed iugulum nudat obuio cuique, si fortè queat ventoso capiti spiraculum facere, vt strangulatâ regij nominis voce, liber gemitus imperatorij doloris erumpat. Gentium victor sibi carnificem quærit, nobiliore dignus manu. nec etiam vno poterat ictu tanta tamque fortis abigi anima. adde, quòd & plurimorum vitæ ab vnius corpore repetebantur. Postmodum inter viginti tres ictus reuoluta discurrit, ne sine certamine videatur tantus imperator occumbere. Nullo externo hoste superstite, in domesticum, (quo nullus maior) incidit. non potuit

nisi proditus vinci. Attamen quàm ingens fastuosi capitis delirium ! Nullane gloriæ amplitudo, nisi fasciolâ colligetur ? Nullane oris venerandi lux, nisi laureæ frondis umbraculo ? Quàm leuior folio fastus ! & suum tamen cultorem opprimit. hic inter folia fructus est adoratæ miserrimæ felicitatis. Ille orbis terræ domitor, cuius in omnes imperium, supplicat Romanæ plebeculæ. Ille ad cuius pedes, tot reges superati, suas ipsi coronas abiecere, nemini ad vllam capiti suo imponendam niçtare audet. reddiderat tamen non paucis. Quàm acerbum illi fuit sibi negari, quod alijs vltro donauerat. Monima Mithridatis vxor primaria, eiusque deliciæ, desperatum istum dictatorem risisset, quæ à marito profligato, Lucillum prementem fugiente, iussa per nuncium, nō mortem, sed mortis genus eligere (molesta optio) detractum sibi diadema suo iudicio indignum meliore vsu, viri crudeliter amantis ministrum esse voluit. Verum cū non laqueus ille nobilis, gulam duriorē mulieris, sed laqueum gula fregisset, illicò discerptum, proterendum pedibus dedit, seque nuncio iugulandam. Cæsar mortem implorauit, quòd regium illud insigne gestare nō posset; animi plena mulier, quòd gestasset. Si ad extremum vir ille non pluris fecisset diadema, quàm femina, eius ambitio, à negatâ forēsi cæde

cæde viuacior, nunquam ad senatorios curiæ Romanæ gladios appellasset. Agè verò; quorsum enim ista commemoro? nimirum Christianæ sapientiæ fulgor per stultitiæ profanæ tenebras quasi quodam transcurso, menti nostræ sese aliùs infert. Eò namque nonnullorum processit furor, vt nihil eis in historijs luceat, nisi petitū & obiectum ex Ethnicis. adeò vt eorum tantūmodo facta demirentur, quos è suo in cælum raptu sapientissimus rerū humanarū æstimator ac iudex Apostolus, in arcanā illā ad Romanos epistolā, æternæ apud Deum obliuioni deuotos esse testatur. Etenim quænam tandem isthæc Cæsarianæ laudis argumenta, quem tamen Imperatorem ceteris anteponūt? Ille incredibili hominum multitudini vitam ademit: Xauerius meliorem pluribus dedit. ille rexit hostium cadaueribus campos: hic eorum, quos ex inimicis amicos Dei effecit, animis cæleste regnum adauxit. alter nullā plerumque, nisi speciosā nescio quā causā: alter semper necessariā dimicauit. sua illum ambitio de statu mentis honorūque deiecit: suā hunc moderatio fecit sapientiā & dignitate sublimē. alterius miserandus exitus cothurno tragico theatra exercet ac terret: alterius clausa fortunatissimæ vitæ periodus terras, cælum, æternitatem mixtis gratulatione præconijs implet. At quod tandem Cæsaris funus?

Comitiorum subsellia illius largitionibus fœdè polluta, tumultuarioque ambitu tam sæpè conuulsa ad rogam in foro concurrere, vt sedes vnà cum republicâ euerfæ, eodem arderēt incendio. Mētita est dictaturæ perpetuitas; dictator absumitur. fumosæ gloriæ fax abit in cineres. Si quid tamen fuisset in te Cæsar apud Deum meriti, ô quàm insperatum præmium! siquidem in vrbe dominâ gentium idem cinis exiguo conditus globo, tuæ spectadæ obelisco altè insidens, impositum sibi triumphale crucis vexillum ostentât. Ille, inquam, assurgens orbiculus, orbem terrarum conspicuè prædicat subactum non ferro, sed ligno. felix vna quæ non à tuo ære, sed ab incluso bifidâ in crucem formatâ pulcherrimâ thecâ, ligneo veræ crucis Christi fragmento, perennitatem sortita es. Non enim in tuum, sed in eius honorem hoc erèctum trophæum. Non amplius Cæsariano superbies cinere; sed Crucis potentiâ cinerum animatrice gloriaberis. Hoc illud est vexillare signum, quod Xauerus dux semper inuictus tot gentibus intulit. ad hoc barbarorum examina conuolant. sub hoc iuere principes antea Christi hostes acerrimi. huius virtute miles ignotus Christiani venit ad nomen; & qui religionis nostræ castra, infestus, vacuare tentauerat, amicus impleuit. At verò (vt dictis insistam) quis non videt quàm dissimi-

similis Francisci Xaverij ac Cæsaris vitæ finis fuerit, quàm diuersum monumentum, quàm opposita omni ex parte memoria? Sed cùm felicissimus noui illius tot gētium Apostoli ex hac mortalitate discessus funus ac sepulchri honores alterius orationis à me laborem exigant, tunc officium præstabo non indigæ, sed debitæ laudi. Puduisset nefariæ comparationis, nisi consilium fuisset fastuosam ethnici hominis leuitatem, modestæ sanctissimi viri grauitati patrocinantem intueri, sacrasque huius victorias tam magnitudine, quàm multitudine profanis illius, quamquam summi aliàs imperatoris, anteferre. Nec est quod Marcellos, Scipiones, Marios, Syllas, Lucullos, Pompeios, aliosque huiusmodi Roma mihi iactet imperatores, qui, eo seculi more, gentium à se deuictarum nominibus sua nomina onerant. Isti partâ victoriâ, rebusque pacatis, conuersas in omnium aures titulorum tubas inflabant. auditio cogebatur moras pati, dum longo tractu insonarent Africani, Asiatici, Parthici, Britannici, Germanici, atque alij adoptiuis appellationibus insigniti. Terrarum orbis sese ad ambitionis cognomen lacerabat. nomenclaturæ numerabantur in spolijs. exutis regionibus etiam vocabula rapiebantur. ignobile videbatur nomen Romanum, nisi cognatum barbaro. Attamen oppidò si ad rationē facta

reuocemus, posito calculo, palleſcet triumphantium purpura; fides non conſtabit auditu. nam pars deuicta, totam traxit prouinciam ad triumphum, eminente in curru inter victores iactantiâ: & vt fuiſſet veritati honoratior ſedes, ſingulis tamen ad cognomina ſingulæ tantum obtigere prouinciæ; quorum eſſet hæres non familia, ſed ſepulchrum. In te verò, Francisce Xaueri, ornando titulorum ſeſe turba implicat; ſe vexat magnitudo, certamq; fidem maior veritas criminatur. Te Goanum, Malacenſem, Ternatenſem, Comorinenſem (quid minutiùs partior terras?) te Indicum ac Iaponicum, tam diuerſarum vna linguarum vox, animorumq; conſenſus appellat. Imò verò, ſi eorum, quos dixi, uſu, pars totum metiatur, Amboinenſes, Maurici, Ceilanenſes, Paraui, Malai, Iai, Aceni, Mindanai, atque aliæ feræ nationes, in tuis titulis pronuntiata mitelcent audienti. Quin etiam ille alter, qui tum primo ſeſe aperuit orbis, ſociorum, quos tua virtus imitatores habuit, operâ, Eccleſiæ Catholice ſubiectus, ſuo ad tuum accito nomine decoris partem honorisq; depoſcit. Sic veteres nouique orbis, dum in tui cultum laborant, viderint an poſſint in vnum tibi cognomentum de ſuo nomine imponendum coaleſcere. Verum his triumphalis pompæ clamoribus, quibus tanta hominum multitudo ſalute per te recuperatâ

perarâ exultat, tua modestia vulneratur. Alijs tamen lenitur vocibus. Dum enim commissas à Deo prouincias Oriētis obis ac lustras, audire videor longè iucundiora tripudiantium præconia. Te quippe gentium effusæ legiones, ac ruentium populorum globi, ad rectæ vitæ semitas lucē, facem ad diuinos amores, suum te solariū, delicias, perfugium columenq; concelebrant. Vndique percussī montes verba multiplicant; remugit oceanus, littora personant, vt cūm parum sit quidquid de te dicitur, mutorū taciturnitas loquentiū linguæ succurrat. Hīc virtutibus io triumphē canitur; illic exequiale virijs carmen egeritur. Incertæ orientaliū vrbiū portæ quò feras gradum, tui desiderium exploratorē in excubijs habent. Illo post spem aduentus impaciente, valuis effractis ciues erumpunt foras. prouolant venturo, ne tardè occurrēt venienti. At vbi vota expectationis tua præsentia non fefellit, præcedunt, sequuntur, circumcursant, adeptoque bono, penè dicam amentes nunc proferunt, mox referunt pedem. Sua quisque vestigia relegit, sibi obuiat. confundit errores, conturbat delicias. Vaga, hērens, circumacta voluptas suo laborat in gaudio. expleri non potest, quia posse non videtur. Etiamne beatis lætari difficile? Dum te illi obsident sollicito ambitu, modò tui respectu se laxant, modò amore te premū.

blanda venerationi miscetur iniuria. Indulge, Xaueri, contumaciæ gaudiorum. Ego verò hanc à me non deprecabor, cuius plausu blaterantis senis ineptiæ obtruuntur. Exangues quoque, actardæ vires gratiam habent animo sis aliorum ardoribus, inter quos non inueniunt operæ, sed veniæ locum. Interim in his triumphorum gratissimis tumultibus, mihi ad secessum relicto meditandæ virtutes atque animi dotes, vnde talem ac tantum virum multo maior, quàm è tot victorijs ad gloriam commendatio consecuta.

O R A T I O XXII.

FRANCISCI XAVERII virtutes. *Ac primò quidem summa animi demissio.*

ANtequam è Sinarum portu, vnde Franciscus Xauerius in communem omnium patriam soluit, Romam animus meus ignoto nauigijs temporis momento sese recipiat, ad ea spectanda, quæ optimus parens noster Ignatius in summo Societatis regimine gessit, necessarium videtur, continuatâ annorum serie, sanctissimis Xauerij moribus, ac supremo tempori hanc etiam, qualiscumque futura sit, orationem consecrari. Ac mihi quidem eius virtutum ordinem atque ornamen-

ta dispicienti euenire id sentio, quod cælum
contuentibus solet, quorum vacillantes oculi
scintillantium siderum spicula diffugiunt a-
deò, vt nullius certam pulchritudinem exci-
pere obtutu stabili possint. Conniuet iden-
tidem acies, frustra que nititur designate quâ
primùm fruatur. Errat in aduersâ quâ rapitur
luce, non minùs auara ob excessum, quàm
prodiga sui. Cùm igitur ad tantos Francisci
splendores visus hebescat, non tamen langue-
scet, si vim decoris, in quo defigi non potest, in
maiorèm eius gloriam reuerenti admiratione
retorqueat. Vt autem eam primùm virtutem
suspiciam, quæ quo humiliore hîc loco deli-
tescit, eò in altissimâ cæli sede patentius ful-
get, tanta fuit in illo nulli pretio æstimabili vi-
ro animi demissio, sui que contemptus, vt in
huius tantum partu atque augmento Xaueria-
na ambitio æstuasse videatur. Hæc sola illi
erat honorum summa. Lapsum verò timere
quomodo poterat, cui rebus omnibus subie-
cto nihil suberat quo cadere posset? Solus hîc
status securus est à ruinâ. meditaris arces? mo-
liris cognata cælo fastigia? haud altius vnquam
fodies ad stabilitatem fundamentum. Quo-
niam autem hætenus à me quamplurima, ea-
que illustria in hanc rem Francisci exempla
producta sunt. satis, nisi fallor, nunc erit, vt tria
capita veluti fontes aperiàm, è quibus de hæc
tanti

tanti herois præcelsâ, & semper ad ima pro-
 cliui virtute, tota videtur deriuari posse lau-
 datio. Primum est illius cælestibus donis cu-
 mulatissimi, humanis instructissimi virtutibus,
 sapientiâ denique ac vitæ sanctitate clarissimi,
 maxima, atq; omnibus numeris absoluta per-
 fectio. Quis igitur non miretur incredibilem
 in eo sui diffidentiam, non solùm omnibus in
 rebus Numinis opẽ implorantis, verum etiam
 in negotijs aggrediendis aliorum consiliũ,
 in exequendis auxilium disquirentis? Quis
 non obstupescat eum de se sensum, quò, non
 dico superioribus se subderet, aut æqualibus
 nunquam præferret, sed inferioribus diligenti
 studio conatuque subijceret? quo se Orientis
 sol, luce, vitâ gentium, spiritu, perfugium om-
 nium, communi consortio, sæcundus æterno-
 rum annaliũ parens vel momentaneæ abortu
 memoriæ indignũ arbitraretur; quo denique
 suæ esset existimationis adeò infensus hostis,
 vt quoties aliquid turbidi è delatis officiosâ
 bonorum importunitate honoribus, in eius
 ore insedisset, totum id improborum iacta in-
 terdum scommata & cauilli reuectâ serenitate
 detergerent. Semper eundem spectasses inter
 impiorum opprobria. Contrâ verò si quis vel
 tenuissimus ad laudem susurrus libasset aures,
 continuò errante virginea in vultu animi pro-
 ditore purpurâ, singularis modestiæ affectus
 eluce-

elucebat. Nemo umquā ita expalluit ab ignominia, quā à laude Franciscus erubuit. Ingens honor est, honore non egere. Sed nullus honoratur dignius, quā qui refugit honorem quem meretur. Alterum caput est, in quo grauissimam illam legati Pontificij auctoritatem potestatemque reueremur. Quotus enim quisque est, qui non credat futurum fuisse, vt Xauerius tanti muneris ac personæ dignitatem, quā conspicuo totius oris habitu, quā sermone non vulgari, quā nobili famulatio, quā cultu ab omnibus debito tueretur? Poterat id quidem suo iure; & aliās ab alijs pro temporum ratione, locorumque naturā fieri decere non inficior. Verū cū non modò sui despicientissimus esset, sed etiam quòd Christum crucifixum, Iudæis scandalum, Gētibus stultitiam, Dei verò virtutē ac sapiētiam prouincijs longissimè ab Europā dissitis, adorandum esse denunciaret, Apostolis, primis Euangelij Ecclesiā nascente præconibus, sese persimilem esse oportere iudicauit. Voto successit euentus. Vera humilitas eius mentis altitudinem æquauit. Huius, inter alias, Apostolicæ virtutis perfectam in se formam semper expressit. Summa laudis hāc in parte comprehenditur. De voce humilitatis non laboro. Christiana sui depressio eam latinis auctoribus vilem & abiectam collegit appositè & cōmodè ad suū votum.

vorum. Mens rapuit, quod lingua respuerat. Pretiosum illi est, quod spernitur. Quàm facilis in altum conscensus! in decliui est. Non mirum si superbia semper lucem mendicat; cæca est. Sacræ litteræ communem generis humani hostem, quem superbiæ regem appellant, principem quoque tenebrarum esse testantur. Stat honor in ipsomet honoris contemptu, quem fastus execratur. Ambitio inimica sui est. fugit quod prosequitur; auersatur quod amat; horret quod deperit, infelici labore defudante ad rem, quam neglectam, si vult, turissimè possidet. In nihilo abstrusum est, quod nequicquam alibi palpando quærit: totumque id vltro se prodit, ac prodigit, pro quo illa, sui carnifex, sese frustra discruciat. Ruat in omnia: congerat in acervos tumultuariæ gloriæ titulos, honores, coronas, triumphos, ac statuas. istam profectò irrequietæ cupiditatis vastitatem, ipsa sola illi adeò inuisa comple-re inanitas potest. Sed, vt dicebam, etsi vita Xauerij Apostolicæ esset humilitatis conspicua imago, nec addere plura necesse videatur, cùm hæc sit tantæ virtutis theatrale compendium, vnum tamen est quod præterire nec possum, nec debeo; nimirum eo progressam præcellentissimi viri modestiam, vt neque se vnquam Pontificis maximi legatum esse dixerit, neque sui auctoritatem officij, nisi semel, &
qui-

dem coactus interposuerit. Potestatem exercuit virtute, non linguâ. lingua tamen æmula virtutis ministra, quæ antè animum frangeret, quàm pulsaret auditum. Acta prodire silentio. fuit sanctitas vitæ forensibus oculis exposita pro decretis: digessit factorum consilio leges; promulgauit beneficijs, persuasit exemplo. Cùm Goam applicuisset, haud sese tanquam summi Pontificis legatum in urbem inuexit: sed cum totâ præfecturæ turbâ in eum cecidit, quem fors primum obiecit locum; vnde repentè in publicum hospitium pauperum inuolauit; non tamen ad vllam quietem, ne fugacem quidem. Nam fermè profligatis tam duro ac longo itinere ac recenti ægritudine viribus, integer ad labores quàm antè maiores, illicò ad Episcopum Goanum se transfert: eius ad pedes venerabundus accidit: diploma pontificium, quo Apostolicus legatus in Indiâ constitutus erat, non solùm porrigit, verum etiam tradit: se non nisi ex eius voluntate eo vsurum pollicetur. Mirari continuò Præsul optimus: procumbentem erigere; completi humanissimè: tum diploma reddere: obtestari vt ageret pro ratione sibi concessæ legatarie potestatis. Vidisses inter eos gratissimum certamen modestiæ atque obseruantie singularis: & , quod caput est, summam in communis gentium illarum salutis procuratone

tione concordiam. Sua cuique inest omnibus in rebus ægritudo; iuri verò imperandi maxima. Omnino sic est. Paria capita commissis frontibus contrita dissultant, in populorum vtrunque fluctuantium dissidia. At cùm alterũ in alterius sui existimationem abijcientis declinationem collabitur, sese mutuò alleuant ad consortium pacatissimæ potestatis. Infelix infania est, atque irritus labor, adniti ad fastigiũ, quod humi stratus tenes. Quis timeat illi auctoritari, quæ, vbi ratio id postulat, submissiõne assurgit, cessione stabilitur? Xaueriana mens iam diũ celeberrimum huius doctrinæ gymnasium, alios monitis, se ipsam factis instruxerat. Hunc verò Xauerij cum præstantissimo Præsule congressum mutius ac perpetuus amor obsignauit. Nulla insignior inter homines nota. Vtinam illa in Præfecto Malacenti, qui barbariem ab ijs gentibus Lusitanorum humanitate detractam Lusitanus ipse induerat, incidere vtcumque potuisset! Ab hoc per id tempus bellum Deo atque hominibus inferebatur atrocissimum. adeò vt aut exasperari Francisci lenitas, aut iustitiæ vis lentescere cogeretur, Quid hîc ageret? Amor mensura doloris est. Vt animo motissimo nihil commiseratione dulcius, ita seueritate, quantumuis debitâ, nihil acerbius. quo fit vt viro prudentissimo excogitandus fuerit in modestiâ modus. Cùm
ita-

itaque hominem auaritiâ & ambitione, geminâ moralium peste, corruptum lenibus medicamentis sanare non posset, tandem non tuo, sed Apostolicæ potestatis gladio, formidabili videlicet anathemate, illius contumacem audaciam iugulauit. Sic & moderationis æquabilitas, & iuris æquitas stetit. alienâ siquidem supremâ auctoritate animaduertit in impium & commotum, quantum diuina causa oportuit animum patientiâ miserante temperauit. Historiam hanc quasi per transennam fugiente oculo respexisse sat est. Scelestus ille dæmonum procurator, qui re-tento speciosâ fraude Pererio ad Sinas proregis Indiæ legato, spretoque supremi Ecclesiæ pastoris legato Xauerio, iam spe legationem, vt Xauerius Sinarum salutem deuorauerat, vno eodemque inauditæ perfidiæ tragico actu spem vtriusque, quamquam longè diuersam, & Pererio impositum onus, totamq; legationem, tam maturo ac salutari consilio constitutam, summoque labore ac diligentia ornatam prorsus euerit. Attamen Sinis tunc tantum à Deo salus, præfecto verò nequaquam dilata ultio est. Sed ad lætiora recurramus. Me siquidem terrij capitis altissimum quoque culmen deijcere humum oculos iubet. A principibus vitis iam inde olim clara propago, à regio sanguine ductum genus, vulgi vtrique ora
Q. fœcun-

fœcundet; impleat discurrentium aures, in foro exerceat otia. profectò sapientum animus antiquam nobilitatem in recenti virtute, lucem in abdito, regiam dignitatem in spontaneâ seruili conditione obstupescet. Tunc mihi Xauerium, quod è florentissimâ regum Nauarræorum stirpe pulcherrimum germen extiterit, memorabilem censes? Quæ noua ista species laudationis, ac dicendi materia? Si nullum momentum ad hoc accedat, leuissima commendatio. Si eum rectè factis præluxisse maioribus affirmes, grauis prædicationis. Verùm à me ab infimâ sede, in quam è sublimi fastigio sese deuexit, hoc potius præconium audiëtur. nimirum quòd familiæ claritudinem tenebris commendarit, quòd res à parentibus ac proauis præclare gestas silentio publicarit, quòd obliuionem titulorum atque imaginum hæredem reliquerit, (maiora dicam) quòd extremam egestatem diuitiarum copię, contemptum honori, conuicia laudibus, seruitium dominationi, solo Christi hominumque salutis amore impellente, prætulerit (tantùmne?) quòd denique his peractis, eâ vir sanctitate ac vitæ innocentia se omnium improborum maximum ac vilissimum crediderit; hanc ego perfectissimæ humilitatis atque omnium oratorum eloquentiâ efferendæ, primam, mediam, postremam gloriam esse dico,

co, edico, & constanti animo ac voce pronuncio. Et quisquam mirabitur quòd vnum vel alterum famulum à protege Indiæ Sosâ, sibi retinendæ quoquomodo dignitatis gratiâ, penè dicam violenter obtrusum inexorabili constantiâ recusarit, qui, vt sui existimationem repudiaret, sese perpetuo omnium famulatuî consecrauit? At enim uerò eo factò, (etsi non studiosè) dignitatem ipse suam existimationemquæ auxit, quas, si rectè ratiocinamur, sine dubio aliter minuisset. O egregiam laudem, scilicet, si, qui iam pridem seruatorum ad se conuolantium globos vltro dispulerat, nunc ad præclara delatæ potestatis insignia geminum vernulam præferendis fascibus ambijsset. Virtuti mutilatæ iniuriam facimus. Delirium est, neglecto sole, faculæ desiderio emori. Nulla mens est in quâ se commodiùs verset infania, quàm illius hominis qui rebus caducis, ac spei, quæ omnium postrema nos deserit, nuncio votiuâ voluntate remisso, earum subinde scruta, quisquillas ac sordes ad se reuocat, infami miseriarum aucupio, ac subsannante interitu immortalis boni, pro perituro, irritâ permutatione, non reddendi. Fuit illa tamen, quam modò dicebam, inter Sosam & Xauerium theatro digna contentio: sed illustrioribus factis abducor. Qualia namque (Deus immortalis!) visa sunt

sunt spectacula illa , cùm Apostolicus legatus auctoritate , virtutibus , doctrinâ , nobilitate clarissimus , modò in mediâ nauticâ turbâ , modò in publicis hospitum diuerforijs , modò in vrbiũ valetudinarijs , sordes verteret , sterneret lectos , ablueret lintea , officia omnia exhiberet ægrotis , purgamenta exportaret , foueret complexu languentes , mœstos blando solaretur affatu ; cùm saniem in sui victoriam sugeret , lamberet vlcera , & in cruentis plagarum lacunis eius oscula innatarent. Stuper animus , cùm in huiuscemodi ministerijs te te , Francisce , assiduè agentem , & sollicitâ vexantem hilaritate conspicio. Et verò etiam cùm inter illos infirmorum greges , nihil meâ sit oratione imbecillius (quamquam virtus , quæ te talia operantem non potuit , quem non valentissimum lassaret oratorem ?) hætenus me de te dicentem grauis pudor opprimeret , nisi mihi hæc ipsa tua , de quâ dissero , humilem non aspernata stylum modestia suffragaretur. Sunt hæc igitur summæ demissionis singularia monumenta.

ORATIO XXIII.

XAVERII *animi magnitudo, constantia, fortitudo,
angelica pudicitia, in impuro somnio nobilis vi-
ctoria, in tractandis hominum animis
singularis prudentia.*

IAm gradum faciam ad ceteras Francisci Xaverij virtutes. Admirationem quippe augeat, quòd Xaverius sui contemptum ac mitis naturæ facilitatem, cum incredibili animi magnitudine ac robore perpetuâ quadam cognatione copulavit. Etenim eius inuictæ fortitudini quæ poterit par oratio inueniri? Quibus non ille periculis ad propagandam ac tuendam Christianam religionem caput obiecit? Quas non oppolitas Euangelio machinas evertit? quas non difficultates terrâ marique superavit? Et quoniam animosa & constans malorum pro communi bono tolerantia pars est fortitudinis princeps, tot ille incommoda, pœnas ac tormenta in Christi gratiam animorumque adiuventâ ubique pertulit, ut eius vita stadium, circus, atque amphitheatrum patientiæ fuisse videatur. Ceteras verò virtutes iam à me suprâ expostas, quorsum iterum producam? At producantur sanè, dummodò, veluti præteritæ per tot exercitationes pompæ imago quædam, memoriam præteruolent. Eadem frequenter iteratâ narratio, plerumque astus aduocati

versura, non facultatis inopiam in rebus exorandis, sed verba in referendis exercet. Nihil igitur dicatur amplius de adeò exquisitis in suo corpore diuexando inuentis, ut nescias an in alios humanior fuerit, an in seipsum crudelior, quodque maius fide videtur, ijs ipsis temporibus, quibus cum tot gentes, ac tam ampla regna eius curæ credita, Christo Domino salutis nostræ auctori generanda essent, solâ tantorû laborum mole opprimi, sine Numinis peculiari sustentatione, potuisset. At hoc vnum inter hæc deerat, scilicet, ut implacabili ardentes odio inferorum legiones in virum innocentissimum æquè ac fortissimû rabiem euomerent. semel virgis baculisque contusum propè ad necem confecerunt. Sed in vestri capitis ruinam furorem, ô carnifices, armavistis. Quid? illène, qui tot mortibus obiecit pectora, nunc præ timore vestris subtraheret terga verberibus? Quàm miserum est obsessâ nequicquam inuicti hostis gloriâ, de suo dedecore triumphare. Perge porrò. non est etiâ quòd iterum Xauerij comitatem, morum suavitatem facilitatemque repræsentem. neque quòd serenissimæ frontis cælum, quòd oculos, pudicitiaæ sidera, quòd vultum, domicilium verecundiæ, quòd verborum mella, facundiæ laqueos, blandæ gravitatis veneranda delinimenta rursus producam in medium. Cui
velò

verò non perspecta semper fuit eius in dictis constantia, cui non fides in promissis? nisi fortè hæc non stetisse dicatur, quòd ille præstaret multò plura, quàm promississet. nec immeritò sanè. Cùm enim tum solùm beneficio se affici crederet, cùm in alios contulisset, spargebat beneficia, quibus fœneratrix virtus se redderet commendabili fraude ditiozem. Præterea quorsum eius, non dico in victu parsimoniã, multoq̃ue minùs frugalitatem, sed quotidiana, sed triduana, & quidem arctissima ieiunia, quibus ipse sibi epulum præbebat, mea remandat oratio? Inediã verò comes somni breuitas fuit; cui cùm non vacaret, sed succumberet, beatas mentes non naturã, sed virtute superabat. Et quisquam mirabitur, quòd in corpore modis omnibus excruciato, quidquid fœdæ voluptatis sensum illicere posset, occiderit? Quid illo continentius? quid castius? quid purius? Si de illius pudicitia verba facere audeam, vereor ne illibati floris candorem vel solo spiritu infuscem. tanto siquidem studio in omni vitã, quam sibi horridam hyemem esse voluit, virgineis niuibus excubias egit, vt ad ver æternæ felicitatis cælesti aspirante fauonio, animam ex intacto corpore victricem liber efflauerit. cùmque illius cura esset fabuloso dracone hortorum Hesperidum custode vigilantior, nullum suberat periculum ne

tartareus Hércules è multò amœniore castitaris pratulo, asperrimis præsertim munimentis obliſito, fructum vllum poſſet euellere. Quoties autè poſt vigilias in tempus immiſericors protractas labentes oculos Franciſcus ſuſtinere non poſſet, ſtans animus inſidiarum explorator non conſuebat. Haud ſcio an id quod referam in vllas vñquam ſanctiſſimorum viro-
rum hitorias iuerit. veritas miraculum facti ſuperat. Ergò cum aliquando per quietem, cuiusdam fortè impurę imaginis vmbra ſenſum interiorem importunè verberaret, ad eò expauit atque cohorrui, vt conuulſis violentâ animi agitatione præcordijs, ſanguinem in caput legauerit, forſiſque miſerit obſidem vitæ, niſi hoſtis illicò victus abſcederet, profundendæ. Prò ſuperi! etiã mne à dormientibus tam graue atque atrox indicitur ſomnijs bellũ? etiã mne dimicatur in laruas? ergò ne victoriæ ſurgūt è ſtratis? ergò ne in triumphis ducuntur cubilia? ſuãne quoq; corona in tuis ſuperbit ſomne temporibus? Ah ne tali ſopori vigilię intuideant! ah ne currant illi prouehendo papaue-
ra! Alij flammis, alij glacie, alij ſpinis, alij fuſtibus, aut alio accito forinſecus auxiliorum genere, obſcœnos ignes, oppidò vetos, extinxiſſe memorantur. at Xauerius vel pictos tantum, ſe ſolo ſui deſenſor, inter inermes videlicet ſomnos ac ſenſuum nuditates, generoſo
cruc-

cruore deleuit. E naribus tamen egesto, vt
 Vulcanum illum stygium, è cælo quondam
 præcipitatum ignominiosè fugaret. quamquã
 ô indignam tali aspergine fuliginem! quàm
 meliùs hic succus amica pudoris virginum ora
 tinxisset! ad tam pretiosi liquoris coniugiũ di-
 ducto sinu anhelantes, acrium amatorum in-
 star, importunæ fuissent tuis mare Tyrium cõ-
 chæ littoribus. dedissent pro dote nativo hu-
 mori repudium. Castas itaque Franciscus in i-
 ras exarsit. Quos non ille cruciatus vigil per-
 tulisset, quem somnus, ferè dixerim, Martyrem
 fecit? Diurni quidẽ labores à nocturnâ quiete
 plerumque reuocantur. Rapitur animus ad
 theatra somniorum, ludentibus tenebris de
 mortali luce. neque solùm commentaria re-
 rum à se gestarum à somno edita legit, verum-
 etiam, concessis quidem inducijs, sed sopora-
 tis, in acta ipsa reuoluitur. Ruit in mentitum
 hostem miles, & qualia infert, excipit vulnera.
 & (vt est etiam in somno vigil superbia) sese
 frequentius victorem iactat statarius in acie
 cubiculari. Quòd si fortè interdum sibi vi-
 deatur vinci ac trucidari, territa repentè natu-
 ra euigilat, suo ipsa opem latura terrori,
 ne vera mors simulatæ fidem astruat, per-
 eatque gloriosus miles, non ferro, sed
 somnio. Verùm ista sunt erratica ludi-
 bria, nugæque sinceræ. Ille sibi gratulatur

excitus, quòd non in feretro, sed lecto iacentem se sentiat. animaduertit gladium, quem noctu feriri pudebat, vaginâ non ereptum, è castris excurrissè in campos inanes, sauciasse auras actandem ex vmbrarum sanguine temulentum & languidum relapsum in puluinar. At verò non fuit profectò, non fuit istiusmodi Xauerij somnium. Fœdum enim imprimis lenocinium illud, quod in dormiente obseratas virginei sensus fores percusserat, nunquam sese animo vigilantis obtulerat. Deinde non illusus contentionis imagine, sed ad certum bellum prouocatus, acerrimè dimicauit. Denique expergefactus, non oscitatione, sed suspirijs; non fricatâ fronte, sed absterso triumphali cruore, imposuit insolenti prælio finem. Niveum eius corporis liliū, quod tyrannicâ manu rubere non potuit, officioso liquore purpurauit. Illud à te Francisce satum, à te rigatum. Nihil tibi ad martyrium pro virginitate subeundum defuit, præter alienæ impietatis ferrum. quamquam eius acies clausos decumbentis oculos reuerita, splendere ausa non esset. erubisset suo pudore perfusa, non sanguine tuo. O quanta vis in amore castitatis! Ab hostibus Ecclesiæ Christi Martyres non nisi vigilantes ad supplicia rapiuntur. tu ne dormienti quidem tibi pepercisti. Inter hæc cor, diuinorum ignium officina, nocturnis siderum spectan-

stantibus choris, æstuabat ministrandæ subinde armorum copiæ. sed illa longiori tum vsui esse non poterant. vsque adeò namque à primis annis hostem fregeras, vt vires interdum redintegrare ausum momento concideres. ac tandem cum te rebus ipsis, quarum sensu carebas, vellicare non posset, nocturno earum idolo irritaret: quemque apertus hostis vigilantem refugeret, ad dormientem tenebricosus latro tentaret accessum. (quàm non difficile est inuido insanire! etiam in somnum alienum furit.) Sta sol contra Gabaon, aiebat olim & dux & iudex quidam Hebræorum præstantissimus, diuturniorem lucis vsuram contra Dei aduersarios implorans. Ego verò iam dixerim, rue sol, ilicet, præceps in occasum. non minùs fortiter de nocte contra hostes, tamen si tenebrarum principes, quàm contra eorundem meridianos incursus Xaueriana virtus inuicta decertat. Dato, videlicet, Xauerius è mentis speculâ signo, vtpote fumigantem aggressorẽ odoratus, curuato confestim in arcum pectore, tanto nisu venam, instar nerui pro naturâ reluctantis intendit, vt disrupta animosum cruorem excusserit. Ille non aliâ potentiore sagittâ grauidus, hoc ipso quod sibi met infligit vulnere superbum bellatorem interemit. Periculosius est contra eum præliari, qui non minùs sui, quàm aliorum sit hostis. Quid enim
spe-

speret hostis ex hoste illo, à quo seu læso, seu lædente profligatur? Pugnent alij iacto in aduersarium telo: hic in se conuerso dimicauit. Incidant illi artificum manu muto in marmore partas à se victorias: hic vocales suorum triumphorum in seipso inscripsit notas. Pectus membrana fuit; sanguis atramentum; calamus gratia Deo habita. Amor hoc characteris genere delectatur. hunc probè legit, quamuis cæcus esse dicatur. Decurrite ex illâ venâ virginei rores, adolescentibus ad pudicitia pulcherrima germina fœcundandis. Vestra vi nutriantur illi, & crescant non minùs constanti quàm odoratâ conspiratione animati ac certi vestri Xauerij exemplo antè vitam expuere, quàm vilius vel tenuissimæ labis umbram admittere. Iam verò si me alij virtutù chori circumstant, illæ aut frustrâ distrahent animum meum confuso raptu, aut in agmen citatum emissæ, altera alteram præ multitudine me dicente propellet. adeò vt cùm secula profundantur in eorum laudes, nulla videatur sibi posse vel temporis morulam sistere. Conueniant igitur potius natiuo incessu in tranquillam concionem audiendis eloquentiæ principibus, vt & meæ imbecillitati consulant & dignitati suæ. Mihi tamen fas sit geminam adhuc tam egregij herois dotem inter illas gradientem salutare: prudentiam nimirum, virtutum moderatricem,

cem, & earum reginam Theologicam caritatem. De prudentiâ id solum depromam quod in illo singulare fuit. Ergo cùm & aliorum vitæ viueret, & alij ex eius animâ spiritum ducerent, primum ingenij acerrimi studium eò conferebat, vt, etsi secum semper esset, tamen subindè in aliena castra transcurreret, vt exploratâ singulorum hominum naturâ, & cõpositis (citra noxam) ad eorum voluntatem moribus suis, omnium sese dominum salutaris stratagemate redderet. Vitam communi meliorem sibi agendam intelligebat, sed non contrariam: ne à se auerteret, quos attrahere nitebatur. & cùm intùs longè diuersa haberet omnia, facies decenter conueniebat cæteris, ne frontis nubecula procellas, quas in aliorum animis sedandas susceperat, excitaret. Quâ ex re consequebatur, vt, cùm omnibus omnia fieret, omnes haberet factos ad omnia. Vmbratili alienæ propensionis specie sibi prætentâ, atq; honestissimæ consuetudinis blandimẽto è singulis semper eduxit quidquid noxiũ ac pestilens includeretur. neque quidquam tam altè ac firmiter hæsit, quod non dulci amoris violentiæ admixta prudentia radicitus extirparit. Eadẽ prudetiæ laude flagitia publica, præsertim verò inimicitiarũ ac libidinum flammæ non oppressit modò, verum etiã prorsus extinxit. Factis quæ palâ sunt, nulla certior probatio.

Ad.

Adducere illa pro testibus, nisi paginæ historiarum huiusmodi graues exemplis, fide factâ, sese in obuijs manibus exonerarent ad legentium fructum. Ophiogenes in Hellesponto manus contactu venena depulisse, Psylli gens Libyæ, quibus virus ingenitum, serpentibus exitio fuisse memorantur: eosdemque non solum halitu necasse, verumetiam vibratum moribus in hominum corpora toxicum ore ipso elicuisse, omni amoto utrimque periculo. A Catone olim per Africæ deserta peregrinante in hunc usum ad comitatum adsciti sunt. Ergone natura cuiuspiam hominis, veneni usu in seipsam verso, alteri ad interitum venenato curationem afferat; virtus verò non possit alieno quo, non culpæ, sed commiserationis affectu ægram se facit, mederi malo? Hebræorum greges in solitudine Mosi quondam oblatrantes, igneis icti serpentibus, conspecto, non serpente, sed appenso Dei iussu serpentis æneo simulachro sanabantur. Quis nesciat hanc fuisse Christi è cruce pendentis effigiem? O ingeniosæ portentum caritatis! Deum ipsū non dico de sui hostis exuuijs trophæum sibi erigere, sed se spolio illius obtegere, ut sub imagine feliciter eludenti, sui cruoris vitali pharmaco in nos perplueret, quos ille coluber verâ fraude concretus, escæ puerilis fascinatione ad se allectos mortiferè corrupisset. A Christo
igi-

igitur vno ac summo magistro, è crucis suggestu docente, Xauerius hanc hausit sapientiam, naturalemque prudentiam diuina perfecit. Alienæ conditionis atque ingenij specie indutus, inueteratis alios vitijs exuit. Bona plerumque in se obuoluta condebat, vt improborum mala opportunè ac sensim excluderet.

ORATIO XXIV.

*Xauerij admiranda in Deum atque homines caritas,
ac felix ex hac vitâ discessus.*

VT virtutem aliarum vitam ac formam, nobilitate primam, homini perficiundo summam, necessitate maximam, in Francisco autem præter cæteras admirandam, non tam sermone officio impari ac silentij æmulo, quàm cultu pro viribus trepido, sed pro pietate animoso prosequamur; cum in omnibus negotijs potissimum verò in rerum diuinarum administratione, prudentia eam in animo sibi sedem vendicet, quam esse oportet virtutum moderatrici constitutam; tamen eius erit inanime magisterium, ac species vana dignitatis, nisi animæ facultates superiore vi caritatis moueantur ad munia, & ad suos quæque fines imperatorio amoris impetu perducantur. Nullus est à fulgetro, sed à fulmine ictus. Quid solis
luce

luce pulchrius? quid iucundius? nisi tamen excito inde ardore, quæ vegetant, quæ sentiunt, quæque à natura quoquomodo funduntur incalescant, profectò nec gigni, nec adolescere, imò nec concipi, nedum maturefcere poterunt. atque adeò nulla erit inter lucem ac tenebras dirimenda contentio, cum tam non profit illa, quàm istæ non obsunt. nisi quòd quæ cæli clauduntur ambitu, nullam in tenebras habitura quæstionem, sese proditorij luminis decoro percussu perijisse profitebuntur. Itaque fucum non faciet caligo, sed splendor. Age igitur. vndenam tot, tam varia tamque præclara facinora, nisi ab illâ Xauerij, præuiâ luce diuinâ illustrati, caritate, incendio-
rum fonte, manarunt? In hoc infinita hominum multitudo extinctas, tuâ Francisce operâ, libidinum malarumque cupidinum faces Deo dignis accendit amoribus. His flammis Europæ, Africæ, atque Asiæ arsêre prouinciæ. Quæ non præcordia efferbuère, cum per eas, quibus antè contra Deum ipsum armabantur filices fecerunt lacrymarum torrentibus vias? Quæ non tellus his ignibus, quæ non maria æstuarunt? quæ non inde, non dico ab illis sperata gentibus, sed ne cogitata quidem, eâ rerum nouitate est exorta felicitas? Subiecto videbantur aculeo molestè pungi, nisi tot annorum tenebris, hyemi ac sterilitati gratularètur,
quas

quas tantâ lux atque æstus, tantaque bonorum copia excepisset. adeò vt præsentia voluptatis nõ solum mœstitiæ præteritæ causam, verumetiam sensum memoriamq; deleret. nisi tamen quantum recordationis ad beneficij recognitionem gratus animus extare putaret oportere. Nihil enim tam fragile ac fluxile, quàm beneficij accepti memoria, cùm illud magnitudine suâ ita occupat atque absorbet animum, vt cùm è gurgite malorum enatauerit, postea obrutus bonis, non mirum sit quòd aliorum non meminerit, qui fermè oblitus est sui. Sed vt ad te, Xaueri, redeam, quas non in oras tua te rapuit ac circumtulit caritas? quibus non versauit in pœnis? Quid cùm te in Iaponiâ seruilem peditem equiti laponensi, nullâ præter laborem pactâ mercede, locauisti, vt promulgator Euangelij viarum ignarus, illo præeunte rectum iter teneres? Suas ille res agebat; tu diuinas. non te docebat, sed raprabat. discebas iter, non eius beneficio, sed tuo seruitio. Ille tui contemptor, ignaram tuæ mentis & consilij opem proijciebat: tu eius cultor obseruatam colligebas: ne ille suis esset in negotijs diligentior, quàm tuus erga Deum amor in alienis. Ille quidquid posset obsequij rapiebat ex te: tu barbaro gratiam etiam referendam arbitraberis, quòd eius inhumanitas tuæ cupiditati gratificaretur. Amorem

R

viæ

viæ ducem habuisti, non hominem. ille sibi tantum, amor tibi vacabat. barbari tamen vestigia omnia furabaris, ut hoc offerres amoris donum; quod te identidem deficientem sustineret, cuius vires herus ille tuus festinatione, ah! nimium violentâ, enecabat. Immanem dicerem dominum, nisi vereretur cum tuâ patientiâ iurgium. nihil est tuæ modestiæ insolentius, quam indignari. At etiamne tua virtus usque eò ambitiosa fuit, ut vellet cum belluis de cursu contendere? Tu equum domini æmulabaris. sed cum ille sessoris calcaribus foderetur, tu amoris obsequentior, eius tantum stimuli monitu consequeretur, nunquam præeurrentem vidisses, nisi te cœgisset via tibi prorsus ignota esse retrogradum. Iniuriæ amoris fecerunt, qui finxere pennatum. quasi verò egeat alis. Deus immortalis! quid amore perniciousius? Ament saxa, & volabunt. Impingatur quodlibet onus amantis humero. sese leuior efferet. struatur in eo moles. illa erit eius robori tanquam puerilis pilæ lapsus ad ludum. Aspice suo Franciscum onustum thesauro, sacrâ nimirum supellectile ad sacrificium necessariâ; & tamen, non dico properantem, sed post præcipitem illū pegasum adeo effuse ruentem, ut non solum à signato vestigio ne latam quidem ungulam deflecteret, sed pede pedē premere videretur. Maximi quondam Patriarchæ filius,
non

non minùs paternæ obedientiæ, quàm naturæ imago, ignem, ligna, seque ipsum victimam gestabat ignarus ad holocaustum. Mactata est utriusque voluntas, neutrius vita. Non caput filij à parente, sed suum à Deo sectum imperiũ. Fecere vicario ariete inter spinas hæere; currentibus interea in tempora hostiæ non immolata floribus, ut victuræ frontem ornaret, quæ paulò antè morti deuotæ non cinxissent. Xaverius quidem illarum gentium parens, ac sanctitatis eximie sacerdos, quoties, & ubicumque sacris operari posset, incruento sacrificio Deo Patri Deum Filium offerebat. Verum adeo suus illum erga Deum amor per connexos asperrimis itineribus dies exercebat, ut cum magnitudine cruciatuum tentaret quas ei dabat vires, ipse quoque iugiter in sui corporis arâ Numini viuâ morte litaret. Eius enim mors ob id solum vivebat, ut semper vita moreretur. Nâ cuius hominis tanta est feritas ac durities, qui siccis oculis, qui animo non vehementer commoto intueri possit legatum Apostolicum, domi iam pridè delicatè, ne dicam molliter, educatum; nunc pannosum, lacerum, ieiunijs exesum, attritis viribus exanguè, lunatis ad collum sacro iugatum onere brachijs, rapidissimo cursu, præuolanti equo semper hærentem, ne barbara illa cynosura sese ab eius oculis unquam eriperet? Quod si alicubi aut temporis, aut loci

natura impetum iumentis frangeret, cursumque moderaretur, tum verò tarditate in augmentum cruciatus conuersâ, vidisses strenuum peditem modò hîc inter salebras, ac rupea saxa spinasque corpus exanime lacerantem; modò illic summâ hyeme atque infans frigoribus, in gelu nouaculis armato nudos pedes lanienam trahentes. O quale famelico pabulum! Vidisses in niuium tumulis cruore conspersis, nisi amor extulisset, propè sepultum. O lanæ cælestes nunquam in eas terras fortunariùs deuolutæ, quibus ostro tam pretioso rubescere contigit! tamen si non fouendis argentibus Francisci artibus. Dormiant ebræ oues in Tyrio succo, ad superba regum paludamenta texendæ, nunquam surgent per eorum humeros magnificentius aurâ circumfluâ ventilandæ. Itaque per sanguineos niuium tramites in maximas Iaponiæ vrbes penetrauit. Extarent adhuc cruenta vestigia, si aëreum illud vellus duruisset in marmor. quamquam sanè nullus est lapis, aut æs, quod vetustas rerum domitrix non consumat. Illa illa Xauerij acta socij posteris mentibus animisque mandarunt. sunt hæc immortalia monumenta. Iam ijs in locis impiorum gladijs iugulum prodigunt; vt cum excitis ac resilientibus humo Xaueriani sanguinis riuus superfusus largiter eorum cruor beatissimæ

tissimæ causæ consortio confluat. His amorum tuorum, Franciscæ, armis Iapones, aliasque barbaras gentes cælo felicissimè subegisti. Hæc te caritas grauissimis terræ marique periculis semper exercuit. Hæc vbique mortem tuæ vitæ fidelem comitem iunxit: & quidem pari erga omnes beneficio; etiamsi, utpotè ex vno illius partu geminæ sorores, præ nimiam similitudinem ambiguarum, intuentium oculos mendaces efficerent. Hæc illa fuit, quæ te aliquando nauigio annoso, debili, & malè compacto, aliorum aut penuriâ, aut repulsâ, imposuit. Amor tunc nauarchus, remi alacritas, spes vela, gubernaculum virtus, vigilantia quies, rimosæ tabulæ firma in Deum fiducia fuit. Vatem olim imperatam sibi à Deo protectionem in Niniuitas detrectantem sortis iactu, irato mari placando, in vndas proiectum immanis cetus deuorauit. O si fas est dicere, impatientem moræ Dei optimi maximi erga homines quantumuis impios misericordiam! nullus vnquam celox summo mari tam properè virum illum profugum in Niniuen transmisisset, quàm bellua intra profundos gurgites vexit. Tertia lux aluo eructatum in auras reduxit. Non alius esse poterat è tali conceptu partus. at te, Franciscæ, non refugum, quascumque in oras vocaret Deus, amor suo conditum sinu, omni lembo velocior,

omni vento potentior tulit. nec futurum fuit
ut sese tibi ad exitum laxaret. tu non alibi nisi
in eius, quod te genuit, gremio nactus es sepul-
turam. Hic ille amor fuit, qui tibi innumerabi-
les homines vitali lauacro totis interdum die-
bus abluenti, labantia lassitudine brachia ful-
ciebat; cum aliquot centena hominum millia
tuâ ipse manu sacro illo fonte lustraueris. Ma-
ximi quondam Hebræorum legislatoris, se-
nio pressi, pro suo populo bellante Numē eni-
xè deprecantis supinas erectasque in cælum
deciduas manus duo ex primoribus religiosi
viri hinc inde sustinebant, tu valentiore admi-
niculo nitebaris. Illi lassescere poterant, opero-
si verò tui amoris vires exercitæ roborabantur.
Sed quid ego nunc aliqua è tuis actis in illam
tam insignem erga Deum caritatem referenda
esse contendo? cum si vtius vocis compendio
dicamus omnia, augeatur tantæ virtutis glo-
ria, & nimis laboriosa huius orationis meæ cō-
tinuatio minuatur. Nunc igitur (quod reliquū
est) utinam mihi ad tuos illos secretiores & ar-
canos amores aditū dares! Mea me (ut sentio)
arceat indignitas. Habent alij qui de tuis haufe-
re incendijs quid effari possint. In me, velut in-
tra mortuos cineres tepentis foci, si qua vivit
fauilla langu. scit. Narrent illi templa totas
noctes: uarum precum fumantia odoramen-
tis, stagnantibus interea per pavimenta lacry-
marum

marum fluminibus. Dicant frequentes in Deū
 mentis excessus. Mirentur, cū circa te aut
 concionantem, aut animorum saluti varijs mi-
 nisterijs operam nauantem, populorum greges
 fluctuantem, adeò à rerum cælestium contem-
 platione nō auulsum, vt tuā naturā superior,
 beatis illis mentibus cognatus esse viderere,
 quas singulorum hominū commissa tutela ne
 puncto quidem temporis à felicissimo Dei ad-
 spectu auocare potest. Memorēt sollicitis arie-
 tatum votis cælum. regnum quippe illud pati-
 tur vim, & à violentis rapitur. O quoties tuis
 mixti suspirijs salubriores flauēre venti! O
 quoties tuis flammis in altum iactis, coërci-
 ti nubibus ignes mitiūs fremuēre! O quoties
 mutæ solitudines, tui amoris consciæ, pias de-
 sideriorum querimonias reddere didicerunt!
 Referant illi iidem in insulā Mauricā, ærum-
 narum omnium malorumque colluie, rātos
 cælestium voluptatum fluctus in te tumuisse,
 vt effractis animi claustris in oculos periculo
 cæcitatis erumperent. Regionem illam amor
 parens inter profusa gaudia luminum nouer-
 cam esse cogebat. Rerum tantū humanarum
 amatoribus hoc genus lacrymarum ignotum
 est. Iam verò quid illud? quā memorabile!
 quā celebri præconio posteritati mandan-
 dum! quòd nimirum Goæ in hortis domesti-
 cis tuum Xauii pectus diuinatum deliciarum

incredibilem copiam capere cū non posset, disruptum foret, nisi vis atq; impetus interior, factā sibi sursū liberā per os anhelantis viā, in hos euasisset sonos, *satis est Domine, satis*. In hæc te verba ardenti vultu, ac vibratis in cælū oculis sæpè prorumpentem, auriti viri, quos remotos credebas arbitros, audierunt. has voces piscari sunt, margaritis oræ Piscariæ præferendas. Ain tu, Francisce, *satis*? Mc ministine cū Romæ in quodam valetudinario, cui tu, vt aliàs alibi, Christi causā seruebas, Deus tibi per somniū non semel ostenderet, quanta te oporteret pro suo nomine pati, hanc voculam ærumnarum insatiabilem, pro responso abs te datam? *Plura*, Domine, *plura*. & quidem audiente Simone Roderico contubernali, cui tu postea effugitanti rem totam aperuisti. Quali diceres, non satis hæc, Domine, non satis. Quid ais Heros magnanime? Non satis igitur erit, cū in Lusitaniā in tuendā atque augendā religione, ac pietate Apostolorum vitam ac mores ita exprimes, vt te, ac nostros homines, Lusitani ad hæc vsque tempora, non sine maximo minimæ Societatis nostræ rubore, Apostolos nominent? Non satis erit, cū te immensa æquæ ac durissima terrā mariq; itinera diuexabūt. Non satis, cū mare, venti, procellæ, scopuli ac syrtēs naufragia molientur; cū terrestri itinere per inuias rupes atque regionum plagas

gastractum linquente spiritu corpus cruentabis, ut propagatis periculis semper perijsse videaris, modò errantium tot nationum gregibus iter ad cælum aperias? Quid, cum in nosocomijs te sponte in pestilentes pauperum tabidorum lectos transferes, eo illis, in quem te fors iecerit, commodiore concessio, ut tuæ caritatis salutaris contagione luem eorum animis corporibusque depellas? Quid, cum in nauibus prætorianis, ut alios Christi legibus adstringas, te ipse abiectissimo cuique seruitio nullâ existimationis ac dignitatis tuæ ratione habitâ mancipabis? Quid, cum te barbari, nihil aliud præter scelus ac cædem anhelantes, non solum ludibrio habitum & exosum conuicijs omnibus contumelijsque proscindunt, verum etiam in tuum exitiû impotenti furore armabuntur, si fortè queant aut te superare superbâ cum laude, aut abs te vinci, non sine grauissimâ tuâ pernicië possint: cum præterea contra Idolorum sacrificulos, quo nullum flagitiosius hominû genus, imò verò contra instructissimas vi & dolis dæmonum copias in te ruentes solis curarum laborumque legionibus præliaberis; ut stulta barbaries plus in Christianæ religionis defensione potentia, quàm in hostium omnium oppugnatione roboris inesse intelligat? Hæc tibi & pauca & leuia videntur? An non etiam satis erit, quâdo

in Indis ac Iaponensibus ab inueteratâ teterri-
maque mentitorum numinum superstitione
abstrahendis ac liberandis, te ipse, mixto san-
guine & lacrymis continuo sudore, conficies?
At quàm intoleranda erit illa calamitas, cùm
in regnum Sinarum penetrare non poteris!
Nónne per idem somnium præuides quid sit
præfectus ille Malacensium, illa peninsulæ pe-
stis, illud ornatæ ad Sinas legationis bustum
sceleratâ in Deum hominesque iniuriâ patra-
turus? quamquam enim alio ineundæ modo
profectionis tuæ, ac tentandi ad gentem adi-
tus decretum illo legationis incendio non de-
flagrabit, tamen fateberis nihil in vitâ tibi vn-
quàm grauius atque acerbius accidere potuisse.
O quàm ardentes sunt inuidiæ faces, quâ-
doquidem tu, tot prouinciarum domitor, eas
minimè poteris in illo superbo diuini honoris
latrone restinguere! Parùmne quoque esse ar-
bitraris, cùm toto decennio fames, sitis, æ-
stus, frigora, nuditas, paupertas, angores, ægri-
tudines, aliæque id genus malorum cohortes
in te assiduè conspirabunt? Sed ne verborum
cursus, tametsi magnanimi amoris tui patien-
tiæ ac fortitudini semper impar, in infinitum
abeat, totus vno summatim truncandus est di-
cto. Quidquid nimirum viua mortalitas quâ-
uis morte atrocius pati potest, id tum Deus il-
lis somnijs obiecit tibi, ac vaticinatus est perfe-
ren-

rendum. Quid ais, Francisce? An ne id quidem satis? O acerbitatum helluo, ô prædo cruciatuum, ô rapax gurgis naufragæ cuiuscumque præclaræ ad tormenta supellectilis! Itaque *satis Domine satis est* deliciarum, inquis, dolorum non *satis*. Horum videlicet fames ac sitis urgebat te: illarum verò desiderio minimè tenebaris. At mea me fallit sententia. cùm enim sua quemque trahat voluptas, consequens est, ut dolores sint tuæ deliciæ. dum igitur hos à Deo postulas, delicias poscis. quare non dolorum tantùm, sed etiam voluptatum incrementa desideras. Da veniam, Xaueri, tuæ eiga Deum amor ambiguam in me parit audaciam. Nec mirum sanè, cùm quò te ipse veritas non planè intelligam. Quid enim tuum istud, *satis est*, & non *satis*? respuis quod sorbere aues. Si te nimia dulcedine perfundi quereris, quid acerbitatis augmentum experis, quam scis summam tuam esse dulcedinem? Perpluit in te delicijs? Suspiras, & ais, claude cælum, Domine, increpa prodigas nubes. Reserantur fontes ærumnarum? inclamas, auari sunt. pande ostia, Christe, torrentibus. At dolores tuæ sunt gaudia, hæc igitur te penitùs obruent, illi verò te tantùm imbuent. Quid hîc ages? At si fortè vtraque te delectant, enimuero exclusis omnibus malis congreginasti felicitatem, & excidis vortio. Quid enim pateris? quid molestum illi esse potest,

potest, cui nihil est molestiâ ipsâ iucundius? iucunditas autem ea fruenti molesta esse non potest. In Euripo fluctuat aut tua virtus, aut mea stultitia. Neutra profectò. Consultius quippè loquar; ne quam ex me admiratio remuneratorem trahat. Nihil enim est in tuis arcanis perplexi; neque in hâc meâ piâ peruestigatione lenitatis. Sunt igitur ea quæ cursim recensui, sunt, inquam, Franciscæ Xaveri, tui amoris miracula. Non enim in tuâ virtute aut ratio leges, aut suas vires natura mutauit. Non voluptas doloris, neque dolor voluptatis tibi sensum eripuit. Nullus in tuâ mente stupor; nullus torpor in corpore. Quod cum ita sit, vnum tamen ex te scire velim, si rerum oblectantium pondus, quod satis esse dicis, ferendo non eras, quomodo tantam molestiarum molem, quam satis non esse censebas, sustinere potuisti? O vim incredibilem caritatis, quæ summi Christi amatoris, ac gentium Doctoris voces ad te rapuit. (cùm infirmior, inquit, fortior fio.) Quod si hac fortitudinis fiduciâ, divinæ dexteræ, solatia semper ingerenti, obniti quodammodo voles, dirutum robur in eiusdem Apostoli verba dissiliet. (Superabundo gaudio in omni tribulatione.) Sic ingentia flumina oppositis aggerum coercita munimentis turgescunt adeò & exundant, vt obicibus cuiectis ac disiectis, illatâ sibi violentiam vastis

in

in circumiacentes campos eluuiionibus vindicent. Sæpè visuses, Francisce, dulcia cum amaris in certamen committere: non secùs ac si his illa inuiderent. Hæc in te solâ discordia fuit. Nihil proficis. Læta & tristia te semper comitabuntur. Suus tamen his definitus est terminus: illis verò laxanda æternitas. Perge, tende, curre, succede in portum Sinarum. Ibi actuum omnium tuæ spectatissimæ vitæ parata cæstrophe. Ergo huc tandem aliquandò peruenisti. Vtinam sic illius regni obfirmata in nationes externas claustra perrumpere, pro animi cupiditate, potuisses! Audiam tibi ex alto placidè sic loquentem opinor, Deum, *satis est*, Francisce, cruciatuum: voluptatum *non satis*. Iam miseriarum finis, & felicitatis initium. Iam tuæ mortis interitus, & vitæ vita... Ego verò si tantum facultatis ad dicendum afferre possem, quantum in hoc tuo existâ mortalitate discessu virtutis eluxit, non tibi gemitu, quo te honorari vetas, sed câ, quæ tuis meritis debetur, oratione parentarem. Cuius enim oratoris tanta est eloquentiæ vis, vt aliquam partem eorum, quæ hac in statione perpessus es, aut copiosè pro magnitudine, aut exactè pro veritate, aut ornate pro gloriâ exprimere possit? Hæccine post tot rerum discrimina, totque annorû exantlatos labores, postrema tandè ad
quies

quietem sedes? Me dolor exanimat, obruit lacrymis, nec interruptæ singultibus voces meis me patiuntur saltem querelis liberè frui, cum te vir maxime, in vili tuguriolo, quod tibi obstetrix ad nouam vitam paupertas ramis arborum contexuit, stratum, ærumnis consumptum, mortiferâ febri æstuantem, desertum ab omnibus, omni ope subsidioque destitutum, & (quæ tibi clades maxima) præcisâ spe miserandis, & quidem adiacentibus Sinis opitulandi, afflictum ac gementem aspicio. Non enim is es, quem aut supplicij periculum, si longius progredi audeas; aut instans in isto frondoso ergastulo tuus obitus, si non possis, vllâ ratione commoueat; sed deploranda amplissimi regni perniciēs, animorumque ruina, cunctantem celerius opprimit in tuâ ægitudine vitam. Hæccine tantorum operum abs te concupita in terris merces? (cælestem enim à Deo paratam habebas.) Hæccine tam diu meditata & abs te tot maria emenso sperata Sinarum in campis satio & cultura, vnde copiosissimi fructus in Iapones, maiore quàm antea emolumento, transfunderentur? Humana mens procliuis ad errores, festinatum hîc haberet in lubrico lapsum, nisi cogitaret rerum euentus, qui spem debitam plerumque videntur eludere, diuinâ prouidentiâ in reconditos fines dirigi, suo postea tempore in maioris boni spectaculum

Iam aperiendos. Iam id palàm est. Iam Deus optimus maximus tuo annuit desiderio, votisque largiter fauit. Etenim quid in illâ vtraque prouinciâ Societatis nostræ homines te hac vitâ functo, ad hanc vsque ætatem præstiterint ac perpeffi sint, nolo meâ in oratione ponere, ne aures comuni omnium narratione iam plenas videar velle contundere. Iam tui vnus cupiditas expletur in multis; te te agis in posteris. ex te primùm & labor & fructus. tui sanguinis flumina in te Numinis placito compressa, inueniẽre in aliorum corporibus viam. in ijs feliciter vitam mortemque propagasti. Sic indefesso terræ non ingratae prouentu, & cælestium præmiorum fideli largitate, sua sunt egregiæ voluntati tuæ gemina præmia. At quò abstrahor? quò digredior? Ah! mi pater, deflectere à tui aspectu oculos non possum, & ille me perimit. O sol orbe in Occidente, cur tantum præceps in Oriente occidis? O parens, ô altor, ô columen, ô decus ac solarium tot regnorum ac gentium, siccine à tuis violenter auelleris, & quidem te, tuâ consuetudine, tuisque bonis, nunc & potissimùm, & maximè fruituris? Nihil enim tua ætas adhuc florens immaturum habet præter mortem; nihil annosum præter virtutem; nihil effœtum præter omnes in te cruciando dolores. Illæ iam in te lassæ, in nos vertuntur, fœcundæ ad nouum & acerbum ob tui

ob tui amissionem mœroris partum. Tua illa annorum viriditas rapitur ad sepulchrum, poscente cælo virtutis canitiem, Sinâ præsentiam. Nulla nunc præter hanc (si tamen vlla esse potest) in tuo amo. e fluctuatio. Constantia verò doloris in omnium animis cum illâ decertat. Illa tamen tandem sistitur, & in Dei voluntate pacatissimè conquiescit. at hæc augetur, dum te causam dante, lugere cogimur, & ventante, flere non audemus, veriti ne nostris lamentis, querelis ac mœstitiæ nubibus tui animi altitudini, patientiæ ac serenitati, quibus te vivo, honorem detulimus, iniuriam decedente faciamus. Nefas esse de suo malo dolere, summus dolor est: at potentius gaudium, si hunc interimat. Abs te vtrumque. Nunc siquidē affluentia voluptatis tuæ ita in nos redundat, vt præsentis nostri mali sensum obruat. O nostra suauitas, tuus amor infert medicata vulnera. Nostras igitur inter timida suspiria gratulationes cum cælestibus misceamus. Nō hîc, Franciscè, tibi iam Sinarum, sed æternæ felicitatis portus. Tibi se pandit cælum. tuo huic inuidere cœpit hospitio. O arbuta & virgulta feliciter ad hoc construendum diuersorium nata, Sinarum regiæ anteponendum! Nihil ynquam pulchrius obumbrastis. quamquam vestri nullus hîc vsus. suis vester hospes intus aidet ac lucet flammis. O fortunatum pignore
tam

tam caro secessum! O nouale nulli posthabendum telluri; quantam posthac frugum vber-
 ratem spondes! Si bona Sinæ nunc coram se
 posita nossent, labefactatis repente suâ cum le-
 ge tamdiu obstinatis limitum repagulis, aut te
 venientem excepturi, aut præ morbo moran-
 tem rapturi effunderentur. Verùm incolæ cæ-
 lestis patriæ te ciuem suum repetunt; tibi ob-
 uiam properant; tibi gratulantur; tua facta
 cõcelebrant. Summus inter illos imperator ti-
 bi manus præmijs prodigas tendit; suo te fo-
 uer amplexu, in thalamum immortalis connu-
 bij traducturus, amore vtrimque sollicito para-
 nympho. Astat filio parens Virgo, teq; blando
 vultu solatur. eius in gremio non agis animam,
 sed agitaram hucusque continuis pro commu-
 ni tam multarum nationum salute malis, dulci
 tranquillitate deponis. Surgit inter æmulos
 honores in te cumulando dissidium. Conuo-
 lant impatientes coronæ ad tuæ theatra patie-
 tię. Suspice in Beatorum domicilio sedem diu-
 turno tui desiderio & expectatione penè con-
 uulsam. eò conscende tandem aliquando.
 Fruere perpetuò illâ gloriâ, quam tibi tot cla-
 ro victorijs, tot triumphis onusto ac tam in-
 credibili meritorum magnitudine comparasti.

O R A T I O XXV.

Reliqua Ignatij vita Roma acta. Eius illic in omnium hominum procurandâ salute incredibile studium, atque industria.

Maximo me beneficio affici existimarem, si Francisci Xaverij, quem modò in cæleste capitolium euectum vidimus, funebres honores, meâ morte ac funere, tot orationum facto hîc sine prosequerer. Sic enim pij oratoris officium exhiberem, qui hæctenus præstare non potui eloquentis. Sed, quoniam superstes filio communis omnium nostrûm parens ab extremis Oriëntis finibus Romam me reuocat, spiritui, quem ab illo cum cæteris hausi, haberet indignus, si nondum persolutâ mei erga eum debiti postremâ parte, optarem reliquum mihi vitæ cursum laborisque præcidi. Sentio equidem quàm graue id sit, quod superest, oneris. Verùm cum muneris mei ratio non meis viribus, sed aliorum auctoritate nitatur, sustinendû: ne qui adhuc tuo inprimis, Ignati, sultus auxilio steteri, nunc videar, abiectâ fiduciâ, turpiter corruisse. Ad operis ardui molitionem magnanimitas & constantia cōsociant oportet manus. faustum huius sententiæ omen. confirmato animo hinc sermonem auspi-

auspicabor, vnde Ignatius religiosum Societatis Iesu ordinem tam sapienter conceptum, tam insignem, tam latè patentem peperit, erexit, stabilivitque. Ergo Xauerio adhuc in Lusitaniâ saluti animorum vacante, cùm Paulus III. Pontifex optimus maximus, introspectis ac diligentissimè discussis huius sacræ ac nouæ familiæ votis, legibus ac fine, addito quoque ad priuati singulorum Cardinalium iudicij prærogatiuam publico eorundem simul omnium consensu, illam approbasset ac confirmasset, continuò Ignatius sociorum comitijs Societati præficitur. Erubuère suffragia non necessaria. Cui enim alij committenda erat gubernatio, quàm auctori? Cui regimen filiorum, quàm parenti? Suum corpori est impostum caput. Hîc vidissès dubiam vtrimque nobilis pertinaciæ victoriam: illis debitum imperij honorem deferentibus, hoc acerrimè recusante. Nouit & animi demissio cùm vrgetur assurgere. Quanta vis pugnantis modestiæ, in cuius vulnera perspectæ sapientiæ necessitas ire cogitur! Cessit tamen Ignatius, ne nò magis seipsum, quàm sociorum suffragia, inò prærogatiua comitijs iudicia sprecuisse videretur. Suus cuiq; virtuti modus: hunc illi ratio, mihi verò meum, in dicendo, facultatis inopia definiuit. quamquam cuius tam soluta facundia, quæ per ea, quæ ille tam in Societatis

O R A T I O XXV.

Reliqua Ignatij vita Roma acta. Eius illic in omnium hominum procurandâ salute incredibile studium, atque industria.

Maximo me beneficio affici existimarem, si Francisci Xaverij, quem modò in cæleste capitolium euectum vidimus, funebres honores, meâ morte ac funere, tot orationum facto hîc fine prosequerer. Sic enim pij oratoris officium exhiberem, qui hætenus præstare non potui eloquentis. Sed, quoniam superstes filio communis omnium nostrûm parens ab extremis Oriëntis finibus Romam me reuocat, spiritu, quem ab illo cum cæteris hausi, haberet indignus, si nondum persolutâ mei erga eum debiti postremâ parte, optarem reliquum mihi vitæ cursum laborisqûe præcidi. Sentio equidem quàm graue id sit, quod superest, oneris. Verùm cum muneris mei ratio non meis viribus, sed aliorum auctoritate nitatur, sustinendû: ne qui adhuc tuo inprimis, Ignati, sultus auxilio steri, nunc videar, abiectâ fiduciâ, turpiter corruisse. Ad operis ardui molitionem magnanimitas & constantia cõsociet oportet manus. faustum huius sententiæ omen. confirmato animo hinc sermonem auspi-

auspicabor, vnde Ignatius religiosum Societatis Iesu ordinem tam sapienter conceptum, tam insignem, tam latè patentem peperit, erexit, stabilivitque. Ergo Xauerio adhuc in Lusitaniâ saluti animorum vacante, cùm Paulus III. Pontifex optimus maximus, introspectis ac diligentissimè discussis huius sacræ ac nouæ familiæ votis, legibus ac fine, addito quoque ad priuati singulorum Cardinalium iudicij prærogatiuam publico eorumdem simul omnium consensu, illam approbasset ac confirmasset, continuò Ignatius sociorum comitijs Societati præficitur. Erubuère suffragia non necessaria. Cui enim alij committenda erat gubernatio, quàm auctori? Cui regimen filiorum, quàm parenti? Suum corpori est impositum caput. Hic vidisses dubiam vtrique nobilis pertinaciæ victoriam: illis debitum imperij honorem deferentibus, hoc acerrimè recusante. Nouit & animi demissio cùm vrgetur assurgere. Quanta vis pugnantis modestiæ, in cuius vulnera perspectæ sapientiæ necessitas ire cogitur! Cessit tamen Ignatius, ne nō magis seipsum, quàm sociorum suffragia, imò prærogatiua comitijs iudicia spreuisse videretur. Suus cuiq; virtuti modus: hunc illi ratio, mihi verò mecum, in dicendo, facultatis inopia definiuit. quamquam cuius tam soluta facundia, quæ per ea, quæ ille tam in Societatis

vniuersæ regimine, tum in communis hominū
 salutis procuratione, tum in exercendis erga
 se virtutum incrementis, reliquo vitæ flexu, in-
 credibili labore ac diligentia gessit, pro digni-
 tate ac meritis possit excurrere? Alij conditā,
 alij conseruatā republicā aut vrbe aliquā sese
 iactasse memoratur. Nullus in hac partitā lau-
 de confictus Ignatij. totam sibi rapuit. Socie-
 tatem quippe instituit, rexit, amplificatamque
 rutatus est. & quidem adeo admirabili prudē-
 tiā sanctitati coniugatā, vt inter totius huius
 gloriæ partes nulla de feliciore successu disce-
 ptatio esse possit. Rara laus est, in rebus aut
 naturā disunctis, à se non auelli, aut magnitu-
 dine imparibus, sibi esse semper æqualē. Stant
 nostra omnia Ignatij legibus, & exemplo. hoc
 illas anteuertit. Operum consilio instituta
 prodiere. factis decreta digessit. Suas virtutes
 omnes paginis non amplis aperit: & se ipsum
 scribentē nō agnoscit. rubuisset è pudore cala-
 mus. In illis legimus non minùs quæ patrauit
 ipse, quàm quæ nobis agenda præscribit. Suos
 mores conuertit in præcepta; & hæc eadem
 documenta quoque sunt, quorum magisterio
 ambiguum redditur tanti legislatoris officiū;
 dum non minùs docere videtur, quàm iubere;
 neque magis hæc præstare voce, quàm manu.
 O artem non solùm operum imperatricem,
 verumetiam arbitram voluntatum! Colores,
 metal-

metalla, marmora sanctissimorum virorum effictis animata imaginibus peculiaris alicuius ac memorabilis facti notam atque insigne, quo inter se dignoscantur, prætendunt. Promat Ignatius, & conspicuâ efferat dexterâ legum codicem, quibus Societatem hanc minimam vinxit. ausim dicere, nullo iactantiæ periculo, sed veritatis authoramento, codicem illum eiusmodi esse, nihil ut aut ad sapientiam augustius, aut ad prudentiam perspicacius, aut ad virtutum adeptionem efficacius, aut ad animorum adiumenta potentius, aut denique ad stabilitatem firmitus desiderari posse videatur. Cùm igitur ijs Constitutionum suarum locis, quibus de perfectissimo animi cultu differit, viri religiosi, numeris omnibus absoluti, formam descripserit, eandemque in se viuis expresserit, profectò dum librum illum manu sustinet, seipsum compendio gestat. Quo fit ut in eius memoriam ac laudes nullum monumentum perennius, nullum nobilius trophæum, nullum simulachrum viuacius extrui, statui, effici possit. Et quisquam igitur dubitabit, quin in conceptu & partu Constitutionum, regulatum atque institutorum, quæ Societati nostræ seruanda præcepit, tot lacrymis oculos, tot precibus mentem, tot sacrificijs altaria, tot noctes vigilijs, tot ieiunijs corpus, tot curis tempora fatigarit? Quantos, Deus immortalis!

eius labores fuisse oportet, cum prodigiosus
 sui contemptor, miraculumque modestiæ, rem-
 totam, viri erat, iustâ oblatâ causâ, vltro con-
 fessus sit? Cum olim in sacri montis cacumi-
 ne primus Hebræorum ductor ac legislator,
 tonanti, quamquam mitissimus hominum, ca-
 ligine conuolutus, ac præpotentis Dei potius
 affatu, legem ab illo pronus accepisset, inde
 sub descensu conspicatus suæ gentis, è sagina
 saltantis, cæloque inter nubium fragores iacu-
 lante fulmina, belluam adorantis insaniam,
 hæssisset illicò præ stupore, nisi, tametsi patien-
 tiæ consecratum, tanti sceleris atrocitas raptis
 ad vltionem manibus furere compulisset. Edi-
 ta est tabularum strages. lapideæ ad saxa dif-
 fractæ. Vestris erant, Hebræi, durioribus con-
 terendæ ceruicibus, vt vestros inter saltatorios
 illos orbes, in caput auctorum diuini suppli-
 cij rota verteretur. At vero quis in tuum,
 Ignati, domesticum sacrarium sese immittere
 queat, relaturus ea, quæ cum Christo misce-
 bas colloquia? Quis subuolet tuæ mentis ex-
 cessibus salutaria nostris referaturus arcana?
 Quis tum tibi sensus inter nubes tuis conflatas
 suspirijs, tuis diffuentes imbribus ad filiorum
 fecundam propaginem? Nulla hîc fulgetra;
 nulli minaces aëris mugitus. Amoris vndi-
 que sese versat imperium. Nulla legibus tuis
 imminet, posterorum noxis, Deo iuuante, ca-
 lami-

lamitas. Circumspice toto terrarum orbe
 diffusos, adeò auidè tua dicta deuorantes, ita
 strenuè tua facientes iussa, tam exactâ disqui-
 sitione officiorum penso ius dicentes, tam
 frequenti lustratione obliuionis interciden-
 tes pericula, vt in exequendis mandatis, lau-
 danda cupiditatis sese in omnia diuidentis va-
 stitas sibi videatur angusta, dum putat nihil
 quidem sibi deesse quod possit, sed semper a-
 liquid superesse quod debeat. Quo fit vt ani-
 mus nutuum explorator languidâ parendi
 ambitione vulneretur. Sic ruarum institutio-
 num disciplinarumque vita suo se partu ab in-
 teritu vindicat. Nulla illustriora testimonia,
 quàm facta. Hæc habes à filijs parens, specta-
 tore omnium hominum cœtu. Quota enim
 quæque prouincia, quæ præter cæteros omnes,
 in virtutibus ac literis sui studiosissimos, non
 paucos quoque viros sanctitate ac doctrinâ
 insignes proferre pari suo cum honore, fructu
 ac lætitiâ possit? Horum partem etiam ante
 obitum, Ignati, vidisti, vt tua merita cuncta-
 tionem præmiorum vexantia, præriperent ali-
 quod, quo tuam istam vitam æternæ augerem,
 ad ærumnas breuiorem quàm credideras, ad
 solatia longiorem quàm optaueras, fuisse iu-
 dicares. Iam verò vt à domesticis rebus ad
 externas exeat oratio, cùm antea Ignatius in
 aliquot celebrioribus Hispaniæ, Galliæ atque

Italiæ urbibus, nouus Christi colonus in extirpandis hominum vitijs, in ferendis virtutibus, copiosisque subindè fructibus calo transmittendis, ea, quæ suprà commemorauimus, communi opinione maiora præstiterit, quid non iam ab illo peritissimo æquè ac exercitatissimo agricola tantæque familiæ principe perfectum esse dicemus? cùm adhuc in Christi militiâ tiro, tam præclaras de potentissimis salutis humanæ hostibus victorias reportarit, quos non triumphos, quam non est gloriam veteranus ac se semper superior imperator consecutus? Hic ego non minùs animo, quàm sermone fluctuarem, nisi me impotentem dicendi, è suggestu, rerum ab illo gestarum magnitudo in sui theatrum toti terrarum orbi patentissimum, condonato silentio, spectatorem vocaret. Opportunum oratori beneficium est, si munus ingenij ac linguæ, quod exercere non potest, vertatur in eius oculorum atque aurium vsum. Nescias vtrum vir ille, omnis facundiæ terror amabilis, ingeniosior fuerit in excogitandis, an felicior in perducendis ad exitum consilijs atque artibus, quibus hæreticorum, aliorumque Christi hostium cæcitati lucem afferret, Catholicos verò ad vitam ac pietatem suo dignam nomine ac religione formaret. Romæ siquidem tanquam in arce Catholicæ fidei, ac gentium omnium

omnium luce, prima spectacula eius operum. Ab hac vire Collegio totius Societatis primario & maximo, eiusdemque sapientissimi viri operâ condito, nomen est. Collegium Romanum exemplar & origo est aliorum omnium, quæ in cæteris provinciis erecta sunt, viuo adhuc ac Societatem gubernante Ignatio. Hic delecti ex omnibus nationibus Societatis iuvenes suo singuli vacant, & patriæ bono. Hic ad omnes virtutes pietatemque singularis educatio. Hic disciplinarum inexhausta pædagogia. Neque verò hic erga nostros tantum, verum etiam erga cuiuscumque conditionis externos, magistrorum moderatorumque defudat industria. Solus his Deus pro mercede. Quam maiorem expectent? At nunquid longius quam in Collegium Romanum sese Ignatii providentia protulit? Pande Roma urbium parens alumnis aduenis sinum, è quo, tanquam orthodoxæ doctrinæ fonte, purissima in eorum provincias flumina deriuentur. Agnoscat Germania, quantum huic vigilantissimo viro sit obstricta; quo auctore Collegiū sibi institutū quid opis atque adiumenti ad veram religionem tuendam, & extinguendam hæresum pestē ad hanc usque diem suæ genti attulerit, habet dicendi copia quod pro merito debeat, nō quod pro rei magnitudine possit effari. Dies ducitur è die, & ex opere opus. Felici tentati gloriosi

riofa facinoris euentu nullum ad alia inuitamentum vocalius. Nimirum ecce tibi poſtea, quamquam pernix illa quidem, tardior tamen ad commendationem fama, quam æmulatrix caritas ad imitationem. Circumſpice, quiſquis es Romæ nouus hoſpes, Græcorum, Anglo- rum, Maronitarumque Collegia, tanquam ſeminaria ad bonorum aceruos, quibus illæ provincie illata luctuoſiſſimis temporum calamitatibus damna reſarciunt. Quis ignorat hæc à Gregorio XIII. Pontifice maximo, cui celebrando nihil, præter ſui breuitatem, ſeculis obſtat, erecta, cenſuque annuo dotata eſſe; donatis quoque Collegio Germanico, vnâ cū neceſſario prouentu, amplis ædibus, vt quod ab Ignatio maturè ſibi, nobis immaturè ſublato, perfici non potuerat, tanti Paſtoris pietate ac magnificentia compleretur? Quid commemorem Seminarium Romanum, florem atque ornamentum Italicæ iuuentutis? Sed, prò Deum immortalem! quid me Romæ contineo? foras, immotus tamen excedam. Verùm ne me propterea, amice hoſpes, ducere pompam cogas, ne arcta oratio rerum multitudinem excutiat, ſplendoremque ineptus orator obſcuret. faciamus vterque labori noſtro cõpendium. Ad gymnaſium Romanum. conſcende aulam maximam. circumfer oculos per inductas vndique parietibus imagines.

ſtans

stans vno in gradu terrarum omnium regio-
 nes peragrabis. Nonne vides tot Collegia, tot
 Seminaria, tot tēpla, tot aedes Catholicæ reli-
 gioni aut stabiliendæ, aut propugnandæ in
 omnibus fermè prouincijs cōsecratas, vt quos
 peculiare alumnos vnâ omnes in vrbe non
 posset, bonus Pastor aleret ac foueret in pluri-
 bus? Hæc simulachra, hæ statua, hæ trophæa,
 hæc monumenta Gregorij XIII. toto terra-
 rum orbe visenda. Non est quod marmora re-
 cidantur è rupibus ad sepulchrum. illo tot ac
 tam diuersis in locis superstite. Memoria quæ
 in his spatiaur aulæ picturis, vbique viuit in fa-
 ctis. Sed quid hæc, inquires, ad Ignatium? Im-
 mò verò. partus, videlicet, partum euocat, &
 educit. Ab vnâ radice non vnus tantum fru-
 tex, neque vnus à copioso vndarum capite
 ripus. E rerum successu petenda origo. Itaque
 rei pro salute hominum à vera religione aber-
 rantium benè gerendæ, Ignatij, iam tum vitâ
 functi, perspecta omnibus consilia, Gregorij
 animo suggerebant modum, vota decretum.
 adeò vt cæterorum quoque operum omnium,
 quæ postea Summorum Pontificum, regum,
 principum, aliorumque cuiuslibet status ho-
 minum singulari beneficio, ad publicam in re
 literariâ, probisque in primis moribus utilita-
 tem effecta, nostræque Societatis disciplinæ
 ac fidei tradita sunt, res Romæ ab Ignatio
 gestæ,

gestæ, aut exordia, aut semina, aut exemplaria
 fuisse censeantur. Ad illas me refero. Nullus
 enim est eâ in urbe, qui nesciat cœnobium
 Divæ Marthæ, arcem tutandæ pudicitie mu-
 lierum à maritis dissidentium; donec illis re-
 concilientur; pariterque Divæ Catharinæ, vir-
 ginei puellarum cœtus custodis, sacram do-
 mum, Ignatii consilio & hortatu, à viris pri-
 marijs, penes quos esset gubernatio, conditam
 esse, atque optimis legibus stabilitam. Neo-
 phytorum quoque sedem, quod eius opera ef-
 fecta sit, honori tibi maximo ducere. Quid il-
 lud! quàm salutariter instauratum! Lex erat In-
 nocentij III. Pontificis maximi, ne medici ad
 ægrotos, quos primò semel inuississent, iterùm
 adirent, nisi peccata ritè confessos. hæc de-
 suetudine ferè antiquata, Ignatii studio ac
 procuratore reuocata tandem est, quodam
 tamen moderamine mitigata. Sux sunt ani-
 mo ægritudines, & quidem multò plures gra-
 uioresque quàm corpori. Sanam tamen inter
 se quæstionem habent, vtra sit maior, indolen-
 tiæ, an contemptus. O nos miseros! Amo-
 liendæ morituro corpori morti, verendum est
 ne ipsæmet medicæ artes intereant, immorta-
 lis verò animus nullo, ne seipso quidē, curato-
 re, liberè mori compellitur: & sub tamē in in-
 teritu vivit, vitâ quavis morte corporeâ lu-
 ciuosiore. Corpus animi mancipiū, hospitiū,
 & cu-

& custodia est. Seruitur mancipio; agro hospite ministratur hospitio, & vineto vitis corrupto custodia vertitur in sepulchrum, cui vel medico igne ac ferro indelebilem vitam incidere nitimur, dum suam animo eruiamus. Auro flagellantur medicorum manus, nullo, nisi animi nostri, vulnere. Exhaustiuntur arcae, & nostra simul ditescit insania. Nunquam tam pacato stupore deliramus. Comparatum peculium plerisque capitale est curato animo, & fraudato corpore. Hæc erat cogitatio quæ mentem ac sensus intimos Ignatii torquebat. Eam ille tam diu concoxit, donec vi legis illius, quã dixi, digereretur ad nobilissimam hominis partem ægritudine liberandam. Est & aliud malum, ei, quem modò commemoravi, morbo affine. in alterius videlicet animi cultum incumbere, suo inculto atque horrido. Cui, amabo te, istiusmodi hominem comparaueris? appositè, meâ quidem sententiâ, statuatio torvis oculis, distorto naso, buccis fluentibus, gibbo, claudo, manibusque scabie munitis pulcherrimam, atque omnes corporis partes ad miraculum exprimentem in ære aut marmore imaginem effingenti: nisi quòd artificis excellentiam nihilominus admiramur, de corporis eius vitio non laboramus. Phidiam in Therſite non fugiam. Pingat Apelles in Æſopo, tabella huius osculabitur

ma-

manum. Decora manus non quæritur ad statuæ formam; neque teretes ac niuei, sed doctè versatiles articuli ad pretium pruriunt. Frons deformis sudare potest in opere specioso. Quis verò sanæ mentis malit sibi lapidem scalpi auro, quàm ferro? At profectò nō eadem in moribus ratio. Nā quid absurdius, quàm alicuius mentem spinis obsitam purgare, quibus ipse horres? aut vitiis quempiam exuere, quibus indueris? Aliorum, non tui, misertus, te pium inhumaniter reddis. Quorsum ista? vt videlicet è tribus huius orationis partibus, à me sub initium indicatis; hæc postrema suum nunc habeat locum.

ORATIO XXVI.

Ignatij animus omnibus virtutum numeris perfectus.

Ignatij singularis sapientia non solùm in Societate constituendâ eluxit; neque solū ad inflammandos diuino amore homines eius caritas arsit: verumetiam cū suas sibi res imprimis agendas esse intelligeret, in omnibus suis moribus ad exquisitissimæ sanctimonix apicem euehendis, curas, vires operamque consumpsit. Quòd si pristinum illud Minoreffanū tempus, perfecti animi adeptione traductum, secum ipse postea tirocinium quoddam fuisse

reputabat; si quis rectè ratiocinetur, in eius
 prouectioris vitæ laudatione consummatam
 cuiuscumque oratoris eloquentiam non nisi
 rudimentum fuisse iudicabit. Quamquam sa-
 nè cùm tanti Herois virtutibus templa, gym-
 nasia, fora, compita, scriptorum volumina, at-
 que ora disertorum hominū quodammodo a-
 gitentur, tumultuaria horum omnium emula-
 tio, raptis atque attonitis rerum admiratione
 animis, nullum cedit ad styli censuram locum,
 nec temporis spatium. E tam officiosâ contur-
 batione nudum auribus præconium incidit.
 quo fit ut ipsâmet laudati viri magnitudine
 pudor, & infinitâ laudantiū multitudine mi-
 hi labor in dicendo minuatur. Peruulgata I-
 gnatij vitæ morumque ornamenta omnia, cō-
 modo beneficio sermonem, qui prolixius a-
 liàs deberetur, mihi vertunt in summā; eorum-
 demque vasta celebritas sedem mei pudoris
 occupat. Nam quid ego ad illius excellentis-
 simi viri virtutum aut cognitionem noui,
 aut dignitatem singularis asferre queam?
 an accuratam sui ipsius depressionem, quā
 sibi mortalium omnium infimus videba-
 tur? an quā Societatis supremum regimen, cui
 oneri iam coactus humeros subiecerat, sæpè à
 se postea tentauit omni arte conatuque depel-
 lere? an quā Societatem, cùm non se, sed Chri-
 stum illius auctorem agnosceret, non à suo, sed
 à lesu

Iesu nomine appellandam putauit? Quid, cum pueros Christianâ catechesi erudiret? Nunquid hoc à suâ grauitate alienum existimauit, quo se potius indignum iudicabat, memor illius, cuius laudem ex ore infantium & lactentium perfectam esse sacræ testantur literæ; nec non huius vniuersitatis contemplator, in quâ, videlicet, à Deo optimo maximo, cuius potentia procreati sumus, & sapientiâ gubernamur, sua sunt rebus omnibus ad debitum statum initia, neque id eius obscurat gloriam, nec minuit maiestatem? Quid, cum vir eo dignitatis atque auctoritatis gradu sublimis, ad infima domestica munia non solum sese vltro frequenter abiecit, verum etiam cuilibet laico fratri huiusmodi ministerijs dicato tam alacriter paruit, vt non modò titones viderent quid discerent, verum etiam eorum institutores haberent quod imitarentur, dum docerent. Sed hæc animi tanta demissio cum oppositâ eiusdem altitudine spectatorem ita distrahunt, vt neque oculos in hanc erigere, neque in illam demittere nisi perturbatè queat. Laudem partiri nescit, tota vicissim ex alterâ in alterâ rapitur. Suas actura partes inuidit magnanimitati constantia. Nullum quippe opus, quantumlibet arduum, ad Dei gloriam in se recepit, quod non vel vitæ pretio sibi præstandum esse decerneret. Quos non ille ventos vidit, quas

quas non subiit frequenter procellas? Adcò
tamen nullis vnquam tempestatibus cessit, vt
illæ potius vires eius augerent, & spem bonam
accenderent. Suum semper, Dei beneficio,
constitit & viribus opus, & spei euētus. Eā verò
fuit māsuetudine & comitate, vt nescias an fa-
cilis fuerit eius cōsuetudine capi, an difficilius
ab illâ remoueri; eo in iniurijs condonādis stu-
dio ac diligētia, vt illarū in eius animo sola ef-
set hæres obliuio; nisi quantum iuri recorda-
tionis concedendum esset, ad preces Deo pro-
crimatore fundendas. Si quos fortē inimi-
cos non cognita eius virtus, aut exosa fecisset,
eos tantis demerebatur beneficijs, vt, si fas
fuiſſet (quod absit) eorum improbitas potue-
rit ad confirmandam in illum malevolentiam
stimulari. Si quid verò aliorum cuipiam, vt
fert natura, errati excidisset, hoc à delinquente
agnito; nihil illo pronius ad ignoscendum.
Quod non supplicium meretur reus, cui ad
confessionem offertur pro quæstione venia?
Cum tamen res exigere videbatur, composito
ad seueritatem vultu, aptabat verba, quibus
vulnus ad sanitatem aperiret, non autem illud,
idem vulneraret ad mortem. Congeminanda
sunt medicamenta, non vulnera. Adhibito ve-
rò remedio, & curatione perfectâ, ita se gere-
bat, vt hunquam aliene præteritæ culpæ ob-
ductam cicatricem scalpere videretur. Mor-
uum

ruū peccatum extinctā quoq; memoriā prae-
bat ad sepulchrū. nihil in hoc legisses præter
litturas. Luēdāne perpetuò delicti expiati pœ-
na? Iam verò sapientiæ ac prudentiæ Ignatio
diuinitus infusæ tam illustria sunt, & quidē vi-
ua in omnium oculis monumenta, tam admi-
randa in rerum ab illo gestarū historijs acta, vt
mihi ad dicendū longè impari, temeritatis pe-
riculum venerando silentio redimendū putā-
rim. Quid cæteras eius virtutes prædicem? De
ijs enim præteritis orationibus disserui. quam-
quam equidem exiliter pro magnitudine. &
tamen hanc postea, Romæ dum vixit, reddidit
auctiorē. Multò igitur minùs mea in dicēdo fa-
cultas cum illo augmento affurgit. Verū id
meæ non officit volūtati. nullā quippe virum
meorum habitā ratione, totius laudis summam
breui sententiā comprehendam, si dixerō, I-
gnatio omnibus virtutum numeris antè perfe-
cto, nihilominus vnum eundemq; & reliquæ
vitæ & continui earū incrementi finem fuisse.
Nam de admirabili eius pudicitia & castitate
quid attinet dicere? Quis, ab eo quidem certè
tempore, quo vitam cum militiā mutauit, ad
impuram voluptatem consensus eius esse po-
tuit, cum omni prorsus illius sensu ita caruerit,
ac si beatarum mentium instar, ab huius esset
mortalitatis contagione seunus? Hoc ille
est, vt suprā memorauī, à Beatissimā Virgine
bene-

beneficium consecutus. Nihilominus adeò pertinax fuit sui corporis vexator, ut, licet tot antè annis de se magnificè triumphasset, tamen non minùs sui semper sibi rimendus hostis, quàm victor securus esse videretur. Extractum bellum sociabat paci ad præsidium. Ad astruendam verò incredibilis eius erga omnes caritatis fidem, quid est quod quisquam afferri oportere arbitretur? Veritatè per se loquenti argumenta conquerere iniuriosi laboris est, & solem illustrare velle, infani. Cùm tamen debitis merita sint effrenda præconijs, iam Minoressa, Barcino, Lutetia Parisiorum ac Veneta ditio, iam Roma ipsa, totusque adeò terrarum orbis incomparabili tanti viri virtute facundissimorum hominum dicendi vim facultatemque consumpsit. Quo fit ut nunc mei tantùm muneris sit, ea Ignatij acta silentio, non voce contrahere. Insolens oratori leuamentum est, si minimè id exigi à se sentiat, quod maximè deberi videbatur. Quòd si tam effusa fuit illius beneficentissimi viri erga omnes caritas, quanto in Deum amore æstualle censendus est, è quo totam illam hausit, tanquam, non dicam fonte, sed pelago? Hinc frequentes in Deum mentis excessus. hinc populata cælestibus flammis præcordia: quas cùm intùs coërcere non posset, fiebat ut subinde in oculos

ac vultum eius erumperent. Incendij vim vi
Christianæ humilitatis repellere nitebatur.
Sed illud eo potentiùs sauebat. Hoc tum erat
in Ignatij pacatissimo pectore prælum, se ipse
prodere cogeatur. Sed eius nomen consen-
tiebat, ne quinquam falleret. Suspiciere iden-
tidem solebat cælum. Eò scilicet figebat ocu-
los; quò amor collimabat; vt mixta suspirijs
desideria iacularetur. Inde non autem ex istâ
infirmâ terrestri mole, nubibus euocatis, sere-
nissimus ille vultus tacito imbre oculorum no-
râ sibi soli dulcedine perfundebatur. Quid
continuum forandi studium referam, adeò dæ-
monibus formidabile, vt odio in rabiem ver-
so, constantem atque immotum in precibus
vitum flagris immanissimè fermè concideret &
furor exacerat. Eo ardentiores scintillas suis i-
cibus excutiebant ex hoste Ignatio. Nulla si-
lex in eos durior. Sed quam nō ille materiam
suo igne corripiebat ad pabulum? Nihil in hoc
mundi pulcherrimo amphitheatro eius obij-
ciebatur oculis; à quo non statim in condito-
ris contemplationem conuèrteretur. Nulla
verò tum vicissim diuinis sagittis otia. Quò
enim se tot inter rerum species rulsset animus
diuino immanis à vulnere? O felices amoris
plagæ; & quidem decurrente quotidiano &
geminis Ignatij luminibus, non doloris, sed vo-
luptatis flumine confouende! Quàm ambigua
est

est lacrymæ natura! hic humor cui libet mentiri potest, præterquam ploranti. Nihil tamen propius fuit, quam ut claro cæcitatis periculo, in lacrymis illis deliciosissimè noxijs, natantes eius oculi mergerentur. Operosiusne sit ciere sibi lacrymas, an sistere, suus cuique sensus est. at hominem earum arbitrum esse, planè inauditum. In mores, non in naturam libera illius dominatio. Sed potentia diuinæ quid obsistat? Ab hac Ignatius in lacrymas adeptus imperiū est. Procul hinc non minùs perdit, quam fabulosi Ioues, Æoli, ac Neptuni. Nullus vobis in nubes, nullus in ventos, nullus in mare principatus. Tu Ignati aliarum nubium, ventorū atque vndarum prodigiosus imperator. Idem tamen ius nō fuit, nec esse debuit in tuos ignes. His adhuc continuè flagraſti: licet mitigando, si posses, ardori subindè reſerares lacrymis claustra. Verū iam instat tibi vitæ mortalis terminus, sempiternæ felix initium. Creuere nimium flammæ. nullis ampliùs temperari fluminibus possunt, mox cælestibus inuoluendæ incendijs. Laxa tamen euerso vndique aggere torrentibus vias, æternarum voluptatum miscendis Oceano. ut te cælo præstolante nunc quiescas, amoris & vndis obrutus, & igne consumptus.

O R A T I O XXVII.

I G N A T I I *felix obitus.*

QUod bonum, felix, faustum, fortunatumq; Ignatio fuit, in beatæ perennitatis præmia tot ac tantis eius debita meritis, à Deo immortalì vocato, neminem esse arbitror, qui non existimet illud idem cum toti terrarum orbi, tum nostræ inprimis Societati tanquam luctuosum eo tempore accidisse. Etsi enim diutius vixit, quàm exantlatæ ab illo curæ, labores, ærumnæ communibus votis polliceri viderentur; tamen cum nondum summâ senectute occubuerit, fieri non potuit, quin tantum omnibus mœroris accederet, quantum annorum de tam præclarâ ac fructuosâ vitâ decessit. quamquam profectò nec diuturnior illius ætas steriles molestiæ omnium animos reddidisset. plerique siquidem bonum possessum metiuntur, non temporis cursum. Attamen cum viri sanctitate insignes, heroësque præstantissimi, non tam sint à Deo bonorum largitore donati, quàm concessi mortalibus, tunc par fuit, ut beneficij tot annis concessi magnitudinem agnoscere, ita perpetuæ Ignatij gloriæ gratulari; ne quis reperiretur, qui plus iacturam ab hominibus factam, quàm illius felicitatem æstimasse iudicaretur. Verùm quæ tandem iactura esse potuit, vno eodemque

que rebus humanis & extincto & superflite viro? Hæreditatem fructuum hîc nobis à se relictam, nouis ac nunquam interituris cælestibus opibus à se comparatis auctam stabilitamque seruabit. Sic & suo & suorum bono ademptus est. Ipsemet discessus secum attulit qualicumque à se inflicto vulnere medicinam. malum remedio præuentum. subito inter communem tristitiam & spem bonam diffidio, mœrorem solatium occupauit. Maior quàm vnquam antea optimi parentis ex hac mortalitate abeuntis, diuinæ voluptatis copia ita filiorum sensus peruasit, vt eorum vultum dubijs omnino aspergeret molestiæ notis. Nullo vnquam tempore aut loco non potuit Ignatius non maximè profuisse. Ergo cùm eâ tempestate, totâ discordijs ac deplorando bello ardente Campaniâ, Romæ armis omnia streperent, sanctissimo viro non minùs huius vitæ pertæso, quàm alterius cupiditate incenso, instare visus est dies, qui tandem illi ad æternam beatitudinem illuxit. Decubuit leui ad speciem tentatus febris; adeò vt illâ minimè soluendus corpore animus, sed solum ad cælum inuitandus videretur. Augur futuri, non suam, sed aliorum opinionem fefellit. Vt suo desiderio moras, sic alienæ solitudini laborem curationis abruptit. Mirari omnes, accurrere, fluctuare animis,

procumbere in vota. Ille nihil commotus, utpote felicissimæ horæ non dubius, incredibili tranquillitate ac lætitiâ, animo atque oculis in Deum beatæque patriæ obuios incolas erectis, suauissimo Iesv nomine, quem sibi cum Virgine Matre astantem videbat, inter mortuis quidem vocibus, sed mente viuaci repetiro, animam, in cælesti regno magnificentissimè triumphaturus, efflavit. Hæc cursum retuli. Ægritudinis breuitati congruere visa narratio. Nunc utinam tanta sit in me ingenij vis ac dicendi vbertas, ut quæ tum in hac oratione adhuc à me de Ignatio repræsentanda sunt, tum in aliâ sequenti, atque omnium postrema de admirandis illius ac Francisci Xauerij commemoranda prodigijs, si non pro dignitate, certè quidem quoquo modo exequi possim; ne fortè deficientibus viribus, conatus (quod absit) defuisse videatur. Ut igitur eò quo tendit, prouehatur oratio, illud in primis prætereundum non videtur, Ignatium, Societate tot ante annos constitutâ, eiusque rebus perfectè compositis, adeò ut per duodecim prouincias ac centum domicilia distributam videret; tamen vltimo actu, quo hanc, alterâ sibi patrefactâ, vitam clausit, ita se gessisse, quasi nihil omnino ad tale ac tantum huius religiosæ familiæ opus contulisset. Solenne est vel sanctissimis aliorum Ordinû auctoribus, cōuocatos sub obi-

tum

tum suos blando solari alloquio; salutaria monita testamento legare; denique dicere potestum vale. Totum hoc officij genus Ignatij modestia non agnouit. reliquit taciturnitate documenta. cum enim secum ipse reputaret, Societatem esse IESU, non suam, tacitus profiteri visus est, solum Iesum Sociorum parentem, se tantummodò fratrem. Virtus nullo non tempore meditatur ac surripit lucra. quo fit ut & hunc quoque summæ sui despicientiæ fructum decedens Ignatius in altissimam gloriæ sedem extulerit. Descensu cunctus est. Venit mihi in mentem superbiæ primorum hominum post terrarum omnium eluuiionem, qui cum, ut est in sacris historijs, turrim, quò caput non poterant, astris affinem erigere molirentur, surgente opere, descendisse narratur Deus. Docuit scandendum retrogrado motu. temeritatem humaniter fregit. Consilium illis erat perpetuam sui memoriam struere ac stabilire: quibus artibus? cocto latere ac bitumine, Vah! quale in primo hominum conuentu delirium! Mirum est, ne in communi quidem fermè recenti diluuiò humanam stultitiam potuisse naufragium facere. At Ignatius, nisi fortè id in aliorum detrimentum cederet, maiori semper studio arsit suæ abijciendæ, quàm ceteri retinendæ dignitatis. Metus verò ne quid etiam inde laudis, quam adeò refugiebat,

bar, agnita virtus secum traheret, curam hanc laboremque vehementer augebat. Versuta siquidem est plurimorum improbitas, eum ipsum honorem, quem spernere videntur, ambientium. Sui ludibrio venerationem aucupantur; adorant, quam vitiosè proterunt gloriam. fastus plerumque se condit in tumultum, ut facti admiratio cultum adducat. Catonem, non magis suæ, quàm alienæ vitæ censorem, cupido aliquando incessit Asiam pedestri itinere peragrandi. Obequantibus amicis, pedes ibat eius ambitio, ad gloriam capitis. Ergo ingressurus Antiochiam, cum ad urbis portam, populum obuiam confluentem, iuuenumque agmen in veste candidâ nitens hinc inde dispositum vidisset, ratus id sibi honoris haberi, confestim comitibus equo desilire iussis, apparitores suos iracundè obiurgat, quòd his civium officijs non obstitissent. Mox à procedente pompæ ductore, ne salutatus quidem, interrogatur, quantum abesset Demetrius. (is erat Pompeij libertus.) socijs tum, ut par erat, in risum effusissimis, hanc ei solam stupor vocem reliquit, ô miseram, inquit, civitatem! Immò verò te miserum, Cato, qui ad ignominiam concidisti, cuius te cōtemptorem de Stoica disciplina profitebaris. Turpior fuit casus peditis, quàm equitis fuisset. Vanitati tuæ fucum fecisti.

Vir-

Virtus non mentitur sibi. Quàm bellè id accidit! Quàm ridiculum facinus, Pompeiano seruo libertate donato, Romanum principem suæ ambitionis esse mancipium; sudare pedestrem ac puluerulentum Catonem, stertente ad flabelli ventum rosâ in lecticâ Demetrio! Tantine constat insanire? præstat sapere gratis. Sed mittamus cunicularias istas nobilis famæ mendicitates. veniamus ad conspicuam non quæsitam gloriam. Quid mirum, quòd Ignatius non minore studio laudem, quæ poterat è contemptu sui honoris suboriri, quàm honorem ipsum auersaretur, cùm se semper, suæque omnia in maiorem solius Dei gloriam conuertisset. Modestissimum virum non modò magni nominis lux, verum etiam vel vmbra ipsa terruisset, nisi in eum iamdiu istiusmodi rebus extinctum incurrisset, Tam altè perpetuò eius menti, consilijs, decretis; dictis factisque maior Dei gloria defixa est, vt hoc illi peculiare debeat elogium consecrari. Si autem, quod nonnulli quondam Ecclesiæ Catholicæ sanctissimi Patres erga se præstiterunt, fas esset pluribus dictionibus conflatum nomen imponere Ignatio, hæc vnus, meâ quidem sententiâ, nobilissimæ vicariæ, per annales ire possent, eiusque imaginibus singulari notâ, luculenter inscribi: AD MAIOREM DEI GLORIAM. Hæc illa est,

est, cuius amor graui aliquo nascente pro aliorum salute, aut felici Societatis statu negotio, si fortè magnanimus vir, aliàs imbecillæ valetudinis, insolenti quapiam ægritudine vexaretur, sic eius facultates corporis inuadebat, vt non solùm iacentes excitaret, verumetiã maiorem quàm antè alacritatẽ ac robur afferret. Artem medicam nunquàm sibi salubriorem nactus esse perhibetur. Optabilis videri poterat filijs eiusmodi languor parentis, quo subinde vegetior surgeret. Periculum interitus securitatẽ vitæ astruebat. Hæc illa est, ad quam cùm innocentissimæ vitæ rationes omnes atque acta componeret, fiebat vt eã tranquillitate fruëretur, quam nulla posset rerum vicissitudo commouere. A medico æger admonitus aliquando, vt tristitiæ nubes, si quæ fortè sibi oberrarẽt, aduectâ serenitate depelleret, sese collégit, & conuocato mentis senatu, disquirat ecquis turbo excitari posset, qui animi sui malaciam excuteret. Cùm nullus omnino sibi timendus videretur, medici consilium quæstioni, quæstio quieris augmento causam præbuit. Illa denique est, in cuius gratiam sedato animo tulit, quòd cùm martyrij amore arderet, huius cupiditatis flammæ suo sanguine non posset extinguere. Nulla eius patientiæ materia maior vnquam fuit, quàm cùm patiendi materia ipsa deficeret. Quis ille im-

impious religiosi Ordinis, Ecclesiæq; Catholice desertor, qui nefarijs conatibus suis Ignatio sese opponenti extremos cruciatus imprecabatur? hoc, hoc, inquam, erat, quod tantopere Ignatius experebat, pro defensâ fide Catholicâ. Enimvero quod potius illi perduelli latroni debebatur pro impugnata. Non ferrum, non feras, non ignes, nec vlla tormenta invictissimi heroïs animum sensusque flexissent. In ultimâ Indorum barbarie segnes in sui cædem leones animasset, ut quondam Romæ generosus Martyr Ignatius. Quis non existimet sacrosanctæ Lateranensis Ecclesiæ veneranda loca pie obeuntem, in ipso amphitheatri transitu tanti Christi athletæ memoriâ solito vehementius perculsum, atque ad eius sepulchrum, illinc non longè in templo Divi Clementis positum, orantem ingemuisse, quod communioni nominis sola esset in exitu vitæ sanguinis cognatio de futura? Non tamen deerit, o Societatis amplissimæ ac fortissimæ auctor ac princeps. Tu invictorum Christi militum parens, relinquis tuæ voluntatis hæredes. Quam in te vno patiendi sitim minime potuisti, explebis in multis. Superstes quodammodo eris. Quot Christi causâ vitas abijcient, subiturus es ipse tot mortes, adeo ut non tam eos subrogasse, quam gloriosi facinoris socios habuisse videaris. Iam in te felicia Christi

causâ

causâ tormenta propagasti. Spectabis è cælò
Iaponum gladios in tuorum corpora lasciuiē-
tes: superbos exhaustis iugulis mucrones: in-
terdicta carnificinis ieiunia: angustas ergastu-
lis vrbes: grauidas ferro fodinas toto eiecto
fœtu exoneratas ad vincula: læsæ maiestatis
rea nemora syluasque ad rogos & patibula
deficiente materiâ: in ius vocari suppliciorum
inuentores, si quod aut ad nouitatem, aut im-
manitatem, aut numerum ab innocentum
corporibus defuisse deprehendatur. Eadem
tibi apud Indos, aliasque gentes theatra pan-
dentur, vbi conscleratorum Christi hostium
parricidalis furor palàm faciet, fide perfidiam,
temeritatem consilio, audaciam fortitudine,
patientiâ crudelitatem ita superatam profligatamque, vt gloriosâ pro tuis, infami pro ad-
uersarijs catastrophe tragœdia tota claudatur.
Sic igitur, vt dicebam, eris in filijs, parens,
socius pugnæ, particeps victoriæ, consors
triumphi, ad noua semper, in perpetuâ iam
abs te possessâ felicitate, lætitiæ incrementa.
Quid, cum nescio quis archipirata Caluini-
anus, tametsi tranquillo mari, vesanis animi
uentis quauis procellâ truculentior, 39. è So-
cietatis hominibus, pretiosissimam Euangelij
mercem ad exteras gentes comportantibus,
diuersis in odium orthodoxæ religionis vulne-
ribus confossos in altum præcipites aget? O
quàm

quàm præclarum spectaculum, in medijs gurgitibus nunquam fluctuante constantiâ? Innatabis in Oceanum, Pater, ijs vndis tantisper perfruiturus, in quibus animosâ prolis faciet, non fides, sed vita naufragium. O fortunati fluctus, quos nullæ maiores institorum opes vi tempestatum disperditæ locupletabunt! Condantur hæ recentes gazæ inter imos atque abditos maris sinus, nulla eius viscera ditioribus poterunt tumescere margaritis. Sed quid futura prænuncio? Iam oblata Christo Societatis primitiæ te viuo, ex Indiâ in cælum delata. Præcessêre filij natu maiores parentis obitum; ne, dato tam certo pignore, de aliorum qui secuturi essent æmulâ virtute ambigi posset. Morari noluerunt voluptatem tuam. Si cum præteritis futura componas; bearis vtrimque. Nondum exeunte vitâ, occupas initium nouæ. Cùm itaque hæc omnia instante supremo die diuina lux menti tuæ aperiret, postremû virtutis portentum fuit, quod exultantis animi vim cõpêcere posses, ne foras erumperet. Sux sunt præcordijs & vndæ & venti. fremuissent ex te procellæ, nisi illud idem imperium, quod à Deo in lacrymas iam acceperas, spiritus quoque imperum frænauisset. Te, cùm aliàs semper, tum eo maximè tempore, quo eras ad portum æternæ felicitatis appulsus, maioris

ioris diuinæ gloriæ sidus respectante, nullâ, ne
 secundâ quidem, aurâ potuit tui animi æquor
 impelli. Nimirum tuæ existimationis pertæ-
 fus, è modestiæ speculâ laudum pericula pro-
 pulsabas. Domestici te vix animadvertere po-
 tuerunt abeuntem, quem nullo quotidianæ
 consuetudinis discrimine præsentem intue-
 bantur. In maiore Dei gloriâ quieuisti. Eugè,
 surge, agedum tandem, Heros maxime, sic
 summus imperator ex alto iubet. Adstat ma-
 gnificentissimus ad pompam triumphalem
 curtus, hoc vno sollicitus ac nutans, tene pos-
 sit tot victorijs grauem sustinere. Magnitudi-
 ne laborat tuâ. Te cælum cardinibus reuul-
 sum, cunctante animâ taperet, nisi Beatorum
 agminibus obuiam prodeuntibus honorificas
 interijceret ad incessum moras. Honor amo-
 rem temperat. Si qua etiam in summâ ciuium
 illorum concordia posset esse contentio, in
 tui ornatus apparatu operam curasque turba-
 rent. sese studia ipsa in tuo aduentu impediūt.
 Coronæ coronis, palmæ palmis, tituli titulis
 implicantur. manu manus truditur, insolenti
 festinatione operosæ ad obsequium volupta-
 ris. Nam quis est qui eos honores quibus exci-
 peris, aut cogitatione comprehendere præ
 magnitudine, aut oratione recensere præ mul-
 titudine possit? Iam Italia, Germania, Gallia,
 Hispania, Polonia, atque aliæ amplissimæ Ba-

rope

terrarum regiones, iam Africa, Asia, potissimum
verò India & Iaponia innumerabiles populo-
rum cohortes, tuarumque operarum animarum
salutem consecutas, in cælestem Beatorum ci-
uitatem præmisere: quæ tibi, cum priuatis quæ-
que rationibus, tum publico omnium nomi-
ne, pro acceptis immortalibus beneficijs quâ-
tas maximas possint gratias agant, ac pro tam
ingenti gloriâ, tuis meritis, quibus satisfacere
se posse diffidunt, à Deo præpotente collatâ
gratulentur. Sic officia, quæ, alijs postea in
communem illam patriam abeuntibus, sin-
gulæ prouinciæ in te celebrando colere num-
quam desistent, hac primâ felicissimâ luce
triumphi tui præstant, ut vides, vniuersæ. In
hoc iucundissimo tripudiantium tumultu,
faustis acclamationibus, te velut alterum pa-
rentem, te bonorum cælestium satorem, te li-
berorum suorum diuinum educatorem præ-
dicant. te ad mores Christianis dignos homi-
nibus lucem, facem ad sanctos amores, re-
ligionis Catholicæ propugnatorem, extincto-
rem hæreticæ pestis, te suas delicias, in ærum-
nis solatium, perfugium in periculis, in mor-
bis leuamentum, te denique ad omnem vitæ
sanctitatem exemplar appellant. Quid dicam
de incredibili non paucorum, Pater, tuorum
gaudio filiorum, qui capti prius, Dei bene-
ficio, hæreditate cælesti, te præstolantur?

Hos nimirum diuina prouidentia tibi superstites in terris esse noluit, vt quem inde in cælum abeuntem subsecuti non essent, nunc geminatâ vtrîque lætitiâ occurrerent venienti. Quid cùm Xauerus ille tuus, ille tuorum operum miraculum; filiorumque dignitate ac sanctimoniâ princeps, ille alterum tecum orbis terrarum decus, splendor & ornamentum; iam non se tuis pedibus aduoluet, vt quoddam reuerentiæ ductu solebat; sed caritatis impulsu in amplexu stuet? quæ mens, qui sensus vtrique vestrum, cùm alter alterum sibi redditum tandem videbit; cumque tot victoriarum lauros cõsociabit? Ille dum viueret ad eò te venerabatur, vt eum coràm non poterat, per literas genibus flexis loqueretur. Ille sermone de te cum alijs habito, sanctum nominabat. Qualem, Deus immortalis! vis veritatis non quæsitum testem proferebat sanctitatis tuæ! Qui sicigitur de te adhuc mortali & absente sentiebat, quantâ iucunditate nunc te præsentem; atque immortalitatis consorte perfruetur? O benè sudati labores tui? O vitæ fugientis acta stabili præmiorum magnitudine fortunatissima! Vbi nunc illæ tuæ grauissimæ curæ? vbi vigiliæ? vbi ieiunia? vbi ærumnæ, studia, peregrinationes, ægritudines, atque incommodorum omnium perpessio? Hæc vnâ cum præcipiti temporis cursu fluxêre. horum nihil

o
nihil
mem
Sed
meæ
perfu
meri
expe
rim.
terris
gaud
miec

C
sum
in n
lent
cto
lav
vsq
nifi
qu
bo
de
pu

nihil in te sistit, præter mercedem perpetuam; memoriâ comite ad augmentum voluptatis. Sed vereor ne disertissimis aliorum præconijs meæ interstrepant inconditæ voces. Pudore perfundor, Pater, quòd nihil nec dignum tuis meritis, nec par desiderio meo, nec congruum expectationi alienæ hætenus afferre potuerim. Verùm cum in tuo discessu non minora terris solatia reliqueris, quàm cælo intuleris gaudia, qui mihi de te dicendi voluntatem iniecisti, parere conanti spem veniæ dabis.

ORATIO XXVIII.

IGNATII *Miracula.*

Cogitanti mihi, rerumque causas paulò studiosiùs indaganti permirum sæpè visum est, quòd, cum humanum genus, si quid in naturâ præter ingenitas leges accidat, insolenti quadam admiratione capiatur; conspecto viro, cui nulla perfectæ sapientiæ lux, nulla virtutum ornamenta deesse intelligat, non usque ad id videtur commoueri. Equidem, nisi me fallit sententia, id usu venite existimo, quòd homini, utpote ratione prædito, animi bona non modò consentanea sunt, verum etiã debita: in cæteris verò rebus quidpiam eximi putatur de immutabili continuatione ordinis

sempiterni. Verùm cùm primi hominum parentis vitio, internum in nobis, & quidem ad eò graue, atque assiduum innatum sit bellum, vt prauæ animi corporisq̃ affectiones, mentis ac rationis excussis plerumque legibus, miseris in suum dominatum trahant; profectò quisquis non solùm hanc domesticorum hostiam vim ac potentiam diuinâ operuicent, verumeriam perfectissimi ac sanctissimi viri formam in se expressam repræsentarit, hunc ego magnum in terris prodigium esse arbitror. Manifestum est quò spectet oratio mea. Prodiê Ignatius ac Franciscus Xauerus, insignia orbis terræ miracula, geminum cælo additum decus, clarissima Ecclesiæ Catholicæ lumina. Sic est. Attamen tam admirandâs vtriusque virtutes; tam eximiam vitæ sanctimoniam ac merita præpotens Deus pro suâ sapientiâ, euidentissimis etiam argumentis ac testimonijs comprobanda esse iudicauit. Eorum verò tanta est magnitudo ac varietas, vt, quemadmodum illam eximij oratoris eloquentia, ita memoria reformidet. Adde, quòd, cùm nusquam gentium vacuus beneficijs ab Ignatio Xauerioq̃ acceptis vllus abeat dies, prius sit laudatoris copia, quàm laudationis materia defutura. Quamobrem prærium operæ facturis mihi videor, si summa quædam ac præcipua rerum capita tantummodo

modò indicem, ne tam illas commemorare
 voluisse existimer, quàm præterire noluisse.
 quæ tamen cùm etiã è publicis Illustrissimorũ
 Cardinalium, qui Ecclesiasticis ritibus præ-
 sunt, & sacræ, vt vocant, Rotæ, ad vtriusq; san-
 ctissimi viri apothecosim actis, nec non è non
 paucis historiarum voluminibus vulgò notis-
 sima sint, studiosa hæc prudensq; breuitas
 eo maius erit leuamentum in me laboris, & in
 auditore tædij. In altero studium reprehendi
 non debet, in altero poterit laudari consi-
 lium. In neutro verò quidquam esse censetur,
 quo tantis viris debitus honor & cultus
 imminui posse videatur. Age igitur, cùm
 Lyssanus suo nunc clarus nomine, quò antè
 obscurus, Barcinone intentâ sibi lite, causâ ce-
 cidisset, casumq; alium meditatus, atque in
 desperationem actus, se literam longam è ti-
 gillo fecisset, meliore vsu sese Ignatio seruatori
 suo, quàm neci eo fune deuinxit. tunc
 enim cognitâ re Ignatius aduolat; laqueum
 recidit; impium sui carnificem omnium iu-
 dicio mortuum supplicibus in cælum votis ad
 vitam reuocat; vt diuino beneficio, id illi
 spatium temporis detur, quo possit æter-
 næ salutis suæ consulere. Ergo iacentem gra-
 uiter sceleris monet. inclamat, agnitâ cul-
 pâ, veniam à Deo petat. Ille oculos mor-
 te graues, pristina, vt potest, aperit luci,

ac presso vi doloris corde, ductisque cum
ritu pœnitentiæ argumentis, laxat ad fact
Confessionem fauces. Mox ritè peccatis
piatus, liberam ac nihil ampliùs morant
animam efflat. Mirum dictu, hominem,
dignum vitâ, potuisse bis viuere. Quid n
possunt sanctorum virorum apud Deum n
rita? Perpetui supplicij sententiam strangula
illi statim debitam, ad præuisas Ignatij pre
suspenderat Deus. Quo factum est, vt, qu
niam cum priori morte postèrior dimicau
hæc victrix, illius flagitia infamiamque vi
magnanimitate deleuerit. Diuina miseric
dia ex illâ lite perditâ, tribunal, & è clauso p
laqueum spiritu, viam aperuit homini mis
felici, ad sempiternam cæli hæreditatem, pr
digo insperati temporis momento adipisce
dam. Ille fortunatè improbus, sui que amic
hostis, de suo fune, quamquam longè diu
so, canere potuit (si fas hîc vti Vatis regij ver
funes mihi ceciderunt in præclaris, etenim h
reditas mea præclara est mihi. Texta est (p
piè credimus) cum illo fune felicitas, secreti
re Dei consilio. Elata est ex illo funere vi
Scelus sibi saluti fuit. Funestus ille ac postu
mus nodus, Gordiano implicatior, præcip
manu atque ictu immortalis ab Ignatio perer
ptus, secum traxit aliorum omnium nodo
exoluta volumina. O Ignatianæ theatrum i
fig

signe caritatis! Illi, illi, inquam, tigillo fixa
 trabali clauo, perpetuò viuetanti beneficij re-
 cordatio. O inuitendam quodammodo re-
 stim, si nullo fuisset attacta crimine! Ignarus
 fui huius operis artifex nunquam tam bonè
 explicuit manus. Versa est illa tortilis rota ad
 sortem bonam, sortem, inquam, non Deo, sed
 homini. Sorte, inquit Gentium Doctor, vo-
 cati sumus, prædestinati secundum proposi-
 tum eius, qui operatur omnia secundum con-
 silium voluntatis suæ. Nulli vnquam torques
 huic præferendi per turgida superborum ho-
 minum iuêre colla. Quanto commodius hoc
 tibi vinculum fuisset Hebræe iuuenis, paterni
 quondam prædator imperij, cùm vltici è
 quercu tua illa penè parricidalis pependit in-
 sania! Comate licitor, tuoque capillo leuior,
 tamdiùne reum te agnoscere nō poteras, cùm
 ad auram fluctuantia superbo vertice, tui
 semper gestares instrumenta supplicij? Et verò
 Lyssani è trabe lapsus, impulsu causæ alteri ad-
 iudicatæ, aliquâ non indignus commiseratio-
 ne videbatur. Tu, solius vastæ ambitionis
 vsquequaque ruentis arbitrio, bona, fortunas,
 hæreditatem, famam, vitam, teque ipsum cō-
 trucidasti. Ille spontè suo vsus est ministerio,
 tu inuitus alieno. Ille tamen (vt speramus) e-
 uentu ad salutem: tu, vt timemus, ad ruinam:
 Deo misericordi patre erga illum, erga te verò

iustissimo iudice. Denique tu tantum pœnarum dedisti arboris ramo, quantum gratiarum egisset Lyssanus Ignatio. Lyssano iterum breui morituro, reddita est vita. Conuertamus oculos ad nouum Mutium, cui, ne semper Scæuola esset, igne corrupta rursus animata est victura postmodum manus. Erat videlicet Romæ in ædibus nostris rei domesticæ adiutor coquus, simplicioris quàm par esset naturæ, cæterum probus. Hic, non quòd in milite, opportuno regis Porсенæ ad necem vicario, errasset, sed quòd in Christum Regem regum (quod miseræ mortalitaii commune est) deliquisset, immissam in ardentes prunas manum generosæ imprudentiæ pertinaciâ diu continuit, vt illam in arâ coquinariâ, culparum pœnitentiâ imperante mactaret. Nidor deficientis lento igni victimæ, totâ domo diffusus, sacrificuli silenté linguâ, vocalis fuit. Accurritur. crudelis in speciosâ pietate temeritas incessitur. eripitur è rogo penè cadauerea manus, ne bustum subsidat ad monumentum non imitandi erga se odij. Patres, quamquam factum miseri, hominem tamē mente ac manu nostris vsibus ineptum, è Societate dimittendum arbitrabantur. Sed Ignatius, feliciore consilio, illius incendij pestem, roscidâ consuetæ caritatis suæ flammâ extinxit. Sollicita quippè de nocte, in preces coram Deo incum-

cumbens, oculorum fontes reclusit ad imbrium copiam. Aurora fructum aperuit protulitque. Ager euigilans vegetam ac valentem manum in cælum tetendit, acturus Numini gratias. Alteram manum æmulam habuit præteritæ cupidam pœnæ, ad vim maiorem. Rei nouitas homini attonito similis somnio visa esset, nisi veritas, rediuiua illâ quodammodo, atque operosa manu sese agitaſſet ad fidem. Sic Ignatius, gemino miraculo, geminam attulit rudis innocentie reo sanitatem: manus nimirum ac mentis. O bonæ ad omnia comites! Progrediamur ad alia. Quid enim vaticinia commemorem, cum sæpè non tam futura prædicere, quam illa eadem ut præſentia intueri videretur? Quid eiectos ab illo ex aliquot hominum corporibus dæmones, quem ita extimeſcebant, ut vel ad ſolam eius præſentiam, relictis ſedibus tyrannicè arreptis, imperium præuerrere cogerentur? Pœnituit ſuperbum hoſtem id inuaſiſſe, quod cedere victori pudebat. Spem corripit improbitas: exitus fregit audaciam. Romæ hominem Cantabrum, adeò rudem, ut ne patriæ quidem linguæ quodammodo gnarus eſſet, à dæmone truculentiffimo arreptum, ac tum variorum idiomatū genere facundum, tam immani tamē rabie furētem, ut nulla eū vis coercere poſſet, aut loco, vbi ſe obſtinatè fixiſſet,

dimouere; Ignatius, suo iussu in cubiculum pertractum, à tyranno liberauit. Malum Catabri hospitem bonus hospes eiecit. Nec defuit aliquando. dæmonum alter, qui peruicaciâ iram stimulante, vltro ac palàm cuiusdam energumeni ore pronunciauit, nulli se in terris eo tempore inimiciorem esse quàm Ignatio. Iste iugulum præbuit à se non quæsire veritati. Non potuit ad maiorem Ignatii gloriam luculentius insanire. Quis neget, cui dæmones infensissimi sint, eum Deo carissimum esse? At etiam ridiculè molesti, atque importuni videri voluêre. quippe iam ab initio Lemures (genus dæmonum est) Laureti nostros ex ædium parte Societati attributâ, terriculentis expellere moliebantur. Re Ignatius Romæ per literas cognitâ, rescribit, Dei auxilio freti fidentesque bono essent ac forti animo. Mirum dictu, recitatâ epistolâ, nocturni illi Fauni ac spectra, occupato Ignatii iussu euanuêre. Quid si præsentem atque increpantem vidissent, quos absentis literæ profligabant? Nullum ad hoc vsque tempus illius pestis vestigium. Indictio timoris contemptu, timor omnis abscessit. Tenebriones, Ignatii, quamquam tum longè positi, alterius instar solis, luce dissipati. At enim uerò Ignatiû duobus simul in locis, vno eodemque tempore, præsentem fuisse compertum est. Leonardus

Kesse-

l
r
f
f
c
l
q
te
ell
vt
co
spe
crist
flai

Kesselius insigni sanctimoniâ vir, Societatis
 nostræ Sacerdos, Colonix mirâ Ignatij viden-
 di cupiditate flagrabat. Illum, per literas, ope-
 re orat maximo, se ut Romam, eam ob causam
 peditem venire permittat. Respondet beni-
 gnus parens, opus non esse tam longo ac labo-
 rioso itinere. id quod optabat, compendio ces-
 surum ad votum. Promissum secuta fides. Di-
 uina potentia, caritatis decreto, Ignatium, ut
 ita dicam, geminauit. Romæ quippe perstan-
 tem, Colonix conspicuè præsentem, atque in-
 tra suam cellulam priuatim se alloquentem
 Leonardus vidit & audiit, ac diuina cum illo
 miscuit colloquia, voluptate desiderium ex-
 plente. Quanta vis cælestis amoris, cum non
 solum animos iungat, verum etiam amanti, a-
 mici longè positi atque immoti præsentiam af-
 ferre possit. Et verò tantus erat eius animi
 splendor, ut vel in corpus efflueret. certo mira-
 culo id non semel compertum, cum à nonnul-
 lis, potissimum verò à Sancto Philippo Nerio,
 quem sibi magnâ necessitudine ac familiarita-
 te coniunctum habuit, oris eius habitus visus
 est diuino quodam splendore scintillare. aded
 ut adhuc mortalis, speciem quamdam animi
 corporisque beati præferre videretur. Huc
 spectat, quod Romæ in sacello domestico sa-
 cris operanti, ita è laqueari sub imagine globi
 flammei, Spiritus sanctus incubuit, ut qui ei
 mi-

ministrabat, ad eum, quē communē credebatur
ignem, restinguendū assurgeret. Elusis naturæ
legibus, ignis infimæ sedis supernum ad se tra-
hebat. hic contrā illum rapiebat plerumq; sur-
sum; diuino amore beatos atq; arcanos in igni-
bus ludos alternante. Ignatium enim, cū se-
cretiore in loco abditus, aliorum se oculis ere-
ptum putaret, nonnulli à terrā elatum, medio-
que libratum aëre non semel videre. Virū sa-
pientissimum pudebat, se terræ hospitē, & cæli
non incolam. Quid? quod vix vllus vnquā piā-
mente ad eum auxilium petiturus accessit, seu
cogitationum tumultu conturbatus, seu cura-
rum fluctibus agitarus, seu stimulis conscientię
confossus, quem non, ô rem penē inauditam!
vnico tantū, vel altero verbo, quietum, pa-
catum, sanatumq; dimiserit. Nunquam in vos
illapsæ huiusmodi ad persuadendum guttulæ
profani oratores. curi aut licet, eloquētiæ vestræ
flumina; eorum plerumque nullæ, nisi ad stre-
pitum, vires. Mitto non pauca de eius vitę actis
à me iam antè narrata; quæ profectò cū non
naturæ, sed solius diuinæ potentię vim agno-
scant, fatendū est, inter prodigia connumerari
oportere. Iam verò quid de cæteris, quæ post
eius obitū diuersis terrarū orbis partibus cla-
ruerūt, proferā? Prodeāt ad triumphū ei debiti
pompā quotquot varijs morborū generibus,
quorum remedia ars medica desperauisset, li-
berati.

berati. Haud mihi animus est singula percen-
fendi. numerus nō patitur moram. Cōtraham
vniuersa, si dixerō, vix vllam esse corporis ægri-
tudinē, siue naturæ vitio, siue casu aliquo ad-
ductā, quam non ille suis apud Deum meritis
precibusque depulerit. Et quidē eā felicitate, vt
non solūm contactæ vestium aut sacri cadaue-
ris particulæ, verum etiā eius nomen, quod suā
ipse manu literis subscripsisset, miras curatio-
nes edidisse memorētur. immò verò sæpè con-
tigit, vt solis eius propositis imaginibus, Dæ-
mones è cubiculis & ædibus, quas infestare
consueuerant, sese fugæ repentē mandarint.
Vide ac tecum ipse reputa, quāta sit insignium
sanctitate hominum potestas, cū vel sola eo-
rum simulachra non minū formidolosa sint
virtutum hostibus, quā cultoribus salutaria.
Huc referri potest quod mihi nunc appositē
venit in mentem sacræ illius historiæ, quā Di-
ui Petri Apostolorum Principis vmbra narra-
tur ægrotis sparsisse valetudinem. Hoc vmbra
præstante, quid non lux ipsa patrasset? Nimi-
rum nihil est in sanctis viris non proficuum.
Bene tibi est in eorum luce & vmbra. Sed &
hoc quod dicam omnino memorabile. Cū
videlicet aliquot annis post decessum ē vitā,
eius corpus, in Romanā domo Professā, ex vno
in alium locum transferendum esset, in loculo
vbi iacebat paulō antè aperto, stellæ mi-
cantes

O R A T I O XXIX.

FRANCISCI XAVERII *miracula in
elementis.*

I Am me ab Ignatio parente fortunatissimo,
ad Franciscum Xauerium, omnium quos
ille Christo genuit filium præcellentissimum
progredientem, tantum à dicendo insignium
operum ac prodigiorum magnitudo deterret,
quantum ad hoc ipsum me sentio hac postre-
mi debiti perficiendâ solutione compelli. Huc
accedit, quòd admiratio sibi narrationis lo-
cum occupat, & temporis cursum. quam-
quam (vt ingenuè fatear) sic oratoriæ facultati
tacitum confertur beneficium, dum periculo
deficiendi exempta, sine labore se tuctur. Et-
enim ita Xauerium heroëm maximum ac
Christi ministrum adhuc mortalem, diuina
potentia supra naturæ leges extulit, vt eo stan-
te, veluti medio rerum arbitro, impares illa vi-
res grandia decernenti non subtraheret, sed
subderet imperanti. atque adeò illius nûm
observabat, vt non quid posset attenderet, sed
exequeretur quod ille Christi auctoritate ius-
sisset. Æquum enim erat, vt quem Deus opt.
max. ad Iaponios, gentem antea ignotam, at-
que ad alias barbaras Orientis nationes, miti

ac diuino Christi iugo subigendas legauerat,
Christianam religionem non solum doctrinâ
vitæque sanctitate animatam promulgaret, ve-
rumetiam; quod olim, Ecclesiâ nascente; ab
Apostolis præstitum est, frequenti miraculo-
rum vsu comprobaret. Ludant de suâ in fabu-
larum frivolo leuitate atque insaniâ veteres
poëtæ; efferant sese ad incrustandos puerili pi-
cturatum ludibrio parietes ingeniosa capita.
Statuant nescio quem ad fulmina Iouem, Iu-
nonem ad nubes, ad vndas Neptunum, Æolû
ad ventos, Vulcanum ad ignes, ad terras
Opem, Martem ad arma, ad robur Herculem,
ad facundiam Mercurium, Faunum ad semen-
tem, Cererem ad segetes, Lucinam ad partus,
ad morbos Æsculapium. Eruant alias atque
alias innumerabiles larvas de tumultuarijs pò-
pinarum patellis ac poculis, ac cœnoso gre-
gum lasciuientium stabulo; quarum singulas
singulis rebus, solâ deliriorum auctoritate,
præficiant. O quales hisce poëtica somnia gra-
uidata seminibus sudere quondam cæcis gen-
tibus Deos! O qualia è luto & argillâ, aut, ne
ex harâ suum, ebullientia tam citò putresce-
rent, è lapide & metallo numina procrearunt!
Tuum, Franciscæ Xaueri, tuum, inquam, cum
Orienti, sole ipso illustrior, lucem afferres, in
hominum mentibus regnum, ad vnius ac veri
Dei agnitionem cultumque flectendis; tuum
in

in elementa, tuum in res omnes; maius dicam, tuū in Deum ipsum eius in te amoris iucundo placito, imperiū fuit. Nulla huic laudi audacia præsidio est. Etenim cū ea quæ feceris, fieri nō nisi Numinis præpotēti virtute potuerint, an nefas sit asserere, illud tuo annuisse desiderio, paruisse voluntati? Quid? nōne sacræ litteræ, summi quondā Hebræorum ducis ac iudicis victoriæ inaudito antè prodigio de Gabaonitis partæ, celeberrimam hac breui sententiâ historiam claudunt? *Obediente, inquit, Deo voci hominis.* Orationem tecū in auras primū rapis. Dicāne te diuinitus humo sursum euectū, medioq; suspensum aëre ac sublimē, ab omnibus frequentissimā concione plerumq; conspectū, idemque tibi tum sacris operanti, tum preces Deo fundenti sapissimè contigisse? Talem aër hospitem terris inuidebat; cælum reperebat ciuem. nec immeritò sanè, cū esset ab omni terrestri contagione semper auulsus. Dicāne sæuiētib; procellis, per te, detersâ cælo caligine nimbisque, serenissimos pijs hominibus repentē fulsisse soles? Contrā verò ad terrorem truculentissimæ Tolanæ gentis, quæ à Christo non solū defecerat, verum etiam in Christianorum cædem & exitium ferebatur, iubente te, inuoluto teterrimis tenebris die, ac debacchante vsque quaque tonitruo, pluuisse cinere, grandinasse lapidibus,

X

vibem

urbem ipsam Tolum, fossis illo imbrium genere completis, mœnibus eo cœlesti tormentorum furore dirutis, à Lusitanis captam ac euerfam? Monstrum pertinaciæ fuit, si neque inflammata illa barbarorum odia cinerum torrentibus opprimi potuêre, neque ferrea pectora saxorum fulminibus frangi. Sed quid tibi familiarius fuit, quàm cum vsus esset, modò secundos ciere ventos, modò aduersos compescere: nimirum tibi semper obsequi, vnum illis erat ac summum obsequij præmium. nulla maior domini felicitas. Quæ porrò diuersis Africæ atque Asiæ locis tanta cœli grauitas, aut aëris intemperies, quam non tibi, homini peregrino, ducto Numinis quo plenus eras spiritu, temperaueris? hoc viuere est immortalium more ac modo. Consociauit ignis debitam tibi cum aëre seruitutem, qui tuum non semel imploratum ab incolis notum reueritus, comprehensus confestim excessit ex ædibus. Non alius opportunior ac copiosior aquarum ingestus. Neque verò ad tuos nutus segnior terra, quæ, te imperante, horrendis concussa moribus, obfirmatæ impietatis homines, quos flectere virtutis amor non poterat, fregit timore supplicij. Cui tu mortalium nocere vnquam potuisses, qui nullam, sine beneficio, pœnam irrogasti? Te irasci optabile fuit. Grauida indignatio in partum salutis recubuit. Hoc vnum

vnum fortiri potest improbitas bonum. Age
 nunc quartum Xauerij triumphum, attonitas
 non antè spectatâ pompâ per vndas. Abste
 quâ toto pater Orientè oceanus, tot sunt in
 omnium oculis congeminata portenta, vt il
 lius immensitas oratorum facundiæ sit angu
 sta. Tuæ potestatis amplitudo fluctus ipsos ac
 gurgites sorbet. Non tam mihi pertimescen
 dum in vndis, quàm tuâ in laude naufragium.
 tranquillatæ, tuam potentiam agnoscunt; cer
 tam expectant agitæ clementiam. Marina fi
 des tuæ commissa, ad cognata ventorum ar
 bitria obsurdescit. O quoties tuis natura de
 cretis reuerenter succubuit, cùm te naufragio
 rum defensore, nautarumque patrono, non
 minùs tuta essent turbulento mari nauigia,
 quàm pacato. imò verò qui tecum aliquando
 vecti essent, si te comitem subinde habere pos
 sent, blandienti elemento, quamuis nullo so
 luto pretio, sese committere, te absente, non
 auderent, furenti, te præsentè, magnâ merce
 de, pro vecturâ supplicarent. Te auspice, illis
 erat pro securitate periculum. Vos testes ap
 pello non modò Christianorum, verùm etiam
 à vera religione aberrantium hominum glo
 bos, posthabitis alijs, quamquam firmissi
 mis nauibus, in eam, quam fors Francisco pri
 mam obiecisset tumultuario impetu conuo
 lantes. species obsessæ arcis representari vi
 deba

videbatur. nulli vnquam milites tanto animi ardore in muros euasere primi. hos vt hostes animat cupiditas vel prædæ, vel gloriæ; vos, Francisci cultores, vestræ salutis, eius præsidio tutandæ, cura rapiebat. Te præter cæteros producam Maure mercator, qui duplicato nauulo nauarchum exorasti, vt in eodem, quo Franciscus, admitti nauigio posses. Sapiens infitor, non tam vecturæ, quàm præsidio mercium, pretium constituendum esse iudicauisti. Vos denique testes, ô rem seculis omnibus inauditam! testes, inquam, estis Hebræi, Mahometani, Ethnici, alijque barbari, qui Franciscum Xauerium, non magis auditâ, quàm perspectâ sanctitate, ac prodigijs terrâ mariq; patratis, Deum terriæ ac maris, comuni ac publico nomine vocitastis. Sed vt tecum, Xaueri, cœpto per Oceanum cursu, prouehatur oratio mea, incertum, plurêne tempestates, dum ingruerent, occupaueris, an iam exortas parî felicitate sedaueris. Quid memorem, quàm sæpè modò hærentes syrtibus nanes, illicò abreptas in altum retruferis, modò in eas, procellis inimiciore malacia, immotas ventos intuleris, modò ad scopulos nullo vulnere allisas in rectum iter reduxeris, modò denique cùm solutis compagibus aperta latera fluctibus dilargirentur, manifestissimo exitio comites omnes, nunquam intercisis caritatis tuæ munimentis clau-

clausos, exemeris? Silcámne efferuescentes irati maris æstus, semper æquabilis tuæ mentis, placidique oris fauonio mitigatos? aut si quâdo inuidiosâ dæmonum arte tranquilliras infanos turbines euocarer, retorto in eorum caput impetu, tartaræ consilia ventorum cessisse ludibrio? Rem huius generis vniuersè verbo comprehendam. aio, vix vllum esse maritimum pericûlum, è quo non vel præsentè, vel inuocato Xauerio, quilibet mortalium liber euaserit. Sed quis tantam hominum multitudinem, imminentibus certissimis naufragijs saluam incolumemque seruata demiretur, cum naufragi non pauci, iam absorpti gurgitibus, sese, illius ope, mortis faucibus erutos fuisse professi sint? imò verò ipsemet, vt olim Gentium doctor, ter è fundo maris emerfit. Verùm maritimæ illius potentia nullum videtur argumentum illustrius, quàm quòd, si fortè interdum, vel vigente inter angustias temporis necessitate, vel aliarum navium penuriâ, quampiam annosam, infirmam, rimisque fatiscentem, sibiq; non itineri commodam natus esset, seseque in eam quamplurimi, firmissimo eius auxilio nixi, certatim coniecissent; subortis subinde fœdissimis tempestatibus, felicissimo cursu, magnanimam pietatem, in eum quò tenderet animorum emporium cælestis Numinis aura perduxit.

& tamen eo ipso tempore, eodem maris tractu, iisdemque procellis, valentissima nauigia miserrimè lacerata atque obruta, spargebant exempla humanæ fiduciæ, non fortunæ. Quicumque faseli, celoces, corbitæ, actuaria, cuiusvis denique generis naues Franciscum tulissent, seu malè materiatae ac ruinosæ, seu benè compactæ ac robustæ, sine delectu ab eius cultoribus, aut inuentæ rapiebantur, aut conquirebantur ignotæ. Charo pericula pretio emebantur. Sed irritamenta naufragij, fiebant instrumenta securitatis. Solenne tum nauigantibus erat, intercundi opportunitate pacisci salutem. sed iusta ratio temeritatem arcebat, & summa in eum fiducia metum. Dum ille toto vagaretur Oceano, non vehi nauigijs, sed illâ vehere videbatur. Nulli vnquam nauaichorum animi, Xauerij, quanquam adhuc mortalis, propitio fidere, in sumina vndarum agitatione fluctuarunt. In mediâ ventorum rabie trepidanti ac suæ artis propè ignaro gubernatori, Romanæ quondam euersor reipublicæ, Quæ tua, inquit, ista formido? ne dubita. fortunam Cæsaris vehis. Cæsaris fortunæ (quæ nulla est) vectorem bono animo esse oportuerit, certa Orientis salus nautas non tutos, non alacres, non vbiq; reddat interritos? Vnus ego toto illo, Francisce, Oceano, qui se tot gentibus, sub tuâ tutelâ, fidum ho-

spi-

spitem ductoremque subiecit, vsquequaque
 dispereo. E multiplici ac æmulo rerum illic
 abs te gestarum concursu nouum tempestatis
 genus dicentem, vehementiùs quàm ferre pos-
 sit, exagitat. Oratorum præconia in te ornan-
 do omni ex parte confligunt. honorum pro-
 cella est. Concordi ventorum in tuam glo-
 riam conspirantium dissidio, modò in hos,
 modò in illos gurgites reuoluor. Si tot inter
 naufragos, quibus præstò fuisti, solus deseror,
 nulla me in hoc æstu cura sollicitum tenebit.
 In exitium gloriosum decurret oratio mea.
 fluctus huiusmodi in nullius vnquam iactu-
 ram redundabunt. Itaque pergam vt potero.
 noua me vocant. Cùm igitur tua, vir fortissi-
 me, potestas imposuerit maris ferociæ iugum,
 quid mirum, cùm illud præterea, lenocinante
 tuæ humanitatis edicto, cùm vsus posceret,
 naturam propè mutauerit? plerumque siqui-
 dem, facto cum sale diuortio, sese tuæ dulcedi-
 ni maritauit, adeò vt siti (frequens, atque in-
 tolerandum nauigantium malum) socijs an-
 helantibus ac propè consumptis, lacteos li-
 quores propinarit. Sic cùm vndarum hau-
 stus alijs animam expellat, alijs abeuntem in-
 hibeat, illis per te reuocata, his seruata, diuer-
 so prodigio, pari beneficio, vita. Quid? nihilne
 de eo, quod immensa moles aquarum conti-
 net, squamoso animantium genere dicimus?

Te Xaſteri regem, te dominum agnouere piſcium greges, cùm ad tua iuſſa, quàm ad nãtandum prouiores, deſperatis piſcatorum laboribus, caritatis tuæ venatico ſigno, retia ſaginarunt. Da veniam profanos annales melioribus factorum tuorum ſpectatoribus e-mungenti. Triumuir Romanus, quem præſtigiatrix Ægyptia, ex imperatore belluam factum, amoris eſca rapuerat, Peluſij piſcatu gloriam nequicquam aucupatus, vrinatores clàm vndis ſubmiſerat, quorum miniſterio prædam inductam efferret. Non ita multò poſt, verſuta mulier, iſdem ſubornatis, qui ſalſamentum Ponticum illius hamo pro piſce innecterent, omnium riſu ſimplicis hominis pudorẽ me dicam, an ſtuporem excipiente, Piſcare, inquit, vrbes ô imperator, hanc nobis alteram pauperibus Ægyptijs piſcandi artem permitte. Hic fuit luſus non minùs ad ſcommata & iocos, quàm ad ſua commoda & rationes compoſitus. Faceſſant iſtæ nugæ. Tuum erat, Francisce Xaſteri, & piſces, & oppida, & prouincias, & regna piſcari, non tibi, ſed Chriſto. In cæleſtem ſagenam omnia conuertitiſti. Sed quid hoc, quod meis iam ſeſe oculis obijcit? Quis ille nouus vndarũ legatus? O factũ non minùs firmum ad fidem, quàm admirandum ad nouitatẽ! O ſpectaculum, vt nullis retrò ſeculis exhibitũ, ſic poſteritatis memoriæ tranſ-

transmittendum ! Lapsa fortè in vndas Christi è cruce pendentis effigies, quâ tum prætentâ, Xauerus turbulentissimum mare pacauerat, nubes illas ac turbines in animum illius transtulerat. Dici quippe vix potest quanto propterea dolore perculsus sit. Ergo postridie Baranulam insulam quadraginta passuum millibus indè distantem, quò ex Amboino nauigabat, appulso, atque in littore, non sine fletu ac pijs precibus, inambulanti; ecce cancer incessu magnifico, summo mari prodire in conspectum, illudque signum augustissimum, utroque lunato, & coëunte in orbem brachio, gestare, præferre, viroque sanctissimo, non tantquam amissum, sed creditum pignus reddere. O generose Christi vexillifer, nobilioribus dignè poëtis, quàm ijs qui nescio quem olim cancerum, Herculei calcanei morsus præmio, inter signa cælestia retulêre. Serpat in eorum fabulas malus cancer, illasque corrosas absumat. Tu illo priore detracto siderum choris subrogandus. Tu postmodum cæli conspicuum decus affulgere nauigantibus poteris, quos tui memores, si quid in mare casu exciderit, recuperandi spes, opitulante Xauerio, consolabitur. extabit è iactura miraculum. Nec deerunt inter aquatiles incolas, qui te antesignanum sequantur, si quando viris sanctis sua præstabûnt officia. Denique, custos fidelissi-

me, tanto restituto deposito, factus es immortalis. Et sanè illam sui conditoris imaginem Oceanus intimo sinu suas inter opes obserasset, nisi meminisset Palæstinos fluctus illius quondam planis fuisse calcatos. non ausus est hoc nouo thesauro, reuerentiâ religionē obijciente, ditescere. Didrachmo olim piscis ore delato, Apostolorum princeps pro se, Deoque rerum domino, tributum mortali principi soluit. Xauerio legiones piscium copiarum vniones omnes ac margaritas, quotquot natura maris penetralibus abdidit, erutas, ad huius vnus simulachri possessionem, pro portorij, tributis ac vectigalibus obtulissent. Xauerij pietas, si exorari potuisset, vos mutos, confestim vocales reddidisset, quos aliquando hereticorum obstructis peruicaciâ sensibus, in littore Ariminensi Diuus Antonius Olyssiponensis fecit auritos. Vasta pistrinx vatem Niniuitas refugientem, concessum mari piaculum, intra viscera conditum, triduo post in continentem exposuit. At si fortè hanc demersam vatium principis effigiem vtero collegisset, non secus ac à se conceptum fœtum fouisset coluissetque, certo semper amore, dubio partu, nisi vnica Xauerij gaza, fuisset beluæ delicijs præferenda.

O R A T I O X X X .

X A V E R I I *alia insignium miraculorum genera.*

N Vnc palàm fit omnibus, elementa omnia, vt hætenus dixi, Francisco Xauerio, ad hominum salutem, atque adiumenta singulæ, exhibuisse famulatum. quamquam interdum de intolerandis quorundam barbarorum in Christi cultores iniurijs ac perfidiâ iustissimo sumpto supplicio, ceteris hominibus documento fuere, nec scelerum merito deesse posse quod expauescerent, nec virtutis studio, Francisco fauente, quod sperarent. Quid cætera persequar? Quàm carior est mortalibus vita, eo maiore beneficio sese ab illo affectos esse senserunt, quotquot à mortiferis ægrotationibus, summâ illa, quâ erat apud Deum gratiâ, vindicauit. Eorum numerum referre si velim, præ labore languescet oratio mea. Tum verò, quid abs te, Xaueri, speret, quam tu ipse infirmam reddis? Et sese tamen ad certamina transferre, iam cogitur. neque enim minùs in prælijs tua miracula claruere. Tuarum apud Deum precum vis ferro potentior, & numero & robore formidabiles immanissimorû Christi hostium fudit exercitus. Sensere quid posses Badagæ, truculentissimorum instar luporû,

in

in recentem Christi gregem ruentes, cum tu solus, tuâ obiectâ præsentia, nudus atque inermis eorum legiones spiritu difflauisti. Præsentiam dico? immò verò absentia ipsa cælestibus armata votis, Lusitanis tantum ducen-
tis maritimo bello dimicantibus, quinque barbarorum millia in Christianorum cædem cõ-
iurata, præter omnium spem opinionem-
que deleuit. Sic animi tui fortitudo & con-
stantia, cum illo utroque nouo victoriæ genere,
de gloriâ decertauit. Neque prætermittam,
nutante interdum pugnandi, aut hostes inse-
quendi consilio ducum, faustis tuis vaticinijs
eos esse firmatos ad spem, animatos ad pugna.
Cum felicitis præliorum exitus esses non mi-
nùs certus vates, quàm iustissimi principij con-
scius, collatis signis, Christianorum exercitus
se priùs victorem sensit, quàm dimicaret. Vi-
ctorias sefellisti. Te vatem in prælijs dixi?
Enimuerò constanter affirmare ausim, cete-
ris etiam in rebus multo facilius tibi fuisse, quàm
alij facturi essent prædicere, quàm omnibus
præstanti memoriâ oratoribus quæ abs te ge-
sta sint enarrare. Tibi ad Dei gloriam saluti ho-
minum vacanti, futura prænuntiare, præteri-
ta recolere, præsentia intueri, par vnius ne-
gotij ratio fuit. Temporis partes vni Deo ad-
hærentem non diuidebant. neque opus erat
fabuloso bifronte Iano. Tene Velli, nobi-
lis

lis in Indiâ mercator, testem laudabo, cui profusa in pauperes liberalitas, prædictione ac sponfione Xauerij, sic Deum debitorem quodammodo fecit, vt nihil ubi neque ad vitæ honestæ commoda & fortunas, neque ad pium mortis apparatus defuisse perspexeris? compluribus annis in summâ rerum varietate feliciter exactis, diem horamque obitus, Numinis monitu, præsensisti. Sanus, vegetus, integris viribus, peccatis sacrâ homologe expiatis, cælestique ferculo ac viatico pastus ac munitus, amicos adis, postremum vale dicis. mirari omnes: stupere: de rei nouitate sciscitari. Interea loci in templum te confers. Sacrosanctum Missæ sacrificium pro mortuis Deo, te postulante, offertur, statim atque te ipse feretro coram altari composuisti, ac pullo velamine circumtegi iussisti. Sacris peractis, qui intererant, te serenissimo vultu veluti quiescentem ac mortuum, viuo similiorem, reperiunt. hæc Xaueriani de te vaticinij gloria, quo insignis erga egenos homines pietas, tuæ te & vitæ & mortis arbitrum fecit. Mortem occupasti, ne illatis in te manibus sese iactaret. E vitâ tum excessisti, quia excedere placuit. Tarda erga te futura moriendi necessitas, magnanimæ tuæ libertatis imperio gradum corripuit, vt tua posteritas dicere posset, non magis necessarium tibi fuisse, quam liberum mori.

Mors

Mors insidiari solita incertæ mortalium vitæ, abs te se sensit elusam. Tu ipse diem illi dixisti ad tribunal naturæ, eo tempore de te minimè cogitantis. Venit, se sistit, obstupet, se viuat credit, quia te morientem aspicit. Te tamen mox virâ exuto, nullo præuiæ agrotationis vocata nuncio, adhuc de tuo interitu visa est aliquamdiu ambigere. Hæsisset diutiùs, nisi lugubres tuæ familiæ voces illi fidem fecissent, ut tibi iniuriam. Tu tui, Velli, funeris instructor ac spectator fuisti. tu te extulisti. tibi viuo luxêre funalia. tuæ sacerdotum choro, pro te oranti tacitè permistæ ad superos iuêre preces. Hæc inter meliorem dignus vitâ, non minùs sano corpore, quàm mente, in alteram euolasti. Mortuus es tamen. Quid, si quidpiam propè mortuum Xauerij prædictione immortale dixerim euasisse? Nauiganti per Indiam Xauerio incidit aliquando naus, non solum aduersis casibus grauitè obnoxia, verum etiâ cuius prona naufragio, utpote annis grauis, debilis ac propè corrupta. In hac ille se mari committit. mox insanâ furente procellâ, ipsoque cum ceteris terrore nauarcho, obiecto timore constantior factus, confirmatisque omnium animis, illam ipsam nullo vnquam tempore interituram prædicit. Faustum omne, successu falli non potuit. Illa postmodum seipsâ valentior ac diuturnior, cum per varia itinera,

nera, sexcentis perfuncta periculis, viuendi finem facere non posset, sicut antea in armamentario, artificum manu constructa fuerat; ita in eo tandem soluta est. Nulla vnquam, quod sciam, historia simili facto memorabilis fuit. O nauem in cælestem stationem inter fulgentissima sidera transferendam; non autem illam quæ fabulosos vexit olim è Thessaliâ ad Colchidem Argonautas! Illi breui leuique cursu lusære, ad vellus aureum è parum tutâ, mulieris fraude, draconis custodis vigilantia, in patriam asportandum. At Xaucerius, ut homines, non aureâ ouis lanâ ornandos, sed pretioso cælestis Agni sanguine abluendos, ex immanissimis Tartarei monstri vnguibus eriperet, quas non fatigauit Oceani vias, quos non ventos ac nautas exercuit, quas non syrtes, scopulos, tempestatesque contempsit? Non alia Colchis, non aliæ Indorum merces, non aliæ denique illi, eiusque socijs fuerunt, sunt, & erunt fodinæ. Iam verò si quis fortè alia Francisci vaticinia, è quorum ritè comprobatis, centum quinquaginta in sacris Romanæ Curia tabulis extant, commemorare pro dignitate se posse confideret, ego me illius, non dico futuræ vatem, sed præsentis temeritatis censorem profiterer. Duorum tantum qualiscumque narratio ita me terruit, ut malim silentio animum componere, quàm metum plura dicendo.

dicendo prouehere. Quo fit, vt, cùm ij, quos
sacrae literae Prophetas appellant, in eâ etiam,
quæ longissimis disiuncta sunt locorum inter-
uallis, pari mentis ferantur intuitu; quantum
hoc quoque miraculi genere Xauerius homi-
num animos ad officia pietatēque perpule-
rit, prætermittam. Quid enim illud? quàm no-
uum! quàm singulare? cùm Malacā, in tem-
plo, coram frequentissimâ concione, nauale
prælium, quod, vt supra dixi, exiguâ Lusitano-
rum phalange, contra amplam Turcarum, a-
liorumque perditissimorum Christi hostium
classem, trecentis procul ab eâ vrbe passuum
millibus, eo ipso tempore gerebatur, repentinâ
vi Numinis excussus, interrupto sermone,
summâ fide narrauit; ac certaminis ordinem
victoriāque amceno ingenio peritiāque de-
scripsit. Vel ab illo nihil quodammodo ab-
esse, vel ille animo vbique præsens esse vide-
batur. Animo dixi? Enimuero & corpore
duobus simul aliquando visus in locis. Sic se
res habuit, iucundo planè miraculo. Redeun-
tem è Iaponiâ ferebat fortè in quodam Ocea-
ni tractu, nauis oneraria. mox periculosâ tem-
pestate insaniente, nautas inuitos subsistere iu-
bet, donec lembus, quem omnes iam alibi
nafragum arbitrabantur, ipse verò suis apud
Deum precibus seruatum præstolabatur, acce-
deret. (certior fide rei quam narro veritas.)
lembo

lembo tandem cęlesti ope illuc appulso, qui eo
 vehebantur, cū in onerariam illā transeunt,
 magnopere instant, vt Xauerius vnā secum il-
 luc delatus, in eandem recipiatur. Nautæ ac
 vectores onerariæ mirari primò; Xaueriū apud
 se esse testari. illi contrā, sibi illudi, in lembo
 esse Xauerium, sibiq̃ue cursum eo præsente
 atque opitulante tutum ac prosperum fuisse.
 Vmbratilis ludus tandem in stuporem versus;
 nullo vtrimque mendacio, sed vero vtrobiq̃ue
 comperto prodigio. Sedata est omnis illa cum
 maris tempestate contentio. Sed & eidem
 diuinitus datum, vt occultas hominum co-
 gitationes manifestè perspiceret. Dixisses,
 Franciscum aut in secretiore diuinitatis, quam
 nihil latet, sinu abditum hominem, aut velu-
 ti alterum in terris Deum. Quanta singularis
 a heroica virtus colligit priuilegia? At & il-
 lum loquentem, si lubet, audiamus. Intelli-
 gi non à nemine potest. Non sunt vllius au-
 res ad interpretem diuidendæ. quid enim,
 Deus immortalis! à temporibus Apostolo-
 rum, ad hanc vsque ætatem, sic nouum atque
 inauditum, quam hominem Nauarræum &
 aduenam, Orientalium omnium idiomatum,
 quorum incredibilis erat multitudo ac varie-
 tas, non dico prius rudem, sed prorsus igna-
 rum, repentè solo illo diuino Spiritu, qui
 quondam sese in Apostolos per linguas igneas
 Y fudit,

fudit, ita edoctum, vt qui ad singulas nationes missus esset cælestis magister, earum linguam incredibili omnium admiratione calleret. Concidat Socratis iactantia, qui cuius esset interrogatus, sese mundanum esse respōdit. Philosophi tamen istius personata erat veritatē superbia. At cū Francisco Xauiero, non minū fui quā rerum humanarum modesto contemptori, nulla fuerit, dum viueret, præter mundum patria, nulla sedes, nullum hospitium, non alia illi quoque fuit, nisi mundi lingua: quæ cū in tot ac tam discrepantes partita sit, consequens est vt adeo insignem salutis æternæ præconem, à mundi cōditore ac salutis auctore, Orientis idiomatis ferè omnibus imbutum fuisse fateamur. Verū & hoc præterea non solū admirationem auget, sed etiam creditu perdifficile videretur, nisi tot ille testes habuisset, quot auditores; nimirum quod, cū ad infinitum populorum cœtum de diuinis rebus verba faceret, vna eademque illius vox ita in omnium aures incidebat, vt ea suum cuilibet esset idioma. quo fiebat, vt, attonitâ concione, singulas gentes doceret, dū loqueretur vniuersis. Multarum linguarū intelligentiam & vsum, studio & exercitatione sibi comparare, magnum est: at vno ab ore, vnâ dialecto, vno eodemque tempore omnium simul idiomatum discrimina spargere, solius est diuinæ

diuinæ facultatis. Cùm enim Dei natura & simplex sit & infinita, necesse est vt res omnes absque vllâ earum diuisione contineat; cùm igitur voces sint intelligentis animi partus ac notæ, profectò vna Dei vox, si voce vteretur, rerum omnium notiones, intelligentias, hominumque sermones exprimeret. Quamobrem negari non potest, quin Numen summâ, & extra ordinem adhibitâ potentiâ in Francisci mentem, eo quæm dixi modo; cùm opus esset, loquentis, illapsum sit. Quot igitur ita concionantis verba, tot fuere miracula. Credibile est illas diuersarum Oriëntis gentium cateruas, patientibus in campis, suspensio vestigio præmultitudine ac stupore fluctuâtes, sic tacitè ratiocinatas; vnine genti diuinus hic Ecclesiastes, an omnibus simul loquitur? Enimuerò non omnibus; vna siquidem esset omnium lingua: Itaque vni tantùm. at ne id quidem. Eum enim omnes intelligunt. Quid igitur? vtique, necessarium videtur, vt eo differente aut suam, quæque dialectum percipiat, & alienam, sed quænam ab illo vsurpetur ignoret, aut vt ille vnum idioma in omnes dissipet linguas. Sic cùm in auditorum omnium aure certissimâ, ambiguum omnino sese versaret iudicium, non dubius est animorum fructus ex illâ cælesti ac planè prodigiosâ Francisci facundiâ consecutus. O iucundi diffidij concordia

salutaris, oratore domino, & concione ad iustitia procurrente? Turris quondam illa superbiæ, à Nohemi nepotibus ad propagandam sui memoriam nominis erigi cœpta, duratoq; firmata lapide ac bitumine, non alio ariete, nisi molli diffidentium linguarum pulsu eversa est. In discordiam quippe verso conuentu, os loquaciter mutum surda manus secuta est. Spectator aderat supremus temeritatis ultor. Dissiluerè, non sibi, sed soli Deo debitæ gloriæ coniurati latrones. Sic illa moles non altiùs prouecta, sed tandem diruta, operosæ ad ruinam stultitiæ monumentum fuit. At Xauerus, vt tot actam varijs gentium populis iter monstraret, quò possent in cælum conscendere, ita eos modò, hîc modò illic aliâ atque aliâ vsus linguâ, diuinitus ab omnibus intellectâ, vnâ cum Christianâ religione modestiam ac sui depressionē edocuit, ita eorum voluntates non antè notâ illis caritate deuinxit, vt non tam sermone ac moribus distincti, quàm animis ac virtute coniuncti, fragili sui ad posteros commendatione neglectâ, solidæ gloriæ fruitionem, si vellent, Dei beneficio compararent. Hoc tam diuino ac tam singulari dono, aliud quoque affine quidem, sed multò excellentius in Xauerio fuit. nimirum cùm plurimis ijsdemque grauissimis occupationibus distineretur, ad redimendas rapto tempo-

re moras; ita singulis, quibuscum agebat, diuersa percontantibus aures dispensabat, ut tunc collectis memoriâ interrogationibus, vno tantum responso omnibus simul satisfaceret, vnaque sententia varias questionum difficultates nodosque dissolueret. Vnum eius verbum, vna dictio, vna vox dispersum plurium intelligentiarum semen esse videbatur. O inauditum in omni memoriâ oraculi genus! Quam benè cederet rerum dominis, eisque subiectæ multitudini, cui commodant aures, si tale in negotijs facere compendium possent! Quid, quod aliquando cum ingentem hominum multitudinem sacro fonte ablueret, omnium humeris supereminēs ac gigantis instar, ut ab omnibus conspici posset, apparuit? At & hoc affine, quod, cum ad summam venerationem genibus nixus, cæleste ferculum populo ministraret, Christus sese humi abijcientem ita erigebat, ac si consueto aliorum sacerdotum more sterisset. Dei celsitudo cum piâ hominum humilitate decertat, nec se, nisi eâ in altum euectâ, victricem gloriatur. Admiranda profectò sunt, quæ hætenus meâ, utcumque, oratione percurri: verum id quod me iam ad se vocat, eiusmodi est, ut animi præstantissimi, rem paulò attentius versantis, acies hebetari videatur. neque minùs in credendo fides, quàm in dicendo eloquentia laboraret,

nisi certissima quæ ex Orientis prouincijs extant testimonia, summorum Pontificum auctoritate ac iussu Romæ producta, recepta & rata veritatem sic astruerent, vt nemini fas sit sine grauissimo genere impietatis ambigere. Atque vtinam heros ille potentissimus, ita differendi vim, si qua vnquam in me fuit, propèiā extinctam animaret, quemadmodū plurimos à mortuis excitauit. Quid enim vel audiri vel cogitari tam incredibile potest, quàm ab illo quinque supra viginti homines, vitæ, quam aut casus, aut naturæ conditio ademerat, restitutos? Et quidem eorum tantummodò numerū commemoro, quem Illustrissimi Cardinales, qui sacris ritibus præsunt, approbaturū protulerunt, nam aliorum quos communis in Oriente fama vulgauit, multitudo multò maior est. Sed ei cuius facta celebrare suscepere, plerumque honorabilius est multa superesse, quæ silentio præterire malis, quàm quæ velis adijcere. Tibi verò tutius summo mari, quàm in profundo natare. At nō crispatis leuiter errantem vndis, gurgitibus eximo; quem tamen si fortè in se deuoluérat, illius beneficio viuus emergerem, qui etiam naufragis haustam fluctibus animam ad auram communem reduxit. Sed cœpta prosequamur. Consentaneum erat, vt qui nō nisi solius diuinæ gloriæ, hominumq; salutis gratiā viueret, haberet in alios

im

imperium vitæ. Crudelis ad honorem Alexandri quondam ac Cæsaris iactantia fuit; quòd innumerabiles hominum legiones quâ ferro, quâ flammis mactauissent. Acerbum officium est, consolari gladios spe bellicæ lanienæ, & adeptâ victoriâ, telis alieno cruore spumantibus tandem abstergis gratulari. Temulenti fastuoso gaudio animi est, ventilare auras carbasis imperatorijs, hostium trucidatorum sanguine purpuratis. Non est hoc, non est, decernendi belli, quàmuis aliàs iusti, debitum consilium, neque commissi finis. Sed esto sanè, si ita lubet, ad futilem nominis commendationem. Surgat è militum deuictorum tumultis fama. Summorum imperatorum memoriâ ex aliorum interitu uiuat. Exultet in mediâ hostium strage victoria, & peraceruos cadauerum, consensum, si potest, ad superos molietur. dicam, & quantâ maximâ potero, voce cõtendam, ut me, quotquot sunt, fuerunt, erunt fortissimi bellorum duces, exaudiant: maior virtus est ad gloriam, efficacior commendatio ad immortalitatem, magis arduum opus ad stuporem, vni tantum homini vitam reddidisse, quàm omnibus abstulisse. Etenim spiritus hic quem ducimus, mortalitatis semper viuæ testamento, naturæ tãdem quoquomodo reddendus est: neque magnum est, si quis tibi præripiat, quod postea, velis nolis, omninò cedendum

dendum est. at vitâ spoliatos ad hanc auram spirabilem reuocare, mortuos è sepulchris ciedere, mortem in triumphum ducere, ita leges ac vim eorum, quæ cæli ambitu continentur, infringit, ut is qui præstare id queat, à Deo optimo maximo, ac præpotenti huius pulcherrimæ vniuersitatis effectore communicatam quodammodò habere videatur potestatem ad communia naturæ iura voluntatis arbitrio immutanda. Quapropter cùm Franciscus Xauerus tam multos, qui supremum expleuerant diem, ad nouam pristinæ lucis vsuram reuexerit, necesse est, ut eius vitæ sanctimonia, ac præcellæ virtutes, non minùs magnitudinem eloquentiæ superent, quàm admiranda potentia vim naturæ. Eorum autem omnium, quæ istâ vltimâ qualicumque oratione de tanto ac tam insigni viro attuli, singula singillatim exempla in conspectum darem, nisi etiam plenis vulgi auribus, ac detritis omnium manuum historijs de promenda, plurimum ad negotium otiosum laboris afferrent, & nihil prorsus ad gratam cognitionem nouitatis. quamquam aliàs, si rectè ratiocinari volumus, satis est solam illius nudamq; vitam, ab eo tempore quo Parisijs Ignatio adiunctus est, humanis iuribus longè imparem, in theatro illius honoribus consecrato, omnium gentium oculis exhibere. Etenim non dico prodigium, sed porten-

tum

tum prodigij est, ab huiusmodi viro, regij videlicet sanguinis, cuius ortum par corporis constitutio & educatio sequeretur, Christi hominumque salutis gratiâ, post initum præsertim Nuncij Apostolici magistratum, fame, siti, vigilijs, æstu, frigore, asperimâ corporis afflictatione, malè affectâ valetudine, & verò etiam ardentissimis diuini amoris ignibus ferè consumpto, inter vastas solitudines, viarum mæandros, inuios saltus, inter horrentes vepribus semitas, obrutos niuibz campos, armatas mucronibus rupes, in medijs barbarorum, eius necem anhelantium, insidijs ac telis, in desertis ferarum lustris, quâ domi, quâ foris, quâ mari, quâ terrâ, quâ in finitis in Indiâ Iaponiâque itineribus, ab illo, inquam, tali viro tantam negotiorum molem, tantos curarum æstus, tantam laborum immensitatem, tot ludibria, calumnias, opprobria, tot temporum iniurias ac procellas, tot dæmonum furentium, non sine flagellorû tempestate, prælia, tot deniq; calamitates, pestes ac mortes, toto decennio subiri, perferri, superari, tam forti animo, tam inuictâ virtute, tã incredibilem constantiâ atq; alacritate potuisse. Dicâmne? at si dixerò, quid reformidê? Deus ipse Xauerij adiutor, sudauit sub onere vtriq; cõmuni. Erat Nauarrę in auitis Xauerij ædibus, peructus Christi in cruce defixi effigies, erga quâ eximia familiæ religio.

Hæc, quoties Xauerio, eius vitæ postremis annis, grauius aliquod infortunium accidisset, conspecta est sudore madens. Metire serui laborem, labore domini. Francisco Affiliati, sanctissimo clarissimi Ordinis Patriarchæ, Christus suarum plagarum impressit notas. In se vero Francisci Xauerij vexationes excepit. Diuinus amor sibi exercuit in vtroque delicias, collato illis non absimili beneficio, ratione dissimili. suas intendit vires, ac relaxauit, alterum vulnerans, vulneratus ab altero. certaminis impatiens, nisi pateretur, & ageret. nullo tamen fortitudinis discrimine, parata semper victoria. At & hoc prodigium maius; quod integro à Xauerij obitu anno, qui obitus, è portu Sinarum; ne incerto quidém rumore in Europâ eo temporis interuallo, audiri poterat, ex illâ eâdem; quam dixi, augustâ Christi effigie ros sanguineus, ingenti omnium stupore, diffluxit. hic videlicet, mortis, non tam illius quàm Xauerius oppetiit, quàm alterius ab eo concupitæ, nuncius fuit; sed tunc ignotus. hic; inquam, cruor testis illius extitit, quem inter Sinas heros fortissimus Christi causâ, largiter profundere tamdiu gestiebat. Concessum tamen illi non est martyrij insigne, sed præmium. O quanta, vel in solâ voluntate ad felicitatem compendia? Gemini autem huius tam admirandi casus veritas illustris fuit. E literis enim

tunc

tunc in Indiâ scriptis, & postmodum in Europâ redditis, & collatis vtrunque annis, mensibus ac diebus, liquidò perspectum est, hæc quæ modò commemoravi, vno eodemque tempore contigisse. O, quandoquidem de miraculis differimus, in nullo vnquam speranda, sed optanda oppidò ad vnius tanti herois debitam pro meritis laudationem, in omnibus oratorum omnium ingenijs ac dicendi vbertate miracula, qui plura ac maiora erga seipsum sublimi virtutum genere, quàm vsquam gentiū erga ceteros, insauditis, quas commemoravi, rebus gestis, edidisse censendus est. Fuit ille, fuit, dum viueret, summa quædam & compendii prodigiorum, à naturâ, ab hominibus, atque ab arte venerandum. Nam eorum, quæ postquàm è vitâ decessit, in plurimis orbis terræ protinçijs ad hæc vsque tempora patrauit, tam ingens est multitudo ac varietas, vt satius sit à numerandi labore desistere; ne interminatâ disquisitione numerus numeros, labor laborè propaget. Illa sese vbique frequenter in omnium oculis exerunt. Verùm cum non omnia è tam multis Europæ, Africæ, atque Asiæ, nouique, vt vocant, orbis partibus, in communem omnibus historiam accersiri & conuenire possint, constans ac minor vero fama, saltem vulgari contenta est, dum hominum animi ad maiorem subinde Xauërij cultum, fideli mouentur auditu.

auditu. Sed quòd nec etiam præ nimiam multitudinem certus miraculorum numerus definiri queat, hoc ipsum in illius gloriam maximè cedit. spes quippe abiecta augendi eâ ratione honoris illi debiti, aucti fidem erigit! Verùm inter hæc prodigia, quæ post eius mortem extitère, primum omnium mors, tam incorruptæ vitæ merito, sibi deberi rata est. confestim inuolauit in feretrum extincti; necessitatis suæ dolorem lenitura, si soluto immortalis animi cum corpore mortali coniugio, cadauer incorruptum seruari posset. Oderat illa factum à se tale diuortium. Partus proinde præteriti illius coniugij nouerca non fuit. optauit hoc, quod dixi, rectè factis Xauerij præmium. Mortis, mortuum deplorantis, ac non mentitæ nouæ præficæ votis annuit Deus. Ergò cum è Sanciano Sinarum insulâ sacrum illud corpus longissimo itinere maritimo, Goam transportandum esset, ut ab odore nauigio caueretur, loculo conditum est, multâ ingestâ calce absumendum. Mirum dictum, fortunatior euentus consilium elusit. geminatum miraculum est. Nam cum in illam principem Indiæ urbem, Indorum Iaponumque victoris corpus triumphali fupere, totâ obuiam effusâ ciuitate inuectum esset, illud non modò integrum, & veluti recenti sanguine calens, ac eo ipso die exanimatum repertum est,

ve-

verum
dorem
sione l
citate
stis ga
ctuan
mune
natan
opulo
cem,
regna
re atq
patro
Sed,
ueri,
præp
liber
fuit.
bus i
pote
istiu
pro
solu
dixi
uissi
diui
rian
letâ
var

verumetiam suauissimum circumfundens odorem: dubijs omnibus, an de tanti viri amissione lugerent, an potiùs de summâ illius felicitate lætarentur. Vidisses in Euripo, è mistis gaudij ac mœstitiæ lacrymis exorto, fluctuantes. O fortunatam urbem, tam insigni munere atq; ornamento à Deo immortali donatam! Nullis vnquam diues India tuum tam opulentis portum mercibus occupauit. O arcem, Francisci Xauerij animum inter superos regnantem, corporis spolio, tamquam pignore atque obside relicto, custodem, defensorẽ, patronum, perfugium ac solatium habituram! Sed, vt modò significauì, non erat opus cadaueri, atque humoribus celeriter desiccandis, præpropere vllius artis auxilio. Suum naturæ liberum, & consuetum officium permittendũ fuit. Corpus illud, quod viuum virgineis niuib; impuras extinxerat flammæ, mortuum nõ poterat ignibus calcarijs vri. Hoc igitur, post istius mortalitatis diuersorium primũ Francisci prodigium fuit. Vnum præterea, aut alterum solũ attingã. Aio igitur in ipso ex illâ, quam dixi, Sanciano insulâ, eius corporis transitu, sequissimã pestẽ, quã tũ vrbs Malacensis ardebat, diuinitùs extinctã, nulloq; mali, sed solo Xaueriani meriti relicto vestigio vsquequaque deletã. Miras tamen alias curationes ac beneficia, varijs subinde locis, eodem itineris cursu edita esse.

esse comprobatum. Prò Deum immortalem! etiam ne tot, vel sola sacrorum cadauerum fuga miracula parit; ac secum rapit? Spectatâ transuecti corporis pompâ, imago eiusdê corporis oculos aliò auertit. Inter se, vt video, portenta contendunt. hoc alterum non minùs admiratione animum afficit, quàm iucunditate auditum. Ergò in orâ regni Trauancoridis erat sacra ædes, quæ ob celeberrimam Xauerij effigiem, eximiâ religione in eâ cultam, Sancti templum nominabatur. Cùm autem oleo lampadis ante illam appensæ, nullum ad omnia morborum genera medicamentum efficacius indigenæ essent experti, magni propterea, etiam Ethnicorum quorundam, illuc ægras pecudes aliaque armenta passim adducentium concursus fiebant. Simplicem barbarorum fidem sequebatur salus. Nullam se vnquam à suis opem simulachris retulisse dicebant; omnem ab eo, de quo iam inaudierant, Christianorum Deo. Quâ ex re ingens cōstitit fructus. Complures enim ab idololatriæ, teterri-
mo omnium malo sanabantur. Miserrimum fuisset, recuperatâ brutorum animantium valetudine, hominum animos suis in plagis, lutulentis sordibus, atque interitu viuere, simulque mori, ad exitium sempiternum. Attamen vt eorum, quos dixi, fides & constantia inter tenebras alienæ superstitionis illustrior euaderet;

ret; non defuere Ethnici alij, qui cognatâ superbæ impietatis inuidiâ, ad subsidium aquarum confugerent. Eas in lampadem illam eiecti foras olei vicarias infundunt. Lampas splendidius fulget. nouas subinde mutato etiâ ellychnio, ingerunt. nihil proficit pertinax improbitas. venerandum quippe illud vas, adulterino humore fœcundum, & ex incubanti perditorum infaniâ tories grauidum, generosiores sursum egerit flammæ. Pendulo igitur igne tali alimonîâ saginato, ac luculentius semper ardente, extincta tandem illorum inuidiâ macrescentium, si non impietas, voluntas quidem certè laboris irriti prouehedi. Ne se posthac hîc olei iactet liquor subiectæ aliàs dominus aquæ. hæc, hæc inquam, illi superfusa, & enatans poterit meliori ad lucem imperio stare. Alme sol, qui circumactas cælo superiore tuis radijs animas faces, ijs contractis, posses haustam hac ex aquâ dispensare lucem. Memoriam vellit cuiusdam fontis sedes amabilis, quem sacrae paginæ in Iosue, solis fontem appellant. O Xaueriana lampas, hoc tibi perpetuum habeto nomen. potissimum verò, cum (ut potest interdum contingere) casu aliquo extincta, te ipsâ rursus accensa sis. Sunt hæc sanè, interpellante sanctissimi viri apud Deum desiderio, mira portenta. verum præpotentis luminum, aquarum, rerumque omnium effectoris

Ætoris arbitrio, vndas ex ignibus gignere, aut ex vndis ignes, in aquis ardere, aut gelaſcere in flammis, par operis ludus. Iam verò cùm aliorum miraculorum, quorum infinita propè ſeries minimè poteſt, pars aliqua in eius ſpectatiſſimæ vitæ ſancitos debita auctoritate codices redacta ſit, quemadmodum hi legètiùm amorem pietatemque commendant, ita mihi poſtremæ huic orationi exitum paranti non leue ſubſidium afferunt. Inſtituant alij, quos eloquentiæ viſ & dicendi exercitatio celebres reddit, contumacia in Xauerio ad inuidiâ collaudando certamina; ego, quem ſtudia longè grauiora ſemper ab eorum cœtu procul habuère, ſpectator tantummodò in theatro cùm ceteris conſidebo. At ô felices in eorum æmulâ turbulentaque concordia conatus, qui cùm obſtinatâ difficultate frangantur, inde nō minor illis pro ſtudio conſurgit honos, quàm Xauerio pro meritis gloria. Quamobrem vt tam malè contextam panegyrici laboris ſeriè à me ab initio ad hunc vſque locum perductam, longiùs quidem pro rerum admirabiliũ infinitate prouehi debuiffe, ſed pro virium mearum imbecillitate non potuiſſe confitear, incolume deſiderium præſtandi, ſi poſſem, officij conſeruabo, & finem imponam inuitus officio. Voluntas in altero me dignum laude faciet, in altero veniâ, in vtroque ſecurũ. Rem
igitur

igitur tandem aliquando sic exequor; neminem videlicet esse aio, qui non intelligat, qui non vltro fateatur, qui non palam prædicet, nihil hoc tempore à Gregorio XV. Pontifice optimo, maximo ac sapientissimo, supremi Numinis afflatu, effectum, cælestibus ciuibus ad noua gaudia acceptius, nihil Ecclesiæ Catholicæ ad opis diuinæ augmentum opportunius, nihil summorum Imperatorum, regum ac principum ad quoddam peculiare patrociniū optabilius, nihil Societati nostræ vniuersæ, ad maiora in dies virtutum incrementa firmitatemque potētius, quàm quòd Ignatium Loiolæum ac Franciscum Xauerium in numerum Sanctorum retulit, eosque cultu eximio ac religione venerandos esse decreuit. Quamquam sanè inficiari nemo potest, non parum existimationis, ad singulare decus, in pastorem præstantissimum ex illorum apothefi nasci. Pontificatus eius tempus non tam annorum numero, quàm præcellentissimi huius operis memoriâ mensurabitur. ad quod opus, cum primùm in summum illud dignitatis fastigium euectus est, animum curamque conuertit. Incertum, reliquæ vitæ spatium, ne se falleret, occupauit adiunxit ad facti gloriâ, prudentiæ laudem. Quin etiam vtriusque sanctissimi heroïs meritis ac precibus, peculiari quodam iure, viam sibi muniuit ad cælestis

beatitudinis, quâ perfruuntur, perenne confortium. Io igitur, io triumphe. Viuite, viuite gemini proceres, Ignati, ac Francisce, recentia cæli ac fulgentissima lumina; superûm delicia, terrarûm orbis ornamenta, Catholicæ propugnacula fidei, nostræ columnina Societatis. Vos diuini cultus acerrimi vindices, hæreticæ pestis excidium, Christianæ religionis indefessi propagatores, vos ideæ sanctitatis, perfectissima morum norma, pulcherrima theatra virtutum; vos intermissum tot sæculis frequentem Sacramentorum vsum in Ecclesiam reuocauistis; vos omnibus semper ad Christiani officij notitiam, lucem, ad diuinos amores facem prætulistis: vos denique vestra studia omnia, curas, sollicitudines, lacrymas, preces, itinera, ieiunia, vigilias, corporis cruciamenta voluntaria, pias cum hominibus consuetudines, colloquia, consilia, cohortationes, conciones, totos denique vos ipsos communi gèntium omnium vtilitati, commodis, adiumentis, ad æternæ salutis adeptionem ac Dei gloriam consecrauistis. Quos non labores Christi causâ subiistis? quæ non tormenta tolerauistis? quas non victorias de vobis ipsis primùm, tum de alijs, contra quos honorifica esset debitaq; contentio, reportauistis? quæ non iuga dæmonum ex hominum ceruicibus depulistis? quæ non præclara facinora, quantumuis ardua, non

non modò aggressi estis, verumetiam ad exitum feliciter perducta vidistis? qui non annales rebus à vobis gestis grauidi, copiosissimam oratoribus fudère dicendi materiam, eorum tamen semper sterilesciente facundiâ? Quæ nõ eloquentiæ flumina, in vestras laudes ex omnibus euoluta prouincijs, iugi tamen, perpetuo, semperque pleno vestrorum meritorum fonte, iam exhausta? Quod serè genus, præcipuorum quidem certè, miraculorum non à vobis exhibitum, hominum animos atq; oculos rapuit? Quæ non sacella, vestro dicata cultui, ac tabellis constrata votiujs, ingentia æquè ac frequentissima beneficia, diuinitus à vobis accepta testantur? Nullis templa ipsa tam pretiosis peristromatis induuntur. hæc loci dignitatem prætendunt; illa vestram potentiam. Postremò quid de vestris sectatoribus dicam? Enimuerò habet hoc non degener posteritas, vt nunquam intercisâ operum nobilium serie, suis maioribus texat incrementa honorum, ne illorum memoria in hominum animis non solum nullâ temporum diuturnitate languescat, verumetiam nouis semper corroborata subsidijs, doceat sepulchrum extrui potuisse cineri, non virtuti. Ergo quântum è filiorum tuorum, Ignati Societatis Iesu parens optime, ac fecundissime, tuorumque pariter fratrum, Franciscæ incomparabilis antesignane, moribus, virtutibus,

bus, doctrinis, laboribus, atque erga genus humanum officijs ac fructibus, ad vestræ lætitiæ & gloriæ cumulum, singulari Dei ope, ad hanc usque diem accesserit; nolo in oratione meâ ponere, ne fortè videar nihil afferre noui, præter iactantiam, quam refugiunt, & nihil digni commendatione, quam promerentur. Hoc itaque solum mihi nunc videtur superesse, vt cum his ipsis Societatis nostræ hominibus obnixè vos orem ac deprecèr, vt vnusquisque nostrum perfectissima vitæ vestræ acta & exempla in se repræsentare, vestrisque vestigijs perpetuò insistere summâ curâ, studio diligentiaque conetur. atque in primis cum iisdem, atque omnibus Christi cultoribus vos vehementer obsecrem, vt Ecclesiam vniuersam vestris apud Deum precibus, vestro patrocinio, vestrisque auxilijs sartam tectam, florentem, amplificatamque seruetis. Non enim vobis neque voluntas deest, neque facultas. tanta siquidem est vestræ erga omnes caritatis magnitudo, vt nulli vnquam bono cõtigerit plus optare, quàm velitis. Tantum verò apud Deû, & gratiâ potestis & meritis, vt efficere minimè possitis, quin ingeniorum omnium sublimitas, omnis in dicendo exercitatio, omnis eloquentiæ vis in hac ipsâ vestrâ potestate prædicandâ, quantumuis eiusdem potestatis ope fulta, succumbat. Sed finis sit; initio dignus sci-

scilicet cum extremis verò si media conferantur, nihil erit absimile. In huius quippe operis longâ breuitate, cohærent propè irriti mei labores. Quapropter si iciunè & inconditè dicere, silentio par esse iudicatur, hætenus me vobis siluisse confiteor. Ignoscite magni, maximi ac fortissimi heroës. Non me tamen pœnitent tentasse quid possem, sed pudet præstare non potuisse quod debebam. Si laudem in altero non inueniam, quam minimè quæro, in altero veniam merebor, quam maximè cupio.

F I N I S.

Z 3

EIVS.

EIVSDEM AVCTORIS
ALIQVOT
EPITAPHIA
ET
ELOGIA.

FREDERICI GONZAGÆ

Serenissimi Mantuæ Ducis, ac
Montisferrati Marchionis
Elogium sepul-
chrale.

Hoc vides, MANTVA, conditum sepulchro
primum titulo Ducem tuum;
Eundemq³ primum, è GONZAGIS,
Montisferrati Marchionem.

Hoc eximita coniux, illud clarissimus Imperator,
Vtrumque militaris gloria meritis dedit,
Fortuna nihil.

Tres illum Pontifices supremum sue militia
Præfectum habuerunt,
ille honorem stipendio potiolem.

Inuenit eo tempore, quem imitaretur,
præter se, neminem.

Non minùs secum ipse virtutis magnitudine,

quàm

*quàm cum hoste confligit.
Eius virilis ætas inuidit iuuentuti,
illi iuuentus, augur, & amula,
certamen prænunciauit.*

Pugnarunt.

Vtra vicerit, incertum.

Mors litem elusit, non vita mercedem.

RAINVTII FARNESII

Serenissimi Parmæ & Placentiæ
Ducis Elogium.

RAINVTIVS FARNESIVS

Magnoparente ALEXANDRO non minor filius,

illo inter prælia vitâ functo,

confestim è Belgio, vbi iuuenis, tanto sub Duce,

amulâ laude, militauerat,

in Italiam reuersus,

pacem suâ in dirione cum alieno bello præterito

in certamen commisit.

Fuit de gloriâ contentio.

Nouares visa, PACE cum BELLO præliante.

Illâ inermis, huius armati spem vincendi fregit.

Parentem filius venerandum censuit,

non deiectâ fronte, sed virtutis aequalitate.

Diuersa tamen in vtroque virtus fuit.

Ille in bello, conspicuus Fortitudine,

Hic in pace, Iustitiâ.

Proposita sunt amba in orbis terra theatro.

Vna, & communis vtriq³ pietas

sedit in iudicio arbitra.

Magnanimâ lances elata ad pompam triumphalem,

nullo inclinationis momento

è trutinâ nutarunt.

AEqua stetere omnia.

Laurus, & Olea geminum in fronte honorem diuisere,

non merito impari, sed coronâ dissimili.

Vicere parens ac filius,

neutro victo.

Quia superari neuter potuit,

utroque superauit.

Inter PACEM, ac BELLVM pax composita.

Consociauere gloriam, non triumphum.

Præcessit ad calum Alexandri currus,

subsecutus Rainutij.

Diuidenda calo voluptas fuit.

Alexander, victorijs fessus, mortem acciuit ad quietem.

Obstitit illa plurimum.

Sed imperare assueto

parere coacta est;

ne & hoc Duci semper victori deesset,

quod mortem vicisset.

Mors sibi tum visa est viuere,

quod se superatam sensit.

Erubuit & quod victa, & quod immatura.

Risit ille, mensus vitam virtute, non annis.

Videri voluit non tam mori debuisse, quàm voluisse.

At in Rainutium mors non vocata insiluit:

momento temporis rapuit.

non est ausa luctari.

Timuit ne iterum

(tametsi contrario modo, quàm ab Alexandro)

superaretur.

Semota fuisset à Rainutio,

non vita desiderio, sed amantissima coniugis,

& tenera prolis voto.

Rapuit, inquam, non opinantem,

sed non imparatum;

subinde, scilicet, animo voluere solitum,

humanam vitam diuturna mortis iugalem trahi.

Sic in illo amba soluta sunt,

ut visus sit non minùs repentè viuere,

quàm subito mori.

Habet parens eundem cum filio tumulum Parma,

ut in calo solium.

Tumulus ille superbit, quia humilis;

celebratur, quia obscurus;

spectabilis est,

non arte peregrinâ,

sed domesticâ pietate.

Non est è sepulchris petenda gloria, sed è sepultis.

Hi duo clarissimi Herôes suo sunt ipsimet

sepulchro monumentum.

Pretiosa sunt nota, non lapis.

Hospes lege.

ctoris arbitrio, vndas ex ignibus gignere, aut
 ex vndis ignes, in aquis ardere, aut gelascere in
 flammis, par operis ludus. Iam verò cùm alio-
 rum miraculorum, quorum infinita propè se-
 ries minimè potest, pars aliqua in eius spe-
 ctatissimæ vitæ sancitos debita auctoritate co-
 dices redacta sit, quemadmodum hi legètiū
 amorem pietatemque commendant, ita mihi
 postremæ huic orationi exitum paranti non
 leue subsidium afferunt. Instituant alij, quos
 eloquentiæ vis & dicendi exercitatio cele-
 bres reddit, contumacia in Xauerio ad inuidiā
 collaudando certamina; ego, quem studia
 longè grauiora semper ab eorum cœtu procul
 habuère, spectator tantummodò in theatro
 cùm ceteris confidebo. At ô felices in eorum
 æmulā turbulentaque concordia conatus, qui
 cùm obstinatā difficultate frangantur, inde nō
 minor illis pro studio consurgit honos, quàm
 Xauerio pro meritis gloria. Quamobrem vt
 tam malè contextam panegyrici laboris seriē
 à me ab initio ad hunc vsque locum perdu-
 ctam, longiùs quidem pro rerum admirabiliū
 infinitate prouchi debuisse, sed pro virium
 mearum imbecillitate non potuisse confitear;
 incolume desiderium præstandi, si possem, of-
 ficij conseruabo, & finem imponam inuitis
 officio. Voluntas in altero me dignum laude
 faciet, in altero veniā, in vtroque securū. Rem
 igitur

igitur tandem aliquando sic exequor; neminem videlicet esse aio, qui non intelligat, qui non vltro fateatur, qui non palam prædicet, nihil hoc tempore à Gregorio XV. Pontifice optimo, maximo ac sapientissimo, supremi Numinis afflatu, effectum, cælestibus ciuibus ad noua gaudia acceptius, nihil Ecclesiæ Catholicæ ad opis diuinæ augmentum opportunius, nihil summorum Imperatorum, regum ac principum ad quoddam peculiare patrociniū opabilius, nihil Societati nostræ vniuersæ, ad maiora in dies virtutum incrementa firmitatemque potentius, quàm quòd Ignatium Loiolæum ac Franciscum Xauerium in numerum Sanctorum retulit, eosque cultu eximio ac religione venerandos esse decreuit. Quamquam sanè inficiari nemo potest, non parum existimationis, ad singulare decus, in pastorem præstantissimum ex illorum apothefi nasci. Pontificatus eius tempus non tam annorum numero, quàm præcellentissimi huius operis memoriâ mensurabitur. ad quod opus, cum primum in summum illud dignitatis fastigium euectus est, animum curamque conuertit. Incertum, reliquæ vitæ spatium, ne se falleret, occupauit adiunxit ad facti gloriâ, prudentiæ laudem. Quin etiam vtriusque sanctissimi heroïs meritis ac precibus, peculiari quodam iure, viam sibi muniuit ad cælestis

Z

beati-

beatitudinis, quâ perfruuntur, perenne confortium. Io igitur, io triumphe. Viuite, viuite gemini proceres, Ignati, ac Franciscæ, recentia cæli ac fulgentissima lumina; superûm deliciæ, terrarûm orbis ornamenta, Catholicæ propugnacula fidei, nostræ columina Societatis. Vos diuini cultus acerrimi vindices, hæreticæ pestis excidium, Christianæ religionis indefessi propagatores; vos ideæ sanctitatis, perfectissima morum norma, pulcherrima theatra virtutum; vos intermissum tot sæculis frequentem Sacramentorum vsum in Ecclesiam reuocauistis; vos omnibus semper ad Christiani officij notitiam, lucem, ad diuinos amores facem prætulistis: vos denique vestra studia omnia, curas, sollicitudines, lachrymas, preces, itinera, ieiunia, vigilias, corporis cruciamenta voluntaria, pias cum hominibus consuetudines, colloquia, consilia, cohortationes, conuersiones, totos denique vos ipsos communigenium omnium vtilitati, commodis, adiumentis, ad æternæ salutis adeptionem ac Dei gloriam consecrauistis. Quos non labores Christi causâ subiistis? quæ non tormenta tolerauistis? quas non victorias de vobis ipsis primûm, tum de alijs, contra quos honorifica esset debitaque contentio, reportauistis? quæ non iuga dæmonum ex hominum ceruicibus depulistis? quæ non præclara facinora, quantumuis ardua, non

non modò aggressi estis, verumetiam ad exitum feliciter perducta vidistis? qui non annales rebus à vobis gestis grauidi, copiosissimam oratoribus fudère dicendi materiam, eorum tamen semper sterilesciente facundiâ? Quæ nò eloquentiæ flumina, in vestras laudes ex omnibus euoluta prouincijs, iugi tamen, perpetuo, semperque pleno vestrorum meritorum fonte, iam exhausta? Quod serè genus, præcipuorum quidem certè, miraculorum non à vobis exhibitum, hominum animos atq; oculos rapuit? Quæ non sacella, vestro dicata cultui, ac tabellis constrata votiuis, ingentia æquè ac frequèntissima beneficia, diuinitus à vobis accepta restantur? Nullis templa ipsa tam pretiosis, peristromatis induuntur, hæc loci dignitatem prætendunt; illa vestram potentiam. Postremò quid de vestris sectatoribus dicam? Enimuerò habet hoc non degener posteritas, vt nunquam intercisa operum nobilium serie, suis maioribus texat incrementa honorum, ne illorum memoria in hominum animis non solum nullâ temporum diuturnitate languescat, verumetiam nouis semper corroborata subsidijs, doceat sepulchrum extrui potuisse cinerum, non virtuti. Ergo quâtum è filiorum tuorum, Ignati Societatis Iesu parens optime ac foecundissime, tuorumque pariter fratrum, Franciscæ incomparabilis antesignane, moribus, virtutibus,

bus, doctrinis, laboribus, atque erga genus humanum officijs ac fructibus, ad vestræ lætitiæ & gloriæ cumulum, singulari Dei ope, ad hanc usque diem accesserit; nolo in oratione meâ ponere, ne fortè videar nihil afferre noui, præter iactantiam, quam refugiunt, & nihil digni commendatione, quam promerentur. Hoc itaque solum mihi nunc videtur superesse, vt cum his ipsis Societatis nostræ hominibus obnixè vos orem ac deprecer, vt vnusquisque nostrum perfectissima vitæ vestræ acta & exempla in se repræsentare, vestrisque vestigijs perpetuò insistere summâ curâ, studio diligentiaque conetur. atque in primis cum iisdem, atque omnibus Christi cultoribus vos vehementer obsecrem, vt Ecclesiam vniuersam vestris apud Deum precibus, vestro patrocinio, vestrisque auxilijs factam rectam, florentem, amplificatamque seruetis. Non enim vobis neque voluntas deest, neque facultas. tanta siquidem est vestræ erga omnes caritatis magnitudo, vt nulli vnquam bono cõtigerit plus optare, quàm velitis. Tantum verò apud Deû, & gratiâ potestis & meritis, vt efficere minimè possitis, quin ingeniorum omnium sublimitas, omnis in dicendo exercitatio, omnis eloquentiæ vis in hac ipsâ vestrâ potestate prædicandâ, quantumuis eiusdem potestatis ope fulsa, succumbat. Sed finis sit; initio dignus sci-

scilicet. cum extremis verò & media conferantur, nihil erit absimile. In huius quippe operis longâ breuitate, coherere propè irriti mei labores. Quapropter si ieiunè & inconditè dicere, silentio par esse iudicatur, hæcenus me vobis siluisse confiteor. Ignoscite magni, maximi ac fortissimi heroës. Non me tamen pœnitent tentasse quid possem, sed pudet præstare non potuisse quod debebam. Si laudem in altero non inueniam, quam minimè quæro, in altero veniam merebor, quam maximè cupio.

F I N I S.

Z

EIVS.

EIVSDEM AVCTORIS
ALIQVOT
EPITAPHIA
ET
ELOGIA.

FREDERICI GONZAGÆ

Serenissimi Mantuæ Ducis, ac
Montisferrati Marchionis
Elogium sepul-
chrale.

*Hoc vides, MANTVA, conditum sepulchro
primum titulo Ducem tuum;
Eundemq; primum, è GONZAGIS,
Montisferrati Marchionem.*

*Hoc eximia coniux, illud clarissimus Imperator,
Vtrumque militaris gloria meritis dedit,
Fortuna nihil.*

*Tres illum Pontifices supremum sua militia
Præfectum habuerunt,
ille honorem stipendio potiozem.*

*Inuenit eo tempore, quem imitaretur,
præter se, neminem.*

Non minùs secum ipse virtutis magnitudine,

quàm

*quàm cum hoste conflixit.
Eius virilis ætas inuidit iuuentuti,
illi iuuentus, augur, & amula,
certamen prænuñciauit.*

Pugnarunt.

Vtra vicerit, incertum.

Mors litem elusit, non vita mercedem.

RAINVTII FARNESII

*Serenissimi Parmæ & Placentiæ
Ducis Elogium.*

RAINVTIVS, FARNESIVS

Magno parente ALEXANDRO non minor filius,

illo inter prælia vitâ functo,

confestim è Belgio, vbi iuuenis, tanto sub Duce,

amulâ laude, militauerat,

in Italiam reuersus,

pacem suâ in ditione cum alieno bello præterito

in certamen commisit.

Fuit de gloriâ contentio.

Noua res visa, PACE cum BELLO præliante.

Ille inermis, huius armati spem vincendi fregit.

Parentem filius venerandum censuit,

non deiectâ fronte, sed virtutis æqualitate.

Diuersa tamen in vtroque virtus fuit.

Ille in bello, conspicuus Fortitudine,

Videri voluit non tam mori debuisse, quàm voluisse.

At in Rainutium mors non vocata insiluit:

momento temporis rapuit.

non est ausa luctari.

Timuit ne iterum

(tamen si contrario modo, quàm ab Alexandro)

superaretur.

Semota fuisset à Rainutio,

non vitæ desiderio, sed amantissima coniugis,

& teneræ prolis voto.

Rapuit, inquam, non opinantem,

sed non imparatum;

subinde, scilicet, animo voluere solitum,

humanam vitam diuturnæ mortis iugalem trahi.

Sic in illo ambæ soluta sunt,

ut visus sit non minùs repenti viuere,

quàm subito mori.

Habet parens eundem cum filio tumulum Parma,

ut in calo solium.

Tumulus ille superbit, quia humilis;

celebratur, quia obscurus;

spectabilis est,

non arte peregrinâ,

sed domesticâ pietate.

Non est è sepulchris petenda gloria, sed è sepultis.

Hi duo clarissimi Herôes suo sunt ipsimet

sepulchro monumentum.

Pretiosa sunt notæ, non lapis.

Hospes lege.

Si desles iacturam,
habes ALEXANDRVM, & RAINVTIVM
in vno ODOARDO successore viuo
superstites.
 NATVRA & VIRTVS FECERE COMPENDIVM.

FERDINANDI GONZAGÆ
 Serenissimi Mantuæ ac Montis-
 ferrati Ducis Elogium
 sepulchrale.

FERDINANDVS GONZAGA
 Omni doctrinarum genere sui seculi Principū Princeps,
 vt doceret imperij securitatem, ac regiminis normā,
 Sapientiam ac Sceptrum in se connubio iunxit.
 Aetate florenti, maturo fœtu iam grauidus;
 Athenas Mantua peperit, obstetrice beneuolentiā.
 Noua Academiæ placuit indere Pacifica nomen.
 Pacifica meminerat Oliua,
 Quam Athenarum olim tutelaris Minerua,
 Scientiæ dea, sibi sacram voluit.
 Mox è partu moriens, celo nascitur.
 Id nisi esset, bone aduena,
 hoc ad sepulchrum, gemens, diceres,
 O faustum genita partum, parenti funestum!

IACOBI DE VIGNIER,
ad Episcopatum vrbs Trecentis
(quæ vulgò Troia, in Galliâ) no-
minati, & Romæ anno 1622.
vitæ functi, Elogium
sepulchrale.

Hic lapis, sepulto animatus cinere, ambigit,
luctusne sibi, an lætitiæ incisa sint nota,
Mulceri se sensit, at vulnerari scalpello.
Excussa ictu ferri scintilla, & lacryma;
illa amoris, hæc doloris nuncia.
Palàm prædicat bonum à se possessum,
& ab alijs amissum tacitus deslet.
Auerfatur damnum,
& fruitur illo.

Quiescente sibi credito pignore, in Euripo est.
Adolescens excepit gremio,
quem senem condere vix ausus esset.
Tantus erat refodiendus thesaurus,
si fortè prius sepultum esse contigisset.
Mortem anni exosam fecere,
vita annos.

Inter hanc, & illam iurgia,
vidente calo.

Quanta vis virtutis!

Vacillavit attoniti artificis manus,
vita tempus inscribere molientis.

Coëgit tamen certus numerus ad quaterna lustra.

Bis dena notasset sculptor,
nisi veritus esset ne frangeret
cum marmore fidem.

Cessit obfirmata veritati.
Auxit tamen gloriam,
dum minuit vitam.

Annos excessere merita.

Illis angustum fuisset
integrum seculum.

Auara sors spatium male mutilasset,
nisi adolescenti ad aternitatem maturo
geminasset præmium,
utpote debitum magnæ industria
& vite breui.

Ad tumulum confident virtutum, doctrinarum,
diuersarumq; linguarum chori,
panegyri sepulto habenda,
ad leuamentum tristitia,
bone hospes, quisquis es, tua.

O dolosum solatium, tristitia blanda materia!

Tanti boni oblatis laudatio,
deploratio est repente adempti.

Philosophia ac Theologia Doctori præstantissimo
delata insignia,
prius quodammodo à funalibus
inumbantur sepulchro,
quàm fulserint capiti.

Hæc inter, Musa & facund iacuibz etiam excultus,
hya-

hyacinthos modò recentes,
nunc aridos miscent.

Quàm arcta sese canabula sensere,
penè dicam, viro,
tam stupet tumulus hic amplus
adolescente condito.

In illo virilis atas iuuentuti praeuolauit.

Ille tempora elusit.

Iussu illius dies anno diem dixit perperam neganti

Menses in annum esse contractos.

Temporum vices compulit ad sui tribunal.

ingenij, & virtutis,

vt fructus esset seminis vicarius,
instanti nouo fructui daturus locum.

Causam egit, vt canesceret seges in germine,

& messis occuparet sationem.

Disimulauit initia natura,

animosâ maturitate moras omnes increpante.

Rem totâ dicto præmiâ, adolescentis compendiosi annulo.

Eius ortus ex templo nictare cœpit occasui.

Sensit hic & occurrit.

Ne tam multa præclara vita facinora

tribuerentur diuturnitati temporis,

non virtutis granditati.

Ille & desiderium & penè spirantem

reliquit imaginem sui.

Animus, vel inuitus, suorum partem bonorum

eduxerat foras.

Virginea in vultu verecundia promebat vires.

Huic

Huic ille amorem desponderat suum.
 Hoc simulacbro affecti ad castimoniam cultum
 spectantium animi.
 Pudicus oris decor tot habuit oculos testes,
 quot non aspexit.
 In adolescente pacatissimo sola fuit
 inter facilitatem, & gravitatem,
 inter pietatem, & doctrinam,
 inter mentis altitudinem, & sui despicientiam
 de principatu contentio.
 Pauca de multis, & minora rex
 in tuto dicis, & monumentum praconio.
 Cave mendacium,
 dum eius, qui in te se tegit,
 modestia obsequi stades.
 Talem igitur parvam, sic educatum, sic perfectum,
 Lutetia Parisorum Romam misit.
 Venit.
 Heu! penè ante de eius obitu doleandum fuit,
 quàm de aduentu gratulandum.
 Paucorum illic dierum alter alterum praeceptum truxit,
 urgente postremo,
 stabiles honores
 pro caducis
 quàm primùm largituro.
 In hunc postremum diem dum reliqui diuturna vita
 sese ingerant, repulsam tulere.
 Vnus omnium in se gloriam
 conclusam voluit.

Nulla

Nulla quidem Calum potest inuidia percutere.

Celestes tamen dotes
atque insignem adolescentis virtutem

Romana Curia, ac principibus viris
tam breui tempore perspici,
atque in amoribus haberi cœptam

Superi rapuere.

Sequana suas miscuit
cum Tyberi lacrymas,

hoc in funere tam vicina luctus consortio,
quàm disita loco.

In Trecensi Ecclesiâ tanto futuro Pastore orbatâ,
presentem boni iacturam

sperati magnitudo adauxit.

Multorum pia vota cecidere.

Iunxeram & ego mea,

cui tu IACOBE non minùs amore,
quàm sanguine coniunctus eras.

Plerumque varios vitæ fines vitæ finis diffat.

Sola celestis beatitudo stabilis virtuti.

Ad hanc, abs te, propemodum viuere inchoante,
vehementer optatam,

tot ac tantis virtutibus tuis
concitasti iura coronarum.

Conuolarunt.

Dum festinus viueres, tui hostis esse volueras.

Tecum pugnasti, & vicisti.

Victoriam hanc noua secuta est pugna.

Corona

*Corona ipsa in te ornando amula fuerunt.
Ab his acriter de magnitudine certatum.*
SVA VICTRICI CORONÆ CORONA FVIT.
CONGEMINASTIS TRIUMPHVM.

DE ADMODVM
REV. PATRE. IN CHRISTO,
P. MVTIO VITELLES CO
Societatis IESV Generali.

*Nec in te, MANTVA, vbi nunc ego recens aduena,
nec in te, ROMA, vbi quondam incola diuturnus,
tanti huius viri virtutes ac merita
commemorare, nedum celebrare
fas mihi est.*

*Hinc ea, qua in me nulla est, dicendi facultas,
illinc conspicua eius viui,
& grauis modestia obsistit.*

*Durum est in laudem alicuius non posse ferri
absq; vulnere laudata virtutis.*

*Quodd si gradum reuocas, vt huic medearis vulneri,
debitum vulneras tuum.*

Sed & nihil proficis.

*Laus enim illa optato à se tui istius reuocati officij
crescit obsequio;*

*dum Virtus Honori, per te resiliare conanti,
fundit habenas ad fugam,*

ne maiori plagæ det locum :
 & dat ramentum, vel inuita ;
 ed quoddam honor, quem auersatur,
 auctarium eius gloria sit.

Quid hic fiet ?

Virtus & sui cultoribus, & sibi facit negotium :
 Illis, quia eorum oratio, & silentium crimen incurrit ;
 sibi, quia per se, est laus ipsa, quam refugit.
 Sese à se auellere nequaquam potest.

Nulla hic partitio.

Seipsam patiatur necesse est.

Neque id ab infirmitate, sed à maiore potentiâ,
 suam videlicet fortitudinem deicere luctando nequit.

Sed, ut ut sit, ad me redeo.

Iniuriam facere nollem meo muneri,
 dum vnius studeo voluntati.

At omnem mihi negauit ars, & natura facundiam.

Quid tum ?

Habeo quos pro me subrogem.

Tuum mihi Virgilium, Mantua ;
 tuum, Roma, Tullium excita.

Quamquam sanè quorsum, hac in re,
 oratorum poetarumq; usus ?

Sit instar eorum omnium

SOCIETATIS IESV in MVTH VITELLESCHI

sui capitis

admirandâ, venerandâq;

in omni virtutum genere præstantiâ,
 constans animus, & summa consensio.

Interim ille, imperator silentij,
 qui & alios, & se multò magis,
 ad sui commendationem mutos esse vult,
 tametsi facundus ad alienam,
 fruatur, dum viuit (vtinam vita, vita meritū aquet!).
 fruatur, inquam, tam caro thesaurario silentio,
 postmodum tamen
 in maiorem ipsius existimationem
 dignitatemq; referando.
 Dicentur qua non dixit;
 & quòd illa dici noluerit, predicabitur.
 Silentium praco fiet:
 nullus vocalior.

Placuit

Placuit AVCTORI hâc breui Epistolâ, ad eximium oratorem Italum à se rescriptâ, totum opus suum Pænegyricum claudere.

ORATOR Italus sic eloquentiam suam nobilitat in REMONDO, vt vates Mantuanus carmen in culice. Papæ! vt video, amice, magnitudo tua crescit impendio paruitatis meæ. Debitor mihi es: immò egomet mihi, quia nihil sum feliciter. Euge, bone vir, si pergis, commodus sum ad tuam gloriam. Benè tibi est ingenio & amore. Argumentis indè profectis, congeminasti sortem ad lucrum vtriusq; nostrum; tuo quidem, non meo merito. sapis. At contrà, meum est silere de te, ne, qui antea nihil, nunc autem per te videor aliquis, in te tanto oratore celebrando, planissimè peream. Superstes esse volo, vt ego ipse, viuus, extem monumentum erga te, atque alios, modò non vanos atque vmbrales amicos, repensî solidi ac perspicui amoris: in quo quidem monumento nulla delicti nota incidi queat, nisi de ambitu æmulæ caritatis. Vale.

INDEX PANEGYRICARVM ORATIONVM.

ORAT. I. I GNATII profana militia, sacra prima origo.	pag. 10.
ORAT. II. Curatio vulneris medicinam Ignatij animo parat.	16.
ORAT. III. <i>Quæsito tediij leuamento, Ignatius animi salutem inuenit.</i>	22.
ORAT. IV. Ignatij perfecta vita, morum, sedisq; mutatio.	30
<u>ORAT. V. Memoratu digna de Ignatio in Monte Ser-rato.</u>	<u>40.</u>
<u>ORAT. VI. Minoreſſe admiranda Ignatij vita ratio.</u>	<u>47.</u>
<u>ORAT. VII. Minoreſſe atrociffima demonum bella contra Ignatium, pugnaq; ſucceſſus.</u>	<u>54.</u>
<u>ORAT. VIII. Venetias contendit Ignatius; inde in Pa-laſtinam, tum in Hiſpaniam reuerſitur.</u>	<u>67.</u>
<u>ORAT. IX. Ignatius dat operam litteris in Hiſpaniâ, vbi eius innocentia miris modis exercita, fit illu-ſtris..</u>	<u>79.</u>
<u>ORAT. X. Ignatij Pariſienſia ſtudia, laborumq; fru-ctus.</u>	<u>93.</u>
ORAT. XI. Virgarum ſupplicium Ignatij virtuti para-tum.	103.
ORAT. XII. Inauditum Ignatij factum, auocando ab obſcænis amoribus homini.	III.
ORAT.	

I N D E X.

ORAT. XIII. *Lutetia Parisiorum Societatis IESV primordia; inde Ignatij in patriam primò, tum Romam ad summum Pontificem cum socijs profectio.*

121.

ORAT. XIV. *In Palaestinam traiecturus cū socijs Ignatius, Venetias repetit. Eorum illic, ac totâ ditione acta; clausq; in Syriam aditu, Romana reuersio, Societatisq; Iesu institutio.*

130.

ORAT. XV. *Francisci Xaverij (rege Lusitania aliquot è socijs Ignatij petente) in Indiam destinati, laudum initium. Eiusdem in suo corpore cruciando portentosum inuentum.*

141.

ORAT. XVI. *Franciscus Xaverius in valetudinario Veneto, prodigiosa caritate, homini fadissimâ lue correpto famulatur.*

158.

ORAT. XVII. *Xaverius in Lusitaniam proficiscitur (magno regni bono) illic se ad iter Indicum paraturus; ac tandem iter Goam nauigantis describitur.*

170.

ORAT. XVIII. *Francisci Xaverij itinera omnia.*

183.

ORAT. XIX. *De iisdem itineribus Xaverij, potissimum verò de transitu linea æquinoctialis.*

193.

ORAT. XX. *Xaverij acta in Indiâ.*

200.

ORAT. XXI. *Xaverij acta in Iaponiâ.*

212.

ORAT. XXII. *Francisci Xaverij virtutes; ac primò quidem, summa animi demissio.*

234.

ORAT. XXIII. *Xaverij animi magnitudo, constantia, fortitudo, angelica pudicitia; in impuro somnio nobilis victoria; in tractandis hominum animis sin-*

I N D E X.

<i>gularis prudentia.</i>	245.
ORAT. XXIV. <i>Xaverij admiranda in Deum atque homines caritas, ac felix ex hac vitâ discessus.</i>	255.
ORAT. XXV. <i>Reliqua Ignatij vita Roma acta. Eius illic in omnium hominum procurandâ salute incredibile studium atque industria.</i>	274.
ORAT. XXVI. <i>Ignatij animus omnibus virtutum numeris perfectus.</i>	286.
ORAT. XXVII. <i>Ignatij felix obitus.</i>	294.
ORAT. XXVIII. <i>Ignatij miracula.</i>	307.
ORAT. XXIX. <i>Francisci Xaverij miracula in elementis.</i>	319.
ORAT. XXX. <i>Xaverij alia insignium miraculorum genera.</i>	331.



E Go Alexander Neuola, Societatis IESV
in Prouinciâ Venetâ Præpositus Pro-
uincialis, potestate ad id mihi factâ à
Reu. Adm. P. N. Generali Mutio Vi-
tellesco, facultatem concedo, vt Francisci Re-
mondi Diuionensis, Societatis IESV Panegyri-
cæ Orationes in laudem Sanctorum IGNATII
LOYOLÆ, Societatis IESV fundatoris, &
FRANCISCI XAVERII eiusdem Societatis, In-
diæ & Iaponiæ Apostoli; & aliquot Elogia &
Epitaphia, eodē auctore, triū doctorum viro-
rum nostræ Societatis iudicio approbata, typis
mandentur. In quorum fidem has literas pro-
priâ manu subscriptas, & sigillo nostro muni-
tas dedimus. Mantuæ, 8. Octob. anno 1625.

Alexander Neuola.

